

**ANDREAE
EUDAEMONIOANNIS
... ADUERSUS
ROBERTI ABBATI
OXONIENSIS DE...**

Andreas Eudaemon Joannes





Ex Bibliotheca
majori Coll. Rom.
Societ. Jesu

53.3.19.

53
E
17





ANDREAE
EVDAEMONIO-
ANNIS CYDONII E SO-
CIETATE IESV,



Aduersus

ROBERTI ABBATI
OXONIENSIS DE ANTICHRISTO
SOPHISMATA DISPUTATIONIS
LIBRI TRES.

*Collig. Rum.
Catal.
Bibl. Cod.*



*pro. Jesu
Inscript.
B. Harm.*

Cum facultate Superiorum,
Gratia & privilegio Cæsareæ Maiestatis.
INGOLSTADII,
Ex Typographico ADAMI SARTORII.
ANNO M. DC. IX. +



CLAVDIVS AQVAVIVA, SO-
CIETATIS IESV PRÆPOSI-
TVS GENERALIS.



*V*M opus hoc, cui titulus est, An-
drea Eudemonioannis Cydonijè So-
cietate Jesu, aduersus Roberti Ab-
bati Oxoniensis de Antichristo sophismata di-
sputationis libri tres; tres eiusdem Societatis
Theologi recognouerint; & in lucem edi posse
probauerint; facultatem concedimus, vt typis
mandetur, si iis ad quos pertinet, ita videbit-
tur. In quorum fidem has literas manu no-
stra subscriptas, & sigillo nostro munitas
dedimus Rome XXVIII.

Decembris 1608.

CLAVDIVS AQVAVIVA.

PRÆPOBITVS

LIBRARIVS

IN



LECTORI.

ANTEQVAM ad suæ de Anti-
christo blasphemix confirma-
tionem propius accederet Ro-
bertus Abbat; veluti prælu-
sionis loco, ad Patrum auctoritatem, qua
incolumi ludere se operam cernebat, aut
euertendam, aut labefactandam quidem
certè admouendas sibi machinas omnes
existimauit. Quæ me res impulit, Lector, vt
primodisputationis huius libro exceptioni-
bus eius calumniisq; confutatis osten-
derem, præter tuendæ blasphemix suæ de-
sperationem, nullam illi esse causam, cur
in hac controuersia, ab eorum iudicio, sen-
tentiaque discedat. Tum vero ne forte, vt
genus hoc hominum omnem calumniæ
ansâ audissime arripit, criminaretur, nos
in Patrum hæsisse literis, scripturarum pa-

trocinio destitutos : ita consequentibus
duobus libris de Antichristo disputaui; vt
docerem, non minus sacras literas, quā Pa-
tres ipsos à nobis stare. Quæ mihi disputa-
tio quo expeditior esset; neque tertio quoq;
verbo è scripturis digredi cogerer ad ca mē-
dacia refellenda, quibus, vt nos in inuidi-
am apud imperitos vocaret, librum suū
referat: non nulla de iis in extremo primo
libro scribenda fuerunt. Erit id tibi abba-
tianæ fidei satis locuples documentum.
Ceterum quo explicatius scias, quid in vno
quoque libro contineatur; summa tracta-
tionis capita singulis præscribenda curaui-
mus, Vale.



ANDRE-



ANDREAS
EVDAEMONIO.
ANNES E SOCIE-
TATE IESV

AMICO ANGLO IN
BELGIO EXVLANTI S. ET
P. CHRISTI DO-
MINI.



*ERIS quàm aut tu velles, aut postulares
res, hoc est pridie Kalendas Nouembrii, cum
Romam fortè venissem, liber Roberti nescio
cuius Abbati Oxoniensis, cui inscriptio est
Antichristi Demonstratio mihi redditus
est confusandus. Perlegi uno propemodum
spiritu, ut viderem quid prodigiosus hic montium partus
portenderet: & ecce tibi nascitur, non iam ut est in veteri
proverbio ridiculus muus; sed ranunculus fœda, atq; importuna
bestiola. id quod in ea epistola, qua Iacobo Regi paulo antere-
nunciato gratulationis causa librum dedicas, de se, deq; sodali-
um suorum natione tota huius verbis ipse proficitur: Liceat no-
bis quoque ranunculis, inclityssime Rex è studiorum*

A 3 officii.

officinis, tanquam è specubus, & cauernulis obsequia nostra contestari. *Præclarum verò spectaculum; ac si Abbato acuto homini credimus, Euangelij dignum maiestate, vanūculus exerto è cauernula capite de diuinis oraculis disputās, Batrachomyomachiam opinor aliquam, aut Aristophanæum ludicrum, non Theologicam tractationem egregius scriptor instituit; quis enim in re seria locus esse fædo, ac ridiculo animalculo potuit? At enim ad se moresq; suos respexit Abbatas cum ista scriberet. Et agnosco, & verò etiam laudo hominis in tam apta metaphora excogitanda solertiam. Sed qua ratione tam inepta animans in sacrarium illud augustissimum audet irrumpere; atq; altum illud silentium, quo Deo suspensa tanta maiestatis reuerentia piorum mentes feriantur, rumpere clamoribus importunis? Deinde cur non multo maxime accommodata similitudine eorum se potius appellauit; cuius ingenium tum absurdè atq; absone crocitanda, tum laniandis sanctorum carnibus exprimit? Aut si aperti, ac liberi calio odio, qua est eius impuritas morum, ac vita planè lutulenta (spurcus homo vita illa dignu, locoque) harere in cano, ac latere in paludibus maluisset; buffonem dixisset aptius, animal neq; minus fadum, & loquacitate importunum, & veneno nocens. Certè cum vices Oxoniensis Cancellarij gerens Elisabetha Regina conquirendis Catholicis sacerdotibus, atq; Ecclesia diuexanda strenuam nauasset operam, veritus ea demortua, ne si minus irato Principe in Anglia fides vteretur, remittente persequutionis rabie artificium suum iaceret, sibiq; exaturanda sanctorum sanguine sitis sua, opportunitas periret; in ipso libri sui initio nequissime calumniando Regis in nos iram exacuit. Sed nimirum & miseranda eius regni conditionis vaticinium, & confessionem terribim Spiritus, atq; apostolatus sui elicit imprudenti Spiritus sanctus, ut alia omnia cogitans fatere-*

tur,

AD AMICVM.

sur, & Aegyptiorum calamitatibus iam terram premi, qua dederit ranas in penetralibus Regum ipsorum. & scius agitari spiritibus demoniorum, qui Apocalyp. 16. in modum ranarum de ore Draconis, & bestiae, & Pseudoprophetae procedunt ad Reges totius terrae, congregare illos in praelium magnum omnipotentis Dei. Infelix hominum genus, quibus tam altè suus error infederit; ut excacatis veritatis odio mentibus, non modo ea ipsa, qua de se ipsi predicant, non agnoscant; sed etiam, quod longè miserrimum est, de sua sibi miseria blandiantur.

Ceterum quando Antichristi, cuius ut impietatem, ita in nos odium imitatur, commemoratio Abbatum tantopere delectat, ut tam multa de eo garriendo lectores fatigavit: geram eius cupiditati morem, atq; ita in hoc argumento versabor, ut abstineam ceteris omnibus. Quanquam enim grauius eius tum in Ecclesiam uniuersam, tum priuatim in nostram societatem contumeliis, calumniisq; laceratus, hominis improbi temeritatem castigare iurè meo possem: intactum tamentotum eum locum relinquam, ne aliam, quam fidei causam suscepisse cuiuspiam videar. Verum ne aut gloriari possit Abbatum magnis nostrorum voluminibus ineptias suas confutari debuisse aut responsio, qua multò antè prodisse debuit diutius desideretur: pleniorẽ eius rei tractationem in aliud tempus reiiciam, in praesentia non tam confutationem iustitiam, quàm castigationem, sed ita tamen, ut quando eum tantopere batrachomyomachia delectat; intelligat Phisignathus meus orationem suam ut apud psicharpagem quempiam, aut ranarum concionem aliquid habeat ponderis ad imponendum: Minerua tamẽ clamoribus inconditis non nisi caput obtundere. Breuiter itaq; demonstrabo neq; iustas esse exceptiones eaq; quibus eleuare Patrum auctoritatem, ac fidem in hoc negotio suspectam reddere niti-

EPIST. AD AMIC.

renititur & sacrarum litterarum oracula pro maioribus nostris stare. Tu interim exilij arumnas, qua par est animi magnitudine, atq; constantia pro Christo, eiusq; Ecclesia perfer, sitamen ferenda, ac non amanda potius, atque expetenda sunt ea, quibus vel Christi Domini testimonio beatitudo continetur. Sed tamen quicquid demum istuc est acerbis, & molestia magno, atq; erecto animo tolera. Euigilabit enim, cum opportunum fuerit is, apud quem etiam capillorum nostrorum numerus constat, & surgens imperabit ventis & mari & ponet procellam eius in auram, & fluctus eius silebunt. Nulla unquam persecutio satana eiusq; membris successit, quam quae commouet, ad certum triumphum nos vocat. Sexdecim iam annorum centuriis ferendo vincimus; & dum iugulo ferrum recipimus, debellamus. Diuturnum esse non potest; quicquid aduersus Ecclesiam porta inferi moliuntur. Dum exurgens Dominus misereatur Sion; ipsos etiam eius lapides adamemus, quos spes aeterna retributionis emollit, & suauitate sua conditos Christi caritas reddit super mel, & fauum palato fidei dulciores. Vale Neapoli ipsis Kalendis Ianuariis anno.

MDCVIII.



Liber pri.



Lib. I. Patrum in hac Controuersia auctoritas asseritur atque Roberti Abbati fraudes deteguntur.

I. Controuersias fidei solo scripturarum iudicio decidi non posse.

II. Traditionum Abbato etiam teste maxima atque antiquissima in Ecclesia veneratio.

III. Abbati etiam confessione longè diuersissimā Antichristi notionē Patres habuerunt quam nūc habeant sectarij.

IV. Abbatus impie in Patres inuehitur.

V. Responsio ad ea quæ ab Abbato Patrū de Antichristo doctrinæ obiciuntur. vbi omnia fere diluuntur aduersariorum argumenta.

VI. Abbati imposturæ ac mendacia

B ad mi-

ad minuendam auctoritatem
Patrū. Vbi & de templo in quo
fessurus est Antichristus, deque
historia B. Teclæ disputatur.

VII. Abbatus fingit historias quas pro
veris ac minimè dubiis ad la-
befactandam Patrum auctori-
tatem proferat.

VIII. Abbatus secum pugnat.

IX. Abbatus in reliquo opere nihilo
fidelior quàm in primo capi-
tulo.

X. Propulsatur à Catholicis impri-
misque à Campiano fraudis
suspicio.

XI. Abbatus in historia parum fide-
lis.



ANDREAE



A N D R E A E
E V D A E M O N I O -
A N N I S C Y D O N I I E
S O C I E T A T E
I E S V,

A D V E R S V S

ROBERTI ABBATI OXONIEN-
SIS DE ANTICHRISTO,

S O P H I S M A T A D I S P U -
T A T I O N I S,

L I B E R P R I M V S:

Q V O P A T R V M I N H A C C O N T R O -
V E R S I A A S S E R I T V R A V C T O R I T A S, A C
fraudes primi præsertim capitis
dereguntur.



V M ceteris omnibus in rebus, quas in con-
trouersiam vocare conati sunt nostræ tem-
pestatis Hæretici, à nobis stat vetus Ecclesia:
tum verò in hoc Antichristi negotio ita a-
perce, se.

*Controuer-
sias fides
sola scys-
matum
in nescio de-
tecto nō pos-*

perre, atque diserte causam nostram tueretur omnis antiquitas, ut nisi ea penitus repudiata commentitius sectariorum Antichristus ne nominari quidem sine risu, ac sibilis possit. Eam ob rem ut ea se molestia liberet Phylagathus, perinde quasi cum muribus congregandum sit, classicum in Patres canit, atque eorum auctoritatem, qua incolumi saluus esse non potest, aut euertere funditus, aut labefactare quidem certe machinis omnibus nititur Demens, qui iuncis palustribus speret eam arcem dirui posse, quæ tam validis Satanæ arietibus, tot sæculis ne concuti quidem vlla ex parte potuerit. Ergo ut sibi aditum ad reliquam disputationem aperiat, id agit hoc capite ut lectoribus persuadeat audiri Patres in hac causa non oportere; quippe quos à veritate diuersos Hæreticorum fabulæ, & malus vulgi error abstulerit. Egregiam verò ac plenam sapientiæ pietatisque disciplinam: quæ nisi conculcatis Patribus, ac deleta prius auctoritate veteris Ecclesiæ, tradi non possit; cuique epicurea illa præfatione in ipso vestibulo vrendum sit, ne quis abiecta Patrum religione, atque estimatione vetustatis imminuta, existimet

*Impia serationis inire elementa, viamque
Indugredi sceleris.*

Patres igitur reiicit, cum quibus exploratum habet nihil sibi esse posse commune. Ad scripturas prouocat; quarum videlicet ij vel parum consulti, vel parum studiosi fuerint. Id quod ipsa capitis huius inscriptione contestatur. *Cuius inquit Antichristi veram notionem ostenditur non ex patribus, sed ex scripturis explicari debere.* Quid ita? quia ut ait scilicet octaua. *Pontificiorum errorem sequantur necesse est ij; qui scripturas de Patrum tantummodo senten-*

sententiis exponunt; non Patrum sententias, & dogmata ad scripturarum iustissimam, & aequissimam lancem appendunt. Quid igitur agendum nobis in hac causa censes? nimirum, Ut meminerimus litteras illas scripturarum ancillas esse debere; non dominas, non iudices, qui sententia necessitatem imponant: Sed indices, qui admoceant. At cur tandem? Ut dissentire, inquit, liberum sit si quid indicare videntur, in scripturis ipsis inueniri non possit. Hæc in vniuersum dicta; quid de hac causa sentis? Hæc, inquit, rēenda nobis est regula in hac causa peruestiganda quam proponimus. Neq; enim de Antichristo, vel Antichristi dogmate rectē sentire poterimus; nisi sacris scripturis questionem omnem ita sistamus; ut nihil apud nos auctoritatem obtineat, quod non ex illis fundamentis certissimis argumentis extructum sit. At quorsum ista tam multis disputas? quorsum tam multa exscribis ex imperfecto illo commentario in Matthæum? Ad disputationem hanc nostram, inquit, pramuniendam, aduersus calumnias Papistarum, ut intelligant nos opīmaratione, & Patribus ipsis probatissima docere; controuersiam omnem de Antichristo, non de hominum quorumcunq; coniecturis; sed de scripturā diuinis finiendam esse. Illic periculum esse ne in abominationem desolationis incidamus. hic tantummodo nos securos esse, & veram Christi Ecclesiam, cui nosmet adiungere debeamus, ab Antichristi turba distinguere doceri. Ain verò adeo ne perspicuè, atque apertè de Antichristo loquuntur scripturæ, ut in earum peruestigatione nullus nobis error possit obrepere? Nam si ita est iaceant omnino scripta Patrum, ac non modo (quod tamē scēt. 8. concedit Abbatas) non grande momentum in iis esse ad lucem scripturis afferendam existimetur, sed nelegantur quidem. Qui se diuinas litteras, quas ne non

intelligere quidem possumus, rectè interpretantur; nihil nobis præsidij afferunt ad veritatem assequendam. Si claram, atque expositam veritatem assequuti in scripturis non sunt: profecto aut stipites eos fuisse necesse est, qui in luce meridiana cæcutierint, aut in errores ipsi sese velut in laqueos inducere voluerunt. Sin autem ita veritatem sacræ litteræ continent: vt quia multis est vallata difficultatibus, facile humanum ingenium fallat; interpretationis luce ad earum intelligentiam opus est: qua igitur ratione totam hanc causam sacris litteris sistimus? aut quæ tandem ista prouocatio est, qua scripturarum iudicium verbo prætexitur, re vera interpretum tribunal aditur? Patres ne igitur tales, ac tantos viros iudices non patiemur: alios nescio quos huic Controuersiz præesse disceptatores patiemur? An auditis aliorum rationibus suum quisque iudicium tanquam prætoris sententiam interponet, atque id demum diuinæ litteræ continebunt, quod cuique videbitur? torrigitur erunt veritates, vt Protagoras olim affirmabat teste Ar. 4. Met. 1. 19. quot capita; At enim nihil est affirmandum, nisi certissimis, firmissimisque rationibus ex scripturis colligatur. Opinor, si aut ita est perspicax humanum ingenium, vt non modo in rebus inuolutis, atque reconditis, sed etiam in iis, quæ palam expositæ sunt, errare aliquando non possit, aut nullæ sunt doctissimorum hominum de naturalibus etiam rebus dissensiones. Cum tamen suam singuli sententiam certissimis se rationibus tueri existiment, aut cum octogesimo iam annu de verbis cœnæ Domini Lutherani, ac Sacramentarij inter se tam acriter digladientur; vel Lutheranis firmissimæ illæ Sacramentariorum ratio-

nationes, vel verba Domini, quæ Luthero tam firmiter
stant, probari vnquam Sacramentariis potuerunt. Hic
mihi iâ Phisignathe vbi ex aquila tua musco prætexta-
tus emerferis, tantæ Controuersiæ cognitor ranarum
consilium aduoca : Citari ad dicendam causam Poly-
phoni voce Lutherum & Caroloſtadium iube: postquā
perorauerint de Lymnisij Hypsiboæque sententia pro-
nuncia, Lutherum, qui simplicem verborum Domini
veritatem tucatur; quantumuis contra cœlestes Pro-
phetas clamando rumpatur, parum firmis rationibus
vsum: Caroloſtadium contra, cui vt olim Petro incar-
nationis mysterium, ita Pater Cœlestis reuelauerit in
verbis cœnæ pronomen, Hoc, aduerbium esse loci, veri-
tatem assequutam videri: Tum verò qualis, quantus-
que ferere? quis te tota palude plausus excipiet? quanta
consequetur admiratio sapientiæ tuæ? Quanto & ad
religionis Maiestatem, & ad vnitatem fidei accommo-
datus Catholica Christi Ecclesia? quæ cum intelligat
nullas esse humani ingenij tantas vires, quas aliquid
aliquando non lateat: quamuis Patrum ingenia, vt par
est, suspiciat, ac iudicia veneretur: tamen fidem suam,
quæ diuina cœtitudine niti debet, iis non meritur: Sed
cum fieri non possit, vt viros suæ tempestatis primarios,
aut omnes, aut plurimos fugerit id, quod veteris, hoc
est probatissima Ecclesiæ in qua floruerunt, fides tene-
bat; vera autem Christi Ecclesia columna sit, ac firma-
mentum veritatis, aduersus quam diuina promissione
portæ inferi præualere non possunt: non dubitat id esse
certissimum, quod in diuinorum dogmatum explica-
tione consentiens Patrum, hoc est, veræ Ecclesiæ com-
mendata auctoritas.

Id ad cō

2.
Tradition-
em Abbatis
etiam teste
maxima,
atq; anti-
quissima
in Ecclesia
Generatio.

Id adeò prisco more atq; antiquissima Ecclesiæ disciplina semper viguisse inficiari Abbatas ipse non potuit, cuius ea verba sunt sect. 3. Enimvero apud Antiquos superstio illa plus satis inualuit, qua piaculum esse credebatur ab illorum instituto, & sententiarecedere, qui prius in Ecclesia celebres fuissent; qui quidem quo propius aberant à prima fidei propagine & accepisse vera, & sensisse videri possent. Habemus igitur in re tanta testem, atque ad stipulatorem aduersarium; cui superstitiones nos videri cū tota antiquitate non moleste feremus; dum ipse se suosque omnes veteris Ecclesiæ iudicio eo nomine piaculi reos esse fateatur. Nec dissimilia sunt quæ subiicit sect. 4 Porro, inquit, ad superstitionem desperatio accessit; qua fregit animos, & interceptis conatus illos, quibus assurgere posteriores quique ad maiora debuerant, de egregiorum virorum lucubrationibus, & scriptis non inertiam amplexi; sed ad maiorem iudicandi diligentiam, & industriam excitari. Id ipsum in antiquis Patribus desiderat, quod suos factitare videt; qui non discendi, sed reprehendendi studio maiorum scripta peruolunt; ut mirum non sit, si dum tam auide querunt quod improbent, inducti peruersitate animi in eruditissimis voluminibus nihil probent. Sed reliqua audiamus. At qui plerūque, inquit, longe alius erat animus, quo eos, quibus se adiunxerant, ita putarunt absoluisse omnia, ut nihil sibi ultra perquirendum indicarent; nihil putarent certius à quoquam aut sanius excogitari potuisse. Neque verò excogitari quicquam debuit, cum ne illi quidem, qui primi scripserant, à se inuenta, sed accepta à maioribus traderent. Hæreticorum ea nota est, captare gloriam de singularitate scientiæ, ut ipsemet Abbatas ex Bernardo serm. 65, in Cant. testatur. Patres
eam

eam disciplinam tuentur, quam ab Apostolis acceptam semper coluit Ecclesia; à qua qui discesserit; is nihil vnquam sani nihil certi afferre potest. Nam cetera, quæ ad explicationem fidei non faciebant, vsque adeò non religiosè in veterum scriptis posteriores Patres sectati sunt: vt nihil deterriti maiorum laboribus, clarissimis voluminibus Ecclesiam auxerint. Huc item spectat, quod eadem sectione scribit, *Ni posteriora quæq; tempora in superiorum ingenis, & laboribus nimium acquieuisent: baud dubium esse, quin multo feliciores sacrarum litterarum tractatores, & interpretes proferri potuissent.* Atqui nulli vnquam hominum vitio quisquam vertit, quod nouis lucubrationibus sacras litteras illustrasset; nullo vnquã sæculo defuere permulti; qui in eo scribendi genere cù laude versarentur. Sed ita tamen; vt à maiorum institutis, ac disciplina nunquam recederent, ita nouas interpretationes molirentur; vt maiorum vestigiis in dogmatis inhzrent; neque de eorum fide ac religione iudicarent; quorum fidei se filios esse gloriarentur. Habemus igitur Abbatogratiā, atq; etiam agimus, quod tantam fuisse apud veteres traditionum religionem nobis vltro concesserit. neque enim eius rei causa defectiois nos iure quisquam arguerit: quam constet sacrosanctam apud eos semper fuisse; qui tamen sine controuersia in vera Ecclesia floruerunt. Ipse contra negare non poterit, suarum partium homines ab ea Christi Ecclesia desciiuisse, quæ veram Euangelij prædicationē etiam tum retineret; cum ea religiosè seruabat, quæ in nobis isti reprehendunt.

Quamquam Abbatuſ quidem, vt video, quo est vel
 C
 Supore;

*tiam cōfes-
sionē deuer-
sissimā an-
ticb. notio-
nem Patres
habuerūt,
quā nunc
seltarij ha-
beant.*

Stupore, vel impudentia, hæc non magnoperè mora-
tur: quid enim si alia fuit veteris Ecclesiæ fides? Ita nul-
li parcit ranarum importuna loquacitas: vt Mineruæ
etiam obstrepat. Itaque sine vlla tergiuersatione nobis
dat, longè aliam fuisse notionem eam, quam de Anti-
christo iam inde à primis Ecclesiæ temporibus veteres
habuerunt; aliam eam, quam è suorum somniis allego-
rici nescio cuius Antichristi nobis obtrudit. nimirum
nihil apud istos ne ipsum quidem Christi Corpus, nisi
allegoricum est, qua de re scēt. prima capitis huius hæc
scribit. *De Antichristo quidem materia erat lasciuientibus
ingeniis aptissima; cuius nomē postquam in Ecclesia percrebu-
isset, captum est inquiri, quis ille, & qualis futurus; ubi &
quando venturus; quid & quibus, & quomōdō facturum esset, &
curiosa temeritas, quod erat in scripturis obscurius, & Prophe-
tia tenebris inuolutum; euolui sibi voluit & explicari, vt tan-
quam sub oculis Antichristum haberet, & illum clara luce
conspicuum intueretur.* Vides quam altè notionis huius,
quæ in Ecclesia semper de Antichristo vixit; originem
reperat; cum parem eam ipsis Ecclesiæ incunabulis fa-
ciat? Nam Apostolorum tempore Antichristi nomen
celeberrimū in Ecclesia fuisse satis ex eo constat: quod
& Ioannes Apostolus Epist. prim. cap. secundo de eo
quasi de re notissima loquitur. *Audistis, inquit, quon-
iam Antichristus venit,* & Paulus 2. Thessalonic. 3 de eo se-
iam ante coram disputasse commemorat. Neque ve-
rò poterat res tanta aut silentio ab Apostolis premis aut
audita fidelium sermonibus non celebrari. Neque ne-
gat Abbatus ipse iam inde ab Apostolorum discipulis
eam Antichristi notionem in Ecclesia fuisse, quam cum
in primæ sectionis clausula protulisset; ita insequen-
tem

tem aggressus est. *Has fabulas, inquit, & alias nonnullas, quas Bellarminus perridiculus sophista demonstrationum nomine proponit, Papias, ut videtur, primus arripuit. qui misserrimo errore plus traditione viue vocis, quã consignatis scripturarum tabulis acquiescens, malefidis Apostolicorum virorum sectatoribus ultro se fallendum prabuit, &c. At quis tandem, qualisue est fabulosus iste, atque ut tu mentiris, è somnitiis edolatus Antichristus? Hinc illa manarunt, inquit, sect. prima, Antichristum fore Iudeum, & nasciturum ex tribu Dan, templum Hierosolymitanum instauraturum, ibi sessurum, ibi illum Iudeos veneraturos, deinde praelium cum gentibus facturum, subiugaturum sibi orbem terrarum, & hac omnia tribus annis & dimidio facturum. Quibusquamvis peruulgatis in Ecclesia, testatur ipse haud facile repertum esse quemquam, quantum quidem apparet, qui occurrerit; cuius rei causam sect. secunda extrema his verbis conatur reddere. *Quæ de Antichristo cõficta sunt, inquit, quia manifesta in illis fidei prauaricatio non apparuit, (quam tamen isti ut sunt tota antiquitate tanto acutiores reuelato Lutheri Euangelio peruiderunt) nihil mirum est in sedisse tenacius, & apud posteros tanquam verissima praualluisse, quæ maiorum, & quidem tanti nominis virorum auctoritate suscepta, & firmata sunt. Huc etiam illa faciunt, quæ subiicit sect. 3. Multa, quæ ab antiquissimis scriptoribus de Antichristo asseruntur, de tam infirmis, tam nullis argumentis esse profecta: ut illa constare possent, non nisi ab impostoribus, & hæreticis inuenta esse; aut certè non nisi persummam negligentiam tantis viris obrepere potuisse. quibus illud etiam succinit, quo quintam illam sect. elaudit. Plura sunt, inquit, eiusmodi apud veteres à primis ferè temporibus accepta; quasi attentè posteri animaduertis-**

sent, & ad seuerioris (Lutherani videlicet, aut Caluiniani) *iuducij sateram appendissent, castigassent ipsi libros suos, & longè alias nobis de Antichristo sententias prodidissent.* Ex quibus illud efficitur eum, quem isti somniant Antichristum, inauditum penitus fuisse priscis Ecclesiæ sæculis: cum quem vetus Ecclesia futurum aliquando credidit, quemque nos antiquæ fidei sectatores in scripturis sacris traditum agnoscimus aduersariorum etiam testimonio nondum extitisse. Vt non iniuria rationes eas, quibus ad tantæ rei confessionem inuitos litet, ac reluctantes, eos compulit; demonstrationes appellauerit Bellarminus perridiculus scilicet ille sophista, cuius eruditio ita eos afflixit; vt vix oculos contra tollere audeant; ac vir ille demum doctissimus inter eos habeatur qui ex tantis eius libris pauculas aliquot pagellas per calumniam, quamuis magnis voluminibus carpsit.

4.
Abbat. im-
pietatem Pa-
tristum ne-
buimus.

Quæ res ita pupugit Abbatum vt inusitata quadam rabie in Patres inuectus sit. *Sic oculos, inquit, sect. 4. aperuissent homines, & suam quæcunq; iudicandi facultatem adhibuissent, resciscunt optimè multa, quæ ab antiquissimis scriptoribus de Antichristo asseruntur, de tam infirmis, tam nullis argumentis esse profecta: vt illa cõstare posset non nisi ab impostoribus, & hæreticis inuenta esse; aut certè non nisi per summam negligentiam tantis ingenijs obrepere potuisse.* Agnosco Calvinianam in Patres pietatem, & obseruantiam. Igitur, si Deo placet Abbate, aut impostores, aut nullo planè iudicio præditi summi illi viri fuisse dicendi sunt? Si enim tam infirmis, ac planè nullis argumentis adducti sunt, vt ea docerent, quæ tu vir ingeniosus, & acutus in eorum scriptis reprehendis: vt si suam quam-
cun-

cunque iudicandi facultatem hoc est , etiam exiguam adhibuissent homines, facile iis constare potuerit non nisi ab impostoribus & hæreticis ea inuenta esse, aut nō nisi per summam negligentiam iis obrepere potuisse: profecto aut planè plumbei fuerunt; qui cum attente cogitarent; rem perspicuam, atque oculis omnium expositam non viderint; aut impostores, qui cum sentirent quid dicerent, scientes, volentesque Ecclesiam fefellerunt. Nam quod per summam negligentiam iis obrepisse significas; primum turpissimam notam sanctissimis viris inuris; quos non oscitantes modò, quod ipsum grauissimum esset, sed planè somniantes de diuinis rebus scripsisse velis. Quantam enim eorum socordiam fuisse necesse est: quos tanto ingenio præditos, quanto vix vlli mortalium fuerunt, in rerum diuinarum tractatione reseræ fugerint, quæ quacunque hoc est etiam exigua, iudicandi facultate deprehendi, diiudicari potuerunt? Deinde rem narras planè incredibilem; qui enim fieri potuit, vt tam multos, tam doctos, tam ingeniosos viros, iisdem de rebus sæpius, atque otiosè cogitantes tantus animi torpor simul occuparet; vt non animaduertent quid, aut quibus de causis, de re tanta, toties in sacris litteris, tanto apparatu repetita inter Christianos iam inde ab Apostolicis temporibus, vel teste te celeberrima, tam serio pronūciarint. At quos homines & quales viros? quem vniuersitatis florem? quæ mundi lumina tantæ socordię inertięque condemnas? Hieronymum, Hilarium, Augustinum, Magnum Gregorium, Ambrosium, Sulpicium, Lactantium, Haymonem, Bedan, Anselmum, Sedulium, Prosperum, Primasium, duos Cyrillos, Epiphanium, Chrysostomum,

sacras litteras interpretabantur. Sed cognoscite reliqua. *Qua verò, inquit, definitionibus istis de sermone Hæreticorum, & priuatis hominum opinionibus admixta sunt: ea non dubito, quin ad efficaciam illusionis pertinere debuerint, ut qui sacris oraculis non contenti, fidem sibi de placitis humanis petendam iudicarent; haberent in Patrum scriptis ad quod impingerent, & credulitate sua duriores, & obstinatores efficerentur.* Id scilicet agebat Deus, ut nos Patrum erroribus falleret; atque in fraudem eos induceret; ut nos eorum fraude periremus. nam fraudem istam ad Deum paulò post refert egregius Caluini discipulus. *De Patrum scriptis, inquit, affirmare audeamus sic esse Dei voluntate disposita; ut quibus Christum à scripturis callere non sufficit: à Patribus fallantur de Antichristo: & ei se submittant, quem scriptura describit: dum non alium illum futurum credunt, quam à Patribus acceperunt.* Qualem enim illum futurum crederemus? qualem vos in vestris cauernulis quodaxatis? nam sacris quidem litteris, ut par est verbo Dei, sine controuersia credimus; sed quæ in iis obscura atque inuoluta sunt; eorum explicationem non proprio ingenio fingimus; sed à patribus petendū existimamus. Punit igitur nos Deus, si vera narras; non quod humanis quam diuinis litteris plus fidei tribuamus; sed quod modestè de nobis demisseque sentimus; ac stare Patrū, quam nostro iudicio malumus. Cum tamē superbis resistat; humilibus det gratiam. Pergit. *Quod in aliis etiam nonnullis fidei capitibus contigisse non dubitamus; cum tam multa videamus apud Patres; quæ superstitioni aditum aperiant, & patrocinari videantur erroribus illis: quibus Antichristus orbem terrarum sibi subiectum & captiuum tenere debuit; quo loco, & si libentissimè accipimus quod dat*
de iis

de iis fidei capitibus, quorum causa Antichristum nobis affingunt, aut omnibus, aut multis quidem certe Patres nobiscum sentire: tamen ne gratulari quidem sine dolore, ac stomacho possumus: quod Patres acerbis contumeliis homo perditus infectetur. At qui tandem factum Abbate putas, ut tantorum malorum segetem sanctissimorum virorum litteræ continerent? *Nam tantum illum seductorem, inquit, instrumenta seductionis habere oportuit; nec veram fidem excludere valere; nisi in promptu ratio esset, qua mendacius suis speciem veritatis & colorum afferre posset. Quare quod diuinis oraculis satis commodè assequi non potuit; humanis erroribus obtinere voluit: ut qua veritate non posset; prescriptione temporis & antiqua saltem consuetudine commendaret.* Prodigiosos igitur Antichristi, ac magnæ illius seductionis ministros Patres facis. Est ne quo progrediaris ulterius? Est vero, quid ni enim adiiciat aliquid ad impietatem suam, cui quod extremum est aliis, non est satis? Audite. *Nam in primis inquit, Satana cura fuit; ut ab initio fundamenta regni sui substrueret, & corruptelis suis gratiam, & auctoritatem conciliaret. Quod ita callide molitus est, ut Patribus ipsis fucum faceret, & specie quadam probabilitatis induceret ad ea probanda, quæ post illorum auctoritatem ad maximam pietatis iniuriam in Ecclesia retenta sunt.* At ô per Deum immortalem, quod istud est tam inexpiabile Abbati in Patres odium? Cæcitatibus illos primum arguit, deinde dementiæ tum insanix; ut potuimus tantas blasphemias audiuimus. Neque his contentus addidit etiam diuino nutu Patrum litteras ita dispositas fuisse: ut qui eas veneramur, sacrilegij scilicet nostri poenas, induci eorum auctoritate in fraudem, lueremus. Erat hoc

D

contu-

2.
Traditio-
nū Abbato
etiam teste
maxima,
atq; anti-
quissima
in Ecclesia
Generatio.

Id adeò prisco more atq; antiquissima Ecclesiæ disci-
plina semper viguisse inficiari Abbatas ipse non potuit,
cuius ea verba sunt sect. 3. Enimvero apud Antiquos super-
stitio illa plus satis inualuit, qua piaculum esse credebatur ab
illorum instituto, & sententiarecedere, qui prius in Ecclesia
celebres fuissent; qui quidem quo propius aberant à prima fidei
propagine & accepisse vera, & sensisse videri possēt. Habemus
igitur in re tanta testem, atq; ad stipulatorem aduer-
sarium; cui superstitioniores nos videri cū tota antiqui-
tate non moleste feremus; dum ipse se suosque omnes
veteris Ecclesiæ iudicio eo nomine piaculi reos esse fa-
teatur. Nec dissimilia sunt quæ subicit sect. 4 Porro, in-
quit, ad superstitionem desperatio accessit; qua fregit animos,
& intercept conatus illos, quibus assurgere posteriores quicq;
ad maiora debuerant, de egregiorum virorum lucubrationi-
bus, & scriptis non inertiam amplexi; sed ad maiorem iudi-
candi diligentiam, & industriam excitari. Id ipsum in anti-
quis Patribus desiderat, quod suos factitare videt; qui
non discendi, sed reprehendēdi studio maiorum scripta
peruolunt; ut mirum non sit, si dum tam auide quæ-
runt quod improbent, inducti peruersitate animi in
eruditissimis voluminibus nihil probent. Sed reliqua
audiamus. At qui plerūq; inquit, longe alius erat animus,
quo eos, quibus se adiunxerant, ita putarunt absoluisse omnia,
ut nihil sibi ultra perquirendum iudicarent; nihil
putarent certius à quoquam aut sanius excogitari potu-
isse. Neque verò excogitari quicquam debuit, cum
ne illi quidem, qui primi scripserant, à se inuenta, sed
accepta à maioribus traderent. Hæreticorum ea nota
est, captare gloriam de singularitate scientiæ, ut ipsemet
Abbas ex Bernardo serm, 65, in Cant. testatur. Patres
eam

eam disciplinam tuentur, quam ab Apostolis acceptam semper coluit Ecclesia; à qua qui discesserit; is nihil vnquam sani nihil certi afferre potest. Nam cetera, quæ ad explicationem fidei non faciebant, vsque adeò non religiosè in veterum scriptis posteriores Patres sectati sunt: vt nihil deterriti maiorum laboribus, clarissimis voluminibus Ecclesiam auxerint. Huc item spectat, quod eadem sectione scribit, *Ni posteriora quæq; tempora in superiorum ingenis, & laboribus nimium acquieuisent: haud dubium esse, quin multo feliciores sacrarum litterarum tractatores, & interpretes proferri potuissent.* Atqui nulli vnquam hominum vitio quisquam vertit, quod nouis lucubrationibus sacras litteras illustrasset; nullo vnquã sæculo defuere permulti; qui in eo scribendi genere cū laude versarentur. Sed ita tamen; vt à maiorum institutis, ac disciplina nunquam recederent, ita nouas interpretationes molirentur; vt maiorum vestigiis in dogmatis inhzrent; neque de eorum fide ac religione iudicarent; quorum fidei se filios esse gloriarentur. Habemus igitur Abbatogratiā, atq; etiam agimus, quod tantam fuisse apud veteres traditionum religionem nobis vltro concesserit. neque enim eius rei causa defectiōis nos iure quisquam arguerit: quam constet sacrosanctam apud eos semper fuisse; qui tamen sine controuersia in vera Ecclesia floruerunt. Ipse contra negare non poterit, suarum partium homines ab ea Christi Ecclesia descuiisse, quæ veram Euangelij prædicationē etiam tum retineret; cum ea religiosè seruabat, quæ in nobis isti reprehendunt.

Quamquam Abbatuſ quidem, vt video, quo est vel 3.
Abbat
 C supore;

*tiam cōfes-
sionē dēmer-
sissimā. An-
ticb. notio-
nem Patres
habuerūt,
quā nunc
sestarij ha-
beant.*

stupore, vel impudentia. hæc non magnoperè mora-
tur: quid enim si alia fuit veteris Ecclesiæ fides? Ita nul-
li parcit ranarum importuna loquacitas: ut Mineruæ
etiam obstrepat. Itaque sine vlla tergiuersatione nobis
dat, longè aliam fuisse notionem eam, quam de Anti-
christo iam inde à primis Ecclesiæ temporibus veteres
habuerunt; aliam eam, quam è suorum somniis allego-
rici nescio cuius Antichristi nobis obtrudit. nimirum
nihil apud istos ne ipsum quidem Christi Corpus, nisi
allegoricum est, qua de re sc&. prima capitis huius hæc
scribit. *De Antichristo quidem materia erat lascinientibus
ingeniū aptissima; cuius nomē postquam in Ecclesia percrebu-
isset, captum est inquiri, quis ille, & qualis futurus; ubi &
quando venturus; quid & quibus, & quomōdō, facturus esset, &
curiosa temeritas, quod erat in scripturīs obscurius, & Prophe-
tia tenebris inuolutum; euolui sibi voluit & explicari, ut tan-
quam sub oculis Antichristum haberet, & illum clara luce
cōspicuum intueretur.* Vides quam altè notionis huius,
quæ in Ecclesia semper de Antichristo viguit; originem
repetat; cum parem eam ipsis Ecclesiæ incunabulis fa-
ciat? Nam Apostolorum tempore Antichristi nomen
celeberrimū in Ecclesia fuisse satis ex eo constat: quod
& Ioannes Apostolus Epist. prim. cap. secundo de eo
quasi de re notissima loquitur. *Audistū, inquit, quoni-
am Antichristus venit,* & Paulus 2. Thessalōnic. 3 de eo se
iam ante coram disputasse commemorat. Neque ve-
rò poterat res tanta aut silentio ab Apostolis premis; aut
audita fidelium sermonibus non celebrari. Neque ne-
gat Abbatius ipse iam inde ab Apostolorum discipulis
eam Antichristi notionem in Ecclesia fuisse, quam cum
in primæ sc&tionis clausula protulisset; ita insequen-
tem

tem aggressus est. *Hæc fabulas, inquit, & alias nonnullas, quas Bellarminus perveridiculus sophista demonstrationum nomine proponit, Papias, ut videtur, primus arripuit. qui misserrimo errore plus traditione viue vocis, quàm consignatis scripturarum tabulis acquiescens, malefidis Apostolicorum virorum sectatoribus ultro se fallendum præbuit, &c. At quis tandem, qualisue est fabulosus iste, atque ut tu mentiris, è somniis edolatus Antichristus? Hinc illa manarunt, inquit, sect. prima, Antichristum fore Iudæum, & nasciturum ex tribu Dan, templum Hierosolymitanum instauraturum, ibi sessurum, ibi illum Iudæos veneraturos, deinde prælium cum gentibus facturum, subiugaturum sibi orbem terrarum, & hæc omnia tribus annis & dimidio facturum. Quibusquamvis peruulgatis in Ecclesia, testatur ipse haud facile repertum esse quemquam, quantum quidem apparet, qui occurrerit; cuius rei causam sect. secunda extrema his verbis conatur reddere. *Quæ de Antichristo cõficta sunt, inquit, quia manifesta in illis fidei prauaricatio non apparuit, (quam tamen isti ut sunt tota antiquitate tanto acutiores reuelato Lutheri Euangelio peruiderunt) nihil mirum est in sedisse tenacius, & apud posteros tanquam verissima præualuisse, quæ maiorum, & quidem tanti nominis virorum auctoritate suscepta, & firmata sunt. Huc etiam illa faciunt, quæ subiicit sect. 3. Multa, quæ ab antiquissimis scriptoribus de Antichristo asseruntur, de tam infirmis, tam nullis argumentis esse profecta: ut illa constare possent, non nisi ab impossoribus, & hæreticis inuenta esse; aut certè non nisi per summam negligentiam tantis viris obrepere potuisse. quibus illud etiam succinit, quo quintam illam sect. elaudit. Plura sunt, inquit, eiusmodi apud veteres à primis ferè temporibus accepta; quæ si assentè posteri animaduertis-**

C 2

sent,

sent, & ad seuerioris (Lutherani videlicet, aut Caluini-
 ni) *iuducij stateram appendissent, castigassent ipsi libros su-*
os, & longè alias nobis de Antichristo sententias prodidif-
sent. Ex quibus illud efficitur eum, quem isti somniant
 Antichristum, inauditum penitus fuisse priscis Eccle-
 siæ sæculis: eum quem vetus Ecclesia futurum aliquan-
 do credidit, quemque nos antiquæ fidei sectatores in
 scripturis sacris traditum agnoscimus aduersariorum e-
 tiam testimonio nondum extitisse. Vt non iniuria ra-
 tiones eas, quibus ad tantæ rei confessionem inuitos
 litet, ac reluctantes, eos compulit; demonstrationes
 appellauerit Bellarminus perridiculus scilicet ille so-
 phista, cuius cruditio ira eos afflixit; vt vix oculos con-
 tra tollere audeant; ac vir ille demum doctissimus inter
 eos habeatur qui ex tantis eius libris pauculas aliquot
 pagellas per calumniam, quamuis magnis voluminibus
 carpsit.

4.
Abbat. im-
pietatem Pa-
tristimue-
bitur.

Quæ res ita pupugit Abbatum vt inusitata quadam
 rabie in Patres inuectus sit. *Stoculos, inquit, sect. 4. ape-*
ruissent homines, & suam quæcunq; iudicandi facultatem ad-
hibuissent; resciscunt optimè multa, quæ ab antiquissimis scri-
ptoribus de Antichristo asseruntur, de tam infirmis, tam nul-
lis argumentis esse profecta: vt illa cõstare posset non nisi ab im-
postoribus, & hæreticis inuenta esse; aut certè non nisi per
summā negligentiam tantis ingenii obrepere potuisse. Agno-
 sco Calvinianam in Patres pietatem, & obseruantiam.
 Igitur, si Deo placet Abbate, aut impostores, aut nul-
 lo planè iudicio præditi summi illi viri fuisse dicendi
 sunt? Si enim tam infirmis, ac planè nullis argumentis
 adducti sunt, vt ea docerent, quæ tu vir ingeniosus, &
 acutus in eorum scriptis reprehendis: vt si suam quam-
 cua-

cunque iudicandi facultatem hoc est , etiam exiguam adhibuissent homines, facile iis constare potuerit non nisi ab impostoribus & hæreticis ea inuenta esse, aut nō nisi per summam negligentiam iis obrepere potuisse: profecto aut planè plumbi fuerunt; qui cum attente cogitarent; rem perspicuam, atque oculis omnium expositam non viderint; aut impostores, qui cum sentirent quid dicerent, scientes, volentesque Ecclesiam fefellerunt. Nam quod per summam negligentiam iis obrepisse significas; primum turpissimam notam sanctissimis viris inuris; quos non oscitantes modò, quod ipsum grauissimum esset, sed planè somniantes de diuinis rebus scripisse velis. Quantam enim eorum socordiam fuisse necesse est: quos tanto ingenio præditos, quanto vix vlli mortalium fuerunt, in rerum diuinarum tractatione resæ fugerint, quæ quacunque hoc est etiam exigua, iudicandi facultate deprehendi, diiudicari potuerunt? Deinde rem narras planè incredibilem; qui enim fieri potuit, vt tam multos, tam doctos, tam ingeniosos viros, iisdem de rebus sæpius, atque otiosè cogitantes tantus animi torpor simul occuparet; vt non animaduernerint qd, aut quibus de causis, de re tanta, toties in sacris litteris, tanto apparatu repetita inter Christianos iam inde ab Apostolicis temporibus, vel teste te celeberrima, tam serio pronūciarint. At quos homines & quales viros? quem vniuersitatis florem? quæ mundi lumina tantæ socordiæ inertiaque condemnas? Hieronymum, Hilarium, Augustinum, Magnum Gregorium, Ambrosium, Sulpicium, Lactantium, Haymonem, Bedan, Anselmum, Sedulium, Prosperum, Primasium, duos Cyrillos, Epiphanium, Chrysostomum,

Theodoretum, Occumenium, Theophylactum, Aretā, Damascenum, &que his omnibus tanto antiquiores Origenem, Tertullianum, Hippolytum, & Irenæum par nobile martyrum, horum enim omnium testimoniis insaniam vestram coarguit Bellarminus. In quorum cōspectum si venire te cōgēro Phylagnathe, si augustissimum illum senatum circumspicere, si singulorum ora; vulsusque intrueri iussēto; quamvis vocalissimus sis, atque disertus Hypsiboz cuipiam, aut Polyphono forte videaris tantæ sapientiæ Maiestate percussus, vox te sensusque desituent, tu ne hiscere quidem contra, ne dum quicquam proloqui audeas; & tamen quia satis latere in cœnulo tuo tibi videbāris, nec præsentiū ora reformidabas, vī te tui similibus strenuē impium & Calvinianum probares; homines impudentissimē maledictis proscidisti. Qualia enim sunt illa, quæ eodem loco subdis? *Qui (ex Patribus) alioqui perspicaces, & nasuti videntur.* Religioni tibi duxisses, si vel tantillum tantis viris tribuere visus esses? Perspicaces eos videri vis, neque verò etiam esse; sed isti qui alioqui perspicaces, & nasuti videntur: quid tandem Abbate? *Hic, inquit, tanquā euulsis oculis plerunque cecutiunt, & cum Homero dormitant, & sibi ipsi non constant, & alij aliorum sententias proflus euertant.* Satis ne nobis in Patres contumeliosus videretur? attendite reliqua, eadē scēlione non ita multo post cum antilogiam nescio quam in Patribus depræhēdisse sibi videretur. *Quæ ita nullo modo, inquit, conciliari possunt; ut exta sim passi videantur, qui hæc tam dissensientia cogunt in vnum, & omnia simul Antichristi cūsa servire compellunt.* Videtis quam contemptim Patres simul omnes exagitet? Certè dementem totam anti-

antiquitatem hoc loco facit; pergite. Enimvero, inquit, lect. 6. nihil illis de Antichristo certum, nihil exploratum fuisse; palam ostendunt varie repugnantesq; sententia, quas siue falsas confingunt, siue veras coniectant; dum alij aliorum traditionibus acquiescere non possunt. Quibus verbis non modo leuitatis, atque inertiæ Patres accusat vniuersos, quicunque de Antichristo scripserunt; sed falsi etiam illis crimen affingit, qui falsas sibi sententias ipsi cōfinxerint; hoc est, vt iam ante dixerat sine vlllo solido fundamento ad libidinem videlicet excogitauerint; quæ deinde quasi petita è scripturis dogmata venditarent. Adde etiam illud quod lect. 5. extrema subiecit: *Quamquā*, inquit, *illud quoq; non nihil est; quod Antichristi tempus ita definiunt; & tamen ea narrans de regno Iudaorum adipiscendo, de templo Hierosolymitano adificando, de Orbe terrarum occupando, de Christi fide, & cultu per totum orbem subuertendo: quæ nemo sanus vnquam credidisset in illis temporum angustiis expediri potuisse, quo loco à te Abbate homine impio requiro: satis sanum te esse existimares cum ista scriberes? insanix tu Physignathe totam antiquitatem accusas? quemquam ne sanum futurum putas; qui furiosam istam arrogantiam ferat? Neque illud multò modestius, quo sextam sectionem claudit, *In tanta*, inquit, *opinionum varietate, in tam distractis sententiis: quis Antichristi certam notitiam expectet? ubi quis sibi plurimorum iudicio standum arbitretur, nihil reperiat, nisi quod vnus aliquis initio dixit, quem reliqui postea animi causa magis; quam certa ratione Magistrum, & auctorem sequuti sunt.* Nugabantur videlicet Patres, cum de re tanta disputarent; & quemadmodum Lutherus inter pocula de scripturis iudicium ferebat; ita ipsi ludibundi, atque animi causa*

sacras

sacras litteras interpretabantur. Sed cognoscite reliqua. *Quæ* verò, inquit, *definitionibus* istis *de sermone* Hæreticorum, & *privatis* hominum opinionibus admixta sunt: ea non dubito, quin ad efficaciam illusionis pertinere debuerint, ut qui sacris oraculis non contenti, fidem sibi de placitis humanis petendam iudicarent; haberent in Patrum scriptis ad quod impingerent, & credulitate sua duriores, & obstinatores efficerentur. Id scilicet agebat Deus, ut nos Patrum erroribus falleret; atque in fraudem eos induceret; ut nos eorum fraude periremus. nam fraudem istam ad Deum paulò post refert egregius Caluini discipulus. *De Patrum scriptis*, inquit, *affirmare audeamus sic esse Dei voluntate disposita; ut quibus Christum è scripturis callere non sufficit: è Patribus fallantur de Antichristo: & eise submittant, quem scriptura describunt: dum non alium illum futurum credunt; quam à Patribus acceperunt.* Qualem enim illum futurum crederemus? qualem vos in vestris cauernulis quodaxatis? nam sacris quidem litteris, ut par est verbo Dei, sine controuersia credimus; sed quæ in iis obscura atque inuoluta sunt; eorum explicationem non proprio ingenio fingimus; sed à patribus petendū existimamus. Punit igitur nos Deus, si vera narras, non quod humanis quam diuinis litteris plus fidei tribuamus; sed quod modeste de nobis demisseque sentimus; ac stare Patrū, quam nostro iudicio malumus. Cum tamē superbis resistat, humilibus det gratiam. Pergit. *Quod in aliis etiam nonnullis fidei capitibus contigisse non dubitamus; cum tam multa videamus apud Patres, quæ superstitioni aditum aperiant, & patrocinari videantur erroribus illis: quibus Antichristus orbem terrarum sibi subiectum & captiuum tenere debuit; quo loco; & si libentissimè accipimus quod dat*
de iis

de iis fidei capitibus, quorum causa Antichristum nobis affingunt, aut omnibus, aut multis quidem certe Patres nobiscum sentire: tamen ne gratulari quidem sine dolore, ac stomacho possumus: quod Patres acerbis contumeliis homoperditus insectetur. At qui tandem factum Abbate putas, ut tantorum malorum segetem sanctissimorum virorum litteræ continerent? *Nam tantum illum seductorem, inquit, instrumenta seductionis habere oportuit; nec veram fidem excludere valere; nisi in promptu ratio esset, qua mendacii sui speciem veritatis & colorum afferre posset. Quare quod diuinis oraculis satis commodè assequi non potuit; humanis erroribus obtinere voluit: ut qua veritate non posset; prescriptione temporis & antiqua saltem consuetudine commendaret.* Prodigiosus igitur Antichristi, ac magnæ illius seductionis administros Patres facis. Est ne quo progrediaris ulterius? Est vero, quid ni enim adiiciat aliquid ad impietatem suam is, cui quod extremum est aliis, non est satis? Audite. *Nam in primis inquit, Satana cura fuit; ut ab initio fundamenta regni sui substrueret, & corruptelis suis gratiam, & auctoritatem conciliaret. Quod ita callide molitus est, ut Patribus ipsis fucum faceret, & specie quadam probabilitatis induceret ad ea probanda, quæ post illorum auctoritatem ad maximam pietatis iniuriam in Ecclesia retenta sunt.* At ô per Deum immortalem, quod istud est tam inexpricabile Abbati in Patres odium? Cœcitatibus illos primum arguit, deinde dementiæ tum insanix; ut potuimus tantas blasphemias audiuimus. Neque his contentus addidit etiam diuino nutu Patrum litteras ita dispositas fuisse: ut qui eas veneramur, sacrilegij scilicet nostri pœnas, induci eorum auctoritate in fraudem, lueremus. Erat hoc

D

contu-

contumeliosum in Deum, Patribus indecorum; sed quia non aliū Deum ē Calviniana disciplinā didicerat; quam malorum omnium, ac flagitiorum auctorem, mirati non sumus, si cui blasphemiz iam inde à puero assueverat; ab ea non abhorreret. Denique nemini Patribus tribuere videretur, si eos à Deo per se in nostram perniciem deceptos diceret; seductoris instrumēta, atque administratos Satanz eos appellavit; quorum auctoritate, quasi lenociniis, gratiam impietati Conciliaret, ac virginalem Ecclesiæ integritatem teterrimus adulter impiorum dogmatū admittance corrumpere. Nimirum illis quoque ut Luthero vestro cum Satana plusquam frustum salis comedendum fuerat; atq; nocturnis cum eo congressionibus addiscendum, missam abrogari oportere: ne eorum scripta in suspicionem minus probatæ doctrinæ vocarentur: nunc quoniam virz sanctitatem, atque innocentiam coluerunt; pleni Satana eas litteras exararunt.

9.

*Responsio
ad ea, quæ
ab Abbate
Patrum de
Ante h.
doctrina
obiciuntur.*

Nunc demum intelligo quantum beneficium ab Abbate B Hilarius tulerit quod, sect. 5. extrema tam benigne acceptus ab eo sit. *illud Hilarij*, inquit, *vbi de Antichristo suscipiendo loquitur, proprius iste Iudæa error est, quis existimet homini sua verba cogitanti exidere potuisse?* quid ita? *cum tam apertè*, inquit, *scriptura denunciet facturum Antichristum, ut bibant omnes gentes de vino iræ fornicationis eius, & errent in veneficiis illius.* Sit ita sanè quādo ita tibi vel videtur, vel placet, quæ de Babilonica meretrice in Apocalypsi scribuntur, de Antichristo intelligenda sint, quanquā vix possunt ad eum apertè derorqueri; sed sit ita sanè, ut tibi placeret: quid tandem, in his Hilarij verbis reprehendis homo discretus? aut quænam ista

ista tua consequutio est? faciet Antichristus, vt bibant omnes gentes de vino iræ fornicationis eius, & errent in veneficiis illius; igitur proprius iste iudæ error non erit. Etiam ne si ex iudæis ortus, eorum studiis ad regnum euectus, eorum armis ac viribus in vniuersum terrarum orbem imperium proferat, actueatur? An tu ne dialecticis quidem imbutus es? vt ex Prophyrio didiceris, non vno modo proprium dici, neque id solum esse proprium, quod soli acciderit? Nam Aristotelicum illud ex 2. metaphy. quod paulò videatur abstrusius à te non exigio, id ipsum maximè aliorum esse secundum quod cæteris insit vniucatio. vt ignem calidissimum; quia ceteris est caliditatis causa, vnde etiam communis loquendi consuetudo obtinuit; vt quæ in vna aliqua re certam sibi sedem, ac veluti domiciliū collocassent, quamuis in aliis quoque aliquando reperirentur; ea eius rei propria dicerentur; quo fit, vt cum calore nihil ferè destituatur; nemo tamen dubitet, propriam esse ignis qualitatem. Sed ad hæc hæres attonitus: an ne in Rhetorum quidem scholis versatus es? aut vnquam nefando quidem audisti præstantissimum quemque artificem, artificij sui quasi proprio sibi vocabulo antonomasticè nominari solere? qua ratione Homerum aut Virgilium poëtas dicimus, Demosthenem aut M. Tullium oratores. Quod si, quo stupore es animi, ne hæc quidem intelligis, an ne illud quidem ex triuiis capies? Cum Iacobum Stuattum proprium Britannorum Regem dicimus, non eam ob rem Ibernose eximi. Quid igitur mirum, si proprium illum errorem iudæ B. Hylarius dixerit? qui quanquam in alias quoque gentes; ex iudæa tamen permanaturus est? Videtur ne tibi sua ver-

ba Dominus cogitasse, cum diceret se missum non esse, nisi ad oues, quæ perierunt domus Israël? Mathæi 15. 24. an idem non ad omnes gentes pertinuit eius missio; qui datus est in lucem gentium, ut sit salus eius usque ad extremum terræ? Isai. 49. Hæc tu si quicquam boni noscēs, ante didicissēs; quàm ad scripturarum tractationem accederes. Nam quod eadem scēt non vnum aliquem ex Patribus, sed vniuersos derides his verbis: *Receptum est antiquitus, Antichristum nasciturum ex Iudæis de tribu Dan. quid ita verò? quia tribus illa apud Ioannem in Apocalypsi non commemoratur, ubi consignantur electi ex omnibus tribus Israël; atqui neq; tribus Ephraim ibi commemoratur, qui minus Antichristus de tribu Ephraim, quàm de tribu Dan? minimè verò; quia de illo Iacob quoq; vaticinatus est; fiat Dan soluber in vna, Ceraſtes in semita, & Hieremias; à Dan auditus est fremitus equorum eius. Ita quidem Irenæus, & tota Patrum gens; Sed longè aliter & certius quidem Hieronymo visum est: locum alterum de Sampſone, alterum de Nabuchodonosor in Iudæam aduentu intelligi oportere. Quod, inquam, Patres eam ob causam derides; nihilo sapientius facis; quid enim si de Sampſone ut B. Hieronymo placuit vaticinium illud Iacobi intelligendum est; ideo ne euinces, non posse etiam de Antichristo exponi? an ita pergrinaris in hoc scripturarum studio; ut nunquam audieris vnum, & eundem Diuinæ scripturæ locum ita de pluribus simul rebus intelligi posse; ut eas omnes cōprehenderit illis verbis Spiritus sanctus, cum ea diceret? Certè dubitare non possumus, quin illa Osæ verba cap. 11. Ex Ægypto vocavi filium meum, de Christo Domino intelligi debeant, cum eam illorū interpretationem attulerit apud Matthæum cap. 2. ipse scriptu-*

rarum

rarum conditor Spiritus sanctus; at si quis eadem apud Osam legèrit de Populo Israël, quem Deus quasi filium adamauit, atque Ægyptiorum seruitute miterrimè oppressum diuinitus liberauit, ea scripta esse ex ipso verborum textu apertissimè deprehendet. Vtram igitur eorum verborum interpretationem recipies? eamne, quam locus ipse prætendit? at reclamat Euangelista. Euangelistam sequeris? at repudiari se verborum ac rerum, quæ apud Prophetam leguntur, series ipsa non patitur. vt nisi sacris ipsis oraculis fidem abrogemus, vtraque intelligentia germanam eius loci sententiam exprimi nobis necessario dicendum sit. Accedat ad hunc alter ex Matthæi Euangelio locus; qui eodem planè capite, ea Hieremiæ verba. *Vox in Rhama audita est ploratus, & ululatus multus. Rachel plorans filios suos, & noluit consolari, quia non sunt;* de cæde puerorum infantium, quos Herodes trucidandos curauit, interpretatus est. at ea apud Hieremiam cap. 31. de Transmigratione populi dicta esse locus ipse Prophetæ apertè demonstrat. vt nisi vtranque hanc eius loci sententiam admittamus: nobis aut Euangelista deserendus sit, aut Propheta? quid igitur impedit quo minus ita B. Hieronymo assentiamur de Sampsonè vaticiniū illud interpretanti; vt à reliquorum Patrum sententia non recedamus? Præcipuè cum neutram harum interpretationum locus ille aut respuat, aut magnoperè exigit. Nam quod moriturus Pater filiis fausta omnia precari, non infausta nunciare debuisset videretur viris doctissimis; habet illud quidem probabilitatem nonnullam: non eiusmodi tamen, vt cogat nos ab Antiquissimorum Patrum explicatione discedere. Cerrè Iacob ipse vaticinans hoc tantum præ-

D ;

fatus

fatus est, annunciaturum se filiis quæ ventura essent in diebus nouissimis; fausta ne an infausa, omnino reticuit. Neque verò benè precatus est filio, aut fausta prædixit, cum de Ruben illa pronunciaret; *effusus es sicut aqua, non crescas, quia ascendisti cubile Patris tui, & maculasti fratum eius.* (Ac ne illa quidem benedictio videtur Simeon & Levi:) *vasa iniquitatis bellantia; in consilium eorum non veniat anima mea, & in cætu eorum non sit gloria mea. quia in furore suo occiderunt virum, & in voluntate sua suffoderunt murum. maledictus furor eorum, quia pertinax; & indignatio eorum, quia dura diuidam eos in Iacob, & disperdam eos in Israël.* Eadem in oraculum illud Hieremiæ conueniunt; quod ita de Nabuchodonosoris in Iudæam aduentu potest intelligi: vt iisdem etiam verbis significare Antichristum eo loco potuerit Spiritus sanctus. voluisse autem, si Patres id pro certo affirmarent, satis ex eo colligeremus quod scriptores Apostolicorum vicini temporum, qui porro hæc ab Apostolorum disciplinis audire potuerant, eum locum ad Antichristum referrent. Iam quod vitio viris doctissimis Abbatus vertit, quod sententiã hanc confirmet ex Apocalypsis capite septimo ridiculus ipse est. Vt enim non negauerim, id quod Bellarminus concedit, ex eo loco non vsque adeò manifestè colligi futurum Antichristum ex tribu Dan, cū committendæ in electorum consignatione eius tribus alia quoque causa esse fortasse potuerit: grande tamen momentum in eo loco esse, si cum duobus illis superiori b. coniungatur, quicquid Phylagnathus obstrepat, negari nō potest. Neq; enim quæro in præsentia cur Patriarchæ Dan in ea tribuum enumeratione nomē non omissum sit, nam vt animaduertit vir doctissimus Bellarminus,

nus,

nus, ne Ephraim quidem tantæ tribus Patriarcha catalogo illi adscriptus est. Sed abs te Abbate, qui cum Bellarmini, à quo locum hunc mutuatus es, verba minus attentè obseruasses, controuersiam à Patriarchis ad tribus ipsas stolide transtulisti, illud scire peruelim, cur tribus Dan omnino exclusa ab ea electorum Dei consignatione fuerit. Nam miserum tuum illud effugium, quia ne tribus quidem Ephraim eo loco numerata est: inscitiam tuam prodit, difficultatem non soluit. Cum enim in Ephraim, & Manassem Iosephi nepotes diuisi sint, atque in eo Catalogo tribus altera Manasse, altera Iosephi commemoretur; adeò ne es hebes ut non intelligas, tribum Ephraim non prætermittam, sed aui nomine in ea numeratione appellatam fuisse? Quid causæ igitur est, inquires, cur eam sententiam tam probatam Patribus, tam sacris litteris consentaneam, minus certam esse dicatis? Quia ut animaduertit Bellarminus, & Patres, qui eam tuentur, non nisi probabilem eam esse insinuant; & duo illa scripturæ testimonia commodiorem aliam interpretationem admittunt, sine quibus Apocalypcticus hic locus nihil euincit. Quamquam enim non dubitamus, non sine grandi mysterio factum esse. ut ea tribus omissa sit; causam tamen, quæ in arcanis diuinæ sapientiæ latet, neque colligi ex sacris litteris potest, nec scire possumus, neque diuinare velle Christianæ modestiæ ducimus. Quem ad locum ne redire deinde cogar, cum de Abbati imposturis, calumniisque disputabo, illud lectores obiter monitos volo, Bellarminum hoc loco pessima fide ab Abbate citari. Post allatam enim ex Hieronymo eorum locorum interpretationem, de quibus nunc vsque disputauimus: *Quod ita*
certum

certum est, inquit, ut Bellarminum ipsum planè pudeat antiqua vanitatis; & agnoscat locis illis convinci non posse: quod tamè tanto consensu veteribus visum est. At audi Bellarminum ipsum cap. 12. quo capite enumeratis Patrum pro ea sententia testimoniis. Hæc sententia, inquit, est valdè probabilis propter tantorum Patrum auctoritatem: non tamen omnino certa. tum quia plerique eorum Patrum non dicunt hoc se scire, sed probabile esse insinuant. tum quia nulla earum scripturarum convincit. Vides quàm illa falso de viro Patrum, atque antiquitatis obseruantissimo homo impudentissimus scripserit? Sed reliqua videamus. Obiicit præterea Patribus, idque ad nauseam vsque repetit, quod Antichristi imperium trium annorum, ac dimidij spatio definerint. id quod duplici ratione in suspensionem falsitatis vocare nititur. Altera ex eo petitur, quod quæ de Antichristi regno, rebusq; gerendis scribuntur, iis temporum angustiis nullo modo videntur posse concludi: ita sectione illa 5. Illud quoque, inquit, non nihil est, quod Antichristi tempus ita definiunt, & tamen ea narrant de regno Iudeorum adipiscendo, de templo Hierosolymitano adificando, de orbe terrarum occupando, de Christi fide, & cultu per totum orbem subuertendo, quæ nemo sanus unquam credidisset illis temporum angustiis expediri potuisse. Id quod integra etiam octavi capitis sectione inculcat. Quam ego rationem, si in cuiusquàm scriptis reperissem, qui bonas litteras nosset: insanire eum credidissem. Quis enim, qui modo veterem historiam à limine salutaris, ignorare potest; quam parvis sæpe momentis maximæ rerum inclinationes fiant? Ut quæ longissimo tempore, ac labore maximo fieri non potuerunt: vna sæpe die, atque adeo vno temporis articulo conficiantur. Quanto tem-

to tempore cum Philippo Persei Patre bellum populus Romanus gessit? At is ita tandem Romanis ducibus cessit, vt Macedonia regno non cesserit, ac ne immi-
nuerit quidem. Perseus ipse contempta Romanorum
amicitia, susceptum cum iis bellum ita gessit; vt vix vl-
lo accepto detrimento, nonnullo etiam illato in quar-
tum vsque annum magna cum Romani nominis igno-
minia traxerit. Cui tanto, tamque diuturno bello non
plus quindecim dierum spatio finem ita Lucius Paulus
consul imposuit: vt Macedoniam tam florens, atque o-
pulentum regnum, in prouinciam populi Romani re-
degerit. Quod si futurum quispiam aliquando dixisset,
rerū minus peritis insanire, ac vaticinari visus esset. Ab
exercitu Palæstino salutato Imperatori Vespasiano ce-
teris prouinciis in Oriente præfecti se suosque exercitus
sponte submiserunt. Itaque Syriam primum, tum Ægy-
ptum, deinde Mysiam, atque Pannoniam, post Africam
sibi adiunxit. Denique vrbe per Antonium recepta,
occisoque Vitellio, quarto aut sexto, ad summum men-
se post delatum à militibus imperium, quidquid erat
Romanæ ditionis in potestatem redegit. Quis iis tem-
poris angustiis tantum imperium à Palæstinæ, hoc est,
non maximæ Prouinciæ duce, occupari posse credidisset?
Desertor fidei Iulianus, haud multò plus spatij in
obtinenda tyrannide posuit. Nam militaribus studiis in
Gallia appellatus Imperator, tantæ rei nuncio attoni-
tum occidentem continuo suæ ditionis; tum anno nec
dum etiam elapso ad occupandam Constantinopolim
cum exercitu contendens, certusque de rerum summa
cum Constantio decernere; eo interim morte sublato
rerum nullo repugnante potitus est. Selimus Baiazett

E

filius.

filius natu minimus Turcarum regnum, ad quod aspirare ne Patre quidem mortuo poterat, aggressus, eo etiam tum viuo quærere, re prius infelicitè bello tentata, astu demum, ac largitionibus assequutus, paucis diebus patrem regno, ac vita exuit. Fratrem alterum necauit; alterum bello persequutus exegit. Idem Sultatum Ægypti dominum adortus, duobus, triubusquè præliis Ægypto, ac Palæstina ad imperium adiectis, breuissimo temporis spatio debellauit. Quæ nisi facta esse sciremus, fieri non posse crederemus. A vobis denique ipsis exemplum petam. Si quis ante annos octoginta futurum aliquando dixisset, vt vno die tota Anglia in Scottorum regis potestatem veniret; credibilia ne sano cuiquàm, ac rerum vestrarum perito narrare visus esset? At id ita accidisse vos ipsi testamini, & si tibi credimus, etiam gratulamini. Neque defunt in scripturis exempla. Vnius dici seditio regnum decem tribuum ad Hieroboam detulit. Iehu militum studiis diuino instinctu ad se repente conuersis rex appellatus, breuissimo spatio regnum obtinuit. Sexcenta denique exempla tum sacra, tum prophana historia suppeditat; vt satis mirari non possim debilitatem mentis tuæ: qui non intelligas quâuis nesciamus quibus opportunitatibus ad tantum imperium tam breui euasurus sit Antichristus: eas tamen plurimas esse posse. An fieri facillimè non potest, vt occupandæ Iudææ præfectura aliqua quam tum fortè gerat, Antichristo opportunitatem offerat? illi se volentes finitimi, vt olim Vespasiano, iungant; tum tribus exercitibus per duces suos signa eodem tempore cum Ægypti, Lybiæ, Æthiopiarumque; regibus conferat; ac singulis præliis debellet. Harum rerum magnitudine perculosos re-

fos reliquos reges in deditionem cogat. Quæ omnia, adiuuante præsertim consilia conatusque promovente Sarana, paucorum mensium, ne dicam dierum, spatio posse contingere, exemplis superioribus demonstratū est. Iam cur Hierosolymitanū templi exædificatio sollicitū te in hoc negotio habeat Physignathe, non video; nisi quod Oceani amplitudinem paludis tuæ aquulis metiri, & pectoris istius angustis res maximas æstimare solituses. An vereris in tam opulento imperio ne aut sumptus, aut operæ ædificiō maturando desint? vt quod septem annorum spatio absoluit Salomon: iste tanto maioribus opibus, tanto celerius non possit absolueret? Sed fieri sanè id humanis viribus nullis possit; an ne Satanicis quidem? vt quando Dæmonum ope tam multa signa, ac prodigia daturus est Antichristus, quibus diuinitatem suam adstruat, vt in errorem inducantur, si fieri posset, etiam electi Matth. 24. illa quoque tanti operis maturata constructio inter eius miracula numeretur. Quanquàm mihi quidem verisimillimum videtur id, quod & nonnullis placere video, neque alienum est à scripturis, vt suo loco docebo; non totum templum, sed aliquam eius partem, in qua interim colatur, ad culmē ab Antichristo perductum iri. Illud verò planè ridiculum quod metuis ne abolendæ Christi fidei, ac religioni spatium illud non sit satis. Non plus duobus annis post Constantij mortem imperium Iulianus tenuit; num idedò miserrimè Ecclesiam non vexauit? Elisabetha apud vos quam multo tempore indiguit; vt exterminata Christiana religione Caluinum atq; Zuuinglium in Angliam reuocaret? An existimas fore vt Antichristus ita Christi cultum aboleat: vt nemo supersit religiosus ac

pius? quicquid agat, quicquid moliatur Satanas, nunquam aduersus Ecclesiam præualebit. Erunt etiam tum permulti, qui Deum ex Christianæ fidei institutis rite venerentur. Sed nullus erit publicus orationis locus, nullum templum, nullæ Basilicæ, nulla sacrorum maiestas, nulli solemnes conuentus, attonitis tanti mali metu fidelibus. Tamne igitur hoc tibi incredibile videtur, ut ne affirmantibus quidem scripturis credas, tribus annis cum dimidio fieri posse? At circumspecte mihi terrarum orbem vir bone. Africa nullos propè Christianos alit, Ægyptus ferè Saracenis continetur, item ut Palæstina, ac Syria. Turcæ Græcia tota, Thraciaque, ac multis aliis Europæ, atque Asiæ prouinciis diffusi sunt; quibus omnibus, quia nullam habent Christi religionem extorqueri necesse non erit. Reliqua est hæc quantulacunque Europæ pars, in qua Christiani Principes dominantur, quam ipsam postquam impius ille subegerit, cuius moliminis erit à Christi cultu, ac religione abalienare? Cum & vulgi ingenium ad ea omnia amplectenda pronum sit, quæ Reges probauerint; & ille parum terroribus cruciatibusque, partim prodigiorum magnitudine, partim etiam præmiis effecturus sit; ut homines etiam alioqui boni, ne dum scelerati, & impij, quorum etiam inter Christianos pars maxima est, Christo deserto ad sua castra transfugiant. Sed te illud cap. 8. sect. prima sollicitum habet, quod fieri tibi non videtur posse; ut Christi causam eo tempore Romana Ecclesia, ac Iesuitæ in primis deserant. quibus repugnātibz non intelligis, qua ratione obtinere impius ille possit; ut deserta Christi religione, homines ad se colendum traducantur. lege caput Apocalyp. 17. & quando pur-

do purpurata illa meretrice urbem Romam denotari contendis, intelliges eam à decem illis Regibus, qui decem bestię cornibus designantur, ante deletum iri, quā reueletur homo peccati, filius perditionis. Quare cum decem ij Reges, in quos orbis terrarum vniuersus regnandus diuidetur, urbem Romam tam capitali odio insequuturi sint; vt ne superesse quidem eius vestigia patiantur; vix vllas eius Ecclesię reliquias inueniet Antichristus, qui se eius conatibus magnopere possint opponere. Nimirum præcursores illi impietatis antichristianę futuri sunt; vt eorum iam imperu non labefactatam modo, sed etiam afflictam Ecclesiam; tantum non funditus diruat. Quare mirari desine, quod rem tantam tam breui tempore effecturus sit Antichristus, cum decem illi Reges tyrannidi, atque impietati eius sint prækursuri. Alterum Abbati argumentum quod sect. etiam secunda capite 8. magnoperè vrget, ex eo ducitur, quod iidem ipsi Patres, qui hoc temporis spatio Regnum Antichristi definiunt, quod apud Ioannem Apocalypsis 11. dies regni eius futuri dicantur 1260. iidem apud Danielem de Antichristo quædam intelligunt, *que cum isto calculo, inquit, conuenire non possunt. vsquequo visio, & iuge sacrificium, & sanctuarium, & fortitudo conculcabitur, & dixit vsque ad vesperam, & mane dies bis mille trecentos. Hunc locum plerique nostrum ait Hieronymus, ad Antichristum referunt. Ita ne verò? atqui dies bis mille trecenti sex annos, & amplius efficiunt; vbi ergo illud, Antichristum non nisi tres annos & dimidium, dies mille ducentos, & sexaginta regnaturum? quo loco primum Abbati fidem, si qua in hæretico esse potest, desidero. Nam si integrum Hieronymi locum adscripsisset, nihil no-*

bis esset in hac respōsione negotij. Audi enim Hieronymum in caput Danielis octauum, vnde locus hic sumptus est, *Hunc locum, inquit, plerique nostrum ad Antichristum referunt, & quod sub Antiocho in typo factum est, sub illo in veritate dicunt esse complendum.* Quare Patres si Hieronymo credimus, eum locum ad litteram de Antiocho interpretantur: ad Antichristum figuram referunt. Vt quæ ille in Iudæorum sacra, ac religiones nefariè admisit: hæc patraturus in Ecclesiam Antichristus intelligatur. quis autem tam est hebes, vt non intelligat typum, ac significationem non necessariò debere exquisitè respondere ei rei, cuius significatio est? An tu ipse cap: 2. sect. 9. differre non doces, non necesse esse in typo numerum præcedere, sed rationem, & modum rei figuratæ? nihil igitur fateri nos cogit, si sex annorum spatio in sacra Iudæorum Antiochus sæuiit; toridem annis Antichristi quoque rabiem in Ecclesiam sæuire necessario oportere. Sed vide quam leui declinatione hamentatam hanc tuam hastam effugiam Phisignathe; vide quanti te faciam etiam tum, cum triumphare te credis, intelligatur iste locus Patribus etiã auctoribus, vt tu mentiris, de regno Antichristi ad litteram; num idèò quicquam effecturum te speras? Aio loco hoc Danielis totum Antichristi tempus comprehendì: ac priores quidem duos annos cum dimidio comparandò terrarum imperio, subigendisque gentibus destinari; reliquos à patto iam imperio, ac tranquilla, pacatæque possessione regni numerari. Ioannem porro in Apocalypsi posterioris tantum temporis habuisse rationem; quod Historicis quoque frequentissimum est: vt annos quibus quis imperauerit, ab eo die numerare incipiāt,

quo

quo regno pacato, tranquilloque primū potitus est. Vbi nunc illæ Patrum tam secum pugnantes, neque coherentes sententiæ? Visne etiam alterum illud expediam quod tibi tam impeditum, atque implicatum videtur? vis explicem, qua ratione consentiat Apocalypticus dierum numerus cum eo, qui apud Daniele legitur cap. 12. nam hunc quoque locum iis verbis Patribus obijcis. *Antichristo quoque, attribuunt quod capite ultimo Danielis habetur, à tempore cum ablatum fuerit iuge sacrificium, & posita fuerit abominatio in desolationem; dies mille ducenti, & nonaginta, qui id verò? Cum Antichristum credendum sit dies non nisi mille ducentos, & sexaginta substitutum?* quid enim si Ioannes in Apocalypsi eos tantum dies regni eius numeret, quibus prospera ei omnia, atque felicia cedere videantur, hoc est, ad mortem usque duorum illorum Prophetarum, quos tu, ne qua in re cum antiquitate consentias, non modo Eliam, & Enochum futuros negas, sed etiam ad eos Episcopos, qui sub Romanis persecutoribus rexerunt Ecclesiam, inaudita interpretatione, referendos existimas. Vt suprema ea sit felicitas Antichristi, quod duos illos viros, quorum virtute, atque prodigiis conatus tuus retardari videbat, è medio tandem aliquando substulerit. Reliqui triginta dies, quos Daniel ad eum numerum adiicit, usque ad eam diem numerentur, qua cum Dominus Iesus interficiet spiritu oris sui, qui omnes, si tres priores excipias, infauti regno eius futuri sunt, ut manifestè colligitur ex cap. illo Apocalyp. 11. Quod si vel oculos habuisses ut legeres; vel humanam animam inclusam isto corpore ut lecta perciperes; ea de re dubitare nihil potuisses. Nam Apocalypsis vndecimo mille ducenti, ac sexa-

ac sexaginta illi dies duorum Prophetarum vaticinio adscribuntur; quibus exquisitè duo, & quadraginta ij menses respondent, quibus cap. 13. data est potestas bestiarum facere, vt intelligas potestatem bestiarum, quamuis regnum eius paulò vltèrius protrahatur eodem, quo Prophetarum illorum vitam die concludi, neq; quicquàm post illum diem, subtracta diuinitus potestate, illi postea successurum. quod quanquam non continuo sentiet, dum duorum illorum corpora cæsa iacebunt in plateis ciuitatis, ac tunc sibi maximè triumphare videbitur: & tamen non ita multò post malo suo doctus discet; vbi quod capite illo vndecimo futurum Ioannes narrat, reuocatos eos ad vitam in cælum ascendentes conspexerit atque horrendis terræ tremoribus, ædificiorum strage, tam multorum nece, consternatione ciuitatis redire in animos hominum religionem Numinis, existimationem suam imminui, ac res in deterius labi animaduernerit. florens igitur Antichristi regnum non nisi duobus, & quadraginta mensibus comprehenditur; ad quos si triginta illos dies adieceris, quibus regni eius catastrophe continetur; eam summam efficiēs, quam Daniel exprimit. Quæ tu Bellarmini litteris breuiter explicata, pro tuo singulari ingenio, non satis intelligere potuisti.

6.

*Abbati im-
postura ac
mendacia
ad minuē-
dā auctori-
tatem pa-
trum.*

Illud te angit quod vereris cap. 8. sectione 2. ne si ab obitu testium illorum certum tempus assignetur ad interitum Antichristi; certo sciri possit dies iudicii. sed importunum istum timorem depone; neque enim necesse est, eundem esse interitus Antichristi, ac iudicii diem. Quare & si Dominum prope esse in ianuis, impio illo spiritu oris eius sublato, intelligi facile poterit: quantū
tamen

tamen temporis super sit sciri nulla ratione potest; nam post tribulationem dierum illorum sol obscurabitur, & luna non dabit lumen suum, stellæ cadent de cælo, & virtutes cælorum commouebuntur, & plangent se super illum omnes tribus terræ; ex quibus, vt arbore fieri appetentem iam æstatem, ita vicinum aduentum suum colligere nos Dominus Matth. 24. iubet. Illud etiam vt Patrum existimationem imminuas sect. 6. disputas Patribus nihil de Antichristo certum, nihil exploratum fuisse, *id quæ palam ostendere varias repugnantisque sententias, quas siue falsas confingunt, siue veras conieciunt;* id quod exemplis etiam confirmare conaris. Atque equidem si nulla de re Patres consentiunt; tibi non grauati assentior Abbate. Sin autem ita nonnullis de rebus dissentiunt; vt in aliis nulla ratione discrepent: non video quænam ista tua sit palustris conclusio. Nos quidem homines muscosam istam dialecticam nondum didicimus. Sunt nonnulla, de quibus quia nihil constat inter Patres, explorata iis non fuerunt; nihil igitur certum, aut exploratum habuerunt. quo pacto si ratiocinari licet, illud quoque te auctore conficiemus; nihil apud vos certum, aut constitutum esse. quis enim ignorat quàm multis in rebus Calvinus à Lutheri sententia discrepet? vt ex eo eadem ratione colligi liceat, nihil illis certum, aut exploratum esse, ne eorum quidem, quæ summa consensione affirmant. Denique quis non videat argumentationem hanc, cum à singulis ad vniuersa progrediatur, nihilo meliorem esse, quàm si quis ex eo colligat, quod homo cū tamē sit animal hinnire nō possit; nullum animal esse, quod hīnniat? At quam multa sunt; quæ vix vlli vnquam Patrum dubia visa sunt?

F

Anti-

Antichristum certum quendam hominem, ac singularem futurum, ortum Iudæorum sanguine, apud eos in primis regnaturum, ita sessurum in templo siue Hierosolymitano illud sit, siue quodcunque aliud: ut diuinos sibi honores exigat, nullum alium præterea Deum coli patiatur. Regnum eius, quanquam nullis ferè locorum spatiis, exiguo tamen tempore circumscriptum iri; signa ac prodigia non sicut vos somnitiis allegoricè, sed verè proprièque daturum atque his sexcenta similia. *At de Antichristi sede quàm variè loquuti sunt?* inquis, *in templo Hierosolymitano sessurum ait Cyrillus, non in Ecclesia; Occumenius verò in Ecclesia, non in templo Hierosolymitano; Chrysostomus non solum in templo Hierosolymitano, sed etiam in Ecclesiis; Origenes alibi dubitabilem esse ait interpretationem illam de Templo Hierosolymitano quemadmodum etiam Augustino incertum est, utrum in Templo illo, an in Ecclesia dicendum sit.* Quem locum nisi fraude, ac mendaciolo aliquo condires: verebare ne minus sciret palato fodalium tuorum: Fraus est, quod cum ex Patribus vnus, aut alter dubitet, in Templo ne Salomonis, an in nostris Christianorum Ecclesiis sessurus sit Antichristus; nonnullus sessurum in Ecclesia dicat, Salomonis Templum non excludat; Iræneus & Hippolytus martyres, Hilarius, Ambrosius, Sedulius, Damascenus, Martinus apud Sulpitium, Cyrillus in templo Hierosolymitano sessurum affirmant, Chrysostomus, Theodoretus, Theophylactus tum in Iudæorum, tum in nostro Templo sedem Antichristi futuram dicant; vnus fuerit Occumenius omnium recentissimus, qui de Hierosolymitano Templo negauit, tu cum locum ita tractas, ut vnus Cyrillum opponas Occumenio: ut videli-

videlicet ea res valde cōtrouersa inter Patres videatur. Et tamen Bellarminū legeras, à quo ut ea mutuatus es, quæ ad rem tuam facere existimabas: ita etiam discere potuisti; quanti, & quam multi viri sententiæ illi disertè subscriberēt; eos verò, qui sessurum in Ecclesia affirmāt ad Chrysostomi, ac Theodoretī sententiā referendos esse: cum alterum illud non negent. Oecumenij neque auctoritatem tantam esse, ut tantorum virorum consensioi officiat: & locum mendosum videri. tū quod à Chrysostomi, Theodoretī, ac Theophylactī vestigiis nunquam desistere solitus est, tum quia vnus particulæ, tantum, seu detractione, seu negligentia corrumpi facile potuit. Ac ne illud quidem fraude caret, quod cum Patres, qui in Ecclesia sessurum dicunt, de Christianorum templis, non de mystico fidelium cœtu loquantur, (quæ Ecclesia propriè dicitur, cuiusque vos caput tam multis sæculis fuisse Antichristum in Christi contumeliā blasphematis) tu ita absolutè usurpas Ecclesiæ nomen, ut eos à vobis stare rudioribus persuadeas. Id quod ignorare non poteras; nam & si Patres ipsos à quibus vehementer abhorres; fortasse non legeras: legeras tamen Bellarminum, qui hoc ipsum ex Patrum sententiā disertè docet. legeras authorem imperfecti in Matthæum, quem vnum, quia eius scripta tam multis hæresibus respersa sunt, ex tota antiquitate in deñsis habes, qui in ista ipsa, quàm citas homilia 49. tam apertè ea de re loquitur, ut nullum relinquat ambiguitati locum. Disertè enim affirmat sessurum Antichristū in sanctis Ecclesiæ locis; quibus verbis nisi tu fortè, ut es ingeniosissimus prodigiorum artifex, fidelium vel cætum, vel animas locum aliquem esse existimas, quid

præter Christianorum templa significari possit, non video. Id quod apertius etiam scribens in Arianos, & Auxentium, docet B. Hilarius, dum deterret Catholicos ab Auxentij communione, monetque ne ideò existimarent, Episcopum, quia Episcopalem in Templo cathedram occupasset. *Vnum moneo, inquit, caute Antichristum. male enim vos parietum amor capit, male Ecclesiam Dei in tectis, adificiisque veneramini, malè sub his pacis nomen ingeritis. Anus ambiguum est, in his Antichristum esse seffurum?* Quid clarius? quid, quod causam vestram luculentius iugularet, vel à Bellarmino ea de re scribi potuit? Quæ tu tamen Abbate dissimulas, actuum hæresim nobis Patrum nomine quasi aliud agens obtrudis. Et disputas tu quidem ea de re cap. 3. sed hic interim tacitè venenum tuum propinas. ibi rem eam ita tractas; ac si inuentum illud Bellarmini, non Patrum minimè dubia sententia sit. Angit te scilicet, quod vereris, ne in vsus prophanos conuersa templa, Ecclesiæ amplius dici non possint. Non sanè magis, quam vel atrium domus Domini, vel templum dici possit id, in quo Ezechielis 8. sedebant mulieres plangentes Adonidem, ac viginti illi viri adorantes ad Orientem: vel secundi Machabæorum 6. templum & altare dicitur id, quod Deo erectum, Ioui Antiochus dedicarat, sacrilegisque cæremoniis contaminarat. Vel Matth. 24. locus sanctus ille dicitur, in quo stabit abominatio, vel in hodiernum vsque diem Græci Ecclesiam sanctæ Sophiæ vocant eam, quæ diuinæ olim sapientiæ dedicata; nunc Mahumetanis ritibus inquinatur. An tu tam es sine mēte, vt non intelligas, non solum dum manet idem ædificium, quod quia Deo ritè dicatum est, Dei domus est, quam-

est, quamvis per vim ab impiis occupetur; haud paulò meliore iure templum Dei dici posse; quàm Rex vester Franciæ sibi Regnum abscribat; quod quamvis eo alij potiantur, deberi sibi existimat. Sed etiam si hæc vera non essent: ex ipsis tamen Apostoli verbis satis colligi posse; non idcò vocari templum, vel Ecclesiam quia tunc diuino cultui deferuiat; sed quia templum id, quod erat vero Deo dicatum, ad prophanos ipse vsus conuerteret. Si enim sacrilegus ille sedebit in templo Dei, ostendens se ipsum quasi sit Deus; profecto à diuina religione transferet ad sacra prophana. Sed vt Gn. Pompeij sedes eas vocat M. Tullius, quas suas iam fecerat, atque habitabat Antonius; ita templum, atque Ecclesia Dei dici posset ea, quam olim Deo sacram nephâdis sacrificiis Antichristus polluisset. Ceterum, quando huc disputatio ipsa nos derulit, ne eodem sæpius redire cogamur, Abbati interpretationem cum ipsis Apostoli verbis conferamus. cap. 3. sect. 2. contendit Apostolum, cum scribit fore, vt Antichristus sedeat in templo Dei ostendens se, quasi sit Deus; nihil aliud sibi velle, quam fore, vt Antichristus inter fideles dominationem exerceat; id quod ex eo probat, quod Apostolus primæ Corinth. 3. num. 16, vocat eos omnes, qui inuocant nomen Domini nostri Iesu Christi, templum Dei sanctum, & templum Dei viuentsis, & secundæ Petri 2. Ecclesia ex viuis lapidibus constructa, templum Dei nominatur. quibus locis ita triumphat vt Apostolum sententiæ suæ interpretem habere se gloriatur; ac veluti confecta iam re, *Qui ergo inquit, templum Dei non aliud, quam Ecclesiam interpretatur, cum Antichristum ait in templo Dei sessurum, quid aliud intelligi vult, quam Eccle-*

sic cathedram arrepturum; & imperandi omnia potestatem sacrilega superbis usurpaturum. Iam verò aduersus luculentā Apostoli expositionem de Ecclesia, & templo spirituali, quid opponunt alios quosunque nullo scriptura testimonio sententiam Apostoli ad templum Hierosolymitanum referentes? Ad eò ne pueriliter ludis in scripturis, atque eorum quibuscum agis simplicitate abuteris homo impie? quando vnquā dixit Apostolus, Antichristum in spirituali Dei templo sessurum? affirmavit nescio quo loco, templum esse Dei omnes illos, qui inuocant nomen Domini: igitur quoties templi nomen vsurpat, de fidelium mentibus loquitur? Etiam ne, cum primæ Corinth. 3. num. 16. ipsa fidelium singulorum corpora templa sancti Spiritus esse docet? ob eamque rem iis à fornicatione, atque immunditiis abstinendum, vt honos templo Dei habeatur. Etiam ne cum actorum 24. iussus apud Felicem causam dicere, numero 12. & 18. negauit, se in templo à Iudæis seditiones concitantem, aut quicquam noui molientem: Sed in voris, & oblationibus purificatum in templo deprehensum esse confirmauit? etiā ne ctm cap. 25. apud Festum defendit, quoniam neque in legem Iudæorum, neque in templum, neque in Casarem quicquam peccauit? Etiam ne cum 26. apud Agrippā quæsus est, se cum pœnitentiam annuntiaret, hac ex causa à Iudæis, cum esset in templo, comprehensum fuisse? An verò hæc Lucas vt vobis incommodaret malignè mentitus est? Et quando Pauli testimonio non contentus, vt ex aliis quoque scripturis aliquid pro te afferre viderere, locum tibi ex primæ Petri secundo confingendum existimasti, vbi is templi vocem ad spiritualem Dei domum transtulisset, cum neque eam Latinus in terpres adhi-

adhibuerit; neque græca λέγειν, quæ vox propriè Latinum templi vocabulum exprimit, eo loco habeat. quæro ex te cū in sacris noui testamenti litteris plus ceteris templi vocem vsurpauerit Spiritus sanctus; negare ne audeas, quamuis nihil non audeas, ferè semper propriam eius nominis significationem retinuisse? Quam igitur ob rem; quia aliquando translato eo vocabulo vsus est, locum hunc reuocandum ad tropum existimas potius; quam suam nominis significationem permitte-
 tendam: cum ab ea plerunque scripturæ consuetudo non recedat: neq; verò quicquàm sit in his verbis Apostoli, quod indicare possit, eam vocem à re propria ad rem alienam significandam traductam fuisse. Vides quam præter imposturas, & ineptias nihil sapias? Et tamen ita tibi places: vt etiam Bellarminum reprehendas, quod scripserit, in scriptura noui testamenti per templum Dei nunquam intelligi Ecclesiam Christianorum, sed perpetuò templum Hierosolymitanum, quare certum videri, Apostolum de illo esse loquutum. *Vide, inquis, præter illa loca, quæ supra citauimus; num hæc quoque de templo Hierosolymitano intelligenda sint. Qui vicerit faciam illum columnam in templo Dei mei; seruiunt ei die, ac nocte in templo eius. Tunc apertum est templum Dei in celo.* Quibus verbis grauiter peccas. primum quod eo loco, Bellarminus non mysticum, vestrum templum, quod multò longius abest à vera horum verborum interpretatione; sed eorum sententiam refellit, qui eo loco templi nomine manufactas Christianorum Ecclesias intelligunt: quod neque in Apostolicis, neque in antiquioribus Patrum litteris templi nomine vsquàm Ecclesias notatas inueniamus. Vide igitur tu Phrysignathe
 vtrum

utrum strependo, coaxandoque possis efficere, ut & apud Paulum, & in Apocalypseos locis à te notatis, templi nomine manufacta Ecclesia designetur; & eris mihi vel Amphione maior, vel Orpheo, qui absurdo isto, atque absono quoaxatu lapides, ac cœmenta vel in cœlū euchas, vel in animos hominum congeras, ut ibi Ecclesiam excites. Deinde etiam si commentum vestrum conuellere eo loco vellet Bellarminus: tamen culpa omni non careres. Neque enim docet, nunquam templi Dei vocabulum in noui testamenti litteris ad aliud quicquā denotandum traduci: Sed cum nihil aliud additur, quod vocis significationem immutet, constanter in sacris litteris accipi pro templo Hierosolymitano. Ex quo efficitur, cum is Apostoli locus nihil habeat, quo tropus in iis verbis hærere significetur, propriè eum intelligi oportere. tu contra doces, interdum eam vocem aliis quoque rebus accommodari, quod dum ex adiunctis, atque ipso singulorum locorum textu colligis: apertissimè insanis; aduersus Bellarminum nihil affers. Sed eo redeamus, vnde nos ardo disputationis abstraxit. Habebas igitur auctorem istum imperfecti in Matthæum, à quo disceres, quid veteres sibi velint cum dicunt Antichristum in Ecclesia sessurum; si vera magis, quam ambigua sectari voluisses: Sed vobis non curæ est ut verè dicatis, sed ut à miseris hominibus dicere vera credamini. Iam illud mendacium est quod ut Chrysostomum facias à seipso dissentientem, opus illud imperfectum in Matthæum ita illi tribuis, quasi de eius operis scriptore nulla controuersia sit. *Chrysostomus, inquis, non solum in templo Hierosolymitano (ait sessurum Antichristum) sed etiam in Ecclesiâ; & tamen alibi dubita-*
bilem

*lem esse ait interpretationem illam de templo Hierosolymitano, atque adnotas ad marginem homiliam 49. imperfecti in Matthæum. Atqui sciebas, quam inter viros doctos non conueniat de operis eius auctore, quantoque verisimilius sit, cum librum ab aliquo alio fuisse conscriptum. non solum quia multa continet à Manichæi, Montani, ac Pelagij disciplina petita, quæ addi forte Hæreticorum fraude potuerunt: sed etiam propter diuersum planè dicendi Characterem, vulgatæ bibliorum Latinæ editionis vsum, citatos auctores apocryphos, atque alienam planè à Chrysostomi consuetudine interpretandi, disputandi quæ rationem; quæ à viris doctis adnotata apud Sixtum Senensem legeras; nisi forte hûc quoque alieno testimonio protulisti; quam igitur ob rem librum adeò incertæ fidei, vt pugnantem secum Chrysostomum facias, tam certò illi, ac sine dubitatione affingis? At enim, inquires, eodem capite post duas circiter paginas, cum de imperfecto illo opere agerem, ita scripsi. *Quod vidit Chrysostomus, siue ille quicumque auctor erat operis imperfecti, quem Chrysostomi nomine interdum adduco, Ecclesia Romana, & maximorum apud illam auctorum exemplum sequutus.* Sunt ista; sed tum, cum ea præfatione maximè opus erat, quia totam eam disputationem tibi infregisset, penitus omisisti; ac perinde Chrysostomum citasti; ac si ex eius opere aliquo minime dubio eam sententiam protulisses; multoque deinde post quasi aliud agens ea verba subiecisti. vt interim parum constantis sibi Chrysostomi opinio in animos hominum alrè descenderet. Deinde ne in his quidem ipsis verbis omni planè mendacio carere potuisti. Quamquam enim, quia eius nomine circumferebatur liber*

G

ille;

ille; neque dum in suspicionem falsi nominis vocatus à viris harum rerum intelligentibus fuerat: neque multum intererat cui adscriberetur, si quādo ad ædificationem fidelium selectum ex eo aliquid in Ecclesia legeretur, ea de re non magnopere laborauit: nunquam tamē; præsertim postquam dubitari cœptum est de eius operis auctore, eos commentarios Chrysostomi nomine vel ad confirmanda dogmata, vel ad controuersias fidei dirimendas Romana Ecclesia vsurpauit. Imò si Sixto Senensi credimus in eo ipso, quē tu ad marginem annotasti, 4. bibliothecæ libro, quasi alienum à tanto Patre Pauli quarti Pontificis Maximi sententia damnassee videtur, dum cum inter libros suspectæ fidei numerauit. Vt si qui eum velint defendere laborandum iis sit; vt in meliorem partem eius Pontificis decretum interpretentur. Nam maximi isti authores, qui eum librum Chrysostomo tribuunt; qui tandē sunt? Sixtum Senensem inquires adscripsi; scilicet vt in eo quoque mentire; nam is de scriptis Chrysostomi disputans ita locum hunc tractat; vt rem relinquat in medio. Hæc igitur, inquit, est super his commentariis controuersia; de qua iudicent me doctiores: ego quid addā nihil habeo, &c. nam quos ille citat glossarum, & catenarum auctores, magnos quidem illos viros, sed in dignoscendis genuinis scriptorum litteris minus exercitatos; non est quod in hac re nobis obiicias: Quos vt non parui facimus in scripturarum expositionibus: ita in hoc eruditionis genere non maximi æstimamus. fecellerit illos sanē sæculi sui error in inscriptionibus nominum magis, quam ipso scriptiois genere libros æstimare soliti; cur tu eorum errorem, tum cum plurimum intererat, huius nē, an il-

lius

lius scriptoris liber ille censeretur: quam oblatam à posterioribus lucē sequi maluisti? Nimirum qui malē agit odit lucem; ac latendum tibi fuit, vt imponeres. Quā in re non fidem magis, quam pudorem tuum desidero; quo enim ore, quamuis impudentissimus sis, cum tam luculenter præfatus esses, eos commentarios incerti scriptoris esse; post allata nescio quæ eius fragmenta, quæ ad conuellendam Patrum auctoritatem facere tibi videbantur, illa subiicere ausus es? *Planè diuina sententia, & animaduersione omni dignissima; quam integram subiicere volui ad disputationem hanc nostram præmunendam aduersus calumnias Papistarum, vt intelligant nos optima ratione, & Patribus ipsis probatissima docere, controuersiam omnem de Antichristo, non de hominum quorumcung; coniecturis: Sed de scripturis diuinis definiendam esse. Quis enim ille pater est, cuius verbis præmunire disputationem tuam voluisti? aut qui tandem tibi constat Paternè an etiam omnino Catholicus ille fuerit, qui illa scripsit? Auctoris nomen vel casu intercidit, vel consulto adscriptum non est, liber ipse scatet hæresibus. Quod si auctoris vitio accidit; dignus profecto fide non est; si nefariorum hominum impostura deprauatus fuit: qua ratione probabis hunc ipsum, quem attulisti locum, corruptum non esse? Sed tu, qui vnus nescio cuius ignoti hominis testimonio præmunire disputationem tuam voluisti, cum etiā diceres vt te probatissima Patribus ratione, quam turpiter vt nobis incommodis, sectione tertia Patres omnes calumniaris? *Præpostera inquis, vetustatis admiratio libertatem iudicandi substulit, vt inuidia calumnia non vacaret, qui egregiorum virorum sententias etiam vanissimas & falsissimas improbarer. Hæc**

ratione Pelagianalabes vires, & incrementa maxima caput. Plures sunt in Ecclesia, inquit Hilarius, qui auctoritate nominum in sententia tenentur, aut ad sententiam transferuntur; quare Pelagium haud facile repudiarunt, quod retractatis priorum de hac re opinionibus, ait Prosper, penè omnium par, & una pro dogmate illius sententia inuenitur. Quibus verbis incredibile dictu est quàm multa peccaueris; nam primum quidem ea de qua in iis ad Augustinum Epistolis, quas tu etiam ad marginem adscripsisti, disputant Hilarius, ac Beatus Prosper, non est hæresis Pelagiana, vt disertè testatur Augustinus priore suæ responsionis libro, qui est de prædestinatione sanctorum cap primo, vbi de iis loquens, quorum errorem corrigi Prosper, & Hilarius cupiebant. Retenta, inquit, ista in qua perueniunt, plurimum eos à Pelagianorum errore discernunt; sed apud te pro singulari tua eruditione nihil interest inter Pelagianos, Semipelagianos, & Pelagianorum reliquias. Deinde hos ipsos Prosperi & Hilarij locos parum fideliter citas. Neque enim docet Hilarius iis verbis, quia Patres malè senserint, idèd à pluribus Hæreticorū sententiam non repudiari. Sed cum dixisset, eos, contra quos scribebat, pro se Augustini etiam testimonia protulisse: Hoc etiam, inquit, de aliorum libris, quorum est in Ecclesia autoritas, faciunt quod prospicit sanctitas tua, non parum per se iuuare contradictores, nisi maiora, aut certè vel paria proferantur à nobis. non enim ignorat prudentissima charitas tua, quanto plures sint in Ecclesia, qui auctoritate nominum in sententia teneantur, aut ad sententiam transferantur. Prosper verò, quia non animaduertit ab Ecclesiasticis tractatibus præscientiæ nomen sæpe pro ipsa prædestinatione
vsur-

usurpari solitum : Existimauit quidem ille Patres non
 planè cum Augustino sentire; sed Patres damnare non
 ausus, eius quæstionis solutionem ab Augustino quæ-
 rit. *Illud etiam, inquit, qualiter diluatur quasumus sapien-*
tiam tuam patienter insipientiam nostram ferendo, demon-
stret; quod retractatis priorũ de hac re opinionibus, penè omni-
um par inuenitur, & una sententia; qua propositum, & præ-
destinationem Dei secundum præscientiam receperunt. ut ob
hoc Deus alios vasa honoris, alios vasa contumelia fecerit, quia
finem uniuscuiusq; præuiderit, & sub ipso gratia adiutorio, in
qua futurus esset voluntate præsciuerit. Non igitur affirmat
 Prosper eam ob rem Pelagium haud facile repudiari,
 quod retractatis priorum de hac re opinionibus penè
 omnium par, & una pro dogmate illius sententiæ inue-
 niretur. Sed quam ipse difficultatem expedire non po-
 tuit; eius solutionem ab Augustino quæsiuit; cui quæ-
 stioni satisfecit Beatus Augustinus posteriore eius re-
 sponstionis volumine, quod est de dono perseuerantiæ
 cap. 18. & 19. Ac primum quidem ostendit, prædestina-
 tionem ipsam nonnunquam præscientiæ vocabulo si-
 gnificari. deinde cap. 19. *Quid ergo, inquit, nos prohibet,*
quando apud aliquos verbi Dei tractatores legimus Dei præ-
scientiam; & agitur de vocatione electorum, eandem præde-
stinationem intelligere? Magis autem fortasse voluerunt hoc
verbo in eare vti: quod & facilius intelligitur, & non repu-
gnat, imò & congruit veritati, qua de prædestinatione gratia
predicatur. Subdit deinde testimonia Cypriani, Ambr.,
 Gregorij, Nazianzeni, quos secū sentire docet. Ità quæ
 ex his patribus contra Patres Abbate protulisti; non co-
 rum testimonia, sed tua mendacia sunt. Quibus non cō-
 tentus in eandem suspicionem Beatum Augusti nū per-

calumniam vocas; *Quare Augustinus, inquis, cum hæreticis confligens, & causas ad vinum refecans, ubi antiquorum Patrum præiudicio grauat, disertissimas aduersus illorum testimonia exceptiones nonnunquam interponit, ut scripturis solū quæstionem decidat. Vbi Cyprianum Donatistæ afferunt, nos nullam, inquit, Cypriano facimus iniuriam, cum eius quaslibet litteras, à Canonica diuinarum scripturarum auctoritate distinguimus.* At vide, quam in hoc quoque negotio ineptus Calumniator sis. Quod istud genus argumentationis est? Vnius Cypriani auctoritate decidere Donatistarum causam Augustinus non vult, atque in ea re errasse Cyprianum confitetur: igitur consentiens Patrum auctoritas apud Augustinum non tanti est: ut si ea grauari se senserit eam quicquā moretur. Deinde quod genus istud exceptionis est? an negat istis verbis Augustinus velle se Cypriano credere? Cum tantum dicat, nullam Cypriano iniuriam fieri, si eius litteræ à Canonica diuinarum scripturarum auctoritate distinguantur. At possunt eius litteræ à Canonicarum auctoritate distingui, & fides tamen iis haberi. attulisses saltem ex capite illo trigésimo primo secundi contra Cresconium libri, vnde verba ista desumpta sunt, aliquid quod tibi & causæ tuæ faueret apertius. Sed ego non dissimulo. negat quidem eo loco Augustinus Cypriani testimonio stare se velle: Sed nunquā hanc causam affert, cur à Cypriano discedat, quod is à Canonicis scripturis dissentiat, quamquam non semel repetit se Cypriani testimonio non vsque ad eò vrgeri, ut quia ipse dixerit credere quispiam necessario debeat. quam tamen necessitatem sacrarum litterarum imposuisset auctoritas. Id quod expressè docet cap. 32. *Si ea quæ commemorasti,* inquit,

quit, ab illo ad Iubañanum scripta, de aliquo Apostolorum, vel Prophetarum Canonico recitares: quomodo omnino contradicerem non haberem. Causam verò, cur non accipiat testimonium Cypriani; mox subdit his verbis. *Non accipio*, inquam, *quod de baptizandis hereticis & schismaticis Beatus Cyprianus sentit; quia hoc Ecclesia non accipit, pro qua Beatus Cyprianus sanguinem fudit.* Vides ad quam trutinam expendat B. Augustinus Cypriani sententiam, atque earum scripturarum interpretationem, quas pro se Cyprianus afferebat? Non igitur à Cypriano ad scripturas ita prouocat Augustinus: vt de earum interpretatione suo, quàm Cypriani iudicio stari malit. sed ita, vt & suum, & Cypriani iudicium iudicio Ecclesiæ subdat. Pergis deinde. *Vbi Ambrosium Pelagiani opponunt (excipit Augustinus) quamlibet sanctus, & doctus vir: nequaquam tamen auctoritati Canonica scriptura comparandus.* Hic quoquè vir ingeniose à singulis ad vniuersos Patres argumentaris. Sed vt hoc acumini & dialecticæ condonemus; illud nequitix condonare non possumus; quod vt eo loco reiici Ambrosij auctoritatem ab Augustino doceas, hæc eius verba profers, cum nihil minus, quam id iis verbis agat Augustinus. Nam libro primo contra Pelagium, & Cælestium cap. 44. quæ tu locum ad marginem adnotasti. *Ecce qualibus, inquit, & quantis predicat laudibus (Pelagius Ambrosium) quamlibet sanctum, & doctum virum; nequaquam tamen auctoritati scriptura canonica comparandum. quem propterea sic iste commendat, quia videtur sibi in quodam loco librorum eius eo teste uti, quo probet hominem posse esse sine peccato, unde nunc non agitur; sed agitur de auxilio gratia, quo ad non peccandū adiuvamur, iusteque viuendum, quibus verbis postquam*
caput

caput illud conclusit his sequens aggreditur. *Audiat ergo illum venerabilem Antistitem dicentem, & docentem in 2. libro expositionis Euangelij secundum Lucam, cooperari Dominum etiam voluntatibus nostris.* Non igitur hæc ita dicit Augustinus, quasi vrgeatur Ambrosij testimonio quod defendendæ fidei causa reiicere cogatur: Sed fortasse quia Pelagius dixerat; in eius præcipuè libris Romanam fidem elucere, id quod ita dici patitur Augustinus: vt tamen intelligamus; nulla ratione esse eius litteras cum auctoritate scripturæ canonicæ comparandas. neque dubium esse debere; quia si alteræ ab alteris discreparent; eæ præferendæ essent; quas quia eas veritas exarauit, omni erroris suspitione liberas esse necesse est. At ne forte excipiat Abbatus id ab Augustino dictum, quod eius eam sententiam non probaret quam protulerat Pelagius, quanquam ea ad præsentem disputationem minimè faciebat; ostendit idem Augustinus cap. 57. & sequentibus, ne ea quidem in re Ambrosium cum Pelagio sentire. Sensisti tu ipse Abbate quam infirma essent, quæ protulisti; quod ea de singulis dicta, non possent Patrum consentiens iudicium labefactare. Itaque vt aliquid dicere videare; hunc locum ita concludis. *Et de omnibus (Patribus) ego inquit Augustinus in huiusmodi quorumlibet scriptis hominum liber sum; quia solum Canonicis de beo sine ulla recusatione consensum;* atque adnotas ad marginem cap. 61. lib. de Natura, & gratia, quo loco mentiris quod hæc ita dicta ab Augustino dicis quasi Patrum testimoniis à Pelagianis grauaretur, vt ex eo colligas Ecclesiæ plurimum incommodasse præiudicatas Patrum auctoritate sententias, hoc enim probare niteris eo loco; quod quam falsum sit ipsum capituli
cuius

eius exordium demonstrat. Ea testimonia, inquit, quæ non quidem de scripturis Canonicis, sed de quibusdam Catholicorū tractatorū opusculis, posuit volens occurrere iis, qui cum solum dicerent ista defendere; ita sunt media, vt neque contra nostram sententiam sint, neque contra ipsius; qua ratione igitur iis testimoniis vrgebatur, vt aliter respondere non posset, nisi Patrum auctoritate contempta ad scripturarum tribunal confugeret? Certè testimonia Hilarij, Ambrosij, Ioannis Constantinopolitani, Xisti martyris & Episcopi Romani, ac B. Hieronymi, quæ pro se Pelagius attulerat, capitibus insequentibus Augustinus ostendit nihil officere Catholicæ fidei. Neque verò in his ipsis, quæ tu attulisti verbis, à Patribus prouocat ad scripturas. Sed id quod iam ante diximus, cum nonnulla alia in eandem sententiam ab eo de Cypriano, atq; Ambrosio dicta supra expēderemus, negat cuiusquā hominis tantam esse auctoritatem, quantam diuinis litteris tribuit Spiritus sanctus; vt illis debeamus sine recusatione consensum. Quod ipsum de Lactantij quibusdam testimoniis eo loco respondet, quæ Pelagius ita protulerat vt non adscriberet nomen auctoris; quo fiebat, vt fontes ipsi consuli, ac germanus scriptoris sensus colligi certo non posset. *Prima, inquit, quæ posuit, quia nomen eius, qui ea dixit non eo loco legi, siue quia ipse non scripsit, siue quod codex quē misisti, id aliqua forte mendositate non habuit; pertractare quid opus est? maxime quoniam me in huiusmodi quorumlibet hominum scriptis liberum, quia solis Canonicis debeo sine ulla recusatione consensum, non nihil mouet, quod de illis scriptis, cuius nomen non ille posuit, &c.* ac verbis Lactantij alatis, *Quomodo, inquit, dictum sit auctor huius sententia viderit,*

H

derit,

derit, quomodo possit exponere. Significat igitur iis verbis Augustinus nolle se nimis superstitiosè in eius verbis interpretandis hære, cuius nesciret neque quanta esset in Ecclesia auctoritas, neque quo verba ipsa spectarent. Cum quia nomen ignorabat, librum ipsum consulere non liceret; neque verò operæpretium facturum se existimaret, si tam diligenter inquireret, quia non diuinum illud oraculum; sed vnus hominis testimonium erat. quæ tu, vt es ad imponendum egregiè instructus, ad omnes Patres per calumniam transtulisti. Sed in hoc genere illud palmare mendacium est, quod habes sectione 8. vbi vt probes, iam inde ab Apostolicis temporibus quædam in Ecclesia disseminata fuisse, quæ nō ab Apostolis, sed à mysterio iniquitatis profecta sint, ita scribis. *Id quod vno exemplo moneri possumus, quo Satan viuentibus adhuc Apostolis perniciosam cælibatus opinionem, horribilem postea Ecclesia pestem, & prodigiosa turpitudinis occasionem, insinuare conatus est; Agnosco lutulentum, & spurcum animal, cui nihil, nisi cœnum ac sordes oleant. miror quod Euangelium Matthæi, quod symbolum Apostolicum accipis; quod nullos ex Beata Maria, Iosephi liberos, nullas carnales Christi nuptias nobis coaxas; vt integritati incommodas; quam tam capitali odio insequeris. Quid enim ad cœlibatus tam horribilis illius, ac perniciosæ pestis Ecclesiæ, commendationem excogitari potest illustrius; quam quod nascens Dei filius virginitatem in materno primum, deinde etiam in suo corpore dedicauit? Sed vos vt porcōs seruetis; è vestris finibus Christum eiicitis. Ad reliqua veniamus. Nam Presbyter quidam, inquis, in Asia librum quendam sunc edidit, quem inscripsit: Periodos Pauli & Tecla, in quo*
finxit

finxit Paulum Iconij prædicantem de Virginitate, Teclam nobilem puellam in concione præsentem tantum permovisse: ut nuptias, quibus desponsata esset, recusaret, & ob id ad ludicem raptam, & ab illo damnatam, nec ignibus cremari, nec à bestiis occidi potuisse; & postea comitem prædicationis extitisse. Ac Presbyter iste conuictus apud Ioannem Apostolum, quod auctor esset libri, & confessus se hoc amore Pauli fecisse: loco deiectus est, & liber eius damnatus, atq; inter fabulosa, & apocrypha computatus est. Huius tu tuæ fabulæ auctores adnotasti Hieronymum in Luca, & Tertullianum in libro de Baptismo. At eorum neuter initi servandæ virginittatis à Tecla consilij, neuter concionis de virginitate à Paulo habitæ, neuter damnatæ propter constantiam in arrepto consilio virginis, neuter ignium, & bestiarum mentionem facit. Neque Presbyter ille ideò à Ioanne conuictus, ac loco motus est, quod cælibatus opinionem iis scriptis primus inuexerit: sed quod, ut Paulum, cuius erat studiosus, efferret, rebus ab eo gestis alias ipse à se confictas adiecerit. Si qua, inquit Tertullianus, perperam scripta legunt, exemplum Tecla ad licentiam mulierum docendi, tinguendiq; defendunt: Sciant in Asia Presbyterum qui eam scripturam construxit, quasi titulo Pauli, de suo cumulans; conuictum, atq; confessum id se amore Pauli fecisse, loco decessisse. Hic quidem certè ea vna affertur causa, cur loco motus sit, quod quasi Pauli titulo scripturam construxit de suo cumulans. Ex quibus illud constat non omnia ab eo conficta, sed amore Pauli, quasi cumulum quendam nonnulla addita. Beatus verò Hieronymus, si quid in eo deprehendisset minus consentiens fidei, id sine dubio protulisset tum, cum causas redderet, cur eum improbaret: at is eum librum duabus

aliis de causis reiecit; altera quod non videtur simile veri, eā historiam aut ignorari à Luca individuo Pauli Comite; aut omitti in actis Apostolicis potuisse. Altera quod Tertulliani testimonio liber ille non ita fideliter scriptus habeatur. *Περὶ τοῦ*, inquit, *Pauli & Τεττα, & τὴν τὴν βαπτιστῆς Λεωνὶς* fabulam, inter Apocryphas scripturas computamus. Quale enim est, ut individuum comes Apostoli inter ceteras eius res gestas hoc solum ignoraueris? Sed & Tertullianus vicinus eorum temporum refert Presbyterum quendam *ἄνθρωπον* Apostoli Pauli convictum apud Ioannem, quod auctor esset libri, & confessum, se id amore Pauli fecisse, & ob id excidisse. Ac prior quidem illa ratio, ut non nihil habet probabilitatis: ita nihil necessario concludit; nisi eandem etiam ob causam Ioannis Euangelium in suspicionem vocemus, quod cæci nati, ac reuocati ad vitam Lazari historias quibus vix vlla est in Euangeliiis illustrior, mandavit litteris: quas verisimile non est à Matthæo aut omitti, aut ignorari potuisse. Adde quod constat multa à Beato Luca ex rebus gestis, atq; ærumnis Apostoli fuisse præterita. Id quod Hieronymus ipse lib. 2. in cap. 2. ad Galatas adnotavit. *Nec mirum*, inquit, *si Lucas hanc rem* (contentionem Antiochenam Petri, & Pauli) *tacueris, cum & alia multa, quæ Paulus sustinuisse se replicat, historiographi licentia prætermiserit.* Cur autem quædam scripserint, alia non minora, fortasse etiam maiora, omiserint sacræ historiæ scriptores: scit is, qui stylos eorum rexit, & scripturas condidit Spiritus sanctus. Posterior tantam vim habet, quantam ei Tertulliani narratio tribuit. Neutra porto indicat aut historiam eam quam hic narrat Abbatus, aut quicquam omnino eorum, quæ eo volumine continebantur, à fide, ac religionem

gione alienum fuisse: Eusebius quidem lib. 3. cap. 25. historię librum hunc, quem actus Pauli appellat inter eos numerat, qui quamuis nihil contineant fidei Christianę, atque Apostolicę disciplinę minus consentaneum; dubiæ tamen erant auctoritatis; quod quibusdam Canonici viderentur; aliis non itē. Deniq; quęcunq; demū acta illa fuerint, ea longē ab iis diuersa esse, quę etiā nūc extant, atque acta passionis Teclę inscribuntur, vel illud argumento est; quod vt notat Baronius tom. primo ad annum Domini 47. in actis illis mendacibus auctore Tertulliano, & prædicasse, & baptizasse Tecla narrabatur: quod in actis, quę passionis Teclę inscribuntur, nusquam inuenies. item vt totam illam baptizati Leonis fabulam, quam libro illi abscribit Beatus Hieronymus. Hęc autem historia, quam vt in inuidiam cælibatum vocet, homo impurus, actis illis apocryphis tribuit, ē veris Beatę Teclę actis petita est; quam etiam grauißimorum Patrum testimoniis confirmat loco citato Baronius. Profert enim duos Gregorios Nyßenum, & Nazianzenum, Epiphanium, Chrysostomum, Ambrosium, Cyprianum, Maximum, Augustinum, Metaphrastem, plurimas item martyrum historias, quę rei huius meminerunt. Ipsum denique Hieronymum in Epistola ad Oceanum, vbi Tecla, inquit, *post tentationem passionis, Antiochia à Paulo prohibetur pariter pergere.* Ac ne forte nonnullorum, quamuis parum iusta de eius Epistolę scriptore dubitatio: tibi iustę alicuius exceptionis ansam præbere videatur: Teclam idem Hieronymus tanti facit vt solam ē toto virginum choro delegerit, quam in Epistola ad Eustochium de seruanda virginitate, cum Maria matre Domini numeraret. *Qualis erit, inquit,*

*illa dies cum tibi Maria Mater Domini chorus occurreret comitata virginibus, cum post rubrum mare submerso cum suo exercitu Pharaone tympanum tenens praeiret responsurus, Cantemus Domino, gloriose enim honorificatus est, equum & ascensorem proiecit in mare. Tunc Tecla in tuos lata volabis amplexus; tunc & ipse sponsus occurreret. Qualem eam esse existimat, quam è tanto virginum numero solam nominatim posuit cum Maria? Non igitur Teclæ vel historiam reiicit, vel exemplum auersatur: Sed periodos Teclæ, & Pauli, atque illam baptizati Leonis fabulam non recipit. At tu quia quicquid caro non est, fabula tibi est: virginitatem etiam Teclæ in fabulis numeras, eamque historiam tam certam, tam multis, tot grauissimorum hominum testimoniis confirmatam apud imperitos traducis, atque inde factum esse affirmas; ut multi ex Patribus in virginitatis admirationem raperentur. *Que fabula, inquis, postea quantos viros sefellit, Cyprianum, Ambrosium, Epiphanium, Augustinum; qui pro vera historia librum illum susceperunt, eoque ad supersticiosam virginitatis admirationem vehementer allecti sunt.* Atqui Cyprianus Tertullianum, cuius erat studiosissimus, legerat Beatus Augustinus. Neque vero verisimile est, hunc unum eius scriptoris locum eorum industriam, ac diligentiam effugere potuisse. qui igitur factum est; ut ab eo moniti induci se in fraudem mendacij narratione paterentur? Certè si modo sui compotes tantos viros facis, necesse est fatearis, illos aut maiorem habuisse fidem illi historię, quàm Tertulliano, quod ab iis sine iusta aliqua causa factum suspicari non possumus, aut eam historiam inuenisse apud alios scriptores, de quorum fide dubitare non possent; quod si ita est, nihil habes, quod*

quod contra obiicias; aut certè non huius historiæ authoritate commotos tantum virginitati tribuisse, quantum illi abiis tributum impuri homines iniquissimè patimini; quod integritatis præconium turpitudinis vestræ vituperatio est. Ceterum tu quidem nimis exiguum numerum eorum facis, qui virginitatem miris in cælum laudibus extulerunt, quos omnes si numerare voluisses; vix quenquam ex antiquis scriptoribus omisisses. Hieronymus quidem certè, quem tu tui huius mendacij authorem facere voluisti, virginitatis præstantiam aduersus Iovinianum acerrimè defendit; Idè scripsit ad Eustochium, scripsit ad Demetriadem de custodia virginitatis. deniq; tam multus in eius laudibus est: vt nunquam satis dixisse sibi videatur, illum ne etiam Teclæ ista, vt tu blasphemias, fabula dementauit? Deinde, ita te palus amet Physignathe, quibus authoribus comperisti, ea historia adductos esse hos Patres: vt virginitatem tantopere commendarent? Nam Cyprianus ipso libri eius initio, quem de habitu virginum scripsit, virginitatis laudes ex verbis Domini primum Matth. 19. deinde ex Apocalypsis 14. denique ex prim. Corint. 7. repetit; quas tu literas, nisi quid fortè aliter in palude sentitis; apocryphas esse non dices. *Quæ se Christo dicauerint, inquit, & à carnali concupiscentia recedentes, tam carne quam mente se Deo deuouerint: opus suum consumment magno premio destinatum; nec ornari iam aut placere cuiquam nisi Domino suo studeant; à quo & mercedem virginitatis expectant, dicente ipso, Non omnes capiunt hoc verbum; sed illi, quibus datum est. Sunt enim spadones, qui se ipsos castrauerunt propter regnum cælorum; & sunt spadones, qui castrati sunt ab hominibus. Denuò quoq; per hanc Angeli*
vocem

vocem continentia munus ostenditur, virginitas pradicatur; Hi sunt, qui sequuntur agnum quocunq; ierit, &c. Et post pauca, Quod si Christum continentia sequitur; & regno Dei virginitas destinatur: quid est illis cum terreno cultu, & cum ornamentis, quibus dum hominibus placere gestiunt, dominum offendunt? Et post pauca. Instruit nos Paulus, & dicit. Cælebs cogitat ea, quæ Dei sunt, quomodo placeat Deo: qui autem matrimonium contraxit, cogitat, quæ sunt mundi, quomodo placeat uxori. Sic & virgo & mulier innupta cogitat quæ sunt Domini, ut sit sancta corpore & Spiritu. Satisne tibi videtur Abbate Cypriani credula simplicitas delirare? qui rem tantam Apocryphorum nescio quibus somniis, hoc est Christo, & duobus Apostolis auctoribus adstruat? Quid Augustinus? num ipse quoque superstitione occupatus est? ita opinor. Hoc tempore, inquit, in ipso libri de sancta virginitate ingressu, quibus dictum est, si se non continent nubant; non adhibenda est exhortatio, sed consolatio; quibus autem dictum est, qui potest capere, capiat, exhortandi sunt, ne terreantur; & tenendi sunt, ne extollantur. Hoc ne etiam, quod apud Matthæum legerat, ex periodis Pauli, & Teclæ didicit Augustinus? Pergit. Hoc isto sermone suscepimus, adiuuet Christus virginum sponsus, virginalis vtero, corporaliter natus, virginali connubio spiritualiter coniugatus. Cum ipsa igitur uniuersa Ecclesia virgo sit desponsata uni viro Christo, sicut dicit Apostolus: Quanto digna sunt honore membra eius, quæ hoc custodiunt etiam in carne, quod tota custodit in fide, quæ imitatur matrem viri & Domini sui? At hoc quidem, sine controversia, ex Apocrypho illo Asiatico sumptum est. quæ enim sunt ista somnia? Christus virgo, virginis filius, virginum sponsus, virgo Ecclesia uni viro Christo desponsata,

sata, deceptit hominis minimè mali animum nimis credulum illa de repudiato à Tecla sponso ficta narratio. Nam illa cuiusmodi sunt? Ipsa quoq; virginis ac eius (Beatæ Mariæ) idèd gratior & acceptior; quia non eam conceptus Christus viro violaturo, quam conseruaret, ipse praripuit: Sed priusquam conciperetur, iam Deo dicatam; de qua nasceretur, elegit. Hoc indicant verba, qua sibi factum annuncianti Angelo, Maria reddidit. Quomodo, inquit, fiet istud quoniam virum non cognosco? quod profecto non diceret; nisi Deo virginem se ante vouisset, &c. Et post pauca. Poterat & iuberi virgo permanere; in qua Dei filius serui formam congruenti miraculo acciperet: Sed exemplo sanctis futura virginibus, ne putaretur sola virgo esse debuisse, qua prolem etiam sine concubitu concipere meruisset: virginitatem Deo dicauit, cū adhuc quid esset conceptura, nesciret; ut in terreno; mortaliq; corpore celestis vita imitatio voto fieret; non precepto; amore eligendi; non necessitate seruiendi. Videntur ne tibi Augustino exempla defuisse, quibus virginitatem vel suspiceret; vel commendaret: ut ex apocryphis peteret, quod in Canonicis litteris non inuenisset? Sed Ambrosium nullo videlicet rerum humanarum usu, eoq; imposturis Apocryphorum obnoxium, audiamus. Is in ipso initio primi libri de Virginibus. Immaculatus, inquit, Dominus, immaculatam sibi familiam, etiam in hoc pleno colluuium fragilitatis humana corpore consecrauit. hic profecto ad ipsam Christi virginitatem rem totam reuocat. Et post narratam Beatæ Agnetis historiam. Non ideo, inquit, laudabilis virginitas, quia in martyribus reperitur; sed quia ipsa martyres faciat: Quis autem humano eam posset ingenio comprehendere; quam nec natura suis includit legibus? aut quis naturali voce completti; quod supra

bus verbis referendis, nisi si forte me Basileensis codex decepit, aliquid est fraudis, & imposturæ tuæ. Hac enim tua narratione primum accusatur temeraria quædam Papiæ credulitas: qui nullum haberet delectum eorum, à quibus quæreret, sed ut quisque se seniorum affectatorem diceret; in eius se disciplinam protinus daret. Deinde eorum eleuatur fides; à quibus audiuit, quæ scripsit; cum ij non Apostolorum, sed aliorum nescio quorum seniorum affectatores, non tam afferrent, quæ ipsi ab Apostolis accepissent; quam quæ aliorum narratione de Apostolis comperissent. At Papias longè aliter narrat; cuius ea verba sunt apud Eusebium: *Neg, enim multa dicentibus; sed vera tradentibus auscultauimus. Neque hi, qui hominum præcepta; sed qui Domini mandata memorabant, ab ipsa veritate suscepta.* Vides non temerè cuiuscunque fidem ab eo habitam fuisse? Perge. *Quod si quando aduenisset aliquis ex iis, qui sequuti sunt Apostolos,* (Non igitur, qui sequutos tantum se esse dicerent ex senioribus quempiam) *sedulo expiscabar, quid Andreas, quid Petrus dixerat, &c.* Post ea verba, quæ ex Eusebio, ita ad rem tuam composuisti, hæc subiicis: *Quibus dum fidem adhibuit, & porro exiguo iudicio pradius Apostolicas disputationes perperam accepit, minus rectè considerans, quæ ab illis per hypodigmata, & figurate dicta sunt: multas fabulas & peregrinas doctrinas in Ecclesiam inuexit; nec ipse modo errauit, ut notat Eusebius; sed quam plurimè post se Ecclesiasticis viris ad antiquitatem eius respicientibus errandi occasionem suppeditauit.* Quibus verbis duo minimum tua mendacia continentur. Alterum quod, cum Eusebius vnū Chiliastrarum errorem in eo reprehendat; tu multas ab eo fabulas, & peregrinas doctrinas inuectas in Ecclesiam calum-

calumniariis; sic enim scribit Eusebius, *Dicit autē (Papias) & alia plurima à maioribus sibi tradita miracula, & nouas quasdam parabolas Saluatoris & doctrinam incognitam, magisque fabulosam; mille annos futuros post resurrectionem, quibus corporaliter regnum Christi in hac vita futurum sit. Sed ego puto, eam spirituales, & mysticas Apostolorum traditiones corporaliter, & secundum literam suscepisse, nec potuisse discernere ea, quae illi in figuris velut latentibus, & parvulis loquebantur; qui & re vera etiam ex ipsis, quae conscriptis opusculis exigui sensus vir, & minus capacis ostenditur; multis tamen posse Ecclesiasticis viris erroris huius praebeis occasionem.* Hæc Eusebius, quem tu, ut ex antiquitate ipsa contra antiquitatem proferre testimonia videre; item ut reliquos corrupisti: Videbas nimirum nouitiam istam disciplinam, ac recens ortum è cæno, atque in paludibus Euangelium probari hominibus per se ipsum sine aliqua vetustatis commendatione non posse.

Alterum mendacium tuū illud est, quod nusquam docet Eusebius, id quod tu credi cupis, Papiam ab vllorum in fraudem inductum esse, à quibus ea quæ siue-
7. Abbas fingit hist. quas pro Veris, ac minimè dubiis præfert.
 rat: ac ne verbum quidē vllum dicit, vnde eius rei possit oriri suspicio. Sed hoc tu, quia ad rem tuam facere existimabas, sine teste, sine indiciis, sine coniectura vlla probabili, & his verbis, & superioribus ad libidinem tuam affirmasti. Est enim illa quoque tua Phisignathe, robusta fraus; quod rerum gestarum historiam, non ex veteri memoria, sed ex cerebro tuo tam confidenter profers; ut de re minimè dubia, planeque explorata loqui te credat, qui te non nouerit. Quem locum priusquam tractandum aggrediar, ex te libet querere Phisignathe;

aliis de causis reiecit; altera quod non videretur simile veri, eā historiam aut ignorari à Luca indiuiduo Pauli Comite; aut omitti in actis Apostolicis potuisse. Altera quod Tertulliani testimonio liber ille non ita fideliter scriptus habeatur. *Περὶ οὗτου, inquit, Pauli & Tecla, & totam baptizati Leonis fabulam, inter Apocryphas scripturas computamus. Quale enim est, ut indiuiduus comes Apostoli inter ceteras eius res gestas hoc solum ignoraueris? Sed & Tertullianus vicinus eorum temporum refert Presbyterum quendam ἀρχιδιάκον Apostoli Pauli conuictum apud Ioannem, quod auctor esset libri, & confessum, se id amore Pauli fecisse, & ob id excidisse.* Ac prior quidem illa ratio, ut non nihil habet probabilitatis: ita nihil necessario concludit; nisi eandem etiam ob causam Ioannis Euangelium in suspicionem vocemus, quod cæci nati, ac reuocati ad vitam Lazari historias quibus vix vlla est in Euangeliiis illustrior, mandauit litteris: quas verisimile non est à Matthæo aut omitti, aut ignorari potuisse. Adde quod constat multa à Beato Luca ex rebus gestis, atq; ærumnis Apostoli fuisse præterita. Id quod Hieronymus ipse lib. 2. in cap. 2. ad Galatas adnotauit. *Nec mirum, inquit, si Lucas hanc rem* (contentionem Antiochenam Petri, & Pauli) *sacuerit, cum & alia multa, qua Paulus sustinuisse se replicat, historiographi licentia prætermiserit.* Cur autem quædam scripserint, alia non minora, fortasse etiam maiora, omiserint sacre historię scriptores: scitis, qui stylos eorum rexit, & scripturas condidit Spiritus sanctus. Posterior tantam vim habet, quantam ei Tertulliani narratio tribuit. Neutra porro indicat aut historiam eam quam hic narrat Abbatus, aut quicquam omnino eorum, quæ eo volumine continebantur, à fide, ac religione

gione alienum fuisse: Eusebius quidem lib. 3. cap. 25. historię librum hunc, quem actus Pauli appellat inter eos numerat, qui quamuis nihil contineant fidei Christianę, atque Apostolicę disciplinę minus consentaneum; dubię tamen erant auctoritatis; quod quibusdam Canonici viderentur; aliis non itē. Deniq; quęcunq; demū acta illa fuerint, ea longē ab iis diuersa esse, quę etiā nūc extant, atque acta passionis Teclę inscribuntur, vel illud argumento est; quod vt notat Baronius tom. primo ad annum Domini 47. in actis illis mendacibus auctore Tertulliano, & prædicasse, & baptizasse Tecla narrabatur; quod in actis, quę passionis Teclę inscribuntur, nusquam inuenies. item vt totam illam baptizati Leonis fabulam, quam libro illi abscribit Beatus Hieronymus. Hęc autem historia, quam vt in inuidiam cęlibatum vocet, homo impurus, actis illis apocryphis tribuit, ē veris Beatę Teclę actis petita est; quam etiam grauissimorum Patrum testimoniis confirmat loco citato Baronius. Profert enim duos Gregorios Nyssenum, & Nazianzenum, Epiphanium, Chrysostomum, Ambrosium, Cyprianum, Maximum, Augustinum, Metaphrastem, plurimas item martyrum historias, quę rei huius meminerunt. Ipsum denique Hieronymum in Epistola ad Oceanum, vbi *Tecla*, inquit, *post tentationem passionis, Antiochię à Paulo prohibetur pariter pergere*. Ac ne forte nonnullorum, quamuis parum iusta de eius Epistolę scriptore dubitatio; tibi iustę alicuius exceptionis ansam præbere videatur: Teclam idem Hieronymus tanti facit vt solam ē toto virginum choro delegerit, quam in Epistola ad Eustochium de seruanda virginitate, cum Maria matre Domini numeraret. *Qualis eris*, inquit,

illa dies cum tibi Maria Mater Domini choris occurreret comitata virginibus, cum post rubrum mare submerso cum suo exercitu Pharaone tympanum tenens praeiret responsurus, Cantemus Domino, gloriose enim honorificatus est, equum & ascensorem proiecit in mare. Tunc Tecla in tuos lata volabis amplexus; tunc & ipse sponsus occurret. Qualem eam esse existimat, quam è tanto virginum numero solam nominatim posuit cum Maria? Non igitur Teclæ vel historiam reiicit, vel exemplum auersatur: Sed periodos Teclæ, & Pauli, atque illam baptizati Leonis fabulam non recipit. At tu quia quicquid caro non est, fabula tibi est: virginitatem etiam Teclæ in fabulis numeras, eamque historiam tam certam, tam multis, tot grauissimorum hominum testimoniis confirmatam apud imperitos traducis, atque inde factum esse affirmas; ut multi ex Patribus in virginitatis admirationem raperentur. Quæ fabula, inquis, postea quantos viros sefellit, Cyprianum, Ambrosium, Epiphanium, Augustinum; qui pro vera historia librum illum susceperunt, eoque ad supersticiosam virginitatis admirationem vehementer allecti sunt. Atqui Cyprianus Tertullianum, cuius erat studiosissimus, legerat Beatus Augustinus. Neque vero verisimile est, hunc unum eius scriptoris locum eorum industriam, ac diligentiam effugere potuisse. qui igitur factum est; ut ab eo moniti induci se in fraudem mēdacij narratione paterentur? Certè si modo sui compotes tantos viros facis, necesse est fatearis, illos aut maiorem habuisse fidem illi historiæ, quàm Tertulliano, quod ab iis sine iusta aliqua causa factum suspicari non possumus, aut eam historiam inuenisse apud alios scriptores, de quorum fide dubitare non possent; quod si ita est, nihil habes,

quod

quod contra obiiicias; aut certè non huius historiæ authoritate commotos tantum virginitati tribuisse, quantum illi abiis tributum impuri homines iniquissimè patimini; quod integritatis præconium turpitudinis vestræ vituperatio est. Ceterum tu quidem nimis exiguum numerum eorum facis, qui virginitatem miris in cælum laudibus extulerunt, quos omnes si numerare voluisses; vix quenquam ex antiquis scriptoribus omisisses. Hieronymus quidem certè, quem tu tui huius mendacij authorem facere voluisti, virginitatis præstantiam aduersus Iovinianum acerrimè defendit; Idè scripsit ad Eustochium, scripsit ad Demetriadem de custodia virginitatis. deniq; tam multus in eius laudibus est: ut nunquam satis dixisse sibi videatur, illum ne etiam Teclæ ista, ut tu blasphemias, fabula dementauit? Deinde, ita te palus amet Physignathe, quibus authoribus comperisti, ea historia adductos esse hos Patres: ut virginitatem tantopere commendarent? Nam Cyprianus ipso libri eius initio, quem de habitu virginum scripsit, virginitatis laudes ex verbis Domini primum Matth. 19. deinde ex Apocalypsis 14. denique ex prim. Corint. 7. repetit; quas tu literas, nisi quid fortè aliter in palude sentitis; apocryphas esse non dices. *Quæ se Christo dicauerint, inquit, & à carnali concupiscentia recedentes, tam carne quam mente se Deo deuouerint: opus suum consumment magno premio destinatum; nec ornari iam aut placere cuiquam nisi Domino suo studeant; à quo & mercedem virginitatis expectant, dicente ipso, Non omnes capiunt hoc verbum; sed illi, quibus datum est. Sunt enim spadones, qui se ipsos castrauerunt propter regnum cælorum; & sunt spadones, qui castrati sunt ab hominibus. Denuò quoq; per hanc Angeli*
vocem

vocem continentia munus ostenditur, virginitas predicatur; Hi sunt, qui sequuntur agnum quocumq; ierit, &c. Et post pauca, Quod si Christum continentia sequitur; & regno Dei virginitas destinatur: quid est illis cum terreno cultu, & cum ornamentis, quibus dum hominibus placere gestiunt, dominum offendunt? Et post pauca. Instruit nos Paulus, & dicit. Cælebs cogitat ea, quæ Dei sunt, quomodo placeat Deo: qui autem matrimonium contraxit, cogitat, quæ sunt mundi, quomodo placeat uxori. Sic & virgo & mulier innupta cogitat quæ sunt Domini, ut sit sancta corpore & Spiritu. Satisne tibi videtur Abbate Cypriani credula simplicitas delirare? qui rem tantam Apocryphorum nescio quibus somniis, hoc est Christo, & duobus Apostolis auctoribus adstruat? Quid Augustinus? num ipse quoque superstitione occupatus est? ita opinor. Hoc tempore, inquit, in ipso libri de sancta virginitate ingressu, quibus dictum est, si se non continent nubant; non adhibenda est exhortatio, sed consolatio; quibus autem dictum est, qui potest capere, capiat, exhortandi sunt, ne terreantur; & tenendi sunt, ne extollantur. Hoc ne etiam, quod apud Matthæum legerat, ex periodis Pauli, & Teclæ didicit Augustinus? Pergit. Hoc isto sermone suscepimus, adiunget Christus virginum sponsus, virginali utero, corporaliter natus, virginali connubio spiritualiter coniugatus. Cum ipsa igitur uniuersa Ecclesia virgo sit desponsata uni viro Christo, sicut dicit Apostolus: Quanto digna sunt honore membra eius, quæ hoc custodiunt etiam in carne, quod tota custodit in fide, quæ imitatur matrem viri & Domini sui? At hoc quidem, sine controuersia, ex Apocrypho illo Asiatico sumptum est, quæ enim sunt ista somnia? Christus virgo, virginis filius, virginum sponsus, virgo Ecclesia uni viro Christo desponsata,

sata, decepit hominis minimè malianimum nimis credulum illa de repudiato à Tecla sponso ficta narratio. Nam illa cuiusmodi sunt? Ipsa quoq; *virginitas eius* (Beatae Mariae) *ideo gravior & acceptior; quia non eam conceptus Christus viro violaturo, quam conservaret, ipse praeipuit: Sed priusquam conciperetur, iam Deo dicatam; de qua nasceretur, elegit. Hoc indicant verba, quae sibi factum annuncianti Angelo, Maria reddidit. Quomodo, inquit, fiet istud quoniam virum non cognosco? quod profecto non diceret; nisi Deo virginem se ante vouisset, &c. Et post pauca. Poterat & iuberi virgo permanere, in qua Dei filius serui formam congruenti miraculo acciperet: Sed exemplo sanctis futura virginibus, ne putaretur sola virgo esse debuisse, quae prolem etiam sine concubitu concipere meruisset: virginitatem Deo dicauit, cū adhuc quid esset conceptura, nesciret; ut in terreno; mortaliq; corpore caelestis vita imitatio voto fieret; non praecepto; amore eligendi; non necessitate seruiendi. Videntur ne tibi Augustino exempla defuisse, quibus virginitatem vel suspiceret; vel commendaret: ut ex apocryphis peteret, quod in Canonicis litteris non inuenisset? Sed Ambrosium nullo videlicet rerum humanarum usu, eoq; imposturis Apocryphorum obnoxium, audiamus. Is in ipso initio primi libri de Virginibus. *Immaculatus, inquit, Dominus, immaculatam sibi familiam, etiam in hoc pleno colluuium fragilitatis humana corpore consecrauit. hic profecto ad ipsam Christi virginitatem rem totam reuocat. Et post narratam Beatae Agnetis historiam. Non ideo, inquit, laudabilis virginitas, quia in martyribus reperitur; sed quia ipsa martyres faciat: Quis autem humano eam posset ingenio comprehendere; quam nec natura suis inclusis legibus? aut quis naturali voce completi; quod supra**

*usum natura sit? E cælo accersuit, quod imitaretur in terris. nec immerito viuendi sibi usum quaesuit è cælo; qua sponsum sibi inuenit in cælo. Hac nubes, aëra, Angelos, syderaq; transfrediens, verbum Dei in ipso sinu Patris inuenit, & toto hausit pectore. Ne hæc quidem à superioribus dissentiant, Et post pauca. Postremò non meum est illud, quoniam, qua non nubunt, neq; nubentur, erunt sicut Angeli Dei in cælo. Nemo ergo miretur, si Angelis comparetur, qua Angelorum Domino copulatur. quis igitur neget hanc vitam fluxisse de cælo; quam non facile inuenimus in terris, nisi postquam Deus in hac terreni corporis membra descendit? tunc in utero Virgo concepit; & Verbum caro factum est, ut quod caro factum est, caro fieret Dei. At hæc non ex historia Teclæ, sed ex Euāgeliiis, & Christi ipsius exemplo petuntur. Id quod non ita multò post etiam apertius docet. Quid est castitas virginalis, nisi experta contagionis integritas? Atque eius auctorem, quem possumus existimare: nisi immaculatum Dei filium, cuius caro non vidit corruptionē, diuinitas non est experta contagionem. At Abbatus Asiaticum nescio quem presbyterum à te nominatum iri credebat, ex quo illud quoque senex nimis credulus hausisti: De Virginibus, inquit Apostolus, praeceptum Domini non habeo; consilium autem do. Si Doctor gentium non habuit, habere quis potuit? Et praeceptum quidem non habuit; sed habuit exemplum. Non enim imperari potest virginitas, sed optari. Nam qua supra nos sunt; in votis magis, quàm in magisterio sunt. Sed volo vos inquit, sine sollicitudine esse. Nam qui sine uxore est; sollicitus est qua Domini sunt, quomodo placeat Deo; & virgo cogitat, qua Domini sunt, ut sit sancta corpore, & spiritu. Nam qua nupta est; cogitat qua mundi sunt, quomodo placeat viro. Iam misereor Apostoli Pau-
li, qui*

li, qui ipse quoque scriptis illis apocryphis studiosi sui presbyteri inductus in fraudem est. Quid enim grauius, quid magnificentius, quid amplius ad virginittis prædicationem à quoquam afferri potuit? Vnus reliquus est Epiphanius, quem quia ad manus in præsentia non erat, non magnopere laboraui vt viderem. satis te impudentissimi mendacij obfignatis aliorum tabulis conuicimus. Neque verò dubito, quin de eo quoque mentiare. cur enim exemplum Teclæ potius, quam Beatæ Mariæ, quam Christi Domini, quam consilium Pauli, quam Christi oraculum hominem scripturarum scientissimum ad virginittis admirationem alliceret? At enim Teclam hi Patres propter dicatam Deo virginittatē maiorem in modum laudant. Laudant verò etiam omnes ferè Patres Beatum Stephanum, quod primus sanguine suo testimonium Euangelio dederit, quodque pro lapidatoribus suis preces ad Deum moriens fuderit; an tu propterea à Stephano profectam non è Christi Domini exemplo, institutisque petitam eam disciplinam dicturus es? Huc etiam spectat id quod sectione huius capitis secunda callidè admodum scribis, ità enim iis, quæ Eusebius de Papia disputat, interponis tua; vt nisi qui Eusebium ipsum consuluerint, ea omnia ab Eusebio scripta esse facillè credant. Cum enim dixisses, *Papiam malè fidei Apostolicorum virorum sectatoribus vltro se fallendum prabuisse.* Subdis primum deprauata Eusebij verba ex lib. 3. hist. cap. 36. *Vbi quisquam, inquit, veniret, qui seniorum affectatorem se diceret, vt verba seniorum exquireret, quid Andreas, quid Petrus, quid Philippus, quid Thomas vel alius quispiam ex discipulis Domini, quidq; Aristion, & senior Ioannes discipuli Domini dixerint, in qui-*

bus verbis referendis, nisi si forte me Basileensis codex decepit, aliquid est fraudis, & imposturæ tuæ. Hac enim tua narratione primum accusatur temeraria quædam Papiæ credulitas: qui nullum haberet delectum eorum, à quibus quæreret, sed ut quisque se seniorum affectatorem diceret; in eius se disciplinam protinus daret. Deinde eorum eleuatur fides; à quibus audiuit, quæ scripsit; cum ij non Apostolorum, sed aliorum nescio quorum seniorum affectatores, non tam afferrent, quæ ipsi ab Apostolis acceperissent; quam quæ aliorum narratione de Apostolis comperissent. At Papias longè aliter narrat; cuius ea verba sunt apud Eusebium: *Neq; enim multa dicentibus; sed vera tradentibus auscultauimus. Neque hi, qui hominum praecepta; sed qui Domini mandata memorabant, ab ipsa veritate suscepta.* Vides non temerè cuiusque fidem ab eo habitam fuisse? Perge. *Quod si quando aduenisset aliquis ex iis, qui sequuti sunt Apostolos,* (Non igitur, qui sequutos tantum se esse dicerent ex senioribus quempiam) *sedulo expiscabar, quid Andreas, quid Petrus dixerat, &c.* Post ea verba, quæ ex Eusebio, ita ad rem tuam composuisti, hæc subiicis: *Quibus dum fidem adhibuit, & porro exiguo iudicio præditus Apostolicas disputationes perperam accepit, minus rectè considerans, quæ ab illis per hypodigmata, & figurate dicta sunt: multas fabulas & peregrinas doctrinas in Ecclesiam inuexit; nec ipse modo errauit, ut notat Eusebius; sed quam plurimis post se Ecclesiasticis viris ad antiquitatem eius respicientibus errandi occasionem suppeditauit.* Quibus verbis duo minimum tua mendacia continentur. Alterum quod, cum Eusebius vnū Chiliastrarum errorem in eo reprehendat; tu multas ab eo fabulas, & peregrinas doctrinas inuectas in Ecclesiam calum-

calumniariis; sic enim scribit Eusebius, *Dicit autē* (Papias) *& alia plurima à maioribus sibi tradita miracula, & nouas quasdam parabolas Saluatoris & doctrinam incognitam, magisque fabulosam; mille annos futuros post resurrectionem, quibus corporaliter regnum Christi in hac vita futurum sit. Sed ego puto, eam spirituales, & mysticas Apostolorum traditiones corporaliter, & secundum literam suscepisse, nec potuisse discernere ea, quæ illi in figuris velut latentibus, & parvulis loquebantur; qui & re vera etiam ex ipsis, quæ conscripserat opusculis, exigui sensus vir, & minus capacis ostenditur; multis tamen post se Ecclesiasticis viris erroris huius præbuit occasionem.* Hæc Eusebius, quem tu, vt ex antiquitate ipsa contra antiquitatem proferre testimonia videre; item vt reliquos corrupisti: Videbas nimirum nouitiam istam disciplinam, ac recens ortum è cæno, atque in paludibus Euangelium probari hominibus per se ipsum sine aliqua vetustatis commendatione non posse.

Alterum mendacium tuū illud est, quod nusquam docet Eusebius, id quod tu credi cupis, Papiam ab vllorum in fraudem inductum esse, à quibus ea quæ siue rat: ac ne verbum quidē vllum dicit, vnde eius rei possit oriri suspicio. Sed hoc tu, quia ad rem tuam facere existimabas, sine teste, sine iudiciis, sine coniectura vlla probabili, & his verbis, & superioribus ad libidinem tuam affirmasti. Est enim illa quoque tua Phylagnathe, robusta fraus; quod rerum gestarum historiam, non ex veteri memoria, sed ex cerebro tuo tam confidenter profers; vt de re minimè dubia, planeque explorata loqui te credat, qui te non nouerit. Quem locum priusquam tractandum aggrediar, ex te libet querere Phyl-

7.
Abbas
fingit hist.
quas pro
ferri, ac
minimè
dubis pro
fert.

gnathe; quid tibi tandem in mentem venerit, tam multarum imposturarum conscio, cap. 5. sectione prima impostura Bellarminum accersere? in quo cum summa omnia sint: nihil tamen est illustrius; quam ingenuus animi candor, ac morum verè Christiana simplicitas. At quo tandem nomine Bellarminum Abbatas reprehendit? quod cum Hilarius Canone 25. in Matthæū doceat, ante euerfam Hierosolymam Euangelium ad omnes gentes fuisse delatum, Hieronymus in cap. 24. Matthæi dubitare se scripserit, vtrum vlla esset terrarum natio, ad quam tum, cum illa scriberet, non dum Euangelium peruenisset, ex eoque collegerit, impleto iam Domini vaticinio de prædicatione Euangelij ad omnes gentes iudicij diem imminere: Bellarminus eorum testimoniis utatur. ut probeat ante Euangelium regni orbem terrarum vniuersum peruagari debere; quàm reuelaretur Antichristus. At si vel ante deletam Hierosolymam, vel cum B. Hieronymus illa scriberet omnibus gentibus prædicatum fuerat Euangelium: non ne longissimo etiam interuallo ea prædicatione Antichristum, vel te ad stipulatorem præcessit? Quid igitur in Bellarmino reprehendis? At enim Bellarminus negat etiam nunc ad omnes gentes esse delatum; à qua eius assumptione Hieronymus, Hilariusque dissentiunt. Sint ista sanè; ideo ne impostor, ac tui similis Bellarminus; quod propositionis suæ testes eos adhibuit, cum quibus illi de assumptione non conuenit? An hoc etiam noui porrenti tulit vestra ista palustris Lybia; ut nihil inter syllogismi propositionem, atque assumptionem intersit; idemque sit assumptum, ac propositionem negare? Sed redeamus ad nostrum, & commentitias Abbati historias profera-

fera-

feramus. Significat primi huius capituli sectione prima ab Apostolis obscure admodum, atque inuolutè, neque nisi scripto tradita fuisse fidelibus, quæ ad Antichristum pertinebant. *Cuius nomen, inquit, (Antichristi) postquam in Ecclesia percrebuisse; captum est inquiri quis ille, qualis uel futurus; ubi, & quando venturus, quid & quando, & quousq; facturum esset; & curiosa temeritas, quod erat in scripturis obscurius, & Prophetia tenebris inuolutum; euolui sibi uoluit, & explicari; ut tanquam sub oculis Antichristum haberet; & illum clara luce conspicuum intueretur.* Atqui si Apostoli uia etiam uoce cum fidelibus de Antichristo disputarunt tum, cum iis Euangelium prædicarent: non video unde constare Abbato possit, eos ita Prophetiæ tenebris & inuolucris mysterium illud reclusum, atq; implicatum tradidisse; ut nihil ne rogati quidem euoluerent. Quàm autem uerissimile est, aut eos, qui disputationibus eorum intererant, aut eos in quorum manus eorum adhuc uiuentium litteræ uenerant, iis de rebus doceri enucleatius explicatiusque noluisse? Sed Antichristi modo nomen edoctos, de re ipsa non fuisse sollicitos? Aut igitur neget Abbat, quicquam Apostolos de Antichristo uia uoce prodidisse; aut negare non poterit, hæc non ex ueteri historia petita; sed nuper à se excogitata & composita fuisse. At illud incolumi scripturarum fide sustentari non potest; cum disertè testetur Apostolus 2. Thessal. 2. tota ea de re se, cum apud eos esset, uerba fecisse. Quanquàm habet illud etiam dubitationis non nihil: quod si ea, quæ de Antichristo in sacris litteris tradita sunt, tantis sunt difficultatibus implicata, ac tam densis offusa tenebris, ut ea ne ab iis quidem intelligi possent, qui primorem illam, atque incorruptam
fidei

fidei disciplinam, quasi lac ab Apostolis hauserant, tum cum tam abundè passim in corda credentium Spiritus sanctus effundebatur : non facile erit ex iis diuinorum oraculorum ambagibus etiam nunc lucem perspicuæ, ac minimè dubiæ veritatis elicere. Vt vel eo nomine suspecta esse debeat Abbati à Patribus ad diuinas litteras prouocatio; quod cædificillimos hac in parte habebant explicatus. Sed alterum eius hac de re commentū videamus, pergit. *Quare, inquit, ad hanc petulantiam, (veterum Christianorum, nihil enim est apud istos sanctum, atque inuiolatum) hæreticorum impostura se accom-*
modans, & arborem interdicta adhuc scientia maximo cum
fractu gustandam adpromitens : commentitium quendam
Antichristum è somniis suis, & Iudeorum fabulis edolauit,
& insolentissima temeritate certissima dogmata de rebus in-
certissimis, quia longè post futuris, pronuntiare ausa est; Ac ne
prorsus auctoritate carere videretur, sacrarum scripturarum
testimonia quadam detorsit ad ineptias suas; ut humanas pra-
sumptiones pro diuinis oraculis habendas esse persuaderet.
Hinc illa manarunt Antichristum fore Iudeum, & nasciturū
ex Tribu Dan, templum Hierosolymis instauraturum, ibi ses-
surum, ibi eum Iudeos veneraturos, deinde prælum cum gen-
tibus facturum, subingaturum sibi orbem terrarum, & hæc
omnia tribus annis & dimidio confecturum. Hic ego scire ab te Phylsignathe peruelim, quibus auctoribus compereris, hæreticorum ea inuenta fuisse; aut ullos vnquā hæreticos quicquam de illis rebus disputasse. Epiphanius quidem certè, Theodoretus, Augustinus, ac reliqui, qui veterum hæreticorum, atque hæresum Catalogos texunt, eius rei nusquam meminerunt. Sed hanc tibi ipse fabulam, quæ in mentiendo solertia egregius faber

faber edolasti. *At enim*, inquis scēt. 2. apud Gennadium in Catalogo illustrium virorum commemoratur Iacobus sub Maximino cōfessor, Episcopus Nisibenus sub imperio Constantini, qui diuinis scripturis compressit ora eorum, qui presumptuosa suspitione de aduentu Antichristi, vel Domini nostri inaniter philosophati sunt. Nescio quo tuo malo fiat, vt ne vera quidem sine mendacio possis dicere. Nam quznam eæ fuerint inanes suspiciones de aduentu Antichristi Gennadius non narrat; Iacobi illius libri non extant; tu ad ea detorques, quæ ab Irenæo, atque aliis deinde Patribus disputata sunt; idque nullo alio auctore, quam mentiendi libidine, ac malignitate tua. qui si Gennadij ipsius verba cum veteri historia contulisses: intellexisses profecto longè aliud esse, quod is eo loco significat. Nam, vt videre est apud Bellarminum cap. 3. fuerunt vel ab ipso Ecclesiæ initio, qui certum tempus statuerent aduentus Antichristi, & consumationis sæculi. Ita Iudas quidam ex Hieronymo ducentessimum, Lactantius quingentesimum, alij ex Augustino quadringentesimum Domini annum constituerunt, qui omnes aperte sacris litteris aduersantur, cum Dominus ea de re rogatus ab Apostolis negauerit esse nostrum nosse tempora, nec momenta. Quamobrem inanis, ac presumptuosa erat omnis eorum suspiciō; id quod etiam notat Beatus Augustinus. Porro huc spectare ea Gennadij verba colligi potest, tum quia liber, in quo ea Iacobus disputare dicitur chronicum erat. vt verisimile sit de annis, ac temporibus in eo libro disputatum esse; tum quia nō de solo Antichristi, sed de Domini etiam aduentu ij philosophabantur, quos eo libro refellit Iacobus; de quo cum plurima sciamus, tempus neque scire possu-

K

mus

mus neque inuestigare, integrum nobis est. Denique si ea, quæ in scripturis de Antichristo traduntur, tam densis erant inuoluta tenebris; ut ea ne Apostolorum quidem auditores intelligerent, ut Abbato placet: quæ ratione ex scripturis Iacobus eorum suspensiones tanto ante confutauit? Iam quod reseas, quæ de Antichristo prædicabantur ab Apostolis, quia longè post futura erant; ideò incertissimas fuisse docet; à Calviniana disciplina nō discedit; qui enim nihil credunt, nisi quod lubet: nihil habent certum, nisi quod vident; at quibus fides est argumentum non apparentiū; iis certiora sunt ea, quæ etiam longissimè post futura prædixerit Spiritus sanctus; quam quæ præsentia oculis contemplan-
 tur. At enim interdictæ tunc scientiæ arbor ea fuit, quam gustare humana temeritas voluit. At hoc ipsum mi Phisignathe qui constat? quia ne tu ad paludem tuā apricans, ita vaticinaris? tantis ne igitur tenebris Ecclesiam premi necesse fuit; dum Anna Bolenia Henrico octauo neptem Elisabetham enixa, diuinis oraculis lucem afferret? Sed tu incredibile dictu est, quanta confidētia de rebus tanto interuallo à nostra memoria remotis, nullo auctore pronuncies; interfuisse te dicerem, cum hæc agerentur; nisi paulò ante è Palude Oxoniensi muscosus Theologus emerlisses. Ita scēt. 2. vbi Papiam satis exagitalle visus es. *illum, inquis, sequutus est Irenæus, & eius auctoritate permotus Chiliastrarum hæresim è Cerinthi fontibus haustam, amplexus est; cum qua dum iudaizat, & Apocalypsin, & alias scriptura sententias, ut testatur Hieronymus, ad litteram exponit: non dubium est multas de Antichristo fabulas, quas simul imbibit Irenæus, fuisse coniunctas.* Conuertat te Deus infelix. quibus tandem vel rationi-
 bus,

bus, vel auctoribus probaturus es, ullas de Antichristo fabulas, atque carnales interpretationes hausisse Irenæum è fontibus Papiæ? quia ne Chiliastrarum errorem ab eo imbibit? at si necesse est eum, qui semel errauerit; omnibus in rebus errare. vide quid de Luthe-
ro tuo dicturus sis: quem, quia Calvinianus es, quibus in rebus à Caluino dissidet, sine dubio errasse cõtendes. Citas tu quidem ad marginem Beatum Hieronymum in Prologo lib. 18. in Isaiam, sed is eo loco non nisi Chiliastrarum errorem, atque eas scripturæ interpretationes, quæ ex eo profectæ sunt, in Irenæo, eiusque studio-
sis reprehendit. vt ne in Papiæ quidem, à quo in Irenæum eam sententiam deriuatam esse docet in Catalogo. fabulæ illæ minimè dubiæ, quas commemoras, ex ingenio tuo, magni fabularum artificis, ortæ sunt. Quo in genere tuum illud subiiciam palmare mendacium, ex cap. 3. sect. 2. dum in Irenæum inueheris, quod primus, vt tu ais, è Papiæ sæcibus haustum errorem de instauratione templi Hierosolymirani Ecclesiæ propinarit. *Aduersus illum*, inquis, *olim vir eloquentissimus Dionysius Alexandrina Ecclesia Episcopus, elegantem scripsit librum, teste Hieronymo; & inter cetera somnium illud de instauratione templi confutauit*; atque adnotas ad marginem Hieronymum in Isaiam lib. 18. in Prologo. At Beatus Hieronymus eo loco non de Templo ab Antichristo instaurando disputat: sed de eo, quod post resurrectionem Chiliastræ futurum fabulabantur. *Aduersus quem*, inquit, *(Irenæū) vir eloquentissimus Dionysius Alexandrina Ecclesia Pontifex elegantem scripsit librum: irridens mille annorū fabulam, & auream, atq; gemmatam in terris Hierusalem, instaurationem templi, hostiarum sanguinem, ocium sabati, cir-*

cumcisionū iniuriam, nuptias, liberorum educationem, epularum delicias, &c. quæ tu, ne vsquam non mentiri, ad Antichristum detorques. Contendis etiam sect. 6. cap. primo, Orationē illam de consummatione mundi, quæ Hippolyto martyri adscribitur, spuriam, ac supposititiā esse. *Hippolytus quidam, inquis, non antiquus ille Portuensis Episcopus, sed alter quidā supposititijs heri natus ex incubo, qui, quia pudit illum nomen sui, deponenda censuit ovis sua in nido alieno; atque adnotas Hippolytum oratione de consummatione mundi. Quid ita verò? aut quibus indicis rem tantam deprehendisti? præsertim cum & opinionis eius, quæ affirmat Antichristum Dæmonem futurum, cuius tu hoc ipso loco mentionem facis meminerit Chrysostomus in cap. 2. 2. Thess. & Beatus Hieronymus in Catalogo testis sit, scripsisse Hippolytū de Antichristo. Attulisses saltem coniecturas tuas, quænam ista sunt responsa de tripode? supposititijs iste Hippolytus in alieno nido ova deposuit. credendum est, quia ita censuit recens de palude Pythagoras; qui dum ad aquuulam suam formas digito describit in ventre; tã id ingeniosè commentus est; ut etiam hecatombas Musis gratulationis causā immolari par sit.*

8.

Abbas
secum pu-
gnat.

Denique etiam (imponendus est enim capitis huius examini aliquando finis, ne bonas horas & ipse male collocem in tuis nugis, & lectoribus auferam.) ita es excors; ut tecum ipse toto ferè capite pugnes. Damnas sect. 3. antiquos omnes, *quod apud eos superstitio illa plus sat inualuit, ut tu dicis; qua piaculum esse credebatur, ab illorum instituto, ac sententia recedere, qui prius in Ecclesiâ celebres fuissent.* id quod pluribus ea sectione probare niteris, in simili argumento sectio etiam 4. versatur. *Ad super-*

superstitionem, inquis, desperatio quoq; accessit. cam porro fuisse dicis, quod, cum maiorum scriptis ad iudicandi diligentiam excitari posteriores debuissent; ij contra ita putarunt ab eis absoluta omnia; et nihil sibi ultra perquirendum iudicaret: nihil putarent certius à quoquam aut sanius excogitari potuisse. At tu ipse sect. 2. confessus es Irenæum talē, ac tantum virum, quod Chiliastarum errorem docuisset, fuisse ab Alexandrino Dionysio reprehensum: Neque verò Dionysius, quod ab Irenæo ea in re dissensisset, malē apud quenquam audiuit; quamuis tanto post extiterit Apollinarius, qui Irenæi defensione suscepta plurimos etiam ex Catholicis in eam sententiam adduxit. Addidisti etiam de tuo sect. illa. 3. Augustinum cū hæreticis conferentem manum disertissimas aduersus Patrum testimonia exceptiones nonnunquam interposuisse. quis vnquam eo nomine Augustinum accusauit? Sed tu ita es infelix : vt constare tibi in mendacio tuo non possis. Protulisti Hieronymum Augustino suadenti, ne sacrorum voluminum nouam ex Hebræo versionem moliretur : dilemmate suo respondentem his verbis. Respondeat mihi prudentia tua, quare tu post tantos; & tales interpretes in explanatione Psalmorum diuersa senseris? Si enim obscuri sunt Psalmi; te quoq; in iis falli potuisse credendum est. Si manifesti; illos in eis falli potuisse non creditur, ac per hoc veroq; modo superflua erit interpretatio tua; & hac lege post priores nullus loqui audebit; & quodcunq; alius occupauerit, alius de eo scribendi non habebit licentiam; Quæ dum ex Hieronymo citas: ipse te in laqueos inducis. Nnnquam enim, nisi si fortè desperet, ea ratione argumentum Augustini dissolueret; si existimaret infitam penitus in animis hominum eam opinionem esse,

quod priores occupassent, in eo argumento posterioribus non licere versari. Neque verò eam sententiam, quicquid obgannias, Beatus Augustinus tunc probabat; ad quam cum, tanquam ad rem omnium confessione ridiculam, deducere ratio cinando Beatus Hieronymus nitebatur; quamque iam ante edita sua in Psalmos explicatione, ipse damnauerat. Sed multum interesse existimabat, verborumne an rerum interpretationem aggrediari. Quod verborum certa, ac finita significatio est; rerum infinita varietas. Vt cum illam tot interpretum eruditionem effugere potuisse credibile non sit: hanc ne omnium quidem scriptorum acumen, atque ingenium comprehendat. Porro sect. 5. in hoc Antichristi negotio tantam tamque conspirantem Patrum consensionem huc refers, quod præiudicata vetustatis auctoritas, & magnorum nominum commendatio fecit, ne intenderent mentis aciem ad ea dispicienda, quæ à maioribus suis acceperant. *Si oculos, inquis, vel paululum aperuissent homines, & suam quæcunque iudicandi facultatem adhibuissent: rescissent optimè multa, quæ ab Antiquissimis scriptoribus de Antichristo asseruntur; de tam infirmis, tam nullis argumentis esse profecta; ut illa constare posset, non nisi ab impostoribus, & hæreticis inuenta esse, aut certè non nisi per summam negligentiam tantis ingeniis obrepere potuisse.* Atqui eadem sect. nec ita multò post, à tota Patrum gente dissentientem Hieronymum de Iacobi, & Hieremiæ vaticiniis facis. Qui si maiorum suorum auctoritatem nihil veritus est, cum ea vaticinia non ad Antichristum, sed ad Sampsonem, ac Nabuchodonosorem referret: non video cur traditionem illam, quod Antichristus ex Iudæis futurus esset, quæ cum deceptum narras, nullo
etiam

etiam scripturarum fultam testimonio, tanti debuerit facere, ne à Patrib. diffideret. Præcipuè quod si tibi credimus, quod apud reliquos consentaneum erat, & coniunctum, sessurum illum Hierosolymis in Templo Iudæorum, improbauit, & in Ecclesia sessurum interpretatus est. Quanquam tu quidem, vt soles, mendacio locum illustras; cur enim non adnotasti vbinam Beatus Hieronymus eam sententiam improbat. Certè in commentariis in Matthæum cap. 24. in eam non obscurè inclinatur; in caput vndecimum Danielis non improbat. quæst. vndecima ad Algasiam, quem locum solent vestri proferre, sessurum cum ait vel in templo Hierosolymitano, vel in Ecclesia, quod verius arbitratur, quibus verbis & si hoc magis probat; illud profecto non improbat: Sed redeamus vnde discessimus. Quo ore affirmare audes homo impudentissime hoc de templo Hierosolymitano apud reliquos consentaneum esse, atque coniunctum cum Iudæorum vt tu vocas Antichristo; cum sect. 6. de Patribus ita scribas? *De Antichristi sede quàm variè loquuti sunt? In templo Hierosolymitano sessurum ait Cyrillus, non in Ecclesia: Oecumenius verò in Ecclesia, non in templo Hierosolymitano. Chrysostomus non solum in templo Hierosolymitano, sed etiam in Ecclesiis. Et tamen alibi dubitabilem esse ait interpretationem illam de templo Hierosolymitano; quemadmodum etiam Augustino incertum est, vtrum in templo illo; an in Ecclesia dicendū sit.* Quæ omnia eo scribis, vt probes, nihil illis de Antichristo certum, nihil exploratū fuisse. Qua autē ratione apud reliquos, si Hieronymum excipias consentaneum hoc esse potuit, cumq; Antichristi ex Iudæis origine necessario coniunctum; si cum de illa nemo dubitauerit,

rit, hoc tam fuit inter Patres incertum? Denique si tam variæ sunt Patrum de Antichristo, repugnantesq; sententia, quas siue falsas confingunt, siue veras coniectant, dum alij aliorum traditionibus acquiescere non possunt: ut palam ostendant, nihil illis de Antichristo certum, nihil exploratum fuisse (hæc enim verba tua sunt sect. illa sexta) Qua tandem ratione defendes tuum illud s. sectionis initium, *Quæ de superstitiosa antiquitatis veneratione, ac desperatione quicquam melius afferendi sectionibus superioribus dixerat, ea in hoc Antichristi negotio, ut in vnare aliqua maxime contigisse. Vt si oculos vel paululum aperuissent homines, & suam quæcunq; iudicandi facultatem adhibuissent; rescituri fuerint multa, quæ ab antiquissimis scriptoribus de Antichristo asseruntur, de tam infirmis, tam nullis argumentis esse profecta; ut illa constare posses, non nisi ab impostoribus, & hæreticis inuenta esse, aut certè non nisi per summam negligentiam tantis ingenii obrepere potuisse.* An tibi tantam illam iudicandi vim, quantam ne tu quidem in Patribus fuisse negas, adhibuisse non videntur ij, qui quæ à maioribus acceperunt, partim probant, partim reiiciunt? aut oscitantes, negligentesq; ea tractare, quæ tam accuratè discutiunt? Vbi nunc ille magnorum nominum fulgor, atque importuna veneratio vetustatis? quæ ita posteriorum præstrinxit acies ut oculos contra tollere nō auderent. Religio scilicet antiquæ opinionis, aut afferendi meliora desperatio ceteros ab eo studio, diligentiaque deterruit, ne reliqua ad amussim veritatis exigerent; qui tam multa, si vera memoras, à maioribus tradita repudiarunt, cum alij aliorum traditionibus acquiescere non possent. Viderunt præstantissimi illi viri nonnulla à maioribus suis, aut ita firmis è verbo Dei rationi-

rationibus comprobata; aut tanta Ecclesiæ consensio-
ne iam inde ab initio recepta esse; vt dubitare non pos-
sent, quin ea ad fidem Catholicam, ac traditiones Apo-
stolicas pertinerent; eaque non stolidi quadam admi-
ratione vetustatis, aut inani commendatione magno-
rum nominum inducti; sed adducti religione fidei, sine
vlla controuersia susceperunt. Alia contra cum in opi-
nioneposita, & probabilibus innixa coniecturis, non
certis comprehensa rationibus animaduertent: ita, si
quid secus videretur, ab eorum placitis sententiaque
discesserunt; vt de sua in eos obseruantia nihil remitte-
rent. fuit alterum religiosę fidei, alterum modestę liber-
tatis, vtrunque sapientiæ Christianę.

Quæ cum ita sint prior, eaque potior disputationis
tuæ pars non modo labefactata; sed euerfa funditus est.
Nam vt repudiata Patrum auctoritate ad libidinem tu-
am scripturas interpretari liberè posses; calumniatus es
Irenæum Papiæ testimonio, Papiam ipsum hæreticorū
deliriis, somniisque deceptum ea narrasse, quæ conse-
quentium sæculorum scriptores supersticiosa quadam
antiquitatis veneratione potius quam iudicio suo ad-
ducti probauerunt. At hæc partim sine vlllo fundamen-
to à te iactata, partim vero etiam, quæ tua Constantia
est, à te ipso confutata esse docuimus. Addidisti etiam,
vt Patrum existimationem imminueres, ex importuna
maiorum veneratione natas in Ecclesia hæreses non-
nunquam, & corroboratas fuisse; idque Prosperi atque
Hilarij testimoniis confirmare voluisti. At ea in re fal-
sarium te esse obsignatis tabulis demonstrauimus. Au-
gustinum citare ausus es, à quo *aduersus Patrum nunc sin-*
gularum, nunc omnium simul testimonia apertissimas exce-
ptiones interpositas diceres. At ne hic quidem falsi crimē
L effuge-

effugere potuisti. Patrum inter se dissentientium de Antichristo pugnam neque conspirans iudicium obiecisti, quo loco non solum ita mentitus es, vt tuo te mendacio iugulares; sed ineptè etiam, ac pueriliter argumentatus es; cum ex eo colligeres, nihil apud Patres certum, nihil exploratum de Antichristo fuisse, quod iis quibusdam in rebus non planè de eo conueniret. Scripturarum denique iudicium appellasti, quod cæ certam, neque fallentem veritatem contineant; cum Patrum quauis doctæ atque eruditæ; quia tamen humanæ sunt literæ, eo periculo planè immunes non sint. Id quoque apertissimè à nobis confutatum est. quod, si sacrarum litterarum tam apta est, ac plana sententia; vt in ea elicienda errare non possit humanum ingenium: ne Patres quidem errauerint. Sin obscura, atque recondita; periculum illud errandi; quod tantopere reformidas, euasurus non sis. Cui enim sano homini persuadere poteris; si illos tanto ingenio, ac sapientia præditos potuit vera scripturarum intelligentia fallere; te falli in earum interpretatione non posse? Non fugimus igitur errandi periculum; sed, si quod illud est, tua ista prouocatione in deterius commutamus. Neque ad scripturas à Patribus; sed ad tuum, à Patrum iudicio de germana sacrarum litterarum sententia prouocas; quare deliras Phisignathe, si quenquam tam amentem futurum credis; qui te, quam illos malit audire. Nam vestrum illud frigidum perfugium, quo tu quoque in hac disputatione vteris; quæ in vno scripturæ loco dicuntur obscurius, ea in alio clarius explicari; ob eamq; rem locorū collatione posse veritatē facile reperiri: tu tibi in hac de Antichristo tractatione præclusisti. Qui enim potes exceptione hac vti? quid docueris, ne ab Apostolorum quidem

dem discipulis potuisse ea intelligi, quæ de Antichristo in sacris litteris tradebantur, quod prophetiæ tenebris atque inuolucris clausa, peruestigari non possent. quicquid temeritatis eos argueris, qui de rebus obscurissimis quicquam certi pronunciare tanto ante ausi sunt. Quare nisi ipsum scripturarum conditorem Spiritum sanctum interpretem adhibeas humanis coniecturis, ac rationibus, quæ tamen in naturalibus etiam rebus nunquam cæcutiunt; totam hanc controuersiam permittis. Ad Spiritum porro postquam, more vestro, cõfugeris; inquiram abs te Physignathe, Patres ne omnes simul, viros sanctissimos, ac sapientissimos, atque ipsam adeò Ecclesiam, cui is promissus est, apud eum in æternum mansurus, destituerit: te hominem nequam, ac perditum afflauerit Spiritus sanctus? Videbo libenter os istud importunum, & ferreum, cum quasi iure tuo contendes, vti tibi de tuo spiritu fides habeatur; nõ item Ecclesiæ, Patribusque de suo. Ceterum quando altero iam pede debilitatus es: excede de prælio, ac paludem, si sapis, repete Physignathe. Virorum hæc sunt; non ranarum, muriumque certamina. Neque si loquacitate, ac mendacio præstas; idè etiam causa, ac rationibus superior es. Quantumlibet rumpare clamando, nunquam efficies, vt apud eos, qui Christianos modo se dici volunt, Patrum auctoritas penitus obsolescat.

Neque verò in primo capite, atque in Patrum tantum scriptis; ac veteri historia peruertenda, sed toto opere, atque omni scriptorum genere proferendo, veterator, ac sui similis est Physignathus; vt nullo negotio Calviniani Euangelij buccinatorem possis agnoscere. Non ero in eo genere longior, ne dum totum eius vo-

L 2 lumen

9.
Abbat. in
reliquo
opere nihil
fidelior est.

lumen exscribo; lectores imposturis perditis hominis onerem. Exempli gratia nonnulla subiiciam; ceterorū coniecturam ex his lector capiat.

Capite 10. sect. 3. ut Pontificis causam inuidiosam multitudini reddat, pessimi cuiusque Romani imperatoris dicta, factaque comparat cum Pontificiis: Sed ita tamen, ut quia vera exempla reperire non poterat, falsa ipse, ac commentitia supponat. *Domitianus*, inquit, *de se dici voluit, Dominus, & Deus noster sic fieri iubet. & pariter de Romano Pontifice dictum est credere Dominum Deum nostrum Papam sic non potuisse statuere, prout statuit; hereticum censetur.* atque adnotat ad marginem extrauag. Ioan. 22. cap. cum inter in glossa sub finem. Quo loco ineptus calumniator est, qui typographorum etiam errata, mendaque, quæ vel incititia, vel incuria nonnullorum in libros nostros irrepserunt, nobis obiiciat. Sunt nonnulli codices, qui hoc habeant: ac sunt etiam, qui non habeant. consule codices Lugdunenses anni 1553. apud Hugonem à Porta. & Anton. Vincentij impressos: Parisienses apud Ioannem De homine sub signo Vnicornis 1549: Venetos sub signo Pij Quinti Papæ 1582. omnes in Quarto folio, ineptias istas profecto ibi nullas inuenies: sic enim leges, *Credere autem dominum nostrum Papam, conditorem, &c.* Sed Abbatius, ut nullum alium, quem erraticum nescio quem Deum agnoscit; ita ne opem quidem aliunde implorare potuit. Quamquam, si ita insaniret vnus quispiam iuris interpretes, ut ista diceret: quæ tandem esset ea in re Pontificis ipsius culpa; qui nunquam eius insaniam probauisset? aut quid haberet simile cum Domitiani facto, qui Deum dici se voluit? Eam ob rem, quia simplici calumnia impieras tanta contenta esse non potuit, subiicit alteram
non

non dissimilem: *Et ipse, inquit, Dei nomen, tanquam à Constantino impostum, impudenter assumit.* Locum adnotat dist. 96. cap. satis euidenter. At primum quidem Canon ille non de Romano, sed de omni prorsus Pontifice loquitur; atque, vt ex postremis eius verbis planum est, in causa Beati Ignatii Constantinopolitani Episcopi cōditus est; quem Imperator mouerat Episcopatu. Deinde eam appellationem sibi, suisque collegis non arrogat eo Canone Pontifex; sed ex Constantini elogio colligit sacerdotij dignitatem: quod itā supra humanum omne fastigium Deus extulerit; vt in eius dignitatem intuenti sapientissimo Principi dignum tam honorifica appellatione sit visum. *Satis, inquit, euidenter ostenditur à seculari potestate nec solui posse Pontificem, nec ligari; quem constat à pio principe Constantino, quem longe superius memorauimus, Deum appellatum, cum nec posse Deum ab hominibus iudicari, manifestum sit.* Cuius argumenti, si nescis, ea vis est. Deus ab hominibus iudicari non potest. at tanta est sacerdotij dignitas, vt si cum ceteris hominibus Episcopus conferatur, Constantini iudicio, Deus dicendus sit. Non potest igitur Episcopus à ceteris hominibus iudicari. Quod vt intelligas planius, audi Gregorium Magnum lib. 4. Registri Epistola 75. ad Mauritium. *Ecclesiastica, inquit, testatur historia, quia cum pia memoria Constantino Principi in scripto oblata accusationes contra Episcopos fuissent: libellos quidem accusationis accepit, & eosdem, qui accusati fuerant Episcopos conuocans, in eorum conspectu libellos, quos acceperat incendit dicens. Vos dii estis, à vero Deo constituti, ite & inter vos causas vestras discutite. quia dignum non est, vt nos iudicemus Deos.* Id quod Beatus Hieronymus à Christo Domino tributum docet Apostolis Matth. 16. *Prudens lector attende, inquit, quod*

ex consequentibus textuq; sermonis, Apostoli nequaquam homines; sed Dii appellantur. illis quia homines sunt, humana opinantibus; vos qui dii estis, quem me esse existimatis? quod si testem Hieronymo etiam locupletiore desideras, audi Spiritum ipsum sanctum Exodi. 22. Si latet fur, inquit, dominus domus applicabitur ad Deos, & iurabis, quod non extenderit manum ad rem proximisui ad perpetrandam fraudem tam in boue, quam in asino, & oue, ac vestimento, & quicquid damnum inferre potest. ad Deos utriusq; causa perueniet; & si illi iudicauerint, duplum restituet proximo suo. quo loco ut Beatus Gregorius in ea ad Mauritium Epistola notat, Moyses Deos sacerdotes appellat. Denique audi Christi ipsius oraculum, Dauidicum illud interpretantis: Ego dixi Dii estis, Ioan. 10. Si illos dixit Deos, ad quos sermo Dei factus est. Quid igitur mirum, si monet Imperatorem Pontifex ne eos iudicare audeat; quos non Constantinus, sed Deus ipse tanto supra humanum fastigium extulit; ut communis nominis prerogatiua dignatus sit. Nam alioqui ubi voces illæ, quas tu tuis imposturis usurpari in eo Canone significas? Ego Deus, nos Dii, aut simile quippiam? Sed ad reliqua. Caligula, inquis, vox erat, qua autam suam Antoniam monentem repulit; memento mihi omnia, & in omnes licere. Et Antoninus Bassianus priuigni responsum inuitantis illum ad stuprum, cupide amplexus est; si libet licet: an nescis te imperatorem esse, Cuius est leges dare, non accipere? Ita quoque Romanis Pontificibus persuasum est ab assentatoribus suis, quod omnia possent, & quod liceret illis quicquid liberet; etiam alioqui illicita. Testem huius insanix profers librum in Romanam Ecclesiam, maledictis, calumniis, mendaciisque plenissimum; quem quia aliis testibus veritas Euangelij vestri non nititur, Catalogum inscripsisti testium veritatis.

Cuius

Cuius me auctoritas non magis mouet, quam veteres Christianos mouerint commentitia illa acta Pilati, in odium fidei ab Ethnicis olim composita. Addis deinde ex decret. Gregorij de transl. Epist. cap. quanto in Glossa *illis* (Rom. Pontificibus) *voluntatem esse proratione*. Quem locum si integrum attulisses, calumnia tua penitus euanisset. *In illis*, inquit, *quæ vult, est ei pro ratione voluntas*. instit. de Iure Naturali §. Sed & quod Principi placuit. Vbi vides eo modo ab eo iuris interprete verba hæc accipi; quo institutionibus de iure naturali intelligit Iustinianus, cum §. sed & quod Principi scribit, quod Principi placuit legis habere vigorem. Quanquam enim non sine ratione aliqua leges conduntur à Principe: ea tamen non eiusmodi est, vt legis vim habeat nisi Principis voluntas accesserit. Cum lex naturalis etiam sine cuiusquàm imperio sola ratione contineatur. quam etiam ob rem rationem summam, insitam in natura, quæ iubet ea quæ facienda sunt, prohibetque contraria. Libr. primo de legibus eam definiuit M. Tullius. quo fit, vt voluntas Principis eum necessitatis imponendæ in humana lege locum obtineat; quæ ratio habet in naturali. Id quod acutè atque eruditè Pontificij iuris interpretes expressit; cum eorum, penes quos summum imperium est, voluntatem pro ratione dixit esse. Cuius tu verba, more nimirum vestro, trunca, ac mutila protulisti; vt imperitis tyrannicum illud sonarent; quod tamen in Epistolas Pauli licere sibi Lutherus voluit. Sed reliqua videamus. Pergis. Posse illos iudicare omnes; & posse à nemine iudicari; atque adscribis Extrauag. de maiestate, & obedientia cap. vnā sanctam, in Glossa. quod equidem non inficior; sed abs te scire peruelim; quid tandem causæ fuerit, quod cum

expo-

expositionis eius auctor disertè docuerit, fraternè à viro quolibet sapiēte, ac bono iudicari, & corrigi quemlibet mortalium posse; ipsum quia nihil reprehensione dignum admittat, à nemine iudicari; auctoritatiuè autem vnum esse Romanum Pontificem, qui cum omnes iudicet, à nemine ipse iudicetur; hæc inquam cum ille apertè docuerit; abs te scire peruelim, cur eam eius distinctionem omiseris; alteram partem alterius præsidio destitutam, vt elatum nescio quid, atque arrogans præ se ferret, attuleris. nimirum frigeret calumnia, si locum integrum protulisses. Nam fraternè à sapiente, ac probò viro corrigi, si quando deliquerit, etiam Romanus Pontifex potest; idque & ab Apostolo Paulo Antiochiæ olim vsurpatum, qua par erat æquitate animi Petrus tulit: neque nunc eius successores abnuunt. Cum enim errare possis, corrigi vel non posse, vel nolle; esset aut extremæ miseriz, aut dementis superbiæ. Porro cur molestè feratis Romanum Pontificem auctoritatiuè à nemine, nisi forte in causâ fidei, iudicari: non video; cum vos nullam legitimi iudicij, ne Conciliorum quidem, auctoritatem in Ecclesiâ admittatis. ac nemo vestrum sit tam nequam, qui non iudicare omnia, ipse à nemine iudicari velit; quod spiritualement esse se, atq; spiritu Dei duci, gloriatur. Quem mortalium non iudicare; à quo vnquam iudicari Lutherus voluit? Zvinglius num Lutheri vnquam iudicio stare, aut ab eo iudicando tēperare sibi potuit? Calvinus nonne omnium iudicem se ipse constituit iudicia omnium hominum aspernatus? & miramini, si id summo Ecclesiæ Pastori cum tota antiquitate tribuimus: quod vos Euangelij vestri ministris hominum quisquiliis nouo exemplo tribuitis?

Obiiciis

Obiicis etiam illud ex glossa extrauag. Ioan. 22. cap. ad Apostolatus; *quod Romano Pontifici licet pro arbitrio animi sui aliorum acta, vel rescindere, vel approbare.* Quæ non interpretis verba; sed mēdacia tua sunt. Nihil enim in tota capitis eius expositione inuenies, quod horum verborum sententiam referat; nisi fortè illa calumniari velis; quæ tamen nunquam ita detorquebis vt ad eam sententiam transferas. *Licet inferiores Prælati iura vnius Ecclesiæ in aliam, sine certa solemnitate transferre nō possint: Papa tamen gaudens plenitudine potestatis, hoc facere potest, nec est, qui audeat dicere; Domine cur ita facis? Cum in iis quæ de iure sunt positio, possis pro libito super his dispensare.* Quid est in his verbis mendacio tuo simile? Nisi quo stupore es animi, idem esse existimas, aliorum acta rescindere, ac super iure positio dispensare. At tu alterum etiam addis ex Glossa Decretal. Gregorij de foro competenti cap. licet. 2. & de appellationibus cap. Vt debitus. Quod iis locis appellari Pontificem ab interprete dicis, Vnum omnium hominum ordinarium: quibus in verbis vox illa vnum de tuo addita est. quæ quanquam veram interpretationē habere potest, cum Christiani omnes Catholici fateamur, vnum esse summum Ecclesiæ Pastorem, cuius fidei omnes omnino Christi oues commissæ sunt: fraude tamen hæc vocis huius adiectio vacare non potest; quorsum enim eam adiceres, si nihil aliud significare velles, quā quod ipsa interpretis verba per se satis significarent? Animaduerristi nimirū ea vna vocula addita, ita verborum illorum sententiam peruertit; vt faciliè existimari possit, abrogari à nobis omnē omnium Episcoporum ordinariam potestatem, eamq; in vnum Romanum Pontificem vniuersam conferri; vt præter illum nullus sit ordinarius in Ecclesiā; qualia

M

multa

multa mendacissimi homines spargere in Romanum Pontificem inuidiosissimè soletis. Quis tibi iam animal importunum, ac malignum imposterum fidem habeat; cum tam paucis versibus, ac propè verbis, tam multa mentitus; satis ostenderis; nihil te aliud toto hoc opere, quam imposturas, ac mendacia quoaxare?

10.

*Propulsatur à Catholicis
impriis, à Cypriano
fraudis suscipio.*

Et tu tantarum fraudum, mendaciorumque conuictus, cap. 7. sect. 2. accusare nos audes, quod antiquioribus hæreticis (quos in vestram familiā adsciscere cupitis vniuersos, scilicet vt vel ab ipso Simone Mago vestræ impietatis originem repetatis) opiniones non suas, ad illorum nomen commaculandum per calumniam obiecerimus. Quod non alio argumento probas, nisi quia, *consuetudinem*, inquis, *Pontificia gentis non ignoramus; quibus pia fraus est, & zeli Catholici fructus eximius, sigmentis suis, & calumniis Evangelio quo ad possunt fidem præcludere.* Magnum verò crimen Deus immortalis, quodque si probare possis Abbate, causa cecidisse me fatear; quamuis eius te criminis toto hoc libro toties iam ante conuicerim, neque quisquam vestrum scripserit, cuius scripta calumniarum, ac fraudum plena à nostris deprehensa non fuerint. Foxius in Martyrologio quam multa mentitus sit, Personij diligentia partim iam detexit; partim in posterum deteget popularibus suis. Belarminus singulis ferè disputationibus imposturas, ac mendacia Lutheri, Caluini, Philippi, Martyris, Kemnitij, aliorum huius notæ prophetarum, atque Evangelistarum vestrorum quasi antesignanos præmittit. Nos ipsi cum Lamberti Danzi non obscuri nominis apud Geneuenses ministri, temeritatem castigaremus, ad ducenta eius mendacia priore libro numerauimus. Nunc in Caluini institutione, quæ præ manibus est, vix vllus occur-

occurrit locus, qui impostura, ac mendacio careat. Auctor est etiam Hieronymus Bolsek Hermes medicus Lugdunensis, Caluini olim discipulus, qui deinde conuersus ad fidem, res eius gestas mandauit litteris, cap. eius lib. 20. hoc iam tum fuisse dogma Geneuensium ministrorum, ad promouendam Dei gloriam (quæ scilicet imposturis, ac fraudibus vestris nritur) licere, atq; ad eò interdum necesse esse mendaciis, ac fraudibus agere, quod vt faciliè credam, facit perpetua vestræ gentis, & continuata consuetudo. Sed ego hæc tibi omnia Physignathe remittā; si probaueris, iisdem nos artibus vti in stabilienda fide, ac religione Christiana; quibus vos Euangelij vestri ruinas fulcire soliti estis. Vide igitur quid indicij, aut coniecturæ afferre possis; vt rem tantam vno verbo conficias. *Qui in hac luce*, inquis, *non verentur, Ecclesiis nostris, & doctoribus paradoxa & portentosa dogmatum attribueret, quæ nobis ne somniantibus quidem, unquam in mentem venerunt; quid ausuros fuisse putemus in illos, quos ita tenuerunt oppressos; vt purgare se de heresi non possent?* atq; adscribis Campianum Rat. 8. Quod portenta, ac paradoxa dogmatum ea vocas, quæ ratione illa 8. vobis obiicit Beatissimus martyr: libenter accipio; quod ea falsò vobis tribui calumniaris; id verò more tuo facis. Scis ipse, aut scire certè potuisti, quo tempore aureus ille libellus vulgatus in Anglia est; fuisse, qui cum collatis diligenter vestrorum voluminibus cum iis, quæ à Campiano dicebantur, exquisitè respondere omnia comperisset: oblato libello supplici peteret ab Elisabetha (quam qui nullum præter Christum Eccle. cap. admittitis: tamē supremū Ecclesiæ vestræ caput venerabamini) vt quando summam in Ecclesia potestatem obtineret, aut iis, quæ à Campiano doctoribus

vestris obiicerētur satisfaciendum curaret: aut potestatem faceret ab iis monstris ad veram Ecclesiam desciscendi; eamque rem diu, multumque agitatam: tandem desperatione afferendi quicquam, quod vel in speciem satisfaceret, à regio consilio esse suppressam. Sed hæc ante trigessimum propè annum gesta, ex hominum memoria verustate fortè deleta sunt: num Witackeri etiam responsionem verustas obliterauit? iis igitur veluti tabulis tecum agam. Nam quæ Witackerus non abnuitt; ea profectò vestra, vestrorumque doctorum, aut sunt, iure aut censi potuerunt ab aduersario, quæ ne patronus quidem negare ausus sit; quorum autem inuidiam veritus, negare videri voluit, ne multitudinis aures offenderet: ea si vestra esse docuero, tot te mendaciorum conuincam, quot in octaua illa egregij viri ratione vestra paradoxa numerantur. Cursim ea perstringam, tum quod ad alia propero, tum quod quidquid in hoc genere faciendum fuit, cumulatissimè præstitit Duræus noster in eo volumine, quod pro Campiano aduersus Witackerum scripsit.

Negat primo loco Witackerus, quenquam è vestris doctoribus affirmasse, Deum esse auctorem, & causam peccati, neque repugnare se ait, quin omnes horrendæ blasphemiz, ac sceleris rei sitis: si in cuiusquam vestrû litteris, hoc paradoxum inueniatur: *At, site bis quinque, vel bis septem proferente, decem ego vel quatuordecim de dictis abs te colligerè; vex hoc animal rationis particeps mortale; hominem: num tibi nugari viderer? quoniam hoc pacto, cum tua dicerem? non enim tam dicentis sunt hæc verba, quæ proferre cogentis.* Licet enim mihi verbis hisdem vobiscum agere, quibus in re simili cum Macedonianis olim egit Gregorius Nazianzenus oratione de Spiritu sancto.

quid

quid enim interest auctorem ne facinoris Deum; an facinus opus esse Dei pronuncies? Quare re Magistrorum tuorum licet tecum verba recognoscas: quamuis (si credere dignum est) ea nusquam legisse se meminerit Witackerus. Philippus Lutheri deliciae, in caput 8. Epistolæ ad Romanos, *Sicut, inquit, fatemur proprium Dei opus fuisse Pauli vocationem: ita fatemur opera Dei propria esse, siue qua media vocantur, ut comedere, bibere* (quæ miror cur non in optimis Lutheri discipulus numerarit) *siue qua mala sunt, ut Davidis adulterium, Manilij scurrilitatem.* Satis ne tibi blasphemasse visus est? audi etiam deteriora: *Constat enim ex cap. primo ad Romanos, Deum omnia facere, non permissiue, sed potenter, ut Augustini verbo utamur; id est, ut si eius propria Inde perditio, sicut Pauli vocatio.* Ita nihilo plus in bonis operibus, quam in summis sceleribus Deo tribuit, idque ea adductus ratione, quod utraq; in nobis ipse potenter operetur. Ex quo etiam illud, non ita multò potest, colligit; *Ergo, inquit, non est cur frigidum illud glossema admittamus, Deum mala permittere, non etiam facere.* Satis ne luculenter docere tibi videtur Physignathe, malorum auctorem esse Deum, is qui mala eum facere doceat? quæ cum neque negare posset, neque concedere auderet ab eo scripta Witackerus, inscitiam excusare maluit; cum diceret, nescire sese apud quem ea verba legisset Campianus. Sed Calvinum idolum vestrum audiamus, cuius lib. primi Institut. cap. 18. §. primo ea sunt verba *Tergiversando effugiunt, Dei permissu, non etiam voluntate hoc fieri* (excæcari mentes hominum in malo) *ipse verò palam se facere pronuncians, effugium illud repudias.* & infra, *Abraham in casto coitu patris torum polluens, detestabile scelus perpetrat: Deus tamen hoc opus suum esse pronunciat: verba enim sunt. Tu*

fecisti in occulto: ego verò palam faciam. Quid his dici potest apertius? Calumniari ne videtur tibi Campianus; qui quod à Deo fieri, atque opus eius esse clamatis: id à vobis in auctore Deum referri doceat? Sed accipe alterum ex §. 3. ubi hac ipsa de re loquens: *Iam satis ostendi;* inquit, *Deum vocari eorum omnium auctorem, quia isti censores volunt otioso tantum eius permisso contingere. Testatur se creare lucem & tenebras; formare bonum, & malum: nihil mali accidere, quod ipse non faciat.* Hæc tam luculenter à vestris doctoribus tradita, nostra ne figmenta, an vestra dogmata; nostræ calumniæ, an vestræ blasphemix sunt? quanto melius pudori, atque existimationi suæ consulisset VVirackerus: si ad execrationem tam immanis blasphemix ingenuam veritatis confessionem adieciisset? Sed ille tam est præfricta fronte: ut in hoc genere nihil non audeat. Itaque ea etiam ipsa, quæ conceptis Caluini verbis Campianus adscripsit, inficiari hominē non puduit; negatque auctore Caluino, cum Christus in cruce clamaret, Deus meus, Deus meus, ut quid dereliquisti me? desperationis emisisse vocem: cum id in Harmonia, explicans cap. 27. Matth. totidem verbis Calvinus exprefferit. cuius enim verba sunt VVirackeræ? *Absurdum videtur, Christo elapsam esse desperationis vocem. respondeo, facilem esse solutionem; hanc desperationem ex sensu carnis esse profectam.* Sed nimirum tantæ blasphemix pudor impudentem te fecit in negando. Iam adduci non potest, ut credat aut Campianum accepisse à Chenio, aut Chenium ipsum vera Campiano narrasse, cum diceret; actum in conuenticulo Londinensi, ut è symbolo apostolico descensus Christi ad inferos tolleretur; ne vestris hominibus negotium facesset. Et tamen, ut timida est mendacii conscientia, defendere
 vt cun-

vt cunq̃ue eam insaniam, & colorem aliquem honesti
 rei turpissimæ inducere nititur. Num eam ob rem im-
 postor tibi videbitur Campianus; quod VVitackero in-
 credibilis ea vestrorum hominum temeritas videatur?
 aut VValdensis vir tantus, actalis, qui VVicleffi ætate,
 eius hæreses diligentissimè confutauit, mendacij con-
 demnabitur: quia VVitackerus VVicleffum ad eò in-
 sanire potuisse non credit: vt peccata omnia paria serio
 fabularetur? Infringetq̃ue grauissimi scriptoris fidem;
 homuncionis, nescio cuius de re, quam non modo per
 se ipse scire, sed ne ab iis quidem, qui ipsi scirent audire
 potuit, temerè iactata suspicio? Quanquam non video
 cur auertere placiti eius inuidiam à VVicleffo tanto pe-
 re nitatur: de suorum, quibus hoc in primis Campia-
 nus obiicit, ea in re insania nihil disputet. quasi verò si
 VVicleffo paradoxum hoc per calumniam VValdensis
 affinxit; nulla eorum culpa sit, quod sine exemplo insa-
 niunt. Nam esse, qui Stoicum hoc delirium in Chri-
 stianam disciplinam velint inuhere; in locis anni 54.
 titulo de peccatis actualibus, iis verbis Philippus etiam
 indicat. *Ac Stoica illa disputationes execranda sunt, quas ser-
 uant aliqui: disputantes, omnia peccata paria esse; Electos
 semper retinere Spiritum sanctum; etiam cum res atroces ad-
 mittunt, &c.* Clamat VVitackerus, à Campiano iniuriā
 Caluino fieri; quod eum cum Illyrico numerat tum;
 cum adfert vestra de homine paradoxa. Neque
 enim docuisse Caluinum vnquam, deletam esse
 penitus in homine imaginem Dei, quo loco non
 Campianus Caluini; sed VVitackerus Campiani ca-
 lumniator est. Id enim vnum Caluino tribuit vir e-
 gregius, quod vsq̃ue adeò Calvinianum est, vt ne à VVi-
 tackero quidem, negari potuerit. in homine etiam iu-
 sto, ni

sto, nihil aliud esse intrinsecus, nisi meram corruptionem, atque contagionem; quanquam ille quidem, dū hoc cōcedit, in Illyrici, ac ceterorum placitum imprudens relabitur. Quid enim diuinæ imaginis esse potest reliquum in eo; in quo ea ita corrupta, ac vitiata est, ut quicquid superest, horrenda sit deformitas. nam in imagine quidem Dei, quo nihil potest esse formosius (nisi si qua ex parte ab eo degenerat, quem imitatur) deformitas esse non potest. nihil igitur superest in homine, quod Dei pulchritudinem imitetur: cum quicquid superest nihil sit, nisi horrenda deformitas. aut igitur Dei turpitudinem exprimit, quod reliquum est eius imaginis: aut, si in Deo deformitas nulla est, imago Dei planè delata est. Pugnancia igitur scribit Caluinus, cum lib. primo Institutionis, cap. 15. § 4. ita scribit. *Quare, & si demus non prorsus exinuitam, ac deletam fuisse in homine Dei imaginem: sic tamen corrupta fuit: ut quicquid superest, horrenda sit deformitas.* Quem Magistri sui locum ne vnquam ab ingenio discedat, cum calumniæ Campianum accusaret: mutilum protulit VVirackerus.

Quærit etiam ex viro fortissimo; vnde tandem colligere potuerit, suorum illud esse decretum: Christum non alia ratione gratia plenum in scripturis memoratum quam quod ei mirum quendam in modum fauerit Pater. Responsio adscripta ad marginem est. Collegit ex Bucero, cuius ea verba sunt, in caput 2. Lucæ. *Gratia nomine, existimo Euangelistam voluisse exprimere, quod Hebraiū Chen, quæ omnino appositè Latinis gratia, quæ nimirum quæ fauorabilis, & gratiofus existit. Sic multoties in scripturis legitur, si inueni gratiam in oculis tuis; pro eo, quod dicimus, si mihi apud te aliqua gratia est; si mihi faues. pro inde quod Christum prædicat Euangelista plenum gratia, eo significat*

ficat, ipsum per omnia diuinum aded apparuisse, ut & Dei erga eum fauor egregie declaratur, & omnium bonorum fauore simul iudicaretur dignissimus. Quid hoc loco aliud Bucerus intelligit, cum Dominus ab Euangelista plenus gratia dicitur; quam quod ei mirum in modum fauerit Pater?

Obiicit Luthero Campianus, quod docuerit Christianum etiam volentem non posse salutem perdere: nisi nolit credere. Negat VVitackerus, ut omnia Lutheri scripta euoluantur, hanc sententiam repertum iri. Adscripsit Campianus librum captiuitatis Babylonicae. Magno VVitackerum labore liberauit euoluendi, legendique infinitas Lutheri nœnias. Addo ego etiam ne legendo toto eo libello fatigetur, caput de baptismo, non longè ab initio, in quo nisi hæc verba reperiat mendacem Campianum, ac nos omnes, quotquot vestras blasphemias confutamus dici, haberiq; nihil moror. *Vides, inquit, quam diues sit homo Christianus, si uè baptizatus? qui etiam volens, non potest perdere salutem suam quantiscunque peccatis, nisi nolit credere.* Ea vna in re peccauit Campianus, quod duas illas voculas **QVANTISCVNQVE PECCATIS.** omisit, quibus Christiani hominis diuitias maximè Lutherus exaggerat. Neque enim satis homini perditio videbatur, si diceret, non posse Christianum etiam volentem salutē perdere; nisi eorū verborū adiectione acriores etiam faces admoueret ad facinus, atque ad flagitiū vehementius incitaret. Iam illud ridiculum est, quod ad voces controuersiam reuocat, ut Calviniani de baptismo paradoxi inuidiam declinet. Urget Campianus, à sectariis vim nullam ad salutem baptismo tribui; ut si habeas rectè, si careas nihil sit damni, rem negare VVitackerus non potest, ita-

N

que

que conuertitur ad voces. *Non ita loquimur*, inquit, *ut fingis*. Non quæro quæ ratione loquare; quid sentias abs te, audire velim. Estne quicquam damni si carcas? quibus id verbis explices, non laboro, *tamen* inquit, *minimè putamus baptismum esse ad salutem à πᾶσι necessarium; ut qui baptismo non fuerit initiatus; ei sit perpetuo per-eundum*. Nullum igitur salutis est damnum, si carcas. Sed fortasse damnum in eo ponis, quod quamuis absolutè necessarius non sit; adiumento tamen est suscipientibus ad salutem? Ne id quidem Calvinus patitur, qui in antidoto ad artic. primum Parisiensem. *Pij. Omnes*, inquit, *agnoscunt, baptismum opus habere infantes; non tanquam adiumento ad salutem necessario; sed tanquam sigillo, ad obsignandam illis promissionis gratiam*. Neque ita multò post. *Sufficit infantibus fidelium ad salutem sola promissio*. Benè igitur est si habeant, si careant nihil damni.

Non sine rubore Campianus recitat id, quo excucullatus ille vester ganeo Euangelij sui sanctitatem ob-signauit. Si vxor nolit, aut non possit, veniat ancilla. Quod tantum Christianæ libertatis Euangelium quia inter suos, homines pudicos & graues, celeberrimum est; sibilum veritus si negaret, excusare conatur. At quam ineptè, atque frigidè? *Non hoc consilij*, inquit, *marito Lutherus dedit: ut mox ancillam sumeret*. O miseram defensionem, sumet igitur ancillam maritus; sed non statim: atque in eo coniugij vestri sanctitas, ac maritorum fides posita erit: quod tantisper expectabunt. qui si eas emollire blanditiis non poterunt; non est operæpretium in longum maritorum temperantiam protrahi. Itaque aduocetur ancilla. Turpe hoc etiam ipsum VVitackero visum est; Itaque excusationem excogitauit quinto dignam Euangelio: *Dixit verò Lutherus*, inquit, *quando*

quando uxor pertinax, & obstinata induci nullo modo potest; ut debitum beneuolentia viro persoluat; eam repudiet, & in vicem Vasti Hester subroget. Quid tu, VVitackere? probasne hoc Lutheri Prophetæ, atque Euangelistæ tui tã iucundum Euangelium? Lutheri, inquit, in hoc genere diuortij sententiam minimè defendo. quo te cunquē igitur veritas, ita explicari Lutherus non potest: vt defendi possit. Sed tamen, vide quam hæc ipsa tua tam misera excusatio aptari ad Lutherum non possit. Quorsum, vt significaret priore repudiata, vxorem alteram esse ducendam; ancillam arcessendam diceret? ad quam nemo vnquam accedit; nisi subita libidine furens. aut quis est hominum tam insanus, qui si vxore dimissa alteras nuptias cogitet: non pari nobilitate fœminam potius, quam ancillam ducendam putet? Scottari cum ancilla impuri, atque intemperantes homines nonnunquam solent: ancillam vxorem duci apud honestos monstri simile est. Quam VVitackeri frigidam responsionem, cum risum mouere cerneret Abbate, tu tuam tepidã addidisti; vt nauscam concitares. Docere Lutherum eo loco somnias, maritos, non vt ancillas re ipsa vocent: sed vt ea comminatione vxores ad reddendum debitũ inducant. Crederem, si vel VVitackero tuo excusare Lutheri impuritatem maximè cupienti; ea interpretatio venisset in mentem, vel Lutheri verba quicquam sonarent huic interpretationi affine, neque inanes eæ minæ futuræ essent, si eæ tunc tantum, cum vxor non vult; non etiam tum iactarentur; cum vxor non potest. Nunc autem, cum neque eo iniecto metu vxor reddi possit aptior ad obeunda coniugij munera: neque quicquam sit in Lutheri verbis, quod interpretationem istam non modo expetat, sed etiam patiat; & verò tam longe

petita, ac violenta ea sit, vt viro ex vestris non indoctissimo excusationes quærenti in mentem venire nunquā potuerit: desipis Abbate, si quenquam futurum putas, qui tibi de Luthero mentienti quam Luthero ipsi de se vera confitenti, quam omnium hominum cōsensionī, qui ea verba nunquam aliter intellexerunt, malit credere.

Ne illud quidem negare potuit VVitackerus à Luthero scriptum esse, Deum nostra opera non curare. Sed cum Epicureum placitum, non Christiani hominis sententia videretur: mollire durius eius dictum conatus pugnantia docuit. *Opera nostra*, inquit, *curat Deus, ea quæ si recta sunt, præmiis ornat: si contraria, pœnis digna iudicat.* Vtri igitur credendum est, Luthero sua proferenti, an VVitackero Lutherum ad alia omnia deducenti? Recta vt opera Lutherus vlla esse dicat, cui nullum est opus hominis non infectum, atque corruptum? Nam si quod est opus re vera rectum, ac bonum hominis iustificati: cur illi meritum denegat? Deinde vt præmium vllum boni operis Lutherus agnoscat qui diuinæ gratiæ detrahi putat, quicquid boni operi etiam ex gratia factō conceditur? At vbi præmium est (nisi si mala opera præmio affici VVitackero videntur) ibi meritum, ibi laus est operis boni; quæ à Lutheranis auribus non magis audiri possunt, quam à Christianis blasphemix. At meminisset saltem VVitackerus, se paulò antè scripsisse, in omni actione, quantumvis eccellente, inesse aliquid, quod illam penitus corrumpat. Deoque odiosam reddat, & istas tamen penitus corruptas, sibi quæ odiosas actiones, quia rectæ sunt, VVitackere Deus præmiis ornat? Quæ igitur ratione vestri conditorem Euangelij defendis? *Verum in nobis iustificandis*, inquit, *nullam omni-*
nino

nino Dominus operum nostrorum rationem habet. Ne in augenda quidem iustitia? quid ni autem, si opera nostra recta; ac præmio digna sunt. Sed nimirum pugnantia conciliari, & coherere non possunt.

Accedit pestis illarum publicarum, atque humanæ societatis pernicies, quam Luthero Campianus obliicit, VVitackerus non negat, neque enim potest, sed miserandum in modum excusat. *Christiani*, inquit, *liberisunt à statutu hominum*; popularem verò doctrinam, quæque, ut prona sunt ad furiosam libertatem, multitudinis ingenia, secundis admodum concionibus audiat. non reformidas hic vulgi indicium, quod alia nō nulla inuoluere, ac dissimulare te coëgit VVitacker: licet liberè Epicureum hoc Euangelium prodere, effer aliquando vocem istam solatij plenam in vulgus. Sed tamen Principum aures quibus spiritu nostro in Euangelio Caluini, Anglicani ministri seruimus; id ferre non possunt. Quid igitur ages? *liberisunt*, inquit, *Christiani, non ut nullis legibus obtemperent, sibiq; semper uiuant.* non quæro VVitackere quid agant, non quæro utrum legibus obtemperent. tu quoque multa agis, quia ita liber; non quia ita necesse sit. tenentur ne humanis legibus Christiani? non ita liberi sunt ut non obtemperent: Sed qua tandem ratione liberos eos pronuncias? *Vt conscientias mentesque suas*, inquit, *legum humanarum religione liberatas esse intelligant.* Igitur, quod quidem ad Deum spectat, si seruent bene est; sin minus nihil mali. Sed qui ne diuino quidem Decalogo, vobis auctoribus teneatur; quid mirum si legibus Principum non tenetur? Ita neque defendere suos, neque accusare nostros sine impostura & mendacio patroni noui Euangelij possunt.

11.
Abbas
in Historia
parum fi-
delis.

Reliqua est historia, in qua neque diutius hære-
re, neque nihil planè dicere suscepti operis ratio patitur. in
ea, qua fide versetur, illud indicio sit, quod quæ de Ro-
manis Pontificibus commemorat, ea penè omnia iam
ante ab Hæreticis obiecta, atque à nostris ita confutata
sunt; vt ne vestigium quidem vllum iustæ suspicionis su-
peresset. Videant qui volent Bellarminum tum cap.
vltimo lib. 3. tum lib. 4. à cap. 8. ad 15. de Romano
Pontifice. Quibus Abbas si minus satisfactum esse
existimabat; nostrorum responsiones rationibus con-
uellere debuit. Si nihil habebat; quod contra diceret;
qua ratione falsi crimen effugiet, qui quas fabulas esse,
iam sciret; eas pro veris historiis imperitis obtrudit?
Iam illud etiam in hoc genere turpius, quod ne his qui-
dem ipsis integris vtitur. Gregorium septimum Ro-
manum Pontificem ex Benone homine schismatico,
eique Pontifici inimicissimo Simonis, homicidij, ne-
cromantiæ, adulterij, iniuste excommunicati Impera-
toris Henrici, aecusat; qua autem aut religione schisma-
ticus, aut beneuolentia inimicus, aut veritatis studio
assentator Imperatoris, à mendacio deterreretur. Sed
ego, vide quàm liberaliter tecum, ac non malignè a-
gam; non eleuo inimici scriptoris fidem, integram mo-
do accusationem eius proferas, neque mutilo vtare e-
ius testimonio. Optionem tibi do suspectæ ne fidei, an
minimè dubiæ esse velis Benonis historiã. Nam si titu-
bat; cur nobis eius testimonium obiectis, cuius tu idem
fidem suspectam habeas? Si vacat suspitione fraudis:
profecto abominatus ille Gregorius, Dei pariter odium
& hominum, vester fuit. Nam eodem Benone teste
Berengarianam, hoc est, Sacramentariam, hæresim co-
luit. Hoc illi item vt cetera ea scelera apud VVesper-
genscm

gensẽ quoque tribuit conciliabulum id, quod Henrico auctore contra Gregorium coactum est. Qua enim ratione aut Sacramentarius non omni scelere inquinatissimus; aut tam sceleratus homo, non Sacramentarius fingi posset? At tu, qui VVespergensis testimonio non semel contra Gregorium vteris; cur aut totam accusationem, aut defensionem non adscripsisti? is enim post commemoratam Conciliabuli eius sententiam, subiicit Anselmi Lucensis Episcopi ad VVibertũ, qui in eo Conciliabulo Gregorio fuerat subrogatus, Epistolam in hæc verba. *Vt de Beatissimo Gregorio Patre nostro dicam, quod de Cornelio scripsit B. Cyprianus, factus est Episcopus de Dei, & Christi eius iudicio, de Clericorum pene omnium, & ut verius dicam omnino omnium testimonio, de plebis, qua tunc aderat, suffragio; de sacerdotum antiquorum, & virorum bonorum collegio, cum nemo ante se factus esset, cum Alexandri locus, id est, locus Petri, & gradus sacerdotalis Cathedra vacaret. quo occupato, & de Dei voluntate, atq; omnium nostrum consensu ordinato; quisquis iam Episcopus volueris fieri foris fiat necesse est.* Habes Anselmi de Gregorio iudicium; audi VVespergensis ipsius de Anselmi iudicio, deque Anselmo ipso iudicium. *Hæc prior sententia valde contraria, inquit, scripsit Anselmus Episcopus, vir literis apprime eruditus, ingenio acutissimus, facundia præcipuus, & quod omnibus maius est, in Dei timore, & sancta conuersatione nominatissimus, adeo ut tam in vita, quam post mortem referatur miraculis clarus.* Hæc ideo adscripsi, ut habeant lectores Abbatianæ fidei in historia specimen: ac statuunt apud se, quantum cænosæ ac lutulentæ bestiolæ, quæ lacunæ suæ sordibus inquinare omnia nititur, de rebus grauissimis disputanti credere vel possint, vel debeant. Sed nos tandem aliquando ad scriptu-

scripturarum disceptationem veniamus. Neque enim idè in Patrum auctoritate defendenda, atque hominis perditioni calumniis detegendis tandiù hæsimus quod etiam eo auxilio, quamvis alioqui firmissimo, destituti quicquam nostræ causæ timeremus. Inconcussa enim stat ea veritas, quæ eius testimonio nititur; cuius verbo cæli firmati sunt. Sed castiganda fuit hominis improbi furiosa temeritas; neque ferendum, ut impunè nobis audientibus sentinam illam impietatis, quam impuro pectore continebat, animal importunum euomeret.





Lib. II. *Ea in primis scriptura perpenduntur quas capite 2. proferit Robertus Abbas.*

- I. *Ratio disputandi in hac scripturarum disceptatione seruanda.*
- II. *Status quaestionis de nominibus Antichristi.*
- III. *De significatione nominis Antichristi.*
- IV. *Verum Antichristi vocabulum Christi Vicarium significare possit.*
- V. *Locus Evangelicus atque Apostolicus mala fide ab Abbate proferuntur.*
- VI. *Verum Antichristus certus ac singularis homo sit.*
- VII. *Quid Apocalypica bestia septem capitibus significetur, ubi Abbati inscitia desegitur.*
- VIII. *Diluitur alicuius Abbatis ratio.*
- IX. *Defenditur prima Bellarmini ratio.*
- X. *Defenditur alia Bellarmini ratio.*
- XI. *Alia Bellarmini ratio defenditur.*
- XII. *Duo postrema Bellarmini argumenta defenduntur.*
- XIII. *Defenditur Bellarmini confirmatio petita ex concessione Caluini.*
- XIV. *De Apocalypico nomine bestia.*



ANDREAE
EVDAEMONIO-
ANNIS CYDONII E SO-
CIETATE IESV.

ADVERSUS
ROBERTI ABBATI OXO-
NIENSIS DE ANTI-
CHRISTO,

SOPHISMATA DISPUTATIO-
NIS LIBER SECVNDVS,

QVO EÆ IN PRIMIS SCRIP-
TURAE PERPENDVNTVR
QVAS CAPIT 2. PRO-
fert Abbatns.

Ratio di-
sputanda
en hac scri-
pturarum
disceptatio
ne seruan-
da.



IVINARVM literarum, hoc est, ipsum ve-
ritatis tribunal adeundum est. Videro luci-
fugæ isti qui splendorem tantæ maiestatis
ferant. videro, quo deinde prouocent; quas
exceptiones afferant; quid contra expressam Dei verita-
tem moliantur. Patres seponi placuit; seponantur: Ec-
clesiam

clesiam non audiri; non audiatur; vnas scripturas con-
 sult; consulantur. Earum iudicio stari; stetur. Non vere-
 mur ne contra Ecclesiam, quæ firmamentum est, & co-
 lumnæ veritatis, scripturæ pronuncient. Ego verò ira
 causæ confido, vt etiam ab aduersariis conditiones dis-
 ceptionis accipiam. Imponent iudicij morem hostes
 omnium teterrimi Lutherus, atque Calvinus; accedat
 etiam, quando eius nugas confutamus, Abbat. Stra-
 tuant ipsi, qua ratione scripturas interpretemur: Quan-
 tum in hoc iudicio Patribus; quantum consensio-
 ni Ecclesiæ tribuendum sit; ne transuersum quidem vnguem
 à præscripto discedam. stent modo ipsi suis conditioni-
 bus; & quas disputationis leges tulerint; seruent in hac
 controuersia. Lutheri ea vox est in captiuitate Babylo-
 nica cap. de Sacramento panis. *Verbis diuinis non est vlla
 facienda vis neq; per hominem, neque per Angelum; sed, quan-
 tum fieri potest, in simplicissima significatione seruanda sunt;
 & nisi manifesta circumstantia cogat, extra grammaticam,
 & propriam accipienda non sunt; ne detur aduersariis occasio.
 vniuersam scripturam eludendi. Quo consilio rectè Orige-
 nes olim repudiat; quod ligna, & omnia, quæ de Para-
 diso scribuntur, grammatica loquutione contempta, in allego-
 rias vertit.* Hunc seruemus tota hac disputatione in-
 terpretandæ scripturæ morem: vt quam in partem pro-
 priè accepta verborum significatio, atque, vt ait Luthe-
 rus, grammatica inclinatur; ab ea stare veritas existimetur;
 nisi manifesta circumstantia cogat alias interpretatio-
 nes moliri. Huic illa duo consequentia sunt; neque ne-
 cessario effici si quibus vocibus improprie, atque ad ali-
 am significationem traductis vsus est aliquando Spiri-
 tus sanctus: cas aliis quoque in locis ad metaphoras,
 troposque reuocari continuo debere; si vim potestatis

que suam retinere non incommodè possint. Quod si quando propriam significationem verborum series ipsa, textusque sermonis non ferat: eam demum interpretationem optimam esse, quæ cum incommodis vacet, quam minimum à propria acceptione dissentiat. Incommoda porro, quæ nos à genuina verborum significatione ad tropos, atque ad allegorias deducant, eiusmodi esse debere; quæ & incommoda esse constet; neque verò alia ratione vitari possint. Neque enim aut manifesta erit circumstantia, quæ cogit à propria verborum significatione discedere, si incommoda ea esse non constet: aut cogere dici potest, quæ potest aliqua ratione vitari. Habemus à Luthero interpretandæ scripturæ normam: quantum consensio, iudicioque Ecclesiæ tribuendum sit, accipiamus à Caluino; qui ut liberam habeat licentiam blasphemandi; nihilo plus illi tribuet; quam quantum negare extremæ impudentiæ hominem pudeat. Sed istuc tamen quantuluncumque est, ab illo accipiamus. Is libro 4. Institutionis cap. 9. §. 8. ita de conciliorum auctoritate scribit, *Quoties concilij alicuius decretum profertur; expendi primum diligenter velim, quo tempore habitum sit, qua de causa habitum, & quo consilio, & quales homines inter fuerint: deinde illud ipsum de quo agitur, ad scripturam amussim examinari idq; in eum modum, ut Concilij definitio suum pondus habeat; sitque instar præiudicij, neq; tamen examen, quod dixi, impediat.* Quare cum Conciliorum auctoritatem, non ut Catholici ex diuina promissione; sed ex præstantium eruditione, ac sanctitate virorum, atque ex temporum, quibus celebrata sunt, bonitate petat Caluinus; Patrum aut omnium, aut plurimorum consensio, nihilo minorem, maiorem etiam, si constare sibi velit, vim præiudicij necessario tribuet.

tribuet. Nam neq; vnum in locum tam multi vnquam præstantes viri conuenere; neque vna ætas tam multorum tanti nominis ingeniorum ferax vnquam fuit; neq; vlla meliora fuerunt Ecclesiæ tempora; quam quibus illi floruerunt. Et verò ea incommoda longè absunt, quibus conuentus hominum immunes esse vix possunt. Certè nullum inter eos esse potest victoriæ, atque ostentationis studium, nulla gratia, nulla potentia, nulla turbarum ac seditionum opportunitas, nullum periculum, ne vincantur à multis deterioribus meliores, in quorum deinde sententiam conuentus totius nomine decretum scribatur. Ex quibus illud efficitur, nisi diuino aliquo testimonio, eoque minimè dubio, tantorum virorum iudicium reuincatur; ratum fixumque haberi oportere, quod illi decreuerint: neque posse sine insigni temeritatis, atque arrogantiae nota, quenquam ab eo resillire, quod lectissimorum omnium gentium, atque omnium ætatum ingeniorum conspiratio sanxerit. Abbatibus, id quod libro etiam superiore notauimus, grande momentum ad scripturarum intelligentiam in patrum litteris esse docet; sed ita tamen, vt indices sint, atque ancillæ scripturarum; non iudices, qui sententiæ necessitatem imponant; vt si in scripturis ea inueniri non possint, quæ Patres indicant; liberum sit ab eorum opinione discedere. Ne id quidem in præsentia abnuo: sed ita tamen, vt si nihil afferre potuerit, quod eorum interpretationem labefactet; si inanes omnes eius rationes esse constiterit: momentum illud grande, quod in Patrum litteris ad scripturarum intelligentiam esse fatetur; pondus suum habere patiat, meliorque interpretatio censeatur ea: quam perpetuus tot sæculorum, ac summorum ingeniorum consensus probauerit. Hæc

richristi vocabulo propriè significetur, Sit ne Antichristus certa ac singularis persona. Et quod tandem sit mysticum Antichristi nomen. Primam capite primo, secundo alteram, tertiam decimo libri tertij de Romano Pontifice prosequitur Bellarminus. Quas tamen omnes vnico capite permiscet Abbat, vt quæstionum confusione tenebras offundat lectorum ingeniis. Lucem enim perspicuitatis dogmata tenebricosa nõ sustinent. Nos eo ordine de singulis disputabimus, quo ab Abbato tractantur: quantum quidem ad scripturarum intelligentiam pertinet.

Antichristi vocabulum in sacris litteris non nisi apud Ioannem in Epistolis, reperitur; ter epistolæ primæ secundo capite, semel cap. 4. semel item in secunda Epistola. De cuius vocis significatione duo docet Abbat, sectione prima secundi capituli. Alterum eo nomine Christi quidem aduersarium intelligi: Sed tectum tamen, ac simulatum. Alterum posse ea voce Christi Vicariũ aptè significari ineruditus æquè grammaticus, ac ridiculus dialecticus. Nos Patrum auctoritatem sequuti, neque aliam vocis huius significationem agnoscimus: neque verò ad occultos tantum Christi aduersarios eam restringimus; quamuis eos quoque ea voce interdum significari non dubitemus. Nam si vim, atq; interpretationem nominis huius attendas, ita Christi aduersarium græcè significat: vt non minus apertos, quam latentes hostes amplectatur. quare nisi primus huius nominis auctor aliquid addiderit, quo ad latentes tantum aduersarios ea vox referatur: non est cur à maiorum nostrorum sensu, atque ipsa vocabuli etymologia discedamus. Non addidisse autem vel illud argumento est, quod magnum illum Antichristum à quo

3.
De signifi-
catione
nominis
Antichristi.

quo vt fonte ea nuncupatio in minores alios deriuatur: tota antiquitas apertum futurum Christi hostem existimauit; neque quicquam in Epistolis Ioannis inuenisse sibi visa est; quod angustiore huius vocis significationem redderet. Ego verò addo etiam illud in Beati Ioannis Epistolis satis innui amplam hanc, lateque patentem huius nominis significationem. Nam cap. 2. Epistolæ primæ ad omnes eos hoc nomen accommodat, qui negant, Iesum esse Christum, qui que negant Patrē, & Filium. id quod verbis non nihil immutatis quarto capite repetit. *Omni spiritus inquit, qui soluit Iesum, ex Deo non est, & hic est Antichristus.* At nisi quid secus pro tua tibi sapientia videtur Abbate, non minus Ethnici atque Iudæi, quam hæretici, ad quos tu vnus hoc nomē referre niteris, Patrem negant & filium, iidemq; Iesum non esse Christum, obstinatè defendunt. At enim Ioannes Antichristos vocauit non hostes extraneos, sed domesticos: quare nominis huius hunc nobis vsus indicasse videtur.

Ego verò non video, quæ sit vis argumentationis tuæ, vocauerit enim sanè Ioannes Antichristos hæreticos, qui domestici hostes sunt, idèò ne nunquam hoc nomen nisi ad hostes domesticos retulisse dicendus est? cum disertè docuerit, omnem Spiritum, qui Iesum soluit, qui que Patrem negat, & Filium Antichristum esse? apud quos hæc disputas? aut quibus hæc tua deliria probaturum te speras? An tu quia animalia ea plerumq; appellari consueuerunt, quæ ratione carent: idèò negaturus es, hominem animal esse? Notauit B. Ioannes eo nomine hæreticos, quasi insigni quadam ignominia, ex eoque Antichristos esse probauit, quod soluunt Iesum, quæ Antichristi notio est, ad omnes Christi aduersarios perti-


pertinens, siue ij apertas, siue occultas cum Christo exerceant inimicitias: tu ex eo colligis, ad intestinos tantum hostes eam appellationem referri? Dignam verò Calviniana dialectica argumentationem. Addis etiam alteram non dissimilem rationem, præcessisse in minoribus Antichristis magni illius imaginem; eos porrò tectos Christiano nomine Ecclesiæ bellum intulisse: quare idem dicendum de eo videri, cuius imago in illis præuisa est. At vide quam sine fundamento sis impius. Nemo illorum, de quibus Ioannes scribit, in tota Ecclesia principatum obtinuit, nemo fuit Romanus Episcopus; igitur, si tua ista tam acuta conclusio quicquam valet, ne is quidem, qui in minoribus Antichristis tanquam in imagine præuisus est, Romanus Episcopus esse debuit, aut supremam sibi in Ecclesiâ potestatem vendicare: quod tu vnum tã multis conaris efficere. Quod si, vt histe laqueis exuas, dicturus es, non ompibus in rebus exquisitè sibi imaginem respondere debere atque id, quod imagine redditur: satis ostendis te, aut tam esse fatuum; vt non animaduertas eadem ratione solui argumentationem tuam posse; aut tam nequam, vt scriptis tuis, non veritatem docere, sed rudes decipere cogites. Reperiri igitur in minoribus Antichristis magni illius adumbrata non expressa similitudo debuit; vt si conferrentur cum illo, imago ac pictura Antichristi potius, quam Antichristi dici possent. Ea porro similitudo in eo posita erat, quod quamuis ille apertus Christi hostis esset futurus, illi Christiano se nomine tegerent: vtrorumque tamen commune sacrilegium esset, præceptis institutisque suis Iesum soluere. Nam quod Beatum Augustinum ita citas vt lib. 2. contra aduersarium legis, & Prophetarum cap. 12, fauere tam ineptæ huic

P

inter-

scripturarum disceptionem veniamus. Neque enim ideo in Patrum auctoritate defendenda, atque hominis perditicallumniis detegendis tandiù hæsimus quod etiam eo auxilio, quamuis alioqui firmissimo, destituti quicquam nostræ causæ timeremus. Inconcussa enim stat ea veritas, quæ eius testimonio nititur, cuius verbo cæli firmati sunt. Sed castiganda fuit hominis improbi furiosa temeritas; neque ferendum, vt impunè nobis audientibus sentinam illam impietatis, quam impuro pectore continebat, animal importunum euomeret.





Lib. II. *Ea in primis scriptura perpenduntur quas capite 2. proferit Robertus Abbas.*

- I. *Ratio disputandi in hac scripturarum disceptatione seruanda.*
- II. *Status quaestionis de nominibus Antichristi.*
- III. *De significatione nominis Antichristi.*
- IV. *Verum Antichristi vocabulum Christi Vicarium significare possit.*
- V. *Locus Euangelicus atque Apostolicus mala fide ab Abbate proferuntur.*
- VI. *Verum Antichristus certus ac singularis homo sit.*
- VII. *Quid Apocalypica bestia septem capitibus significetur, ubi Abbati inscitia desegitur.*
- VIII. *Diluitur altera Abbati ratio.*
- IX. *Defenditur prima Bellarmini ratio.*
- X. *Defenditur alia Bellarmini ratio.*
- XI. *Alia Bellarmini ratio defenditur.*
- XII. *Duo postrema Bellarmini argumenta defenduntur.*
- XIII. *Defenditur Bellarmini confirmatio petita ex concessione Caluini.*
- XIV. *De Apocalypico nomine bestia.*



ANDREAE
EVDAEMONIO-
ANNIS CYDONII E SO-
CIETATE IESV.

ADVERSUS
ROBERTI ABBATI OXO-
NIENSIS DE ANTI-
CHRISTO,

SOPHISMATA DISPUTATIO-
NIS LIBER SECVNDVS,

QVOEÆ IN PRIMIS SCRIP-
TURAE PERPENDVNTVR
QVAS CAPIT 2. PRO-
fert Abbat. .

Ratio di-
sputandi
in hac scri-
pturarum
disceptatio-
ne servan-
da.



IVINARVM literarum, hoc est, ipsum ve-
ritatis tribunal adeundum est. Videro luci-
fugæ isti qui splendorem tantæ maiestatis
ferant. videro, quo deinde prouocent; quas
exceptiones afferant; quid contra expressam Dei verita-
tem moliantur. Patres seponi placuit; seponantur: Ec-
clesiam

clesiam non audiri; non audiat; vnas scripturas con-
 sult; consulantur. Earum iudicio stari; stetur. Non vere-
 mur ne contra Ecclesiam, quæ firmamentum est, & co-
 lumna veritatis, scripturæ pronuncient. Ego verò ira
 causæ confido, vt etiam ab aduersariis conditiones dis-
 ceptionis accipiam. Imponant iudicij morem hostes
 omnium teterrimi Lutherus, atque Caluinus; accedat
 etiam, quando eius nugas confutamus, Abbat. Sta-
 tuant ipsi, qua ratione scripturas interpretemur: Quan-
 tum in hoc iudicio Patribus; quantum consensio-
 ni Ecclesiæ tribuendum sit; ne transuersum quidem vnguem
 à præscripto discedam. stent modo ipsi suis conditioni-
 bus; & quas disputationis leges tulerint; seruent in hac
 controuersia. Lutheri ea vox est in captiuitate Babylo-
 nica cap. de Sacramento panis. *Verbū diuinū non est vlla
 faciendū vīs neq; per hominem, neque per Angelum; sed, quan-
 tum fieri potest, in simplicissima significatione seruanda sunt;
 & nisi manifesta circumstantia cogat, extra grammaticam,
 & propriam accipiendā non sunt; ne detur aduersariis occasio.
 vniuersam scripturam eludendi. Quo consilio rectē Orige-
 nes olim repudiatū est: quod ligna, & omnia, quæ de Para-
 diso scribuntur, grammatica loquutione contempta, in allego-
 rias vertit.* Hunc seruemus tota hac disputatione in-
 terpretandæ scripturæ morem: vt quam in partem pro-
 priè accepta verborum significatio, atque, vt ait Luthe-
 rus, grammatica inclinat; ab ea stare veritas existimetur;
 nisi manifesta circumstantia cogat alias interpretatio-
 nes moliri. Huic illa duo consequentia sunt; neque ne-
 cessario effici si quibus vocibus improprie, atque ad ali-
 am significationem traductis vsus est aliquando Spiri-
 tus sanctus: eas aliis quoque in locis ad metaphoras,
 troposque reuocari continuò debere; si vim potestatis

que suam retinere non incommodè possint. Quod si quando propriam significationem verborum series ipsa, textusque sermonis non ferat: eam demum interpretationem optimam esse, quæ cum incommodis vacet, quam minimum à propria acceptione dissentiat. Incommoda porro, quæ nos à genuina verborum significatione ad tropos, atque ad allegorias deducant, eiusmodi esse debere; quæ & incommoda esse constet; neque verò alia ratione vitari possint. Neque enim aut manifesta erit circumstantia, quæ cogit à propria verborum significatione discedere, si incommoda ea esse non constet: aut cogere dici potest, quæ potest aliqua ratione vitari. Habemus à Lutherò interpretandæ scripturæ normam: quantum consensio, iudicioque Ecclesiæ tribuendum sit, accipiamus à Caluino; qui ut liberam habeat licentiam blasphemandi; nihilo plus illi tribuet; quam quantum negare extremæ impudentiæ hominem pudeat. Sed istuc tamen quantuluncumque est, ab illo accipiamus. Is libro 4. Institutionis cap. 9. §. 8. ita de conciliorum auctoritate scribit, *Quoties concilij alicuius decretum profertur; expendi primum diligenter velim, quo tempore habitum sit, qua de causa habitum, & quo consilio, & quales homines inter fuerint: deinde illud ipsum de quo agitur, ad scriptura amussim examinari idq; in eum modum, ut Concilij definitio suum pondus habeat; sitque instar præiudicij, neq; tamen examen, quod dixi, impediat.* Quare cum Conciliorum auctoritatem, non ut Catholici ex diuina promissione; sed ex præstantium eruditione, ac sanctitate virorum, atque ex temporum, quibus celebrata sunt, bonitate petat Caluinus; Patrum aut omnium, aut plurimorum consensio, nihilo minorem, maiorem etiam, si constare sibi velit, vim præiudicij necessario tribuet.

tribuet. Nam neq; vñum in locum tam multi vnquam præstantes viri conuenere; neque vna ætas tam multorum tanti nominis ingeniorum ferax vnquam fuit; neq; vlla meliora fuerunt Ecclesiæ tempora; quam quibus illi floruerunt. Et verò ea incommoda longè absunt, quibus conuentus hominum immunes esse vix possunt. Certè nullum inter eos esse potest victoriæ, atque ostentationis studium, nulla gratia, nulla potentia, nulla turbarum ac seditionum opportunitas, nullum periculum, ne vincantur à multis deterioribus meliores, in quorum deinde sententiam conuentus totius nomine decretum scribatur. Ex quibus illud efficitur, nisi diuino aliquo testimonio, eoq; minimè dubio, tantorum virorum iudicium reuincatur; ratum fixumq; haberi oportere, quod illi decreuerint: neque posse sine insigni temeritatis, atque arrogantia nota, quenquam ab eo resilire, quod lectissimorum omnium gentium, atque omnium ætatum ingeniorum conspiratio sanxerit. Abbat, id quod libro etiam superiore notauimus, grande momentum ad scripturarum intelligentiam in patrum litteris esse docet; sed ita tamen, vt indices sint, atque ancillæ scripturarum; non iudices, qui sententiæ necessitatem imponant; vt si in scripturis ea inueniri non possint, quæ Patres indicant; liberum sit ab eorum opinione discedere. Ne id quidem in præsentia abnuo: sed ita tamen, vt si nihil asserre potuerit, quod eorum interpretationem labefactet; si inanes omnes eius rationes esse constiterit: momentum illud grande, quod in Patrum litteris ad scripturarum intelligentiam esse fatetur; pondus suum habere patiat, meliorq; interpretatio censeatur ea: quam perpetuus tot sæculorum, ac summorum ingeniorum consensus probauerit. Hæc

richristi vocabulo propriè significetur, Sit ne Antichristus certa ac singularis persona. Et quod tandem sit mysticum Antichristi nomen. Primam capite primo, secundo alteram, tertiam decimo libri tertij de Romano Pontifice prosequitur Bellarminus. Quas tamen omnes vnico capite permiscet Abbat, vt quæstionum confusione tenebras offundat lectorum ingeniis. Lucem enim perspicuitatis dogmata tenebricosa nō sustinent. Nos eo ordine de singulis disputabimus, quo ab Abbato tractantur: quantum quidem ad scripturarum intelligentiam pertinet.

Antichristi vocabulum in sacris litteris non nisi apud Ioannem in Epistolis, reperitur; ter epistolæ primæ secundo capite, semel cap. 4. semel item in secunda Epistola. De cuius vocis significatione duo docet Abbat, sectione prima secundi capitis. Alterum eo nomine Christi quidem aduersarium intelligi: Sed testum tamen, ac simulatum. Alterum posse ea voce Christi Vicariū aptè significari ineruditus æquè grammaticus, ac ridiculus dialecticus. Nos Patrum auctoritatem sequuti, neque aliam vocis huius significationem agnoscimus: neque verò ad occultos tantum Christi aduersarios eam restringimus; quamuis eos quoque ea voce interdum significari non dubitemus. Nam si vim, atque interpretationem nominis huius attendas, ita Christi aduersarium græcè significat: vt non minus apertos, quam latentes hostes amplectatur. quare nisi primus huius nominis auctor aliquid addiderit, quo ad latentes tantum aduersarios ea vox referatur: non est cur à maiorum nostrorum sensu, atque ipsa vocabuli etymologia discedamus. Non addidisse autem vel illud argumento est, quod magnum illum Antichristum & quo

De signifi-
catione
nominis
Antichri-
sti.

pertinens, siue ij apertas, siue occultas cum Christo exerceant inimicitias: tu ex eo colligis, ad intestinos tantum hostes eam appellationem referri? Dignam verò Calviniana dialectica argumentationem. Addis etiam alteram non dissimilem rationem, præcessisse in minoribus Antichristis magni illius imaginem; eos porro tectos Christiano nomine Ecclesiæ bellum intulisse: quare idem dicendum de eo videri, cuius imago in illis præuisa est. At vide quam sine fundamento sis impius. Nemo illorum, de quibus Ioannes scribit, in tota Ecclesia principatum obtinuit, nemo fuit Romanus Episcopus; igitur, si tua ista tam acuta conclusio quicquam valet, ne is quidem, qui in minoribus Antichristis tanquam in imagine præuisus est, Romanus Episcopus esse debuit, aut supremam sibi in Ecclesiâ potestatem vendicare: quod tu vnum tã multis conaris efficere. Quod si, vt his te laqueis exuas, dicturus es, non ompibus in rebus exquisitè sibi imaginem respondere debere atque id, quod imagine redditur: satis ostendis te, aut tam esse fatuum; vt non animaduertas eadem ratione solui argumentationem tuam posse; aut tam nequam, vt scriptis tuis, non veritatem docere, sed rudes decipere cogites. Reperiri igitur in minoribus Antichristis magni illius adumbrata non expressa similitudo debuit; vt si conferrentur cum illo, imago ac pictura Antichristi potius, quam Antichristi dici possent. Ea porro similitudo in eo posita erat, quod quamuis ille apertus Christi hostis esset futurus, illi Christiano se nomine tegerent: vtrorumque tamen commune sacrilegium esset, præceptis institutisque suis Iesum soluere. Nam quod Beatum Augustinum ita citas vt lib. 2. contra aduersarium legis, & Prophetarum cap. 12. fauere tam ineptæ huic

P

inter-

interpretationi videatur; cum scribit, Antichristum esse eum, qui sub nomine Christi, hoc est, Christianum se videri volens, super extollitur contra Christum; more tuo falsarius es. loquitur enim eo loco sanctus ille vir de eo hæretico, qui ad Deum legis, & Prophetarum ea transferebat, quæ de Antichristo scripsit Apostolus 2. Thessal. 2. quæ cum de Antichristo non de veteris testamenti Deo scripta esse ab Apostolo docuisset: *Adeñ,* inquit, (Antichristum) *etiam pertinet iste, qui sub nomine Christi, hoc est, Christianum se videri volens, super extollitur supra Christum, seq̃ ostendit Antichristum, non unum illud maiorem ceteris, sed ex his aliquem, de quibus dicit Ioannes Evangelista, nunc Antichristi multi facti sunt.* Quem tu locum si legisses, non vt deprauares, sed vt Catholicam ex eo veritatem haurires, vidisses vnũ omnino hominẽ futurum magnũ illum Antichristũ; ad quem quia Christi aduersarij sunt, etiam hæresiarchæ pertineant; quãuis apertas cum Christo inimicitias profiteri non audeant. Ceterum futurum apertum Christi aduersarium magnum illum Antichristum; luculenter admodum docet Augustinus lib. 20. de ciuitate, cap. 8. cum probap̃tizãdis filiis suis, multa cum Antichristo bella pugnatos fideles scribit.

4.
Vtrum Antichristi
Vocabulũ
Christi Vi-
carium si-
gnificare
possit.

Altera de vi ac significatione nominis Antichristi controuersia est. Vtrum Christi Vicarium aprẽ significet. Affirmat Abbat̃us eã insaniam à Wolfango Muculo, & centuriatoribus mutuatus; qui vt probarent Romanum Pontificem esse Antichristum, hac ratione vsi sunt; Antichristum idem significare atque Christi Vicarium: at Romanum Pontificem Christi se Vicarium nominare. Quod eorum frigidum, atque insulsum commentum ita refellit cap. primo Bellarminus. *Apud*

Gratios

Græcos vocem αὐτὸν propriè significare oppositionem; & quoniam opponi dicuntur non solum ea, qua pugnant inter se; sed etiam ea, qua æquivalent: inde factum esse, ut αὐτὸν in compositione interdum significet contrarietatem, interdum æquivalentiam, nunquam autem subordinationem. Vicarium autem non significare oppositionem; sed subordinationem ad alium; & ideo non posse exprimi per vocem αὐτὸν. Quam viri doctissimi rationem Abbatu sita conatur refellere. Certissimū esse propositionem αὐτὸν non oppositionem solum, aut æquivalentiam, sed vnius rei pro altera substitutionem denotare: atque exempla non nullarum tum vocum, tum loquutionum græcarum profert, quibus id efficiat, quæ omnia aut ad æquivalentiam, aut ad oppositionem apertissimè reuocantur. Nam cum dicitur, serpens pro pisce, scorpius pro ouo, malus poëta pro bono Medico, substitutio est ex oppositione promanans. Sunt enim hæc sibi inuicem veluti aduersantia, quorum alteri bono, atque oprabili, malum alterum, atque fugiendum substituitur. At cum dicitur, bos loco serui, pauperibus, ad æquivalentiam refertur; item ut cum αὐτίαν ὁδοῦ dicitur, quia simili virtute pollet, ut loco spodij adhiberi possit; quò etiam spectat exemplum gallæ, quam quia locum glandis obtinet in quercu, eique ex altera parte respondet, αὐτὸν γάλακτος, appellarunt Græci. huc item refertur αὐτὸν φρουρῶν, qui præstat id quod custos præstare debet. Porro αὐτὸν κράτης, quid græcè significet quia eo exemplo Musculus vsus fuerat, satis Bellarminus iam declarauerat. ut ineptè ab Abbato nominis huius exemplum sine Bellarminianæ responsionis confutatione prolatum sit. Vna reliqua est vox αὐτὸν βασίλειος, qua id effici existimat Abbatu, quod maximè cupit. Sed cum multa moueat, nihil promouet; ita enim

dicuntur, ἀντιβασιλῆς græcè; vt latinè Proconsules, ac proprætotes, non quod delegata ab alio, cuius vices gerant, potestate prouinciam administrent; sed quod ea munera obeant in prouincia, quæ à consulibus prætoribusque obiri consueuerunt. Id quod in nonnullis lexicis animaduersum video, in quibus ἀντιβασιλῆς latine dicuntur interreges, qui republicam interim administrant, dum nouus substituatur vel Rex, vel cum potestate regia magistratus; quæ substitutio ad æquiualentiam spectat. Atque hæc non ideò disputo, quod magnum causæ nostræ momentum in eius præpositionis significatione positum esse existimem: sed ne in inani græcularum vocum pompa sibi tantoperè placeat Abbas; qua vt minus eruditos terreat, aliis quidem certè stomachum facit. significet enim aliquando ea præpositio sine oppositione etiam substitutionem cum subordinatione, quod iste vult: tamen de vocis Antichristi significatione ineptè philosophari istos homines aio. Necque enim ea est eius particulæ vis; vt in quocunque nomine eam inuenias, quamcunque earum significationum æque admittat: sed in certis vocibus, certam habeat vim, ac subiectam sibi notionem. ita ne aduersarij quidem dixerint, ἀντίπαρον, spodij contrariū, vel ἀντίφρουρον custodi aduersarium significare posse quia in his vocibus vsus obtinuit, vt æquiualentiam significet cui contrarietas aduersatur. Cum igitur vel Abbati confessione constet, ita Antichristi nomen ab ipso suo conditore vsurpatum esse, vt Christi aduersarium significet: qua ratione poterit eum, qui eius partes ipsomet demandante Christo in terris obeat (quod Vicarij nomine intelligimus) denotare? cum hæc sibi inuicem aduersentur? Adde quod etiam si vtriusque significatione-

ficationis ea vox ita capax esset, ut & vicarium, & aduersarium Christi significare simul posset: tamen nullum habemus indicium, unde colligamus id sibi voluisse in scripturis Spiritum sanctum. *Sicut audistis*, inquit Beatus Ioannes cap. 2. primæ Epist. *quia Antichristus venit, & nunc Antichristi multi facti sunt.* Certè quando minores Antichristos cum magno comparat, atque eius similes esse docet, similitudinem eorum attendit; quæ non in eo posita est, quod utrique Christi vicarij vel dicantur, vel sint: sed in eo quod utrique Christo, eiusque Ecclesiæ bellum inferant. Item eodem capite. *Hic est Antichristus, qui negat Patrem & Filium;* Ne hic quidem ea vox Vicarium, sed aduersarium denotat. Neque verò cap. 4. eius Epistolæ quicquam aliud significant ea verba. *Omnis Spiritus qui soluit Iesum, ex Deo non est; & hic est Antichristus, de quo audistis, quoniam venit.* Quid Epistola. 2? *Multi seductores exierunt in mundum, qui non consentunt Iesum Christum venisse in carne; hic est seductor, & Antichristus.* Estne in his verbis quicquam, quod ad vicariam potestatem significandam referatur? Cum igitur nihil sit in sacris litteris, quod eam vocis huius significationem indicet; cumque nemo ante auditum Lutheri Euangelium hanc huic voci significationem tribuerit: non magis potest ea vox Vicarium Christi significare, quam ἀντιπρεσβυτερος spodij contrarium, aut ἀντιφρονος custodi aduersarium. Imò verò cum præpositio, ἀντι, contrarietatem propriè atque à prima origine denotet, quamvis analogia quadam ad alia quoque significanda adhibeatur; nisi vel peculiaris vocis alicuius usus, vel adiuncta aliam significationem necessariò exigant; ad primam suam notionem, ac vim tum ipsa, tum nomina ex ea composita reuocanda sunt. Quare cum Anchristi nomen

neque vsum, neq; adiunctum quicquam habeat, quod primæ vocis huius significationi aduersetur: remerè ab impostoribus alio detorquetur. Denique si vllum partium suarum Vicarium Christus reliquit in terris, qui legata ab eo potestate Ecclesiam administret: profecto vt nihil eo munere vel ad venerationem religionis augustius, vel ad amplitudinem dignitatis illustrius fieri potest; ita ne vllam quidem appellationem vel diuinā, vel honorificam magis mortalitas capit. Cur igitur si Antichristi nomen sacrosanctæ potestatis vocabulum est, tam abominandum, tanquam prophanum in Ecclesia semper habitum est? Aut cur is, quo nullus aut fuit, aut futurus est vnquam capitalior hostis Ecclesiæ, Apostolorum etiam voce tam augusti nominis appellatione dignatus est? Quod si dixerit Abbatius non verum Christi Vicarium, sed simulatum, eumque, qui cū sit hostis Christi, Vicarium se mentitur eo nomine significari: ego illi tam reconditam hanc linguæ græcæ scientiam non inuidebo; apud quem ἀντίχριστος, & ψευδαντίχριστος, idem sonent. equidem quamuis græcus homo sim, non video, diuinæ illa simulatio potestatis vtra eius vocis particula significetur. Nam in Christi quidem nomine impostura non latet; in præpositione ἀντί, cum substitutio (sic enim Abbatius statuit, cui in præsentia morem gerimus) cum subordinatione, ac nihil præterea contineatur: qua tandē eius nominis vel parte, vel syllaba ista vicariæ potestatis fictio designatur? Aut cur nominibus etiam ἀνθεσπλίως, & ἀνθεσπίνγυς, non eamentitæ potestatis significatio tribueretur? Atque hæc de notatione nominis Antichristi; nunc cetera videamus.

Ἱ.
Locum EN. 2.

Sectione secunda. *Vt dicam paucis*, inquit, *Antichristum*

sum certissimum est, per summam hypocrisim rem acturum, ut potè quem venturum edocti sumus in omni deceptione iniquitatis, ita ut seducat, si fieri possit, ipsos electos, atque ad- gelicus, &
Apostoli-
cum mala
sive ab Ab-
bato profu-
runt.
notat ad marginem caput secundæ Thesal. 2. & Matthæi 24. ex quibus colligit, Antichristum non apertum Christi hostem, sed sub Christiano nomine eius aduersarium futurum.

Quo loco primo quidem falsarius est Abbat, qui hæc duo scripturæ testimonia ita coniungit; ut de fictione, & hypocrisi Antichristi loqui videantur, cum euidenter Matthæi locus de signis, ac prodigiis, quibus utetur ad decipiendū scriptus sit. Surgēt, inquit, Pseudochristi, & Pseudoprophetæ, & dabūt signa magna ac prodigia; ita, ut in errore inducantur etiam electi, ubi in his verbis simulatio illa quam fingit Abbat? Adde quod verba illa Matthæi 24. surgent Pseudochristi & Pseudoprophetæ, & dabunt signa, &c. non vno loco contendit Abbat, non ad Antichristū, sed ad alios nescio quos impostores referri oportere: Quæ tamen, ut causæ suæ seruiat, nunc ad Antichristum accommodat. Et tamen isti tam seueri censores dogmatum ad scripturarum iustissimam amissionem omnia, si Deo placet, expendunt.

Iam quod citat ex secundæ Thesal. 2. de industria deprauatū videtur: cur enim cum vulgata editio legat, *In omni seductione iniquitatis*; legere ipse maluit; in omni deceptione? nisi quod decipiendi vocabulum magis ad rem suam facere videbatur. Nam seduci quis potest siue impostura, & fraude, siue iis propositis, quæ eius voluntatem ad malum alliciant: deceptio ad fraudem magis ac mendacium refertur. Et tamen græca vox *αἰνίσκω*, qua eo loco Apostolus utitur, siue etymologiam, siue
vsum

vsus ejus spectes, seductionis significationem magis æmulatur. Nam αἰπάτη, & αἰπαίω ὁπὲ τῆς πάτης, hoc est, à via deriuata sunt, quod is, qui seducit, à via deducat. parum autem refert quibus demum artibus, id efficiat. quamobrem etiam αἰπάτην πλάττει, dixit Xenophon, hoc est diuitiarum fallaciam. quæ tamen non imponendo, sed alliciendo fallunt. id quod animaduertit Erasmus in cap. 24. Matthæi, vbi αἰπάτην πλάττει ita interpretatur. Vox ista, inquit, fallaces indicat diuitias; non quod fallant, hoc est, frustrentur hominem; sed quod à via deducant. Ceterum, siuè deceptionem, siuè seductionem legas, dummodo Pauli locum integrum proferas; parū te tua fraus iuuabit. Cuius est aduentus, inquit, secundum operationem Satanæ, in omni virtute, & signis, & prodigiis mendacibus, & in omni seductione (siue, vt tu mauis, deceptione) iniquitatis. Quis est, qui, modo sponte cæcutire nolit, non videat, postremis illis verbis quandam totius orationis veluti clausulam, ac superiorum omnium compendium contineri? Idemque eo loco valere αἰπάτην, atque rem ad seducendos homines accommodatam? Ac si diceret Apostolus, signis, prodigiis, virtutibus, atque iis denique rebus omnibus vte- tur Antichristus, quæ ad seducendos homines opportunæ videbuntur. Neque enim signa tantum adhibebit, quæ Christo ipso teste magnum ad seductionem electorum etiam, si fieri posset, pondus habitura sunt: sed & pollicitationibus, & cruciatibus acturus est aduersus Ecclesiam. Id quod paucis verbis ita scribit B. Hieronymus in cap. 11. Daniel. eius, ea verba explicans. Dabit eis potestatem in multis, & terram diuidet gratuito. *Antichristus multa deceptis munera largietur, & terram suo exercitui diuidet, quosq; terrore nequinerit, subiugabis auaritia.*

ritia. Perstringet nimirum oculos miseræ multitudinis infelix illa felicitas, splendorque tanti imperij, vt cum sequantur, cuius in potestate esse omnia viderint. Vt igitur vno verbo hæc omnia complecteretur, neq; prolixa enumeratione singula recenseret subdidit Apostolus ea verba. In omni deceptione iniquitatis. Quæ autem ratione ex hoc loco colligit Abbatius meus Antichristum per summam hypocrisim rem acturum? cum possit & Christi apertum se hostem profiteri, & adhibere hæc omnia ad homines seducendos. Imò si eius hypocrisis ea futura est, de qua scriptum est, quod in errorem inducet, si fieri posset, etiam electos, alia esse non potest, nisi ea, quæ in signis prodigiisque posita est. At enim eam inibit Antichristus agendi cum hominibus rationem, quæ compendiaria sit ad fallendum via: nulla autem aptior ad seducendos Christianos est, quam si Christi nomen in speciem retineatur; Christus re ipsa reiiciatur: hanc igitur initurus est. Audio; sed licebit tamen per te Antichristo, ita maximè opportunam ad fallendum inire rationem; vt consiliis suis non incommodet; cum autem id acturus sit, vt pro Deo habeatur ipse, & colatur in templis, Christi vero venerationem funditus euertat, ac deleat: sub Christiano nomine latere non poterit; sed ad finem suum consequendum ea adhibebit, quæ in scripturis sanctis edocti cum simus, temerè alia quærimus. Nam signa, & prodigia ac virtutes habemus ex cap. 24. Matthæi 2. Thes. 2. & Apocalyp. 13. magnitudinem imperij, ac felicitatis eius, & persequutionem Ecclesiæ habemus ex Daniel 7. & 11. & ex Apocalyp. 13. quibus B. Ioannes tribuit seductionem, atque idololatriam gentium. *Dedit illi, inquit, Draco virtutem suam, & potestatem magnam, & vidit unum de ca-*

pitibus suis quasi occisum in mortē, & plaga mortis eius curata est, & admirata est uniuersa terra post bestiam, & adorauerunt draconem, qui dedit potestatem bestia, & adorauerunt bestiam dicentes, quis similis bestia? Et quis poterit pugnare cum ea? Ita ne probabile quidem est quod tam præficta fronte certissimum esse dicit Abbatus; sed apud istos nihil est mendacio certius.

6.

Virum Antichristum certum, ac singularem hominem.

Sequitur altera de Antichristi nomine quæstio. Appellatiuum ne id, an vnius hominis proprium nomen sit. Illud aduersariis, hoc nobis placet, qua vna in re totius ferè de Antichristo disputationis cardo vertitur; ut paulo accuratius tractari eam necesse sit. Proferam prius Abbati pro sua hæresi rationes, quas vbi vix duas, easque ex obscurissimis scripturæ locis petitas sophismatum, errorum, incitiarumque plenissimas esse lectores animaduernerint, tum apud se statuunt quales sint hæreticorum contra Ecclesiā demonstrationes. Expendā deinde quam apte, atque accommodatè Bellarmini pro fide Catholica rationes dissoluat. Sed antequam disputationem aggrediar, libet velitationis loco ex Abbato quærere, qui tam certo compererit, ut etiam procul dubio ita esse pronuntiare ausus sit verbis illis Apocalyp. 13. qui habet intelligentiam computet numerum bestia, numerus enim hominis est, significari talem eū numerum esse, qui ab homine possit ratione, atque ingenio peruestigari; hæc enim ipsa eius verba sunt cap. 2. sect. 3. Certè inter loci eius interpretes quid iis verbis significetur non satis conuenit. Atque alia est Arethæ, alia Bedæ, alia Ricardi interpretatio. Neque verò ipsa loquendi formula eiusmodi est, ut præter Abbatiā hanc interpretationem nullam admittat. Nisi forte cū Apocalypsis 21. dicitur Angelus mensus murum ciuitatis

tatis mensura hominis, quæ est Angeli, id significari cõ-
tendat posse humanis viribus cælestem Hierusalem mē-
surari. Sed hæreticis pro fide, ac sapientia confidentia,
ac temeritas est vt nullo alio fundamento res affirmant
quam quod sibi ita videtur. Nunc ad rem ipsam propi-
us accedamus.

Sectione 4. probare conatur non vnum certum ac
singularem hominem, sed multorum sibi succedentiũ
seriem Antichristi nomine significari, idque hac fermẽ
ratione concludit. Antichristus vnum est è septem ca-
pitibus bestię, quæ Apocalyp. 17. Romanum imperiũ
ac septies mutatum eius Reip. summum magistratum si-
gnificat, At qui reliquis capitibus non vnus aliquis Rex,
sed longa multorum successio denotatur: idem igitur
etiam de Antichristo dicendum est. hanc ille tationem
his verbis explicat. *Huius bestia, inquit, septem capita*
numerantur, quæ ab Angelo de septem regibus Romanis expo-
nuntur. Vbi de Regum nomine semel, & semper admonendũ
est, non eos tantummodo reges dictos esse, qui communi stylo
scribuntur reges, & nominantur, sed Principes, quoscunq; poli-
ticos, qui summum penes se magistratum, & regimen habent.
tales erant Roma primo, nomine ipso reges; post regis nomen
expulsum consules, tribuni, decemviri, dictatores, quibus nu-
merus Regum quinquarius expletur. De septem ergo illis regi-
bz quinq; ceciderant ante Christum, sextus in aduentu Chri-
sti eminusit, septimus in occasu sexti venturus est. Iam verd
quinq; illi reges, qui ceciderant ante Christum & sextus, quem
Christus regnantem inuenit, non singuli reges, aut sex homi-
nes singulares, sed Principatus sex, & succedentium in singu-
lũ principatibus regum, hoc est summorum illius Reip. mode-
ratorum series, & decursus intelliguntur. Quæ nunc ergo ra-
tio persuadeat, vt cum sex illa capita priora de Regum succes-

7.
Quid apo-
calypsa
bestia septẽ
capitibus
significa-
tur.

sione singula accipiantur: septimum quod Antichristum omnes exponunt; de singulari homine tres dumtaxat annos, & sex menses regnatura intelligamus. Quibus verbis primo falsarius est Abbatus Neque enim Angelus, nisi quam apocalypsim Oxonij nuper ipse commentus est, vnquā dixit, septem capitibus septem Reges Romanos significari. *Septem capita*, inquit, *septem montes sunt super quos mulier sedet, & reges septem sunt, quinque ceciderunt, vnus est, & alius nondum venit.* Humanas igitur coniecturas, cur nobis pro expressa reuelatione tam impudenter obtruditur præcipue cum communis interpretatio non Romanos, sed alios quosdam reges intelligat.

Deinde hæc eius interpretatio ex ipsis prophetiæ verbis refellitur; qua enim ratione, si septem illi Romanæ Reipublicæ summi magistratus intelliguntur, constare potest quod de septimo dicitur cum venerit caput septimum oportere illud breue tempus manere; cum nullus fuerit æquè diuturnus, atque is, quem septimum Abbatus comminiscitur. Millesimum enim iam annū viget, si illi credimus, regnum Antichristi, cum totidē à successore Gregorij Bonifacio ad hæc vsque tempora defluerint: at non solum priorum nullus per se, sed ne quinque quidem illi simul sumpti tanto tempore floruerunt, quem tamen vnum præ ceteris breui tempore mansurum affirmat Spiritus sanctus. Decemuirū vix biennale fuit imperium; Tribuni non vltra quindecim annos Rempublicam administrare, dictatura initio paucorum dierum numero gesta, ac ne multis quidem annis postquam in tyrannidem degenerauit. regnum, & consularatus quæ magis diuturna fuerunt imperia, ne illa quidem comparari cum pontificatu possunt. Regnatum est omnino annis ducentis quadraginta quattuor, tum

tum, Consules sex & quinquaginta annis ante decem viros, post eos aliquanto paucioribus ad tribunos vsq; Rempublicam tenuere, post abrogatos tribunos, restitutumque in vrbe consulatum ad perpetuam vsque dictaturam Cæsaris, annitrecenti circiter, & quadraginta fluxere. Quos omnes si in vnam summam reuocet; annos conficies plus minus quadringentos. Anni omnes ab vrbe condita ad Augustum vsque, qui imperatorum primus numeratur, pauci sunt supra septingentos. Per Imperatores ab Augusto ad Bonifacium vsque, cum septimum regnum exortum Abbatum fabulatur, non sexcentis integris annis administratum imperium est. Quorsum igitur regnum illud, quod vnum omnium maximè diuturnum erat, breui tempore perman surum dixit, qui hoc ne de biennali quidem imperio decemuirali mandauit litteris? aut quid aliud prudens lector intelliget, cum ista legerit: nisi exiguo admodum tempore regnum hoc circumscribi oportere; cuius vnius breuitas præ ceteris commendetur?

Iam nec illud quidem aut fraude, aut inscitia caret; quod ait in singulis his magistratibus certam quandam fuisse eorum, qui eos gesserint, sibi succedentium seriem. Nam quæ tandem ista fuit tam longa decemuirum sibi succedentium series? cum ad alteros decem viros vix magistratus ille productus sit. atque id quidem fraude potius ambitiosorum; quam ipsius natura magistratus, quis dictator dictatori iure ordinatio suffectus est? aut quod vnquam Romanis legibus certum statutum est dictaturæ gerendæ tempus? qua re cū colligit, in septimo quoque regno seriem sibi inuicem succedentium intelligi oportere, quod id in sex prioribus factum est; aut mentitur, aut desipit. quanquam illi vtrunq; fami-

liare est. Adde quod dictatura regni rationem nulla ratione habere potuit. cum is magistratus ordinarius in Republica Romana non fuerit, neque consulare imperium, ne ad tempus quidem, abrogarit, cum dicto etiā dictatore, cōsules magistratum retinere soliti sint. Huc accedit quod etiam si ea omnia, quæ vocat Abbatus regna, longa sibi serie successissent: non inde necessario efficitur postremum quoque regnum eadem successione constare debere. Satis enim est, si noua regendæ Reipublicæ species, atque alius magistratus introducatur: penes quem summum imperium sit; sic enim Abbatus ipse decreuit. Post Alexandri mortem ita diuisum eius imperium est, vt singularum partium Regibus longo ordine succederetur: Et tamen Hircus ille caprarum, quo apud Daniele capite 8. Græcorum regnum portendebatur, primo illo maiore cornu perbreue Alexandri vnius regnum, quatuor iis, quæ primo euulso enata sūt, quatuor ea regna significat, in quæ eo extincto diuisum eius imperium est, quamuis in singulis eorum longa successione regnatum sit. Qualis igitur ista argumentatio est? sex primis capitibus longa successionum series monstrabatur, non potest igitur in postremo breue vnius hominis regnum intelligi; præcipuè cum quasi hoc ipsum præuidens, Spiritus sanctus adiecerit, postremū illud regnum breui tempore permansurum. Quod si istā numerandorum regnorum rationem inire velimus, aut plura quàm septem, aut pauciora capita illa esse necesse est. Quis enim non videt, quamuis regis, imperatorisq; nomen diuersum sit; idem tamen, si rem ipsam spectes, nominibus illis significari? Si ergo vna eademque administrandi summi imperij ratio siuè semel introducta, siuè interpolata, ac repetita sæpius, vno capite signifi-

significatur, quod de consulum, ac Dictatorum imperio fateri necesse est; regum imperatorumque successio non nisi vno capite significari poterit. Erunt igitur ad summum sex bestiarum capita. Si autem alio supremi magistratus genere in ciuitate recepto, interrupta semel alterius series, quamuis postea reperatur, non potest eodem capite denotari: consulatus bis interruptus decemuirum, tribunorumque creatione penes quos esset summum imperium, ac nunquam continuata dictaturę successio; tot capitibus describentur; quoties reuocati in ciuitatem ij magistratus, ac repetiti fuerunt. Neque verò illud contemnendum est, quod non semper eadē regnandi atque imperandi species Romę fuit. Nam neque Romulus semper solus regnauit; neque eadem fuit regni constitutio, cum penes eum vnum rerū summa esset, quę post, recepto in regni societatem Tatio esse necessario debuit. Neque rarò postea Romana curia duos, interdum etiam plures simul imperatores vidit; quorum vt societas monarchiam tollebat, ita aliam reipublicę, summi que magistratus reddebat speciem. Nam Augusti, collegarumque triumviratum ad quod tandem ex his capitibus reuocaturus est?

Quod autem iam inde ab vrbe condita Romanum Imperium repetit, vt septenarium magistratuum numerum conficiat: ridiculus est. Si enim, vt ipse ait, eadem est bestia, hæc cap. 17. Apocalypf. cum ea quę apud Daniele cap. 7. decem prædita cornibus describitur; ibi autem quarta mundi monarchia, ac regnum vnum omnium maximum potentissimumque ea bestia designatur; qua ratione vrbs ex pastoribus, ac perfugis coalescens, ac vix sibi ipsa satis, in eo numero collocabitur? Certè multis post urbem conditam sæculis extitit Alexander,

liare est. Adde quod dictatura regni rationem nulla ratione habere potuit. cum is magistratus ordinarius in Republica Romana non fuerit, neque consulare imperium, ne ad tempus quidem, abrogarit, cum dicto etiā dictatore, cōsules magistratum retinere soliti sint. Huc accedit quod etiam si ea omnia, quæ vocat Abbatus regna, longa sibi serie successissent: non inde necessario efficitur postremum quoque regnum eadem successione constare debere. Satis enim est, si noua regendæ Reipublicæ species, atque alius magistratus introducatur: penes quem summum imperium sit; sic enim Abbatus ipse decreuit. Post Alexandri mortem ita diuisum eius imperium est, vt singularum partium Regibus longo ordine succederetur: Et tamen Hircus ille caprarum, quo apud Daniele capite 8. Græcorum regnum portendebatur, primo illo maiore cornu perbreue Alexandri vnius regnum, quatuor iis, quæ primo euulso enata sūt, quatuor ea regna significat, in quæ eo extincto diuisum eius imperium est, quamuis in singulis eorum longa successione regnatum sit. Qualis igitur ista argumentatio est? sex primis capitibus longa successionum series monstrabatur, non potest igitur in postremo breue vnius hominis regnum intelligi; præcipuè cum quasi hoc ipsum præuidens, Spiritus sanctus adiecerit, postremū illud regnum breui tempore permansurum. Quod si istā numerandorum regnorum rationem inire velimus, aut plura quàm septem, aut pauciora capita illa esse necesse est. Quis enim non videt, quamuis regis, imperatorisq; nomen diuersum sit; idem tamen, si rem ipsam spectes, nominibus illis significari? Si ergo vna eademque administrandi summi imperij ratio siuè semel introducta, siuè interpolata, ac repetita sæpius, vno capite signifi-

significatur, quod de consulum, ac Dictatorum imperio fateri necesse est; regum imperatorumque successio non nisi vno capite significari poterit. Erunt igitur ad summum sex bestiarum capita. Si autem alio supremi magistratus genere in ciuitate recepto, interrupta semel alterius series, quamuis postea reperatur, non potest eodem capite denotari: consulatus bis interruptus decemuirum, tribunorumque creatione penes quos esset summum imperium, ac nunquam continuata dictaturę successio; tot capitibus describentur; quoties reuocati in ciuitatem ij magistratus, ac repetiti fuerunt. Neque verò illud contemnendum est, quod non semper eadē regnandi atque imperandi species Romę fuit. Nam neque Romulus semper solus regnavit; neque eadem fuit regni constitutio, cum penes eum vnum rerū summa esset, quę post, recepto in regni societatem Tatio esse necessario debuit. Neque rarò postea Romana curia duos, interdum etiam plures simul imperatores vidit; quorum vt societas monarchiam tollebat, ita aliam reipublicę, summiq; magistratus reddebat speciem. Nam Augusti, collegarumque triumviratum ad quod tandem ex his capitibus reuocaturus est?

Quod autem iam inde ab vrbe condita Romanum Imperium repetit, vt septenarium magistratuum numerum conficiat: ridiculus est. Si enim, vt ipse ait, eadem est bestia, hæc cap. 17. Apocalypsi. cum ea quę apud Daniele cap. 7. decem prædita cornibus describitur; ibi autem quarta mundi monarchia, ac regnum vnum omnium maximum potentissimumque ea bestia designatur; qua ratione vrbs ex pastoribus, ac perfugis coalescens, ac vix sibi ipsa satis, in eo numero collocabitur? Certè multis post urbem conditam sæculis extitit Alexander,

xander, qui primus regnavit in Græcia; qua igitur ratione quarto loco Romanum imperium numeratur si id tanto tempore ante iam floruerat? Aut cur, si non imperium modo, sed imperij etiam origo describitur: nō item Regnum Macedonum, quod ante Alexandrum illustrius, potentiusque fuit; quam, multo etiam post exactos Reges tempore, Romana Respublica? Denique hæc omnia Abbato condonabo, si quæ in Ioannis prophetia de bestia, eiusque capitibus scripta sunt; aptè mihi de Romano imperio interpretari potuerit. Quid enim sibi volunt ea verba vesu 8. *Bestia, quam vidisti, erat, & non est, & de abyssō ascensura est, & in interitum ibit.* Et versu 11. *Et bestia quæ erat, & non est, & ipsa octava est, & de septem est, & in interitum vadit.* Quibus apertissime denunciat Spiritus sanctus, quicquid demum ea bestia denotetur, id ante ea tempora cum hæc scriberentur, fuisse illud quidem; sed tunc non esse, ac futurum, ut iterum in lucem ab inferis reuocetur; quæ qua ratione convenire possunt in Romanum imperium? quod Abbatus ea bestia designari contendit. cum vix vnquā antea magis floruerit opibus, viribusque, quàm cum hæc à Ioanne Apostolo scriberentur. Præterea qua ratione bestia vnum de septem capitibus suis est? quænam ista est tam inaudita conuersio, vel bestię totius in vnū de capitibus suis, vel Romani imperij in magistratus suos? ut idem sit, & id quod administratur, & ipsa administrandi ratio, & magistratus; & id cui regendo magistratus præficitur. At id profecto ita esse necesse est; si capitibus diuersa Reipublicę descriptio; bestia ipsa Romanū imperium eo loco significat At ut hæc, etiam *advētam*, fieri posse concedamus, qua ratione bestia, quæ vna de septem est, & ipsa octava esse potest? nisi enim ad septem

septem vnum præterea addideris; octonarium nunquā efficies. bestia autem, cum vna de septem sit; addici ad septem illa non potest, nisi nouo prodigio congeminetur.

Quæ res viros doctissimos Franciscum Riberam, & Blasium Viegam impulit, vt veteres sequuti, aliam inirent interpretandæ visionis huius rationem. Nam bestia coccinea Satanam mundi huius Principem, rectoremque tenebrarum harum, sanctorum sanguine madidum designari contendunt, singula eius capita, ita singulis Mundi ætatibus tribuunt; vt maximè insignia eius membra, quæ in sanctos sæuierunt, atque aduersus Deum singulis ætatibus extulerunt se se singulis capitibus significantur.

Porro quia ab Adam vsque ad Christum quinque mundi numerantur ætates; quinque capita iam fuisse, sextum, quod Christi ætatem significat, & tunc viguisse, cum Apocalypsis scriberetur, & ad Antichristum vsque portendi; septimam verò ætatem Antichristi imperio referuari, qua mundi huius periodus concludetur. Bestiam autem ipsam, qua Diabolus regnans in orbem terrarum denotatur, dici fuisse quidem aliquando, sed nūc non esse, quia à Christo eiectus est ferus, ac regno suo spoliatus, vinctusque apud inferos detinetur; vnde solutus aliquando; existet: cum Antichristo persequutionem mouente, sæuendi liberam potestatem acceperit; Quæ re etiam de abyssso ascensurus describitur. Dicitur porro bestiam vnum de septem capitibus; quia, quamuis in omnibus membris suis satanas persequutus Ecclesiam sit, in omnibusque regnauerit: ita tamen totum acerbitatis suæ virus effundet, ac tanto maiore impetu, quam vnquam ante Ecclesiam adorietur; vt in reliquis

R

perse-

persequutionibus pugnasſe contra Eccleſiam humana crudelitas, in hac Diabolus ipſe debacchari, ac furere videatur. Quare beſtiam, & re vera octauam eſſe, cum ab omnibus iis differat, per quos vexauit Eccleſiam, & tamen eſſe de ſeptem, quia in Antichriſto bellum ipſe geſturus ſit. Quæ non ideo diſputo, quod certa omnino, ac minimè dubia eſſe credam: Sed vt prudens Lector intelligat, viſionem hanc, quæ in Romanum imperium difficile conuenire poteſt; probabiles alias interpretationes admittère. Ceterum quid eo loco ſignificetur; ſcit is, qui ſcripturas condidit Spiritus ſanctus. Et quando hic ſumus, locus hic non ante dimittendus nobis eſt; quàm videamus quid ex eo Abbatus ſect. 6. cap. 3. colligat. Ait proprium Antichriſti locum diſtinguè notari Apocalyp. 17. ſeptimontanam ciuitatē, quæ regnum habet ſuper reges terræ. Id quod in eo capite nuſquam legimus. Sit enim, vt tu vis, beſtia hæc ſepticeps, Romanum imperium; quanquam id non ita certum eſſe docui, ſit vrbs Roma purpurata illa meretrix: qua ratione colliges, ſedem beſtiæ Romam eſſe? quia ne in Apocalypſi beſtiæ inſidens viſa eſt? ô dignam iſto capite rationem. in quod ſi æſopica illa vulpecula incidet; vide ne cerebrum in eo deſideret. At quid ſibi vult, inquires, inſidere Romam imperio? Non difficile reſpondeo; vbi vbi ſit ſedes imperij, Romano iure imperari. Neque enim ſi Conſtantine ſedem Imperij Byzantium tranſtulit, alio quam Romano iure retentum poſtea imperium eſt. atque ita, cum plus quingentis annis, integri adhuc atque incolumis imperij ſedes Byzantij fuerit; Romanum Imperium ſtabat, imperij ſedes Roma non erat. Ex quo etiam alia ſoluitur non minus inepta ratio tua, qua effici putas Romanum imperium

perium penitus iam esse deletum, quia in potestate Imperatoris vrbs Roma non est. Quae ratione dicturus es, Honorio Imperatori Imperium deletum esse; quia eo tempore vrbs à Barbaris capta, atque direpta est. Quod si tunc, quia in reliquo terrarum orbe iurè Romanæ civitatis dominabatur Honorius: imperium cum vrbe non concidit, eadem ratione, qui nunc Populi Romani iurè imperat, Imperator est, quamvis vrbe Roma alius potiatur. Desipis Abbate cum ista scribis, neque quicquam melius tam ineptis rationibus, quam stultitiam tuam probas. Tu tamen pergis, atque vt totus in bestia es, auelli ab ea non potes. Itaque vt rationem tuam è capitulo petitam numero confirmes, *Quod quidem* (inquis sectione eadem secundi capitis) *cominus probabile est* (septimo capite vnum hominem, ac non longam multorum seriem designari) *quod in septimo illo rege docemur, imaginem sexti esse repetendam. Imperium enim Romanum bestia dicitur, Antichristi status imago bestie.* atque ad notas ad marginem Apocalyp. 13. v. p. & 17. u. 7. quo loco non disputo de imagine bestię, quam tu septimum bestię caput sine teste, sine coniectura, sine ratione vlla facis, alius est mihi ad disputandū de ea locus. Illud ex te in præsentia requiro, quibus rationibus compereris, bestiam hanc septimi decimi capitis eandem esse cum ea, quæ 13. describitur. Nam & si disertè negare non ausim, ne planè quidem id affirmari posse video. cum neque scriptores consentiant, neque quicquam earum simile describatur, præter numerum capitum, cornuumque. Nam prioris pedes, & corpus totum quale sit scriptura commemorat: huius hæc silentur omnia. Huius color diligenter adnotatur: illius coloris nulla fit mentio, illius cornua diadematis ornabantur: huius

nullum commemoratur diadema, illa in capitibus habebat blasphemiarum nomina, hæc iis plena erat, illa nullū gestabat: hæc purpuratam meretorem. Vt satis videre non possim, cum nihil præter capitum cornuumq; numerum habuerint commune: qua ratione tam certo eandem esse pronuncies. Præcipuè cum Apocalyp. 12. describatur draco rufus habens capita septem, & cornua decem, & in capitibus eius diademata septem, isque Satanas, ac Diabolus esse commemoretur. qui cum colore conueniat cum hac capitis 17. bestia, cetera non dissimilior sit, quam bestia cap. 13. cur hæc visio ad illam potius, quàm ad Draconem referatur? Aut si capitum, & cornuum numerus, colorque persimilis satis non est, ut eadem esse bestia affirmetur: cur solus ille numerus satis erit, ut eandem hanc, cum illa bestiam reddat?

Iam in eo falsarius est quod doceri nos ait Apocalyp. 13. vers. 14. in septimo illo rege imaginem sexti repetendam, nihil enim eiusmodi toto eo capite, ac ne libro quidem Apocalypseos, scribitur. Quanquam non video quid effecturus sit, etiam si id illi concessero: cum necesse non sit, inter imaginem, atque id cuius ea imago est, exactam similitudinem reperiri, fierique possit, ut sit imperium simile; quamuis in regum successione non congruat.

2.
Diluitur
altera Ab-
bati ratio.

Altera Abbati ratio ad probandum longam regum successionem Antichristi regno contineri ex eodem Apocalypseos 17. capite ducta his ab eo verbis eadem secundi capitis sectione explicatur. *Illæ orbis dementia, inquit, quæ gentes omnes, & populos, & reges inducet Antichristus; ut stupra cum illo, & fornicationes exerceant, non unius sæculi opus est, non opera unius hominis; sed infi-*

nnata

mutata paulatim, & sensim apostasia perficienda. Cum enim fornicationes legimus, cum meretricem audimus, non tã vim, & coactionem, quàm sollicitationes, & blandimenta & meretricias artes cogitamus. Quæ in ratione multa inuoluit, & implicat; quæ ubi euoluta, atque explicata fuerint, stuporem, ac debilitatem mētis eius facile prodent: quod enim, fieri posse negat, vt tam breui tempore orbis terrarum à Christianis ad prophana sacra transeat; libro superiore abundè confutatum est, cum hanc ipsam rationem aduersus Patres attulisset. quod, quæ de purpurata meretrice vaticinatur Spiritus sanctus, ad Antichristum deriuat: vim ipsis vaticinij verbis facit; ac nullo alio fundamento nititur, nisi quia ita libet. Disertè enim docet Beatus Ioannes, ea muliere ciuitatem magnam significari, quæ habet regnum super Reges terræ, quare nisi aut Antichristum in ciuitatem aut ciuitatem cōuertat in Antichristum: tueri eã interpretationē non potest. Illud vnum effugium reliquū est, vt quæ in ea vrbe, quam eius futuram regiam somniat, ab Antichristo gerenda sunt: ea tribui vrbi ipsi ad eum modū dicat; quo Hierusalem in Euangelio dicitur Prophetas occidere, & lapidare eos, qui ad se missi sunt. Quo loco de sede Antichristi non disputo: sit sanè ita, vt sectarij fabulantur; futura sit aliquando ea vrbs Antichristiani imperij caput; illud quæro. quibus indiciis deprehendit Abbat, hæc mulieri tribui; quod ab Antichristo potius, quam ab vlllo alio Regum pertractanda in ea fuerint? Mulier quidem certæ bestię, quæ Abbato Romanum imperium denotat, non vnialicui capitem insidet: Et qui ante Christi aduentum eam Rempublicam gubernarunt, quos iste quinque capitibus exprimi existimat, idololatriz, quæ in scripturis passim fornicatio dicitur,

ita fuere dediti : vt prophanis iis religionibus salutem publicam contineri existimarent. Atque vt agnoscas turpissimè prostitutam omnibus meretricem ; cum pene omnibus dominaretur gentibus : omnium gentium seruiebat erroribus. Et magnam sibi videbatur assumptisse religionem : quia nullam respuebat falsitatem. Vt ibi fuerit per Apostolos omnium sacrilegiorum impietas destruenda : vbi deligentissima superstitione habebatur collectum, quicquid vsquam fuerat vanis erroribus institutum. hoc est enim de veteri illa Roma Beati Leonis elogium sermone primo in natali Apostolorum Petri & Pauli. Quæ sacra, religionesque sacrilegas, tanto in honore semper habuere Romani Principes, vt eorum tuendorum causa tam multis, tanquam acerbis persecutionibus vexarint Ecclesiam, quam ob rem etiam mulier ebria dicitur de sanguine sanctorum, & de sanguine martyrum Iesu. Quam igitur ob causam hæc ad Antichristum potissimum referenda censet Abbatus, non ad reliquos eos reges qui Romanum Imperium administrarunt? Atque hæc omnes omnino sunt Abbati pro sua illa longa Antichristorum serie rationes, inuictæ illæ, atque certissimæ, quæ hominem, etiam inuitum, ac reluctantem à Patrum interpretatione sententiæque deduxerunt. Et tamen doctor inscribitur, & demonstrationes crepat. Sed iam qua ratione Bellarminianas rationes diluat, audiamus.

⁹
Defendi-
tur prima
Bellarmini
ratio.

Sectione 5. Primum Bellarmini argumentum conatur soluere: ducitur id ex verbis Domini Ioannis 5. *Ego veni in nomine Patris mei, & non accepistis me: si alius venerit in nomine suo; illum accipietis. Quem locum de vno Antichristo intelligi debere probat Bellarminus ex Chrysostomo, Cyrillo, Ambrosio, Hieronymo, Augustino*

gustino, Irenæo, Theodoretò; quorum Abbatùs testimonium nihil mouetur. Tu (inquit) *nomina quidem apponis quorundam, qui de Antichristo illum exponunt; sed non mouemur nuda nominum auctoritate sine momento rationis.* At quam tu contra rationem affers, qua probes tantorum Patrum, quos tu pro tua singulari pietate pro nudis nominibus habes, interpretationem constare non posse? Certè negare non potes, quin tam multorum virorum, nisi quid aliud obstat, tanta consensu grande momentum habeat ad faciendam fidem; nam neque temere, ut se quidque primo obtulerat, neque leuibus de causis quidquam affirmasse tam multi, tanta sapientia, tam in scripturis versati viri credendi sunt. At tu nihil affers contra, nisi quod in soluendis Bellarmini rationibus totus es. Quasi verò si ostenderis, posse ea verba ita intelligi, ut tu intelligenda contendis; continuò victoriam reportaturus sis. cum tamen, quia nostra Patrumque nostrorum ea possessio est, ac iam ante ea interpretatio obtinuit in Ecclesia; deicere nos de possessione non possis, nisi probaueris iniuria nos possidere. Sed solutiones ipsas Abbati inspicimus. *Hic, inquit Bellarminus, Dominus opponit sibi alium hominem, hoc est, persona personam, non regnum regno, neq; sectam sectæ, ut patet ex illis vocibus, Ego, Alius. In nomine meo, in nomine suo, me, illum, sicut ergo Christus unus & singularis homo fuit; ita & Antichristus unus, & singularis homo erit.* Hanc tu rationem ut soluas, primo negas parem esse rationem. *Nam Christus quidem, inquis, unus est, nec potest intelligi præter quā unus, at aliis à Christo infinitam habet significationem, & poteris hunc, & illum, & alterum notare; & distributiue omnem, qui aduersus Christum est.*

ſto eſt. Ita q̄ clariffima exit ſententia. Si alius venerit, hic aut ille, aut quicumque illum recipietis.

Sed quo te cunq̄e veritas vt effugias, nihil efficiſ. Nam vox illa, Alius, non ita habet infinitam ſignificationem; vt plures ſimul comprehendat: ſed ita, vt cum de quolibet indiuiduo homine affirmari poſſit, qui nō ſit Chriſtus: ſingillatim tamen de ſingulis affirmetur; quod non eſt huic voci proprium; ſed eſt cum omnibus pronomiſibus commune, nam pronomē ipſum, Ego, poteſt à quolibet homine de ſe ipſo affirmari: nunquam tamen, niſi ſingularem perſonam ſignificat; quamvis igitur, quia nulla certa perſona pronomine illo, Alius, denotatur, non conſtet quis ille alius ſit, de quo Dominus loquitur, ac de quolibet alio dici potuerit: multitudinem tamen non admittit; ſed vnum aliquem, ſingularemq̄e ſignificat, quicumq̄e demum ille ſit. Ergo Abbatus, quia vox illa, Alius, nullum certum hominē ita notat, vt aliū æquē designare non poſſit: perperā colligit, plures eo nomine ſignificari. quod eſt argumentari à diſiuncto ad coniunctum; ſic enim ratiocinatur. Pronomen, Alius, ſignificat hunc, vel hunc, vel hunc, ergo ſignificat hos ſimul. qua argumentatione nihil eſt Euangelio dignius.

Quod ſi ita interpretari verba Domini velis: ſi alius, hic, aut ille venerit, illum recipietis, nos ex lege diſiunctarum propoſitionum continuò concludemus, Ergo ſi hic venerit, ille nō veniet; vel ſi hunc recipient, illum non recipient. Vnus ergo ille, atq̄e ſolitarius erit, qui venerit, quenq̄e recipient: quamvis non conſtet, quis ille ſit Sed quia ſolutionem illam labare vides fulcimentum vt cunq̄e adhibes.

Et alium quidem, inquis, cum dicitur numero ſingulari plura-

pluraliter tamen intelligi posse, patet ex eo, quod apud Ioannem, &c. Atque exempla nonnulla profers, quibus probes, numerum vnitatis pro multitudinis numero adhiberi aliquando solere; & quasi iam parta victoria; Cum certum sit iis in locis numerum pro numero poni, quæris, ecquid repugnaturus sit? ac tandem. Quod si non dixeris, inquis, & usq; non dixeris, nec illud, nisi peruersè, asserere poteris, Alium, in verbis Christi de unico tantum homine sumi debere. Possem si in examinandis ineptiis tuis ocium liceret perdere; ostendere; ne exempla quidem, quæ profers, ad rem tuam admodum facere: sed quia dubitari de re ipsa non potest, quamuis tu eam non appositè probes, dissimulandum est. Concedo igitur tibi numerum interdum pro numero vsurpari, & in scripturis, & in communi vsu loquendi: nego tamen te quicquam efficere. Nam natura sua numerus vnitatis vnum, idq; singulare significat, eaque loquutio, qua vel plura vnitatis, vel vnum multitudinis effertur numero non sine figura. & schemate quodam orationis est. Quare nisi ex adiunctis, rebusque ipsis, de quibus est sermo, alio traducantur; atque, vt Lutheri tui verbis vtar, manifesta circūstantia cogat, reliquēdi naturæ, atque ingenio suo numeri sunt. Quid autem est in iis Christi verbis, quod numerum multitudinis intelligi eo vocabulo cogat? cū potius tam exquisita illa singulorum verborum antithesis, quæ tam accuratè contulit Bellarminus, indicet, singularem vt voce, ita re numerum illum esse debere. Vter igitur peruersè, Bellarminus ne, qui quod singulari numero scriptura commemorat, cum nihil sit in ea oratione, quod pluralem numerum subesse demonstrat, singulare esse confirmat; an tu, qui quasi dictatoria potestate in alienam significationem numerum trahis? Ac

S

pro-

profecto, si Dominus de pluribus loqui voluisset; multò aptius eo loco multitudinis numerum vsurpasset: quod illustriore antithesi multo magis inexcusabilem Iudæorum nequitiam, impietatemque reddidisset; qui cum multos alios accepturi essent; Christum vnum repudiarent.

Excipis denique quod ipso teste, atque interprete Bellarmino capite primo de Antichristo, verba Domini Matth. 24. Multi venient in nomine meo dicentes; Ego sum Christus, de Antichristo intelligenda sunt. *Quod si, inquis, de Antichristo exponendum sit. Multi venient in nomine meo, &c. Certè Antichristus non vnus, & singularis, sed alius & alius in multitudinem intelligendus est. Sed quia, ne sic quidem satis consultum blasphemiarum videbas; cum vel ex hoc satis constaret Pontificem Romanum Antichristum esse non posse, cum nunquã Christum se se affirmauerit, aliò scripturas detorques. Et est quidem, inquis, in altero horum locorum alterius explicatio, & quod apud Ioannem legitur, si alius venerit in nomine suo, &c. idem ipsum est quod apud Matth. habetur; Multi venient in nomine meo, &c. Vtroq; notantur, propriè praestigiatōres illi, qui Iudæis postea fraudem fecerunt, quales fuisse legimus Simonem Magum, & Theudam, & Aegyptium illum Barchocebam, & reliquos illos Magos, & impostores, qui dum se Christos, & Prophetas, & liberatores confictis quibusdam miraculū ostentarunt; cacam, & insanam Iudæorum turbam ad seditionem incitarunt, & hostium manibus perdendos tradiderunt.*

At vide quam nihil etiam tum sapias, cum tibi maximè sapere videris. nunquam dixit Bellarminus de solo Antichristo ea Domini verba Matth. 24. intelligi debere; neque enim id ad rem, de qua tunc disputabat, mul-

multum intererat; sed docuit tantum, ex Matthæo 24. Antichristum affirmaturum se ipsum esse Christum, quod profecto verum esse potuit, etiam si bis mille futuri essent, qui pro Christo se se Iudæis venditarent. Dominus enim eo loco multa vna responsione complexus est, quia discipuli vna interrogatione multa quæsierant. Cum enim dixisset Dominus fore, ut ita dirueretur templum, ut non remaneret lapis super lapidem, quod de euerfione Hierosolymorum intelligendum erat. illi cum Hierosolymitanum excidium in fine mundi futurum crederent, Dic nobis, inquiunt, quando hæc erunt, & quod signum aduentus tui, & consummationis sæculi. Quoniam autem futuri erant qui se Christos (& tunc temporis, & nouissimis temporibus) facerent, ne ut credula est expectatio, adesse cum discipuli continuò crederent, quem expectarent: ab utrisque cauendum admonet, vna utrosque responsione comprehendens. Vide, inquit, ne quis vos seducat; Multi enim venient in nomine meo dicentes, Ego sum Christus. Quod in vniuersum præfatus, singula persequitur, monetque discipulos instare bella, & fames, &c. Quæ quamuis necessario præcedant, non tamen esse signa imminentis iudicii. Oportet inquit, hæc fieri: sed non dum finis. Et hæc omnia initia sunt dolorum. Addit deinde persequutiones, quas ab externis hostibus passura erat Ecclesia, tum scandala, & mutua fidelium odia, & Pseudoprophetarum, hoc est, Hæreticorum, iisque similium dolos, multorum defectionem, & propè extinctam iniquitatis abundantia charitatem. denique prædicabitur, inquit, hoc Euangelium regni in vniuerso orbe in testimoniū omnibus gentibus; & tunc veniet cōsummatio. Quam consummationem ab vltimo Ecclesiæ, eoque maximo,

ac molestissimo labore exorsus, diligentissime explicat, quanquam, quia discipuli cōsummationem sæculi, posteriorem eius aduentum, ac Hierosolymitanum excidium, alioqui imminens, coniunxerant; orationem suam ita temperat, ut nonnulla eorum, quæ dicit, tum ad paulò post futura, tum ad nouissimas tribulationes possint referri. Cum ergo videritis abominationem desolationis, &c. Tunc, inquit, si quis vobis dixerit, Ecce hic est Christus, ecce ibi, nolite credere. surgent enim Pseudochristi & Pseudoprophetae, & dabunt signa magna, & prodigia, ita ut in errorem inducantur, si fieri potest, etiam electi, quæ de Antichristo Abbatus ipse scit. capitis huius secunda interpretatus est. Neque verò etiam si maximè velimus locus hic aliam interpretationem admittit. Nam hæc de Pseudochristis præfatus; statim inquit, post tribulationem dierum illorum sol obscurabitur, & luna non dabit lumen suum, & stellæ cadent de cælo, & virtutes cælorum commovebuntur, & tunc parebit signum filij hominis in cælo, & tunc plangent omnes tribus terræ, & videbunt filium hominis venientem in nubibus cæli, &c. quæ cum de die Iudicii dicta esse nemo non videat, ac statim post tribulationem dierum illorum, quibus Pseudochristi, ac Pseudoprophetae surrecturi sunt, futura prædicat Dominus; quis est tã excors, ac stolidus, qui alio referenda putet, quæ de Pseudochristis, ac Pseudoprophetis dicta sunt, quam ad tribulationem quæ proximè iudicii diem antecessura est? Quoniam ergo tum eos, qui statim post suum in cælum abscissum extiterunt; tum eos, qui extremis mundi temporibus futuri sunt, Pseudochristos, qui dicturi erant. Ego sum Christus, initio sermonis sui comprehendit Dominus: verè, ac sapienter affirmare potuit Bellarminus

nus

nus Antichristum qui nouissimorum temporum, aut præcipuus, aut etiam vnicus Pseudochristus futurus est, affirmaturum se esse Christum.

Iam quod ad Theudam, Simonem Magnum, Ægyptium Barcocebam, & alios, qui belli iudaici tempore extiterunt, & hunc Matthæi, & illum, de quo agimus, Ioannis locum referendum putas, vt idem sit, quod apud Matthæum dicitur, Multi Pseudochristi surgent dicentes. Ego sum Christus, & quod apud Ioannem, si alius veniet in nomine suo illum accipietis; ne tu fecisses consultius, si integrum Maldonati, ex quo hæc corrasisti, locum adscripsisses. quanquam enim veritatem non omnino assequeris: at ab ea certè non penitus aberrares. Nam vult ille quidem geminos hos esse scripturæ locos, sed tamen vtroque, tum impostores illos, tum Antichristum, atque extremorum temporum Pseudochristos comprehendit. At tu, dum incommodare tuis meruis; trunca quædam ab eo, ac mutila mutuatus, sustentare nullo modo potes, quæ dicis. Quem enim horum publico consilio, atque ira acceperunt Iudæi; ve id non temerè recentis multitudinis potius, quàm totius gentis factum vocari posset? quod si priuatos multitudinis concursus respicias, cum ad neminem vnquam aut frequentius, aut constantius, aut illustrius multitudo concurrerit; Christum etiam accepisse Iudæi dicendi sunt. Nam & venienti Hierosolymam ad diem festum in celeberrimo gètis totius conuentu, in oculis omnium ordinum, tanta multitudo processit obuiam, tanque secundis totius ciuitatis acclamationib. exceptus est; vt Pharisei, teste Ioanne capite 12. quererètur, quod totus mundus abiisset post eum, & principes ipsi sacerdotum, cum maximè manus in eum iniicere cuperent, tamèn

multitudinis metu, quia sicut Prophetam cum habebāt tandiu continuerunt se se, dum Iudæ proditione solus à militibus caperetur. Quam multa verò mortalium millia fuisse necesse est ea, quæ cum pagis, oppidisque relictis, triduum etiam interdum, per deserta loca sequebantur? Cum virorum, qui sexus, ætasque vt natura constantior est, ita minus facile quàm aut pueri, aut mulieres commoueri, atque allici ad diuersa studia sollet semel quatuor, iterum quinque millia in solitudine excipienda conuiuio fuerint, ne deficerent in via. Neque in sola eius admiratione posita ea plebis benivolentia fuit: cum non minore diligentia per denios mortium saltus soli fugiendum fuerit, ne raperetur ad regnum: quam qui eius studio tenentur, illud aucupari soliti sint. Quare cum acceptum se à Iudæis Dominus negat, ac futurum prædicit, vt alium olim in nomine suo venturum accipiant: de ea sine dubio acceptione intelligendus est, quæ publico consilio, ac totius gentis nomine fiat. qualem nullam nunc vsque vidimus, ac futuram, quia diuina veritas nec falli potest, nec fallere, qui Christo Dei filio credimus sine vlla hæsitatone expectamus.

Nam Simoni Mago Samaritano, hoc est, Iudæis maximè abominato homini, vbi est inter præstigiatores eos locus, qui ab Iudæis auditi, cultique sunt? Collegisse quidē vir doctissimus ex Irenæo libro primo cap. 20. sibi visus est, cum postquàm à Petro sacrilegæ nundinationis damnatus, atque eiectus est, ad dementandos præstigiis suis Iudæos conuertisse sese: sed ille Irenæi locus nihil eiusmodi continet. Hic, inquit (Simon) à multis quasi Deus glorificatus est, & docuit semet ipsum esse, qui inter Iudæos quidem quasi filius apparuerit, in

rit, in Sammaria autem quasi Pater descenderit, & in reliquis verò gentibus quasi Spiritus sanctus aduentaue-
rit: Qui autem consequens est, quia is eum ipsum esse se
docuit, qui apud Iudæos in terris visus, & cum homi-
nibus quasi Dei filius conuersatus est, cum re vera Iu-
dæorum etiam animos, vt ad se deficerent sollicitare au-
sum esse? Iustinus quidem certè Martyr gentilis eius,
quique ab ea tempestate propius aberat, cum Apologe-
tico 2. de iis gentibus scribat, apud quas ille versatus, at-
que in honore habitus est; Iudæorum non meminit. Ac
ne Iosephus quidem: qui tamen Iudaicam sui temporis
historiam accuratissimè prosequutus, ceterorum, vel
præstigiatorum vel factiosorum hominum, qui modo
alicuius nominis apud Iudæos habiti sunt, mentionem
facit, Simonis ne meminit quidem. Vt aut Iudæa peni-
tus abstinuisset, aut nihil in ea memoratu dignum Simō
gessisset dicendus sit. Quando igitur tam aperta veritate
conuictus, eum qui in nomine suo venturus apud Io-
annem dicitur, Christi sibi nomen inditurum negare
non potuit. Inueniat nobis Abbatas vel vnum, qui eo
tempore Christi sibi nomen indiderit, atque à Iudæis
acceptus, cultusque sit: ac tunc demum locum hunc
Ioannis ad eum liberè transferat. Nam Theudas quidē,
& post illum Ægyptius ille præstigiator, & qui Iudaici
belli tempore sectarum fuere Principes, nunquam se
Christos appellasse, aut pro Christis obtrussisse memo-
rantur. Simon Magus, qui eundem esse se cum Christo
Domino blasphemabat, à Iudæis vel quod tam inuisum
iis, vel eius, quem esse se mentiebatur, vel Patriæ suæ no-
men esse non ignoraret, vel quod ad occupandam ip-
sam imperij sedem festinaret, quantum quidem ex ve-
teri historia colligi potest, prorsus abstinuit. Addis de-

inde

inde vocabulum, Nominis, ambiguae significationis esse, atque iis quidem verbis Multi venient in nomine meo, Matthæi 24. significari, fore ut impostores illi Messias sibi nomen assumant: Ioannis autem s. cum Dominus dicit venturum alium in nomine suo, idem significari, ac si diceret, nutu, ac voluntate sua non ab alio missum, sed sui furoris amentia.

Quo loco parum candidè tu quidem aliam eius vocis significationem, eamque maximè huius loci propriam dissimulas; aliam aut per te ipse fingis, aut quia tibi, summo videlicet magistro etiam sine ratione, credendum est affirmanti, è tripode pronuncias. Nam venire in nomine alicuius in scripturis dicuntur quidem ij, qui sibi nomen alicuius vendicant, ut Matth. 24. Multi venient in nomine meo dicentes. Ego sum Christus: at venire in nomine alicuius idem esse, ac venire impulsu, nutuque eius, in cuius nomine venire quis dicitur; quamvis ab eo mitti se neget, atque alterius cuiusvis potius nomen obtendat: hanc verò vim loquutionis huius ubi scripturarum inueneris, ne commentum tui cerebri videretur, proferre debuisti. Nam alioqui, cui unquam sano, neque tui simili persuadebis: si quis, cum à Domino missum se diceret, in arcem admissus eam deinde occuparet: eum in nomine suo, non eius à quo missum se mentiebatur, venisse? Illa quidem certè significatio, quam tu, ne tibi officeret, omisisti, magis fluens est, magisque cum communi loquendi ratione consentiens: ut venire in alicuius nomine dicantur ij, qui missos se ab aliquo dicunt, atque eius nomine nunciant, si quid nunciandum est, quod legatorum, atque Apostolorum est proprium, qui eorum, à quibus mittuntur, nomine res agunt. Hinc illud tam vñtatū Prophetis
initi-

Initium vaticinādi, Hæc dicit Dominus, cui respondet planeque geminum est, venire, vel vaticinari in nomine Domini. Cuius indicium est, quod ut olim dictum est Ierem. 14. de Pseudoprophetis, Vaticinantur in nomine meo; non misit eos; ita apud Ezechielem 13. Vident vana, & diuinant mendacia dicentes, ait Dominus, cum Dominus non miserit eos: Ex quibus locis, cum planè gemini sint, apertè colligitur, idem esse vaticinari in nomine Domini, atq; dicere, Hæc dicit Dominus, quam loquendi, atque obtrendendi diuini nominis rationem, & qui vera vaticinantur, & qui diuinant mendacium; æquè vsurpant. Quare utriusque vaticinātur, ac veniunt in nomine Domini: Sed hoc tamē interest. quod illi cum non mittantur, legatione non funguntur, sed fungi se simulant: hi verè Dei legati sunt; hi verè veniunt in nomine Christi, illi venire se mentiuntur, atque imposturis suis diuini nominis auctoritatem prætexunt. Venire igitur in nomine Domini idem est, ac diuinam præ se legationem ferre; quam tu loquutionis huius significationē ex scripturis doctus à Bellarmino in hoc ipso, quem calumniaris loco; cur tandem aut dissimulasti, aut ita inuoluisti, ut in scriptis tuis non appareret? Iam verò ut intelligas, quam nihil præclaro tuo commento profeceris, ut concedam tibi posse aliquando pro eodem in scripturis accipi venire in nomine alicuius, atque iussu, impulsuque alterius venire, quamuis eius, qui miserit, nomen prematur; ipse te tamen Abbate tuis ineptiis iugulasti. Quis est enim hominum, qui nesciat Christum non solum nutu, ac voluntate Patris in mundum venisse; sed id etiam quoties se occasio obrulisset, disertè contestari solitum esse? Unde igitur colliges verba illa, Ego veni in nomine Patris

T

mei,

mei, in commentitiam tuam illam potius, quam in hæc significationem accipi oportere? cum ea & magis obuia sit, & rebus ipsis gestis melius congruat. Quod si dederis (qui autem potes non dare? quamuis deploratæ impudentiæ sis) tuis te verbis rationibusque conuenio; sic enim hoc ipso loco scribis. *Christus venit in nomine Patris, missus scilicet à Patre, mandatum habens à Patre, virtute Patris suffultus, & munitus auctoritate nominis illius. Quod ergo alius veniet in nomine suo; ad legem oppositorum intelligendum est, veniet nimirum suis auspiciis, suo arbitrio, nullum habens à Domino mandatum, quo nomen eius iuste pro se opponere, sibiq; fidem, & auctoritatem vindicare possit.* Aio verò, sed illud præterea vrgeo; quando ad oppositorum regulam ea verba interpretanda sunt; Christus paterno impulsu auspiciisque ita venit; ut ab eo se missum contestaretur, idque significatur, cum dicitur venisse in nomine Patris sui; ergo qui dicuntur in nomine suo venire, ita suo arbitrio, atque animi inductione venient; ut non alienum, sed suum nomen prætexant; neque vim potestatemque suam aliunde ductam, sed ex se se aptam confirment. Quod si quid excipiendum in hac argumentatione putas: vide ne in tua quoque eadem exceptio locum habeat. Iam illud planè puerile sophisma est, quod subdis his verbis. *Imò venturum Antichristum more Pseudoprophetarum omnium in nomine Domini; tu ipse non diffiteris, qui de Antichristo accipis, ut supra dictum est, quod habetur apud Matthæum. Multi venient in nomine meo, & inde colligis, quod Antichristus se ipsum esse Christum affirmaturus sit. Quod si sepulcro suo nomine Christi sibi nomē, & Dei ut tu vis arrepturus sit, & se Christum, ac Deum affirmaturus, quo vestra omnium defensio semper tēdit: qua tu illū ratione suo in nomine venturū interpretaris? nisi quam à nobis habes*

habes traditam loci illius sententiam, sequarū. Quibus verbis nisi fallendæ plebeculæ studio volens fallis; nã tu pēdagogo, ac flagris indiges. Quæro enim ex te primo, omnes ne Pseudoprophetæ Christos se ac Deos esse docuerint; vt omnium Pseudoprophetarum more, venturum in nomine Domini Antichristum ex eo colligas; quod is Christum se ac Deum affirmaturus sit? Deinde ludis ambiguitate vocabuli, nam Matthæi 24. vt Dominus ipse interpretatus est venire in nomine Christi, est Christum esse se dicere; qua ratione Antichristus in nomine Christi venturus est; At Ioannis 5. venire in nomine alterius, est alterius voluntate, nutuque missum se esse profiteri; qua ratione Antichristus non in nomine Domini, sed in nomine suo venturus est. quod in alios Pseudoprophetas non conuenit; qui quamuis mentirentur: ad Deum tamen vaticinij sui originem referebant, cuius imperio missos se esse profitebantur. At ille primum se principium facturus est, neque vlli omnino concessurus suæ originis dignitatem. Quare tu ineptissimè in Bellarminum illud subiecisti; *Ineptissima est expositio tua, Veniet in nomine suo; id est. nullum Deum agnoscet, sed extollet se, &c.* Cum eum defendas Dei nomen usurpaturū; vt extollat se, quia in suo nomine non satis se præsidij habiturū confidet. Quasi verò fieri non possit; vt quis Deum esse confirmet, & tamen Deum agnoscat à quo missum se esse fateatur, cum Christus, quem Patrem, eundem appellauerit Deum suum, ac nostrum, atque ab eo missum se toties gloriatur, dignitatem illi principij deferens; cū tamen, nisi quid secus ab Caluino didicisti, Deum esse se se, tam sæpe docuerit; aut si id negas, nunquam negauerit quidem certè, nihil vnquam dixerit, quo diuinitatem sibi suam abrogaret.

Ex quibus etiam apertissimè tua illa sectionis quintæ clausula confutatur, vbi eam Bellarmini rationem videri vis soluere, qua probat, vnum quendam ac singularem hominem futurum Antichristum; quia Dominus docet eum à Iudæis recipiendum pro Messia; cōstat autem Iudæos vnum quendam singularem hominē expectare. Cum etiam in virum clarissimum his verbis inueharis. *Præsumis arte sophistica, quod tibi probandum esset, & de quo probationem nullam afferre potes. Neq̃ enim quicquàm habes vel hic, vel alibi de scripturâ, quo confirmes Antichristum à Iudæis pro Messia vel quoquo modo recipiendum esse. Hunc autem locum (Ioannis s.) de multis illis intelligi Iudæorum Pseudochristis, magnarum illis calamitatum auctoribus, iam declaratum est.* Nam veritatem tu quidem sophismatist tuis inuoluere, ac lectorum mentibus tenebras offundere voluisti, sed caligine tua obrui lux tāta non potuit. Quæ cum ita sint, cumque locus hic Ioannis de multis illis tuis Pseudochristis non possit intelligi; sed de alio quodam extollente se supra omne, quod dicitur Deus, aut quod colitur, qui etiam eam ob rem in nomine suo venturus dicitur; quemque Iudæi, qui compresserunt oculos suos, ne oblatam sibi diuinitus Euangelij lucem aspicerent, tenebris eius delectati pro Christo Deoque recepturi sunt: non præsumit, vt tu calumniaris, arte sophistica Bellarminus id, quod probandum est, sed assumit id, quod Christo reuelante certissimum est, ad blasphemias vestras refellendas.

10.
Defenditur
alia
Bellarmini
ratio.

Sectione 6. vt non multum ab Ethnicis Calviniani distatis, Herculem vt te iuuet, obtestatus, Bellarminū reprehendis, quod puerilia nescio quæ de Græci articuli potestate docuerit. Is porro cum protulisset locum ex 2.

Theſ.

Theſſalon. 2. *Hæc verba inquit, etiam aduerſarij intelligunt de vero Antichriſto; ſed Apoſtolus loquitur de certa quadam, & particulari perſona, ut patet ex articulo gratiæ, ἀποκαλυφθῆναι ὁ ἄνθρωπος τῆς ἀμαρτίας, ὅς ἐστι τῆς ἀπολείας, & infra, καὶ τὸν ἀποκαλυφθῆσεται ὁ ἄνθρωπος, ut enim docet Epiphanius hæreſi nona, qua eſt Samaritanorum, articulo gratiæ contrahunt ſignificationem ad rem unam certam, ita ut ἄνθρωπος ſignificet hominem in communi, at ὁ ἄνθρωπος, hominem ſingularem. Quem tu Bellarmini locum his verbis exagitas. Quod Epiphanius erudiſe monet, tu improbe peruerſiſ, & manifeſta fraude quod apud illum eſt certum, ac determinatum, tu indiuiduum, & ſingulare eſſe prætendū. Sed quia hoc ipſum effugium parum tibi tutum eſſe animaduerte-
tebas: neſcio, quam à te conſictam exceptionem interponis. Verum quidem eſt, inquis, quod ait Epiphanius, ubi de re certa, ac determinata agitur, rem illam certam de qua dicitur, aut quaritur adiectione articuli demonſtrari ſolere: non eſt verum quod tu affers, ubicunque reperitur articulus adiunctus rem certam demonſtrari, aut qua certa demonſtratur indiuiduum, & ſingularem demonſtrari debere. At tu, qui Bellarminum in ſuſpicionem fraudis vocare conatus es, per ſummam fraudem agis, Abbate, nam is non verba, ſed rem ipſam ex Epiphanio proferre ſe proſitetur. Quid autem ſibi velit Epiphanius, cum rem certam ac determinatam designari adiectione articuli docet; ipſe diſputationis eius textus apertiffimè indicat. Fatuam enim Samaritanorū ſuperſtitionem redarguit, qui mortuos abominarentur, quod ſcriptum eſſet in lege, ſi quis mortuum tangeret, vti immundus eſſet vsque ad vesp-
eram; docetque mortuum, de quo eo loco loquitur Spī-
ritus ſanctus non quencunque, ſed Chriſtum Dominū
intelligi oportere, idque ex poſſetate articuli probat,*

quod nominibus additus ad certæ rei significationem ea determinat: Quare cum nomen illud, Mortuus, cum articuli adiectione legatur eo loco; certum quendam, ac determinatum mortuum, non quemcunque significare necessario debere contendit. *Insinuabas, inquit, hoc Domini nostri Iesu Christi mortificationem secundum passionem ipsius in carne. Ex articulo enim discretionem nominis significat: ubi enim articulus additus est, in vno aliquo determinato, ac manifestissimo omnino confirmatio propter articulum contingit; tum exemplis compluribus usus ad rei huius explicationem rem ita concludit. Si quidem dixisset lex, si contigeritis vnuquē, id est, mortuum, de omnibus suffragium latum fuisset, & simpliciter omni mortuo quasi dictio incumberet. Cum verò dicit. Si quis contigeris τὸν vnuquē, ad vnum quendam fert dictum. Dico autem Dominum, velut supra à me declaratum est. Qua autem ratione de vno quodam, atque singulari mortuo dictum id colligeret Epiphanius; nisi cum vnum quoddam determinatum articulo demonstrari affirmavit; indiuiduum, ac singulare intellexisset? aut cur eadem ratione Bellarmino non liceat argumentari? cum articulus vocibus illis adiectus ab Apostolo sit, cum dixit hominem iniquitatis, filium perditionis, &c. de vno quodā singulari homine intelligi oportere. Præcipuè cum docuerit Epiphanius, quando articulus non additur, de vno item, sed indefinitè, atque indeterminatè nomen intelligi. *Citra articulum, inquit, de vno quocunq; tandem, indefinitè accipiendum est, velut si dixerō βασιλεὺς, nomen quidem significauimus, sed non clarè eum, qui determinatur, ostendimus; regem enim dicimus & Persarum, & Medorum. Cum igitur nomen sine articulo ex Epiphanio vnum quoddam, sed vagè atque indefinitè significet, ita vt de quocunque singulatim verè affirmari**

mari possit, ut homo de quolibet homine, Rex de quolibet Rege singillatim; articulus autem vagam hanc significationem contrahat: certè ad vnum, ac determinatum indiuiduum significandum necessariò contrahit; nisi quid addatur in oratione, quod obstat. Iam exceptione illa tua quid ineptius? quid Abbato dignius fingi potest? verum esse quod docet Epiphanius de articuli potestate, vbi de certa, ac determinata re agitur; quasi verò cum de re determinata est sermo, nomen re determinatam non significet, etiam si non adhibeatur articulus. Adde quod ex vi ac potestate articuli docet Epiphanius colligi, vbi is adhibetur, rem de qua agitur, determinatam esse; signum igitur est ex Epiphaniij sententia, articulum vim habere vagam vocis eius, cui additur, significationem ad certam rem coercendi. alioqui aut ex re ipsa tandè de qua agitur, contra quam Epiphanius docuit, potestas articuli colligetur, aut si ex vi articuli res determinata; è re determinata vis articuli colligetur: in derisum illum dialecticis circulum incidemus. Neque verò hæc eo disputo, quod existimem necessariò certum, ac determinatum indiuiduum articulo demonstrari; neque id aut Bellarminus ex Epiphanio, aut Epiphanius ipse docet, quod tamen tu dum expugnare exemplis niteris, inscitiam tuam prodis. Negas enim ubicunq; repetitur articulus; rem certam atque indiuiduam demonstrari. Addis etiam interdum abundare, & restringendi vim nullam habere, ut *Luce*, inquis, 4. numero. *ἐν ἑπ' ἀρτοῦσιν ἔσται ὁ αὐτὸς θεὸς πᾶσι*. At qui non magis eo loco vacat articulus, quam apud Italos, si dicant, l' huomo non viue solamēte di pane. quam enim ineptè ac barbarè diceretur? huomo nō viue solamente di pane. Nam eo loco articulus *ἐν θρώπῳ* nomē, quod

quod & naturam, & indiuidua naturæ complectitur, ad naturam significandam contrahit, idemque est, non in solo pane uiuit homo, ac si diceret natura humana etiam sine pane viuere, sustentarique potest. Id adeò ex eo clarissimè demonstratur, quod eadem propositio in vniuersalem conuerti, atq; articuli loco notam multitudinis potest admittere. Fac enim ita, omnis homo à Deo etiam sine pane viuus conseruari potest. Vel ita, nullus homo ita pane indiget ad viuendum; vt etiam sine pane diuina vi conseruari non possit. Quis non videt eas propositiones & veras esse, & idem planè valere: quod illa Domini responsio, non in solo pane uiuet homo, sed in omni verbo, quod procedit de ore Dei? qua autem ratione vera enunciatio illa esset, nisi vox illa, Homo, totam naturam eo loco complecteretur? Huc ea etiam spectant, quæ citas ex Matthæo 12. Bonus homo profert bona, malus homo profert mala, & ex Hebræorum nono, in secundum (Tabernaculum) solus Pontifex ingreditur, & illud nō vt sæpe offerat se ipsum, sicut Pontifex ingreditur in sacrarium quot annis. quibus in locis articuli additi Pontifici, & homini bono, vel malo ipsum Pontificis, ac viri boni, malique officium exprimunt. nam & naturalis ea viri boni, malique propensio est, vt bona, vel mala proferat, & Pontificis ita proprium est ingredi quot annis in sancta, vt omni, solique Pontifici conueniat: quare locū obtinent prædicati specifici.

Ceterum quia tu tam multus es in articulis, ac duas ferè integras sectiones de iis ineptiendo insumis, ea res à capite repetenda est. Nam articulus quidem natura sua semper certum quiddam constansque demonstrat, neque multitudinem, aut varietatem patitur: quia
tamen

tamen nominum quædam certum quiddam ac singulare significant, alia quippiam denotant commune cum multis; cum articulus propriis illis nominibus additur significationem illorum, quia certa iam est, finire propriè, ac terminatè nō potest: finit tamen ac circumscribit vt potest, cum idem nomen pluribus impositum est; vnum quendam præ ceteris denotando, qui eo nomine appelletur, vel quod is excellat ceteris, vel quod ex ipso sermonis textu certus ille intelligitur, qui articulo designatur. Cum verò nomina appellatiua sunt, ac rem significant pluribus conuenientem; tunc verò infinita eorum significatio est. Quia cum res nomine significata inueniatur in multis, possunt eo nomine, & ea multa, in quibus, natura est, & res ipsa denotari, vt nomine hominis concreta in indiuiduis humana natura significatur, quæ quia ita in se vna ipsa est; vt cum sit in multis, multos constituat homines: vox homo potest & pro ipsa hominis natura, & pro singularibus hominibus accipi. & quidem cum naturæ nomen naturam ipsam significat; certum quiddam, atque in genere suo vnum significat, at cum pro indiuiduo sumitur; vagam habet neque finitam significationem; ita enim potest ad vnū naturæ humanæ indiuiduum referri, vt ad aliud eadem ratione pertinere possit: Articulus igitur, cū his nominibus additur, duplicem iis finitionem impertit. nam interdum ad naturam ipsam designandā nomina contrahit, vt cum solitariè dicimus *ὁ ἀνθρώπος*, vnde factū est vt apud Dialecticos, quemadmodum adnotauit Proclus, articulus vim habeat vniuersalis notæ, non quia indiuidua etiam comprehendat: sed quia, quæ naturæ allicuius propria sunt, ea omnibus etiam iis insunt, in quibus natura ipsa reperitur. nam alioqui cum vniuer-

tali signo non benè articulus adhibetur; neq; enim be-
 nè dicimus, *πῦς ἰσθρῶν* Ⓞ, sed, *πῦς ἀσθρῶν* Ⓞ, quia vni-
 uersalis nota, cum distributiva sit, ipsa etiam indiuidua
 singillatim, vageque complectitur: quod ab articuli na-
 tura, ac potestate abhorret. Interdum naturam coan-
 gustat, & certæ vnius vel speciei, vel indiuidui finibus
 includit ampliorem illam nominis significationem. nā
 si nomen genericum sit; articulus additus ad eam speciem
 nomen reuocat, quæ vna præ ceteris generis naturā
 induerit. Sin autem speciei sit nomen, ad vnum quod-
 dam certum, ac determinatum indiuiduum restringit.
 Quod tunc euenit, cum ea, quæ de nomine affirmantur,
 de natura ipsa vniuersa verè dici non possunt: sed vt
 verè dicantur, ad indiuiduum referre necesse est. tunc
 enim ratione adiuncti nomē pro naturæ indiuiduo po-
 nitur; ratione autem articuli qui laxam illam incerti in-
 diuidui significationem non patitur, ad certum indiui-
 duum coarctatur. Atque hoc demum est quod Epipha-
 nius eo loco docet, quodque ex eo Bellarminus profert.
 Id quod Beatus etiam Cyrillus libro primo in Ioannem
 cap. 4. pro minimè dubio assumit, ad probandum con-
 tra Eunomium, verbum, quod pro nobis factum est ca-
 ro, idem plane esse, de quo scriptū est, Deus erat verbū.
Illud apprimè tenendum est, inquit, quod quando diuina scri-
ptura nominibus secundū græcæ linguæ usum articulos prepo-
nit: tunc & vnum, & quod solum propriè, atque verè tale
quid dicitur, significat. articulo autem non adiecto, generalius
cuncta designat, ut verbi causa multi vocati sunt Dī, sed quā-
do cum articulo græcæ linguæ Deus dicitur; tunc solus, & pro-
priè Deus designatur; cum verò absq; articulo Deus profertur;
qui ad hoc gratia vocatus est, intelligitur. Sic cum homo sine
articulo dicitur, homo quispiam designatur: quando autem
 arti-

articulus accedit, unicum, atque singularem hominem denotat. idè videmus filium hominis articulo ad utrunq; nomen proposito à Salvatore nostro proferri, quando se solum ab infinita hominum multitudine velit significare. Hac cum ita se habeant: dicant quasò quomodo intelligendum sit, In principio erat verbum, cum huic vocabulo verbum, articulus sit adiectus? non enim potest, nisi ad vnum verbum, quod propriè, atque verè in principio erat, articulata referri oratio. Cur igitur frustra contendunt aliud nobis verbum adducentes; vt à dignitate, naturaq; Patri filium depellant? Hic mihi iam Abbate qui quia græcula nescio quæ vocabula è male cõpactis lexicis corrasisti, eoque tibi videris linguæ græcæ peritior, quàm Epiphanius, & Cyrillus, Bellarminum increpa, quod pueriliter de articulis disputet; ac frigidas ruas illas, planeque insulas exceptiones adhibe, vt ostendas posse aliquando articulo etiam non certum indiuiduum designari. Quod cum magno tandem labore effeceris, ex te quæram; probaturus ne sis, vim eam non esse articuli; vt nisi textus ipse sermonis aliud exigat, ad vnum quoddam ac certum indiuiduum, nomen, atque oratio referenda ita necessario sit, vt ex eo firmum, ac solidum argumentum duci possit de certo aliquo indiuiduo sermonem esse, quia articulus adhibeatur? At ne tu quidem negare potes, ea Apostoli ad Thessal. verba non solum de ipsa hominis natura, sed ne de malis quidem, ac sceleratis hominibus in vniuersum intelligi, vt quemadmodum dicitur Matthæi 12. ὁ ἀγαθὸς ἄνθρωπος ἐκβάλλει τὰ ἀγαθὰ, ὁ πονηρὸς ἄνθρωπος πονηρὰ, quia & boni viri est, bona, & mali proferre mala, eoque ipsa boni malique viri naturalis propensio significatur, ita cum dicitur, ὁ ἄνθρωπος τῆς σαμαρίας, intelligatur homo quilibet malus, & impius. Reliquum igitur est, vt

nisi quid Apostolo addatur, quod huic eius loci interpretationi officiat, de certo quodam, ac singulari homine ille locus exponatur. Quid autem est in iis verbis, quod nominis articulo affecti significationem aliò distrahatur? Nisi venerit, inquit, discessio primum, & reuelatus fuerit homo peccati, filius perditionis, qui aduersatur, & extollitur supra omne quod dicitur Deus, aut quod colitur, ita ut in templo Dei sedeat, ostendens se tanquam sit Deus, &c. Hic quando tuis ingeniosus videris, quia cauillando callidè scripturas inuertis; ego quoque te ingeniosum putabo, si quid in his verbis inueneris tuis cauillationibus opportunum.

II.

*Alia Bellarmini
ratio defenditur.*

Sectione septima locum ex primæ Ioannis secundo capite eludere præstigiis tuis niteris, *ἡκούσθη ὅτι ὁ ἀντίχριστος, ἔρχεται, καὶ νῦν ἀντίχριστοι πολλοὶ γινώσκειται*, quo loco animaduertit Bellarminus præponi articulum Antichristo propriè dicto; sine articulo vero efferri nomen Antichristi communiter accepti, ex eoq; colligit, Antichristum propriè dictum esse vnā personam certam; Antichristum verò communiter acceptum non esse vnā personam certam; sed in genere omnes hæreticos. Hūc tu locum duabus responſionibus conaris euadere. Nā primo quidem concedis articulum eo loco vim habere contrahendæ ad vnā, eamque certam personam orationis: sed negas ex eo effici, vnum etiam certum hominem designari. *Nam in corpore ciuili & Ecclesiastico, inquis, quale est de quo nos agimus, certa persona, non vno continetur hominis individuo, sed hoc aut illo loco perpetua successione quencunq; designat. Singuli homines moriuntur, corpus manet, & membra certis officiis, & nominibus distincta.* Sed nisi cæcus es, tu ipse vides somnia te narrare, nō interpretari scripturas. Nam politica ista tua persona nihil est aliud,

aliud, quàm ipse Antichristorum ordo, qui idem in diuersis hominibus sibi in eo munere succedētibz semper manet. Quare si tibi credimus, idem erit; audistis quod Antichristus venit, ac si diceret, Audistis futurū aliquando Antichristianum ordinem. qua autem ratione quæ sequuntur interpretaberis, vt sibi Apostoli sermo consentiat? Nam si ita exposueris. Et nunc multi Antichristiani ordines facti sunt; sibilis excipiere. Sin autem ita explicare malis, nunc multi homines sunt, quorum vnusquisque est Antichristus: dices tu quidem aliquid; sed oratio sibi non congruet. ita enim totus ille locus erit reddendus, Audistis fore vt aliquando Antichristianus quidam ordo inuadat Ecclesiam; at nunc multi iam existunt homines Antichristi: ita paucis verbis variatur nominis huius significatio, atque ambiguitas cōmittitur. Cum potius in eodem orationis textu eodem modo accipienda sint nomina, nisi oratio ipsa reclamet. Adde quod ea antithesis quædam est; opponit enim eo loco Ioannes vnum futurū, multis præsens Antichristis: at oppositarum propositionum ealex est, vt de eodem opposita dicantur. Quare cum oppositio harum enunciationum consistat in tempore quod ille futurus sit, illi adsint, atque in numero quod ille vnus, hi multi sint: profecto constare Antichristi significatio, atque eadem retineri in vtraque propositione debet, alioqui illa numeri oppositio tollitur. neque enim pugnat ordinis vnitas cum hominum multitudine, quorum singuli Antichristi dicantur. quemadmodum quia Aaronicorum sacerdotum vnicus ordo multos sacerdotes comprehendebat; nemo nūc vsque adeo insanus fuit, qui crederet oppositas enūciationes

fore, si quis diceret, Aaronicus ordo sacerdotum vnus est: Aaronici sacerdotes multi sunt.

At enim, inquis, Moses vbi scripsit in lege adducendū esse ad sacerdotem, qui de lepra mundatus est; certam personam vocabulo sacerdotis indicauit, vnicum hominis indiuiduum non dixit. qui ministrum Ecclesie in certis causis consulendum prescribit; personam definit certam; quam tamen subeunt successiue plures homines singulares. Sint ista sanē, quanquam, vt mox planum faciam, vera non sunt. Sed tamen dentur ista tibi, quid igitur? quia ne vno in loco persona ista tua politica locum habet; idē nusquam non habebit? an aliam aliis in locis verborum interpretationem nunquam ipsa sermonis series exigit? An quia nonnullis vestrum in interpretatione somnij Pharaonis Gen. 41. cum dicuntur septem boues pulchræ & septem spicæ plenæ, septem vbertatis anni esse; verbum substantiuum vim verbi significandi induisse visum est; idē etiam cum aut Christus splendor paternæ gloriæ, aut filius hominis esse, aut cum Iudas proditor, aut cum Pharaō ipse Rex Ægypti fuisse dicitur, ad verbi significandi vim, ac potestatem continuo à naturali, atque insita traducetis? Aut etiam vbi libitum fuerit, verbum alterum pro altero licebit nobis accipere? Ceterum ne cum delires, tibi sapere videaris, quæro ex te, si quis vt sanitatem recuperes, πρὸς τὸν ἰατρὸν, duci te iusserit; quam in Medico personam politicam vel Ecclesiasticam excogitaturus sis, quæ perpetua successione mutatis indiuiduis eadem maneat? quando Dominus Matth. 8. Marci primo, ac Lucæ quinto attractu manus mundatū leprosum iussit ire, & ostendere se ipsum τῷ ἱερ. ordinem ne sacerdotum, ac fictam tuam illam personam politicam, an hominem aliquem sacerdotio præditum adire iusserit?

seriet? Nam si ordinem, vel personam politicam adiri, ridiculum est: igitur certo homini, qui tunc eo munereungebatur, se se sistere cum iussit, atque ita tota tua ista argumentatio ruit. Cum enim Dominus Leuit. 14. quē tu locum adnotas, adduci *πρὸς τὴν ἱερείαν* iubet, si quis mundatus fuerit, certum illum hominem intelligit, qui tunc temporis sacerdotio fungitur, quando leprosus valetudinem recuperauerit. quare ut necesse non esset fictam istam, ac civilem sacerdotis personam intelligi, si dixisset Dominus, adduceretur ad illum, qui tunc sacerdotio fungetur, ita ne in his quidem verbis adduceretur *πρὸς τὴν ἱερείαν* intelligi quicquam cogit. Quod si adiectus ab Euangelistis articulus amplam illam significationem nominis non contraxit ad certum hominem, sed cum eo tempore multi essent sacerdotes dignoscendæ lepræ præfecti; quorum vnum quempiam adiri sat esset; quē admodum cum dicimus alloquere medicum, *τὸν ἰατρὸν*, non certum aliquem hominem, neque ipsam Medicorum veluti speciem. quæ plura comprehendit individua articulo illo designamus: sed articulus medicinam, certam artis speciem, denotat, quæ sit in aliquo individuo homine quisquis ille sit, idemque est alloquere *τὸν ἰατρὸν*, ac si diceres; alloquere aliquem hominem medicinæ peritum: Ita cum Dominus aut adiri à leproso illo sacerdotem apud Euangelistas, aut Leuit. 14. adduci ad sacerdotem eum, qui mundatus esset, præcepit: idem fecit ac si dixisset, adeat hominem aliquem sacerdotio præditum. Quare ea loquendi ratio non politicam quandam personam, quæ in pluribus individuis eadem maneat: sed certam formæ speciem denotat in aliquo naturæ humanæ individuo positam. Quod tu si ad Antichristum transferre volueris; non solum vaticinari videbe-

videberis: sed incommodabis etiam rebus tuis. Interpretare enim eam Ioannis vocem, Audistis quia veniet Homo aliquis, qui Christo aduerfetur, seseque extollat supra omne quod dicitur Deus. Vides quam ea loquendi ratio ab usu communi sermonis abhorreat, & tamen causam nostram iuuet.

Altera tua responsio, eaque nihilo melior in eo posita est: quod negas, quia Antichristi vocabulo articulus addatur, continuo etiam effici, de magno illo Antichristo potius, quàm de aliis intelligi oportere. Quod ego si tibi animi causa concessero: quid tandem effecturus es? non enim contendit Bellarminus, quia articulus addatur vocabulo, idè de illo debere intelligi, qui propriè, & κατ' ἐξοχὴν dicitur Antichristus: sed quia nihil est in verbis illis B. Ioannis, quod vim, ac potestatem articuli alio distrahat, atque ex ipso textu orationis aperte patet, ibi de eo Antichristo sermonem esse, qui vnus præ ceteris dicitur Antichristus. Sed tu hoc ipsum quod ineptè assumis, ineptissimè etiam probas. *Obseruandum est*, inquis, *Antichristi nomen adiuncto articulo interdum efferris; ubi tamen de Magno illo Antichristo, magis quàm de ceteris intelligi non debet. Locus est Prim. Ioannis 2. Quis est mendax, nisi qui negat Iesum esse Christum, ὁ τὸς ἐστὶν ὁ ἀντίχριστος, hic est Antichristus, & alter Epistola 2. Multi impostores ingressi sunt in mundum, qui non consentientur Iesum Christum in carne venisse; ὁ τὸς ἐστὶν ὁ πλάνος, καὶ ὁ ἀντίχριστος, hic est seductor, & Antichristus. quibus in locis manifestum est, Ioannē de illorum quoque temporum hæreticis agere, & nomine τὸ ἀντίχριστος nihil aliud velle, quam pro egregio quodam impostore, & Antichristo habendum esse quemlibet eorum, quos permultos fuisse narrat, qui negarent Iesum esse Christum. Ego verò satis mirari non possum vel inscitiam, vel impudentiam*
tuam

tuam. An tu tam es aut litterarum experts, vt nescias, aut profligatæ verecundiæ vt dissimulare audeas, nomina non appellatiua solum; verùm etiam propria ad alias res propter similitudinem sæpe transferri? vt quemadmodum ferocissimum equitem strages in prælio edentem:

Asperum

Tactu leonem, quem cruenta,

Per medias rapit iragades;

Elegantissimus poëta appellare potuit; ita nõ aptè modo, sed ornate etiam, ac peruenuit dicere licuerit Romano Demostheni, cum summum oratorem in Bruto describeret, ita ex eius ore dicentis subsellia forumque vniuersum pendere debere; *vt qui procul videat, etiam si quid agat nesciat, & placere tamen, & in scena esse Roscium intelligat.* Neque verò cum futurum fuisse contendere, vt Romæ multi existerent pingendi, fingendique præclari artifices; si id artificium maiore in honore habitum esset, non multò luculentius dixit, multos etiam apud suos Polycletos futuros, & Partha suos fuisse. Quæ loquendi ratio vsque ad eò à diuinorum oraculorum consuetudine non abhorret: vt non solum Matth. 16. Dominus Petrum Satanam, Ioannis 6. Iudam Iscariotem Diabolum appellarit: sed Matthæi etiam 10. testetur ipse & se Beelzebub à Iudæis dictum esse, & discipulos suos dictum iri, & Matth. 11. Ioannem, Eliã esse dixerit. Huc etiam reuocandum videtur illud Beati Ioannis, Audistis quia Antichristus venit, & nunc Antichristi multi facti sunt. transtulit enim odiosissimum Antichristi vocabulum, magno illi Christi aduersario impositum, ad Hæreticos sui temporis: quod illum prauitate animi, atque impietate imitari viderentur. Porro

ne illud quidem inusitatum est : ut cum significare volumus eum , ad quem propter similitudinem alterius nomen transferimus illi quàm simillimum esse, ἡμοῖς ὅμοιος illum ipsum esse dicamus, ut si quem velis dicere Neroni nihil immanitate concedere , Neronem ipsum esse dicas. Atque id quod Latini pronomine, Ipse, in his loquutionibus exprimunt; Græcis plerunq; præstat articulus, Id quod animaduertisse videtur etiã Henricus Stephanus in Thesaurō. Quare idem erit quod B. Ioannes scribit, qui negat Iesum Christum in carne venisse, ὁ πρῶτος ὁ ἀντίχριστος, ac si Latine diceres hic est ipsemet Antichristus, itemque illud, ὁ γὰρ πρῶτος ὁ πλανῶν καὶ ὁ ἀντίχριστος, hic est ipse seductor, atque ipse Antichristus. Quamuis autem cum metaphoricè nominibus utimur, non omnino illa quidem, sed nonnihil tamen à sua significatione ad aliam traducamus, idemque sit quod ille dixit: multos etiam Romæ Polycletos futuros, ac Parrasios fuisse, ac si dixisset, multos etiam Romæ pingendi, fingendique præstantia similes Polycleti futuros ac Parrasij fuisse: tamen cum alterius nomen alteri hyperbolicè tribuitur; nihil planè videtur à sua vi, potestateque decedere. Nam qui Neronem ipsum aliquem esse confirmat; non illi similem, sed eundem ipsum esse confirmat. Quamuis ea loquendi ratione summam quandam eius cum Nerone similitudinem velit exprimere. Quare cum Hæreticos ipsummet Antichristum esse docet B. Ioannes : eo nomine magnum illum significat Christi aduersarium, cui propter excellentem impietatem nomen id quasi proprium inditum est. neque quicquam ex iis locis aliud, quàm vel inscitia, vel impudentia tua colligi potest.

11.
Duo p.

Sectione octaua duo postrema Bellarmini argumenta, quo-

ta, quorum alterum ducitur ex Danielis septimo, vnde primo, & duodecimo, alterum ex Apocalypsis decimo tertio, & decimo septimo, quia solucere nō potes paucis verbis eludis. *Adducis, inquis, loco quarto & quinto ex Daniele & Ioanne, Antichristū nō vocari unum regnum, sed vñ regem, ut illum unum hominem esse confirmes.* Quæ tu argumenta viri doctissimi postquam ita coangustata protulisti, ne vim vllam habere viderentur, ita soluis: *Certum est, inquis, apud Danielem quattuor reges, non quattuor homines reges, sed quattuor regum series indicare, & eodem modo unum regem, non unum hominem regem, sed totam regum in vno principatu successionē designare, quare quod est hebraicè quattuor reges, vulgata versio tua quattuor regna vertit.* Quibus verbis impudenter petis principium, quæ enim ratione certum, atque exploratum est, vnus regis nomine non vnum regem hominem, sed vnā regum successionem designari? An quisquam est tam hebes, qui non intelligat vnus regis vocabulo, nisi quid addatur, quod vim eius vocis aliò distrahat, vnum hominem, qui summa rerum potiatur significari? Sint igitur Danielis 7. 17. quattuor illi reges, quattuor regna, quia loci eius argumentum ita interpretari cogit: idcō ne etiā vbicunque apud Danielem regem legerimus, regnum intelligere nos coges? quid si longè alio nos ipsa vaticinij series auocet; etiam ne regnum intelligemus? Nam si quattuor illæ bestię, quas eo loco describit Propheta quattuor regum successiones sunt: decem illa eius bestię cornua, quæ tam constanter cum apud Danielem, tum in Apocalypsi memorantur, quibusque decem reges indicari Spiritus sanctus auctor est; quas regum nobis successiones, quæue regna monstrabunt? Neque verò potes ad varias summi magistratus in Romana Re-

publica formas confugere; nam eas tu cum sectione secunda diligenter conquireres, ne septem quidem inuenire possisti, quas Apocalypticæ illius bestię capitibus comparares. at cap. illo 17. præter septem illa capita decem etiam cornua numerantur. Ad quæ deinde si Danieli cap. 7. 8. credimus, accessit vndecimum illud, quod versiculo 21. bellum cum sanctis gesturum prædicitur, quoque Antichristus designatur. Adde quod versiculo 24. ita legis: porro cornua decem ipsius regni decem reges erunt, & alius consurget post eos, & ipse potentior erit priorib., & tres reges humiliabit; quæ tu qua ratione ad successiones regum, ac regna detorqueas, libenter ex te audiam. Iam caput vndecimum non modo interpretationem tuam nõ exigit, sed nulla ratione pati potest. Describit enim eo loco singulos reges, qui sibi inuicem successuri sunt, & bella, ac res singulorũ gestas perstringit: vt satis appareat eo loco regis vnus vocabulo vnũ hominem regem intelligi oportere. Ad quæ si addas ex capite 12. regnum vltimi eius regis, quo Antichristum describit, non vltra tres annos, ac dimidium portendi: sole clarius efficies, de vno quodam homine cum locũ intelligi oportere.

Ad locum autem Apocalypsis ita respondes, *illud quoq; in confesso est vnus regis appellatione apud Ioannem alias binorum consulum, alias tribunorum, & decem virorum plurium decursus, alias Romanorum Imperatorum successionẽ singillatim comprehend.* Quod vt apud vos in confesso sit, apud quos nihil ferẽ veri constat; apud eruditos, ac doctos homines constare non potest. Apud quem enim, homo erudite, legisti, in Romana republica, plurium decemuirum successiones, atque decursus? cum vix ad alteros decemuiros, & quidem fraude, magistratus ille

deue-

deuenerit. Deinde cum ad septem illa tua bestię capita septem has summi imperij gerendi formas, quas excogitasti vt cunq̃ue aptaueris; expectabo quas ad regum successiones decem illa cornua relaturus sis, quibus reges decem notantur. Qui regnum non dum acceperunt, sed potestatem vna hora accipient, post bestiam, & virtutem, ac potestatem suam bestię tradent.

Sectione nona vssit te quod Bellarminus protulit ex Caluino. Is cū videret, quę dicuntur apud Danielem cap. 11. ac 12. ita de vno rege homine scribi, vt ad regum successionem, ac regna trahi non possint: maluit ad Antiochum illustrem totum eum locum accommodare, qua aduersarij concessione vsus vir egregius, colligit Antichristum vnā quandam, ac singularem personam esse; cum ea, quę de eo prędicat Spiritus sanctus, non nisi in vnum hominem conueniant. Quem tū Bellarmini locum eo argumento labefactare niteris quod non est necesse, si is qui figuram, ac typum alterius gerit, vna ac singularis persona est, cum quoq̃ue cuius figuram gerit personam vnā, ac singularem esse, eiusq̃ rei, quia non nihil tibi dicere videbaris, exempla non pauca congeris. quibus abstinuisses, si rem totam attente considerasses. Neq̃ue enim dubium est, in vnica sępe persona populos integros, ne dum reges aliquot designari; sed alia est pura allegoria, vt cum in duobus Abrahamę filiis duo testamenta allegoricę describuntur: aliud est, quod ita de certo aliquo homine prędicat Spiritus sanctus, vt id illi non omni ex parte conueniat; cum tamen quicquid in vaticinio continetur; ipsa sermonis consequutio cogat de vno homine interpretari. Atque in hoc vaticiniorum genere quędam proprię de eo me-

17.
*Defendi-
tur Bellar-
mini ex cō-
cessione
Caluini
confirma-
tio.*

morantur, qui typus alterius est, quæ in eum cuius est typus similitudine quadam conueniunt: quædam ita de typo illo scribuntur; vt ad eum referri nō possint; sed in eum propriè quadrent, cuius figuram gerit, is de quo in speciem scripta sunt. Ita videmus in Salomone, eiusque felicitate Iesu Christi Domini nostri regnū significari: de quo multa scribuntur in Psalmo 71. quæ cum ad Christum aptissimè accommodentur, de Salomone nulla alia ratione possunt intelligi, nisi quia is quoddā est Christi Domini simulacrum. Nam quod scriptum est dominabitur à mari vsque ad mare, & à flumine vsque ad terminos orbis terrarum, in Christo impletum cernimus, quod de Salomone verè dici non potuit, cuius ditio Iudææ terminos non excessit. Id quod in Antiochō illustri, de quo caput illud Danielis vndecimū loquitur, euenisse & Beato Hieronymo teste maiores nostri docuerunt, & ipsum vaticinium clamat. Nam vt ostendit idem Hieronymus, ita quædam ex iis, quæ vaticinium illud complectitur, in Antiochum quadrāt, vt alia, si historię credimus, ad eum referri non possint. Nam Antiochus græcorum Deos semper coluit, adigitque Iudæos, vt à patriis sacris ad eorum superstitionē transirent. Is de quo ibi sermo est, Deum Patrum suorum non reputabit, nec quenquam Deorum curabit, quia aduersus vniuersa cōsurget. Quis ille sit Deus Maozim, quem culturus dicitur rex ille, non dum scimus: at Antiochus, quos Deos coluerit, ex antiqua historia satis constat. Ille manum suam mittet in terras, & terra Ægypti non effugiet, & dominabitur Thessaurorum argenti, & auri, & in omnibus pretiosis Ægypti, per Lybiam quoque, & Æthiopiam pertransibit; At Antiochus nec Lybiā, nec Æthiopiam vnquam attigit. Ille si-

get ta-

get tabernaculum suum in Apadano inter matia super montem inclytum, & sanctum hæc ad Antiochū transferre conatus Prophyrius vt incommodaret Ecclesiæ, maria conuertit in fluuios Tigrim, & Euphratem, ac Sabim montem Armeniæ pro monte inclyto supponēs, dicere non potuit, cur sanctus appellatus fuerit à Propheta. Quare cum locus ille Danielis ita de Antiocho scriptus sit; vt multa de Antichristo contineat, quæ in Antiocho nunquam fuerunt; opus est locum eum ad litteram de Antichristo interpretemur; vno quidem illo homine, ac rege, quod quæ ibi scribuntur, multitudinem respuant, qui tanquam in typo in Antiocho præcesserit. Quare non est locus ille de Antiocho intelligendus ad litteram, atque allegoricè tantum accommodandus ad Antichristum: sed aut de solo Antichristo, aut de Antiocho tanquam Antichristi typo, in quo iachoata fuerint, quæ in Antichristo absoluentur. At ea de vno rege homine dici, nisi qui legere nescit, dubitare non potest. Certè ita locus ille conscriptus est à Spiritu sancto, vt nemo neque Christianorum, neque Iudæorum, neq; Gentilium ante exortum Lutheri Euāgelium, eum interpretatus sit, quin ad vnum hominem regem referret. De Antiocho interpretatur Porphyrius: de vno homine Antichristo ab Iudæis orto, teste Beato Hieronymo, maiores nostri intellexerunt. Iudæi eodē auctore Hieronymo nonnulla de Seuero, & Antonino Principibus vel Iuliano intelligunt, alia de Antichristo. Qui in illud Danielis; Et faciet iuxta volūtatem suam, &c. *Ab hoc loco*, inquit, *Iudæi dici de Antichristo putant, quod post Iulianiparuum auxilium surrecturus sit rex, qui faciat iuxta voluntatem suam, & eleuetur contra omne, quod dicitur Deus, & aduersus Deum Deorum loquatur magna,*

gnifica, ita ut sedeat in templo Dei, quia in ipso erit consummatio. quod quidem & nos de Antichristo intelligimus. Porphyrius autem & ceteri, qui sequuntur eum, de Antiocho Epiphane dici arbitrantur: Vtra igitur minus coacta, atque ex ipsis orta prophetiæ verbis censenda erit interpretatio? Ea ne quæ omnibus omnium gentium, omniumque religionum interpretibus se se obtulit, qui quo longius ut ab hac controuersia, ita à perturbationibus aberant; hoc etiam incorruptius, sinceriusque iudicabant: an ea quam defendendæ recentis blasphemæ necessitas nouis hominibus nullo alio fundamento nuper indixit, quam quod in vno, vel altero scripturæ loco regis vocabulum non pro vno homine, sed pro tota regum successione accipiat? Iam si, quæ de Antichristo in eo capite scripta modo recensui, à vobis quæsierò, qua ratione in eum, quem vos Antichristum esse blasphematis, aptè conueniant; Qua ratione Deum Patrum suorum non reputet, neque vllum numen colat, cum Christum Deum Deique filium prædicet, atque seruorum eius seruum se esse profiteatur; quæ eius castra, quis equitatus, quis mons ille sanctus & inclytus, quo consensurus describitur; quam Lybiam, quam Ægyptum, quam Æthiopiam, occuparit; hæc, inquam, si vrsero, quos ad tropos, quas ad allegorias confugiendum vobis erit, ne apertissimi mendacij conuincamini? At ô magni scripturarum interpretes, nihil ne vnquã Spiritus sanctus propriè, nihil sine allegoriis, nihil sine metaphoris, nihil sine tropis in sacris litteris loquitur? Quotquot earum interpretationem Christiani, Iudæi, Ethnici quacunque ratione attigerunt, adeò rudes, atque obtusi fuerunt, ut hæc non animaduernerent? vobis vnus Lutherus ex cœnobio transfuga aperuit sensum ut intelligeretis

geretis scripturas; cum teterrimæ Popinæ Spiritum inhalauit? Numerum pro numero posuit Dominus, cum prædiceret fore ut qui se non receperint, alium acciperent, qui in nomine suo, hoc est, suo nutu, ac voluntate venturus esset, quamuis is alterius nomen, à quo se missum mentiretur, obtenderet. Quid ita? alioqui scilicet stare vester Antichristus non poterat. Cum homo ille peccati, ille filius perditionis, ille impius, ille præ ceteris Antichristus apud Ioannem, atque apud Paulum legitur, vim suam amittit articulus, neque certum illum hominem significat, sed fictam quandam, & politicam personam, quæ hominibus sibi succedentibus eadem manet. nimirum commentum vestrum aliter defendi non potest. Cum rex vnus apud Daniele, atque in Apocalypsi Antichristus futurus dicitur; multi reges in eadem potestate sibi succedentes intelligendi sunt. at ea neque propria est vocis huius significatio, neque verò quicquā est in iis scripturæ locis, quod cogat vocem à sua significatione deducere. Sunt ista. Sed nisi ea interpretatione fulciatur Antichristus vester, penitus ruit. At quia ne vobis ita placet, ea censenda serit genuina scripturæ interpretatio? Quibus argumentis rem tantā probaturi estis? Quia septiceps illa bestia septimo suo capite Antichristum designat. Quid tum, idèd ne longam eorum successionem memorari necesse est? Maximè verò, nam etiam longa numeratur decemuirum, ac dictatorum sibi succedentium series. Eruditè vos quidem ut soletis, & acutè. Nam & vterque magistratus aut longa aut omnino successione caruit, neque aut decemuirum potestas vltra biennium tenuit, aut dictatura ordinarius vnquā magistratus apud Roma-

Y

nos

nos fuit. Et apud Daniele m hircus ille caprarum, cum quattuor minoribus cornibus quattuor regum decursus seriesq; significaret; Quinto illo maximo vnus Alexandri, & quidem perbreue imperium denotauit. Est ne præterea quod ex scripturis pro vestra causa proferatis? Nihil sanè, quod cuiusquam momenti sit. Igitur septiceps illa bestia, cuius aut corpus aut capita, quid sibi velint, quia scripturæ non explicant, incertum est, ab ea fide vos abstraxit quam ab Apostolicis vsque temporibus Ecclesia coluit? Hæccinè sunt vestra illa tam inuisita è sacris oraculis argumenta, quibus quando Ecclesiæ non creditis, innititur fides, ac religio vestra? Est verò etiam nescio quod vinum, & quædam fornicaria mulier in Apocalypsi, quæ causæ vestræ deseruiat. Credo, vnde enim potius, quàm è lustris & ganeis argumenta petatis, in quibus, cum eum vinum & mulieres penitus apostatare fecissent, per Euangelium suum, pater fidei vestræ Lutherus vos genuit? Ceterum vt iam ante diximus, vetus illa Roma omnium gentium idola & superstitiones amplexa, cum omnium seruiret erroribus, scripturæ more cum omnibus dicitur fornicata. quæ commendatione tantæ felicitatis, quam idolis referebat acceptam, velut in scypho aureo idololatriam, quā tanto studio colebat, omnibus gentibus propinabat. Ita in Apocalypica illa muliere nihil est præter vinum atque impuritates, quod ad vos pertinere possit.

14.


*De Apocalyp-
tico numero.
mune be-
ria.*

Agite si quid est præterea quod ad rem vestram facere existimetis, proferte: ne quicquam vestrarum ineptiarum lateat hominum genus. Nomen videlicet illud Apocalypico numero inclusum vos iuuat, quia Latinus si græcis, Romanus si Hebraicis scribatur litteris, cum

cū numerū exquisitè reddit. reddit verò etiam Saxonius, reddit Lutheri nomen, si illud græcè, hoc hebraicè scripseris: Is igitur etiam erit Antichristus. Atque id quidem eo probabilius est, quod Antichristus certus quidam, atque indiuiduus homo futurus est, qualem Lutherum fuisse constat: Romanorum Pontificum series est penè infinita. At Romani Pontificis inaudita tyrannis, arrogantia, superbia, fastus intolerabilis, perdiri, atque inquinati mores quid aliud, nisi Antichristum representant? Qui dum vniuersalis Episcopatus nomine dominationem in Ecclesiam exercet, Christianam libertatem exterminat, ac supra Christum ipsum extollitur. Agnosco Lutheranam in Christi Vicarium rabiem, agnosco dignam isto Euangelio atque isto spiritu maledicentiam. Ego verò istam de moribus Romanæ Ecclesiæ calumniam non refello, quia sanctitati ac religioni Cathedræ ne Phariseorum quidem improbitas officit, vt etiam si ita esse, concessero, tamen nihil efficias. Ordinem ipsum, ac potestatem sacrosanctam atque à Deo institutam esse contendo. Neque verò quia tu subiectionis impatiens rupisti iugum, dixisti non seruam: idèò aut superbus, aut arrogans est, qui commissum sibi à Domino gregem pascit; neque importunæ submissionis studio dominum per seruos suos administrantem Ecclesiam sperni, contemni que in iis patitur. Neque idèò aut tyrannus Petrus, qui morte etiam, Ananiz, ac Saphiræ mendacium vindicauit, quo sacræ potestatis contempzione Deus eius auctor læsus erat, aut arrogans cum collegis suis Paulus, quod cum sic adspici se ab hominibus vellent, vt ministros Christi, & dispensatores Mysteriorum Dei: in promptu tamen ha-

haberent vlcisci omnem inobedientiam. Neque quia peccati, ac Mosaicæ legis iugo Christus nos exuit; continuò etiam contumaciam docuit, aut audire Ecclesiam atque obedire præpositis nostris, ac subiacere iis non præcepit. Sed hæreticis verbum Dei fabulæ, Apostolatus arrogantia, sacrosancta potestas superbia, Euangelium ipsum tyrannis est.





Lib. III. *Apocalypica in primis scriptura perpenduntur.*

- I. *Reliqua disputationis argumentum.*
- II. *Purpurata meretrix ethnicam ne an Christianam Romam significet, deque excidio Babylonis.*

CAPVT XI. *Apocalypsis expenditur.*

- I. *Quid significetur atrio templi, quod datum est gentibus. quid sancto sanctorum, quod metiri iussus est B. Ioannes.*
- II. *Qua sit ciuitas magna in qua duo Propheta occidendi pradicuntur.*
- III. *Qui sint duo Propheta, qui pugnaturi sunt cum bestia.*
- IV. *Quid significet summa illa temporis Prophetia duorum testium.*

CAPVT XIII. *Apocalypsis perpenditur.*

- I. *Quid septicipiti bestia capitis 13. significetur.*
- II. *Quid significet miraculum capitis cuius plaga mortis curata est.*
- III. *Antichristus priore ne an posteriore capitis 13. bestia significetur.*
- IV. *De miraculis Antichristi: ubi obiter etiam de iis qua nunc à Deo fiunt in Ecclesia.*
- V. *Utrum imago bestia reuera loquutura sit.*
- VI. *De charactere bestia.*
- VII. *Georgij Sobens Theses castigantur.*
- VIII. *Gabriel Ponellus castigatur.*



A N D R E A E
E V D A E M O N I O-
ANNIS CYDONII E SO-
CIETATE IESV,

*ADVERSVS ROBERTI AB-
BATI OXONIENSIS SOPHISMATA
DISPUTATIONIS.*

LIBER TERTIVS
QVO APOCALYPTICÆ IN PRI-
MIS SCRIPTURÆ PER-
penduntur.

*Reliqua
disputatio
in argu-
mentum.*



TERTIVS hic nostræ aduersus Abbatum di-
sputationis liber ferè in Apocalypsi versa-
bitur. Nam neque plura ex vlllo sacrarum lit-
terarû volumine testimonia profert Aduer-
sarius: neque vllus est noni testamenti liber, qui aut tam
multa de Antichristo vaticinia contineat, aut facilius
in contrarias partes distrahi possit. Dum enim prophe-
tico more allegoriarum symbolis velut inuolucris qui-
busdam res futuras ita denunciat, vt simul etiam occu-
lar: sit vt tot interpretationes vaticinium videatur ad-
mittere,

mittere, quot ad res significandas ea symbola accom-
modari possunt. Qua diuinorum oraculorum obscu-
ritate abusi sectarij ita ea ad rem suam detorquent : vt
interpretationum suarum portenta pro ipsis scriptura-
rum testimoniis, ac minimè dubiis Spiritus sancti vati-
ciniis miseræ multitudini venditent. Quam apertè ex
Apocalypsis 17. demonstrasse se gloriatur Abbat, lon-
gam Antichristorum sibi succedentium seriem porten-
di septicipiti illa bestia, quæ meretricem babylonicam
vehit? at nihil minus ex eo loco colligi apertissimè libro
superiore docuimus. Neque magis obscurè postremo
hoc nostræ disputationis volumine docebimus, eum
neque cum nostra soluere, neque cum sua confirmare
ninitur, quicquam afferre, quod, cum B Ioannis vati-
ciniis vlla ex parte consentiat. Quancquàm enim primis
duobus capitibus confutatis tanquàm subrutis funda-
mentis tota eius disputatio euerfa est; vt superuacaneus
reliquus labor videri possit; minimeque dubium est, cū
Antichristus vnus, ac singularis homo futurus sit, non
potuisse, non dicam à Bonifacio, sed ne à Leone quidē
decimo, quo Pontifice primum ferale Lutheri Euange-
lium Orbem terrarum funestauit, ad hæc vsque tempo-
ra protendi eius imperium: Libet tamen hunc quoque
librum ad superiores adiicere; tum vt ne penitus intacta
reliqua Abbatiani opusculi capita relinquantur; tum vt
Lectores intelligant, qua fide, ac religione rigidi isti
scripturarum interpretes in diuinorum oraculorum ex-
plicatione versentur. Sed ne sine lege, ac ratione aliqua
soluta vagetur oratio; tria omnino eius voluminis capi-
ta ita perpendemus, vt quæ ex iis in sua disputatione
sparsit Abbat, ea suo quæque loco tractemus. Sic e-
nim fiet vt ipsa vaticinij series, ac necessaria rerum con-
sequu-

sequutio nexusque & germanum scripturæ sensum aperiant, & peruersitatē abbatinæ interpretationis facilius prodant. Et quando de capitis 17. visione libro superiore non pauca disputauimus, & hominem impurum pro suo ingenio Babylonica illa meretrix detinet; vt digredi ab ea non possit: geramus homini morem, neque prius ad alia transcamus, quàm caput hoc absoluerimus.

3.
*Purpurata
meretrix
Ethnicam
ne, an-
Christianā
Romam si-
gnificet,
deq; exci-
dio Babylo-
ni.*

Virges capite 3. sectione 6. non de Roma Ethnica, sed de Antichristi sede intelligi debere, quæ scripta sunt Apocalypsis 17. Quod B. Hieronymus ad Marcellam scribens, non aliam existimat describi à Ioanne in Apocalypsi Babylonem, quam Urbem Romam; & idem alibi, hoc est 2. aduersus Iouinianum libro Romam nominatim & apertè compellans; maledictionem inquit tibi Saluator in Apocalypsi cōminatus est. ac post pauca subsumis his verbis. *Hieronymus cum vaticinium illud de exitu Babylonis ad Romanam urbem accommodat, quod extra omnem controuersiam de sede Antichristi omnes intelligunt, Romam esse Babylonem, & sedem Antichristi absq; ulla circumscriptione contestatur.* Qua in argumentatione primum ridiculus es, deinde etiam more tuo mendax. Quid enim si ceteri de sede Antichristi eum locum interpretarentur? ideò ne continuo in eorum sententiam Hieronymus iuisse censendus esset? at qua tandem consequentia; qui aliorum interpretationem nihil veritus, Babylonis nomine non mundum, & eos qui in mundo sunt amatores eius, vt permulti alij, sed Romanam urbem intellexit; quæ de exitu Babylonis in Apocalypsi dicuntur, ad sedem Antichristi retulisse dicendus est, quia id aliis placuit? Præcipuè cum eorum sententiam, qui eum & Iudæum futurum, & in monte Oliueti interfectum iri à

iri à Domino Spiritu oris eius confirmant, in caput Danielis undecimum non proferat modo, verum etiam laudet. Iam quod in muliere illa, quæ bestiae insidens cap. 17. Apocalypsis describitur, extra omnem controuersiam omnes ipsam Antichristi sedē agnoscere nar-
ras; mentiris. Nam veterum scriptorum non minima pars purpurata illa meretrice, quæ à Beato Ioanne Baby-
lon dicitur, impiorum hominum, atque mundi huius ciuitatem designari existimant. Quæ in ciuitate vt An-
tichristi regiam colloces; vbi tandem ferrarum sitam eam esse fabularis? Neque verò locus hic, quem ex 2. aduersus Iouinianum libro protulisti, magis te iuuat, quàm eum, qui strangulatur, laqueus, quem tu vt effu-
geres dirupisti. Nam apocalyptica illa mulier purpura, auro, ac lapidibus nitens, cum etiam scyphum abomi-
nationum suarum plenum omnibus gentibus propina-
ret, ac blasphemiae nomen scriptum gestaret in fronte: florentem denotat Romanæ ciuitatis statum, quæ orbis terrarum regia tandiū fuit; dum ethnicis principibus paruit. at vbi Constantino Imperatore Christi iugum ex-
cepit, Byzantium Romani imperij iure translato, in suo regno exteros dominos, ac seruitium passa est: quo factū est, vt & blasphemiae nomen Christi confessione dele-
let, & facta quasi vidua domina gentium; venenatum illud poculum vna cum regio ornatu deponeret. Quam tamen decem illis regibus, in quos tandem Romanum Imperium diuidetur; igni fetoque vastandam, delen-
damque longo post tempore Dominus tradet, memor tam immaniter ab ea effusi sanctorum sanguinis, quo etiam ebria memoratur, tum cum idololatriæ tuendæ studio tam atrociter in Ecclesiam sæuiit. Nam & poenas, & præmia ad longissimum sæpe tempus differre arcano

Z

consilio

consilio consuevit. Ita terram, quam daturum se Abrahamæ pollicitus fuerat, tam multis post sæculis eius nepotibus reddidit: Ita Amalechi scelus, qui contendenti ad promissam sibi terram populo se se opposuerat, Saule demum Rege vlcisci constituit. Ita post dimissum Davidis peccatum, comminatus fore ut gladius ex eius domo nunquam discederet, Traiano Imperatore hoc est mille circiter, ac ducentis post annis, ut ex Eusebio libro 3. cap. 32. colligitur, domum eius funditus occisione deleuit. Extrema igitur duo vrbis tempora, quod altero supplicium, altero supplicij causa contineretur, vaticinio suo complexus B. Ioannes; medium, quod ad rem non faceret prophetico more prætermisit. Quæ tria tempora B. Hieronymus eo quem circavit Abbatus aduersus Iouinianum loco diligenter distinxit: Ut aut stuporis eius fuerit non animaduertisse, aut extremæ nequitix consultò locum mutilum protulisse; sic enim posteriorem illum aduersus Iouinianum claudit librū. *Sed ad te loquar, quæ scriptam in fronte blasphemiam Christi confessione delesti; vrbs potens, vrbs Orbis Domina, vrbs Apostoli voce laudata.* Præcesserat igitur, si Hieronymo credimus, meretricius ille Romanæ ciuitatis status, cū scriptam gerens in fronte blasphemiam purpurata meretrix venenum in auro porrigeret, ac deletò iam Christi confessione blasphemix nomine, longè ab his impuritatibus ea ciuitas aberat, cum hæc Hieronymus scriberet. nunc quæ idem eo loco subiicit, audiamus. *Interpretare vocabulum tuum. Roma aut fortitudinis nomen est apud Græcos, aut sublimitatis iuxta Hebræos. Serna quod dixeris, virtus te excelsam faciat, non voluptas humilem. Maledictionem, quam tibi Saluator in Apocalypsi comminatus est, potes effugere per pænitentiam habens exemplum Nini-
uitarum.*

uitarum. Vides ad præteritum tempus, Hieronymo auctore, spectare scelus meretricij, supplicium ad futurum? Quod autem quæris Christianam ne, an Ethnicam Romanam alloqueretur, cum illa scriberet; nihil proficis. Quid enim si ex te Ego contra quæsiro, iustum ne Dauidem, an impium compellarit Nathan Propheta 2. Reg. 12. cum illa diceret. *Quoniam blasphemare fecisti inimicos Domini, propter verbum hoc, filius, qui natus est tibi, morte morietur.* Si fieri non potuit vt de iusto homine aut hæc verè dicerentur, aut poena ea iurè sumeretur, aut impius esset is, à quo Dominus iniquitatem iam ante transtulerat? Nam si Dauid iam gratia Dei iustificatus, propter ea scelera, quæ ante cōmiserat, ea oratione iurè castigari potuit à Spiritu sancto: cur à B. Hieronymo moneri Roma iam Christiana non potuit, vt quod supplicium propter priorem idololatriam de ea sumere constituisset Deus, id auertere per poenitentiam niteretur? Sed tu, qui cuticula omnia iudicas, quæ sit poenitentiae vocabulo subiecta notio, non intelligis. At enim cum describit B. Ioannes vrbis excidium, meretricem eam appellat. An tu eos, qui cum Domino in crucem sublati sunt, etiam tunc latrocinia exercuisse dicturus es, cum penderent è cruce; quia Latrones ab Euangelistis appellantur, cum eorum vel blasphemias, vel poenitentiam memorant? Aut quia Euangelij sui capite 10. Apostolorum Catalogum texens B. Matthæus, Matthæum se publicanum nominat, etiam tū cum Apostolus factus est, publicanum eum fuisse blasphemabis? Sed te illud scēt. 7. commouet: quod bestiam, ac meretricem eandem esse existimas, quamuis paulo post, qua es inconstantia, inficere iis verbis. *Bestia principium est, & regnum septimontana; id est, Romana ciuitatis, &*

Antichristum complectitur; principatu illo suo ordine potiturum. Mulier siue meretrix vrbis ipsa Roma est, quæ regno illo, & principatu gentium omnium quasi ceruicibus superuecta est. Quæ tibi si omnia concessero; nihilo plus te iuuabunt, quàm superiora iuuerint. Non solum quia principatus ille Romanæ vrbis, quo omnium gentium ceruicibus insidebat, humanus, ac politicus fuit, eoquæ semel in Orientem translato, nequæ vnquàm postea ad sedem pristinam reuocato; è bestia iam ante Roma desiluit. quo sit, vt nequæ ad Romanam urbem pertineat, si quis eius imperij postea potiturus sit, nequæ, nisi ab hoc ad alterum quoddam imperium gradum facias, ac nescio quam alteram bestiam pro ea, de qua Beatus Ioannes loquitur, supponens, vt es egregius dialecticus, de genere transcendas ad genus: hæc ad Romanum Pontificem possis accommodare. Non solum, inquæ, propter has rationes nihil efficis: Verùm etiam quia, vt eruditè admodum animaduertit Bellarminus, à decem illis Regibus, qui decem bestiarum cornibus portenduntur, eo ipso tempore excindi meretrix debet, quo veniet Antichristus. Ex quo alterum necessariò sequitur, aut Romanam, qua incolumi nunquàm venturus sit Antichristus, eius sedem esse non posse: aut si Antichristi regia Roma futura est; eam muliere illa non significari; quæ ante deleri debet, quam Antichristus reueletur. Quæ tu rationem vt inuoluas, ais Reges illos, qui desolatam facient meretricem, prius potestatem suam bestiarum, hoc est, vt iam ante dixisti, purpuratæ meretrici tradituros; id enim dedisse Deum in corda eorum, vt dent regnum suum bestiarum, donec consummentur verba Dei; quibus impletis, & consummato Dei iudicio, Reges illos eodem instigante Deo, meretricem, cui se ante subdiderant, odio

odio habituros eamque iam desolatam igne crematuros, atque ita concludis. Vna est ergo & eadē siue meretrix, siue bestia, cui primo potestatem suam daturi sunt, & quam postea desolatam igne cremabunt. quo loco primum fidem tuam desidero; Vbi enim Apocalypsis 17. legisti fore vt hi Reges prius potestatem suam bestię tradant; deinde meretricem oderint? an quia prius illud scribitur, prius etiam impleri necesse est? At sermo, cum vocibus sibi succedentibus constet, simul omnes rei gestę partes amplecti, atque eodem tempore ad omnes pertinere non potest; earumque rerum, quę simul gestę sunt, alias prius persequitur, alias in finem necessariò reiicit; quare potuit B. Ioannes alterum horum altero prius narrare; quatuor eodem tempore sint futura. Iam quod versum 13. cum 17. coniungis, vt aliquid dicere videare; ab ingenio non recedis. nam si locus is quicquam efficit, nostram sententiam adstruit. Sic enim habet ver. 16. *Et decem cornua, quę vidiſti in Bestia, hi odient fornicariam, & desolatam facient illam, & nudam, & carnes eius manducabunt, & ipsam igni concremabunt.* ver. 17. *Deus enim dedit in corda ipſorum, vt faciant quod placitum est illi: vt dent regnum suum bestia, donec consummentur verba Dei.* Quis autem tam est stolidus ac tui similis Abbate; vt non intelligat expolitionem illam esse versus 17. quę quę prius vniuerſe dicta erant iis verbis, vt faciant quod placitum est illi; id postea explicatius reperitur, vt dent regnum suum bestię donec consummentur verba Dei. At priorem illam eius versus partem; Deus enim dedit in corda ipſorum, vt faciant quod placitum est illi; & verba ipsa vaticinij clamant, neque tu negare audes, ad desolationem atque excidium mulieris pertinere; cum scribas Reges eodem

insigante Deo meretricem, cui se antea subdiderant, odio habituros: nisi fortè nescimus, particulam, enim, eorum quæ proximè dicta sunt, reddere rationem. Ceterum vt omnes intelligant aut consulto errare, aut planè stipitem esse te, si vera narras; idem est Antichristiani regni, ac Babylonis excidium. id quod tu disertè profiteris, cum ita scribis. *Est Antichristi principatus, cui primo potestatem suam daturi sunt (Reges): est ergo Antichristi regnum, quod postea subuertent:* Nullum igitur post deletam Babylonem reliquum erit Antichristi regnum, nulla regum terræ cum bestia conspiratio, nullum prælium. At Apocalypsis 19. post euerfam, atque concrematam Babylonem, post hymnum eo ipso capite Deo à sanctis in cælo dictum, quod vindicasset de meretrice magna: narrantur prælia bestię cum Christo Domino; atque vt euidentius conuincatur insania tua, reges terrę coniunctis cum bestia viribus aduersus verbum Dei tãdiu pugnant; dum & ipsi cum suis internecone delectantur, & bestia cum Pseudopropheta suo capta, viua mitatur in stagnum ignis ardentis sulphure; qua igitur ratione reges ij, qui prius, auctore te, bestię regnum suum tradiderant; deinde repentè diuino instinctu in odium veneratione conuersa, eam expugnaturi sunt; in eius castris ad extremum vsque spiritum militabunt, omne bestię periculum suo libentissimè subituri?

Sed tu, vt colorem aliquem fabulis tuis inducas; addis non videri simile veri fore, vt Romam iam Christianam ad supplicium eorum delictorum deposcat Deus, quæ Ethnica perpetrarat. Haud sanè magis, quàm aut Amalechitas tam multis sæculis post admissum à maioribus suis scelus Saule rege Iudaicis armis perdidit; aut Viriæ cædem; atque adulterium & in Dauide tam iusti-

ficato,

ficato, & in eius posteris tanto post tempore vltus est. Miraris præterea (quid enim est boni, quod non ignores?) Cur Apostoli, & Prophetæ de tanta Ecclesiæ vastitate exultare iubeantur; quam tibi admirationem, si modo nosti legere, in hoc ipso, quem citasti, loco substituit B. Ioannes. Exulta, inquit, super eum cælum, & terra, & sancti Apostoli, & Prophetæ, quoniam iudicauit Deus iudicium vestrum de illa. Non ergo exultare iubentur sancti de Ecclesiæ vastitate; sed quod, cum iam ante animæ interfectorum sub altari Dei clamassent, vt sanguinem suum vindicaret Deus, atque expectare iussi essent, dum impleretur numerus fratrum suorum, quos à mundi constitutione electos prædestinauerat Deus, conformes fieri imaginis filij sui: fidelem tandē experiantur: qui iudicium suum tanto post tempore iudicet. Neque verò minore cum Ecclesiæ incommodo, addo etiam maiore bono, pœnas de meretrice sumere poterat: quam ad illud vsque tempus supplicium differendo. Ingruente enim Antichristi sœuissima, atq; immanissima tyrānide nisi ante dirueretur Roma, augustissimam illam sanctitatis sedem, atque arcem Christianæ religionis sacrilegis eius sacris contaminari, ac templa in prophanos vsus conuerti necesse esset. Erēpturum igitur est hoc supplicium urbem Romam grauioribus malis, memori etiam tum, cum iratus maximè fuerit, misericordiæ suæ Deo, vt eo etiam nomine exultare, ac gratias illi agere sancti Apostoli, ac Prophetæ iure possint, quod ante sanctissima illa tēpla, arasq; deleuerit, quā in iis perditionis filius pro Deo coleretur. Quod autem imminente iam vrbis excidio exire de illa iubeatur populus Dei, ne particeps sit delictorum eius, & de plaga eius non accipiat; cur te commoueat videre nō possum; nisi

nisi forte quia, ut tā capitali odio sanctos Dei insequutus semper es, opprimi eos vrbis ruinis atque incendio conflagrare malles; quā ut olim sanctum Loth diuinitus eripi. Quod si exire iubentur, ne vrbis calamitatibus inuoluantur; aliunde profecto malum hoc Romæ parabitur, quā à populo Dei, quanquam quia eorum scelerum pœnas dabit, quæ in sanctos olim commiserat; eo pacto populus Dei dicitur reddere illi, sicut reddidit ipsis, & duplicare illi duplum secundum opera eius, quo apud poëtam Æneas Turnum interfectorus

Pallas, inquit, te hoc vulnere Pallas immolat, & pœnam scelerato è sanguine sumit. Illud reliquum est argumentum tuum, quod ideo vrges, ut furere te omnes intelligant. *Vbi verò sequitur, inquis, flebunt, & plangent se super illam Reges terra, qui cum illa fornicati, & luxuriati sunt; illam Romam notat, cum qua fornicati sunt Reges terra.* Illam ipsam profecto; neque enim alia est, quæ nunc Christiana est Roma; alia, quæ olim Ethnica in Ecclesiam sæuit; nisi tu forrè alium esse existimas Dauidem, qui iustificatus pœnas tamen homicidij sui dedit: alium cum qui commisit homicidium. *Idem ipsi qui ruinam eius deplorant.* Satin sobrius eras, cum ista scriberes? At tu nō ita multo ante docueras, reges eos, qui cū meretrice fornicati sunt, quodque apud te idem erat, bestiarum regnum suum tradiderant: mox instigante Deo meretricem odio habituros, atque euersuros esse. Qui igitur fiet, ut qui cōmuni consilio in cinerem versuri sunt urbem Romam, & exitium eius tanto luctu, ac lacrymis prosequantur, & metu consternationeque attoniti, ne accedere quidē propius audeant? Pergis. Notat ergo sedem Antichristi. Ego verò dialecticam istā non capio; quæ enim ratione consequens est, si Reges ij, qui cum Vrbe Roma forni-

forni-

fornicati sunt, iidem flagrantem deploraturi sunt; cum necessario sedem Antichristi esse debere? An si Antichristi sedes futura non est, idè aliis sceleribus se constringere non potest? aut nullum superest aliud genus sacrilegij, quo se contaminet, si hoc vnum excipias? An tibi Constantinopolis, quia Antichristi sedes non est, idè fornicari cum tam multis terræ regibus non videtur; quàm multi Turcarum iugo premuntur? Quid si idem etiam Romæ accadat, antequam reueletur Antichristus? Certè iam inde à Mahomete eo, qui Constantinopolim cepit, huc eorum Tyrannorum consilia spectasse, vt Italia in potestatem redacta, Romam non priscam modo sedem, sed ipsa imperij incunabula occuparent; & rerum eius gentis periti memorant, & susceptum ab iis bellum Hydruntinū, qua breuissimus è Græcia in Italiam traiectus est, satis testatur. Neque verò aut tam exiguæ sunt eius imperij vires, aut tanto à nobis locorum intervallo disiunctæ, aut ea Christianorum Regum ad eam pestem depellendam conspiratio; vt id iurè timeri non possit. Quæ non idè dico, quod eam expediendæ difficultatis huius rationem inire in animo sit: Sed vt intelligas, quam inepta atque omnis planè rationis expers tua ista ratio sit. Cum etiam si tibi ea omnia concessero, quæ præsumis; non continuò efficias, ea de Antichristi sede dicta esse, quæ in urbem Romā sexcentis aliis de causis conuenire potuissent. Quam tamè tuam tam ineptam, atque insulsam argumentationem, quàmuis facetus esse velis, multo etiam confirmas insulsius. Quæris enim ex Bellarmino, num existimet reges illos, qui cum Roma Ethnica fornicati sunt, resuscitandos esse; qui Romæ Christianæ acerbum exitium deplorent. Minimè ille quidem, neque enim eo loco res

nostræ sunt, vt sic eas tueri volumus, fabulas nobis more vestro comminisci necesse sit. Sed locus is luculentam antithesim continet: qua miseranda conflagrantis eius vrbs conditio exprimitur, ac perinde est, *Plangent se super eam Reges terra, qui cum ea fornicati sunt, & in deliciis vixerunt*: ac si diceret, vrbs illa terror simul, ac delicia Tyrannorum, nunc hostium ferro flammaque eversa ac diruta horrore, atque misericordiæ illis est. Quæ loquendi ratio nationem ipsam regiam, gentemque, non eosdem dēnotat singulares, atque indiuiduos Reges, qui eam florentem prius in deliciis habuerint, deinde excidio eius commoueantur; quemadmodum cū threnorum 4. Ieremias florentem regni iudaici statum cum afflicto, ac perdito comparans; *candidiores, inquit, Nazaraei eius niue, nitidiores lacte, rubicundiores ebore antiquo, sapphiro pulchriores. Denigrata est super carbones facies eorum, & non sunt cogniti in plateis*; non eosdem requirit indiuiduos homines Nazaræos, qui ex illa fælicitate in has miseras deciderant, sed priorem eius generis hominum conditionem cum præsentī confert, siuè iidem mancant homines, siuè alij eorum loco suffecti sint.

Caput undecimum Apocalypsis expenditur.

7.
Quid significetur a-
trio templi
quod datum
est genti-
bus, quid
sancto san-
ctorum
quod meri-
ti subetur
B. Ioannes.

Non obscurum, aut leue argumentum cōtra sectariorum blasphemias in hac de Antichristo controuersia sumitur ex capite Apocalypsis vndecimo. quod vsque adeo illos torset, vt cum nihil afferre possent, quo vel in speciem solueretur; nouas subinde explicationes excogitare coacti sint, Nam & Antichristi Regia eo ca-

pitate

pite apertè describitur, & certum regni eius tempus definitur, & eorum qui populo Deo extrema vt aiunt fortuna cum hoste vno omnium teterrimo cõfligenti Ducez præbituri se sunt, numerus, vestitus, miracula, mors, gloria denique tam exquisitè prædicitur: vt omnino cæcus esse velit, qui in re tam luculenter expressa possit errare.

Neque enim dubium esse potest, quin cum datus est Beato Ioanni *Calamus similis virga vt templum Dei ita metiretur, vt foras mitteret exterius atriũ, quod id datum esset gentibus, quæ mēsisbus quadraginta duobus calcatura essent ciuitatem sanctam*: templi alicuius, atque vrbis terrenæ species animo eius obiecta sit. Nam neque mysticum Ecclesiæ templum neq; spiritualem urbem calamo metiri potuisset. Eam porrò speciem Hierosolymitanæ vrbis templique fuisse, illud argumento est; quod præter eam nulla alia in scripturis ciuitas sancta vocatur. Quæ ob rem hunc ipsum Apocalypseos locum Beatus Hieronymus Epistola 17. quam nomine Paulæ & Eustochij scribit ad Marcellam, de ea vrbe interpretatur. Reliquum igitur est, vt aut illis veluti symbolis quæ mentis obtulit Spiritus sanctus, aliud quippiam significasse dicatur; aut iis imaginibus urbem ipsam, ac templum Hierosolymorum expresse, ac propriè intelligi voluerit, quæ iis verbis hic scripta sunt. Scio ego non defuisse graues, ac pios scriptores, qui templo eos, qui Antichristi tempore fideles inuenientur, atriũ quod foris est, eos qui à fide deficient, ciuitate sancta, Ecclesiam significatam existiment, eamque ideò calcari à gentibus dictam, quod iis tradita videatur, vt omnẽ in eam inimitatem exerceant. Quorum expositionẽ si admittimus, idem templo, eiusque atriũ designabi-

tur, quod vrbe ipsa Hierosolymorum. Neque abhorret ab ea interpretatione Abbatas cap. 6. sec. 2. *Quanto melius*, inquit, *Ecclesiam hic intelligimus verbo Dei, tanquam virgula mensurata*? Et paulò post. *Hanc tamen Ecclesiam, unicam suam sibi tam eam, hanc sanctam civitatem pradicat à gentibus, hoc est, Ethnica turba vexandam & calcandam.* Et post pauca explicans quid templo, quid exteriore atrio, quod datum est gentibus, significetur. *Itaq;* inquit, *in turbis, & iactationibus saculi conseruantur incolumes electi, nec unquam, aut usquam porta inferorum aduersus Ecclesiam praualebunt. Quando interim hypocrisa, qui tanquam atrium templi habentur, instar leuipalea iactantur & auolant. Et potius quàm discrimen aliquod propter Christum subeant, ad sæculum, unde exiisse videbantur, regrediuntur, & ab impiis & prophanis iterum occupantur.* Hæc ille. Quam ne vlla in re cum viris bonis omnino sensisse videatur; mauult hæc non ad Antichristi, sed ad Ethnicorum Imperatorum referre tempora. Sed ea interpretatio mihi non planè constare videtur. Si enim calcari à gentibus, vexari ac diripi est: profecto non atrium exterius tantum, sed totum etiam templum datum est gentibus; ac si malis, etiam solum templum, atque altare. Ij enim tantum persecutionem vel passi sunt olim, vel patientur in posterum, qui volunt in Christo pie viuere, ac sanctissimi quique atque fortissimi acerbissime torti sunt Quid igitur fuit causæ cur atrium vnum, quia datum est gentibus conculcandum, mensura illa esset immune; aut qua ratione atrium datum est gentibus conculcandum, sic os denotat, qui à fide atque Ecclesia defecerunt? Neque enim videre possum quo fundamēto velit Abbatas, cum dicitur atrium datum gentibus intelligi fore, vt à gentibus occupetur. cū autem

antem subdit Euangelista fore ut gentes calcant sanctā ciuitatem, intelligi fore ut conculcent, ac vexent, cum verbum græcum, *πατήσῃ*, nihil aliud significet; nisi fore ut per eam ambulent; quod eorum est proprium, qui locum aliquem incolunt, idemque significet, ac si diceret, sanctam ciuitatem gentes incolent, atque in ea domicilium suum ponent; quod quia fieri alia ratione nō potest, nisi eam prius occupent, idem planè est ac si diceret, sanctam ciuitatem occupabunt gentes, atque in ea duobus, & quadraginta mensibus morabuntur. Porro si sanctæ ciuitatis nomine idem significatur quod ante templi, atque atrij symbolis expressum est; cum nulla pars sanctæ ciuitatis conculcatione careat, non minus templum ipsum quàm atrium gentibus dabitur. Deinde verò ad auream illam Augustini recurro regulam, quam Lutheri etiam suffragio supra confirmauimus, Diuinæ scripturæ verba, nisi cum propriè intellecta absurdi aliquid continent, propriè intelligenda atque exponenda esse. Quid autem est absurdi, si vaticinium hoc ita accipiatur, ut scriptum est? futurum ut Hierusalem veræ olim religionis, ac sacrarum caeremoniarum sedes, aliquando sacrilegæ superstitionis domicilium effecta, prophanorum atque impiorum hominum vestigiis teratur. Cur autem templum, atque altare metiri, atrium anterius foras mittere iussus sit beatus Ioannes, quod id gentibus datum sit, facillimam habet explicationem, si dicamus Antichristum inchoaturum templi ædificationem, atque in ea parte quam prius absoluerit, sessurum, & ostensurum se quasi sit Deus, reliquum verò templi nondum absolutum ea contaminatione ac sacrilegiis futurum immune. Quare beatum Ioannem eam partem, quæ atrium sacerdotum, ac san-

Etum sanctorum amplectitur iussum esse metiri, quod
 eam sibi ita Dominus reseruarit; ut in eam prophanos
 Antichristi cultus admissurus non sit, atrium verò ex-
 terius datum esse gentibus; quod in eam partem impia
 sacra, atq; prophanas suas religiones inuecturus sit ho-
 mo peccati. Illud Abbato negotium faceffit, quod, ut
 est Iudæorum studiosus, veretur, ne iis incommodet,
 si eos, qui Antichristum sequuti sacris eum, ac sacrificiis
 in Dei templo coluerint, hoc loco prophano gentium
 nomine significari concesserit; itaque officere mauult
 Ecclesiæ. *Quis ita ferat interpretantem, inquit, Gentes Cal-*
cabunt sanctam ciuitatem id est Iudæi Hierosolymam? Quasi
 verò Omnes qui ex Israël sunt, ij sint Israëlitz, aut qui
 semen sunt Abrahæ, ij filij; ac non potius in isaac vocatū
 fuerit illi semen, id est, non qui filij carnis, hi filij Dei;
 sed qui filij sunt promissionis, æstimentur in semine.
 Rom. 9. dubitat ne Abbatus, eos qui non modo obdu-
 ratis cordibus, ac sponte compressis oculis, ne Euan-
 gelium agnoscerent, exciderunt à promissione, sed etiā
 recepto Antichristo ad Idololatriam, ac gentium su-
 perstitutiones degenerauerint, quia carne sunt ex Israël in
 gentibus numerare? Cum Apostolus clamet Israëlitas
 eos non esse. Quod si cum Israëlitz non sint; in genti-
 bus tamen eos numerari non patitur: inter quos tandē
 reponendos eos arbitratur? Aut si gentiles, quia audito
 Evangelio Christum amplexi sunt, ex gentibus ad spi-
 ritualem Israël, atque ad promissionis Abrahæ filios fi-
 des transtulit; cur carnalem Israël nō modo reiecit Euā-
 gelij perfidia; sed etiam admissa idololatria moresque
 gentilium ad gentes transferre non poterit? Quanquā
 vrbs vasti illius imperij regia, omnium gentium collu-
 uione

nione conflabitur; vt necesse non sit vnam Iudæorum nationem his Beati Ioannis verbis intelligi.

Ad hunc locum si versum huius capituli octauum addideris; nihil clarius esse poterit. loquens enim sacri vaticinii scriptor de morte duorum illorum prophetarum qui bestię conatibus se se opposituri sunt: Et corpora eorum, inquit, iacebunt in plateis ciuitatis magnę, quę vocatur Spiritualiter Sodoma, & Ægyptus, & vbi Dominus noster crucifixus est. Quibus verbis ne Abbatius quidem capite 3. sect. 6. negare audet, terrenam aliquam urbem denotari, neque verò nisi de scripturarum fide dubitare velimus, dubium esse potest, quin si propriè accipiantur Hierosolymam expriment. Quę enim alia est vrbs, aut quis vsquam in orbe terrarum locus, in quo Dominus noster crucifixus sit? Quam autem sibi aptè concinunt singula vaticinii huius membra? *Calcabunt gentes ciuitatem sanctam;* (quia scilicet regiam ibi suam collocaturus est Antichristus) *& dabo duobus testibus meis & prophetabunt diebus mille ducentis sexaginta, & cum finierint testimonium suum, bestia quę ascendit de abyssu, faciet aduersus eos bellum, & vincet illos, & occidet, & corpora eorum iacebunt in plateis ciuitatis magnę;* Quam neque Abbatus abnuuit esse regiam bestię, & verò omnium gētium consuetudo demonstrat. Vbi enim potius, quam in vrbe totius imperij principē duo illi tam acerbi hostes bestię mactarentur? quānam autem ista erit bestię regia? nisi ea, quam calcaturę sunt gentes mensibus illis duobus & quadraginta? At hanc eam esse Beatus Ioannes conceptis verbis profitetur, in qua Dominus noster crucifixus est. Quem locum vt eludat Abbatius, ita vel legendum, vel intelligendum dicit. Vbi spiritualiter Dominus noster crucifixus est. quod non alia ratione pro-

2.

Quę sit Ciuitas magna, in qua duo Prophetę occidendi prædicuntur.

ne probat, nisi quia B. Ioannes cum urbem illam magnā alienis nominibus describeret, ita scripsit: *lacebunt in plateis ciuitatis magnæ, quæ vocatur spiritualiter Sodoma, & Ægyptus.* Præclaram argumentandi rationem. quid est quod cogat, quia in priore illo membro *Sodomæ*, atque *Ægypti* vocabula spiritualiter accepit B. Ioannes, idcō spiritualiter posterius quoque membrum interpretari? cur cum Christus vocatur in Apocalypsi, *agnus qui occisus est*, cum agnum spiritualiter dici cōfiter, non etiam occisum spiritualiter interpretatur? An quia disertè cōtestatus est scriptor ipse spiritualiter duo illa nomina intelligi oportere, idcō ad ea quoque, quæ sequuntur, spectare idem illud censendum est, quibus eam vocem ipse non addidit, neque tamen ita sunt cum superioribus connexa, vt necessariò de iis dictum intelligatur, si quid de superioribus dictum est? At profecto nihil est in iis B. Ioannis verbis, quam obrem aduerbiū illud, *spiritualiter*, ad posteriorem quoque istam descriptionis partem referendum arbitremur. Certè si ipsam Hierosolymam describere voluisset eadem planè de illa, atque iisdem omnino verbis dicere potuisset: neque eam ob rem minus aptam esse eam descriptionem quàm existimasset. Quibus igitur machinis aduerbiū illud loco mouere, atque ad posterius quoque membrū trahere poterit; vt persuadeat hominibus particulam illam, quam priori tantum orationis membro scriptor affixit, ad posteriorem quoq; referri oportere? Cur scripturas cum propriè possit interpretari, ad allegoricas, & mysticas interpretationes detorquet? Adde quod vox *spiritualiter*, in posteriora verba non ita aptè conuenit; neque vnus in iis verbis tropus fingendus erit, si interpretationem hanc admittamus. Nam aduerbiū illud

Illud ad Christum ipsum, ac dominum proximè referendum erit; ita enim interpretatur Abbat; quia Dominus mysticè idem est cum membris suis; idèò cum mèbra eius sancti martyres cruciabantur, ipsum quodammodo tortum & cruciatum fuisse. Quia in oratione, nisi martyres spiritualiter tortos Abbat assèrat, cruce, ac tormenta propriè accipienda sunt; tropus in Christi vocabulo hæret. neque enim pro ipsa ponitur Christi persona, sed pro corpore mystico, cuius caput ac princeps Christus est. At non ita facillè fortasse locum inueniet aut in scripturis, aut apud probatum vllum scriptorem, in quo totum corpus Ecclesiæ simul cū capite suo Christo Dominus noster appelleretur absolutè, ac sine vllius rei additione, quæ loquutionem hanc molliat. Cum enim Dominus ad seruos referatur; non benè Dominus dicitur, nisi referatur ad seruos. quinam autem serui reliqui sunt, si vnum ex seruis ac Domino corpus efficias? vt igitur Christi vox ad corpus totum accommodari possit: Domini nostri vocabulum ad eam significationem egerrimè trahi potest. Si enim Dominus noster est; nos vtrique serui sumus. qua autem ratione ex seruis ac Domino Dominus vnus effici potest? Præterea verò ne vox quidem, crucifixus, propriè ponitur. Nam si martyrum certamina, cruciatusque ea voce significantur; cum nō vno crucis supplicio, sed innumerabilibus cruciatuum generibus mortem oppetierint; vox ea pro quolibet cruciatus genere ponitur. In voce igitur, crucifixus, tropus alter latebit. Denique quia in toto orbe terrarum tam multa Martyrum millia Christi causa passa sunt: aut magnæ ciuitatis nomine totus mundus intelligendus erit; aut idèò in vrbe Roma crucifixus Dominus dicendus est, quod quamuis nulla regio, nullus-

que locus in orbe terrarum fuerit experts Christiani sanguinis: tamen Romanorum Imperatorum iussu id factum est. ut Romæ contigisse videri possit id, quod ab vrbe Roma prodiit. At id ipsum durius est; quis enim Constantinopoli quenquam interfectum dixerit, qui in Ægypto aut Palæstina Turcarum Regis imperio sit interfectus? Sed tamen ut id quoque demus Abbato, quis non videt quam detorta, atque aliena ab omni sermonis usu ea oratio sit; quæ his omnibus simul constet? ut idem sit Christus Romæ crucifixus est, ac si dicas, Martyres Christi membra in toto orbe terrarum Romanorum Principum iussu occisi sunt. quid superioris sententiæ hæc interpretatio retinet? quanto ad diuinæ scripturæ, ac fidei simplicitatem ea interpretatio magis accommodata est: qua vrbs urbem, Dominus noster Christum, crucifixus eum qui in crucem sublatuſ est, significat? cū scriptura ita intellecta nihil absurdi cōtineat. Iam quod totus es in eo ut probes, quæ martyres passi sunt, eade Christo in martyribus patiente dici posse; confutare nō esset opus, cum satis demonstratum iam sit in eum, de quo nunc agimus locum eam interpretationem aptè conuenire non posse, quia tamen ita es excors; ut ne rum quidem cum veri aliquid dicis, tui compos esse videre: libet breuiter, quæ profers, perpendere. Citas 1. ex 2. Corinth. 4. versum decimum; *Semper mortificationem Domini Iesu in corpore nostro circumferentes*. Desipis, docet enim eo loco Apostolus discipulorum assidua mortificatione, velut imagine quadam exprimi mortem Christi; quare etiam subdit, ut & vita Iesu manifestetur in corpore nostro. Id quod eleganter in eum locū Chrysostomus ita explicat. *Si quis nō credit, inquit, quod mortuus est Iesus, & resurrexit; nos videns quotidie morientes,*

*rientes, & resurgentes; credat postea resurrectionem. Quid hæc ad rem tuam Abbate? Citas deinde ex 3. Philip. versum decimum. At ille ne syllabam quidem vllam habet, quæ pro te faciat. Ad cognoscendum illum, inquit, & virtutem resurrectionis eius, & societatem passionum illius, configuratus morticuius. Adeone es hebes, vt te ne ipsa quidem vocabula societatis, passionum, & configurationis morti Christi, docuerint imitationem verbis his exprimi? vt quemadmodum ille passus & mortuus est pro nobis: ita & nos cruciatus ac mortem, eius, atque Ecclesiæ causa perferamus. Vnde Chrysostomus, *Conformis, inquit, factus morti illius, id est communicans; quemadmodum ille pro hominibus passus est, ita & ego.* Addis (nūquam enim desipienda finem facis) ex Hebr. 13. versum decimum tertium. *Exeamus igitur ad eum improprium, (vel vt mauis) ignominiam eius portantes.* At id quoque de imitatione dictum est; vt quemadmodum Christus sustinuit crucem confusione contempta: ita & nos. Audi in eum locum Chrysostomum. *Egrediamur ad eum portantes improprium eius. Hoc est eadem ipsa perpetientes, & cōmunicantes ei in passionibus, qui condemnatus crucifixus est forū. neq; igitur nos confundamur foras exire.* Est ne præterea quo in saniam tuam prodas? maximè verò, Affers ex cap. 6. ad Galatas versum 17. *Ego signata Domini Iesu in corpore meo porto.* Quid autem illud est nisi ego notas, atque insignia in corpore meo gesto, quibus quasi emptitius agnoscar seruus Iesu Christi? quare plagæ illæ ac cicatrices, non ideo dicuntur Domini; quod eas Christus passus sit; sed quod iis quasi insignibus agnosceretur, cuius Domini seruus esset is, qui eas gestabat in corpore suo. Hinc autem quid colligis homo diserte? nempe nihil aliud, nisi opinionem proiectæ atque impudentis in-*

tis inscitix. Sed tandem aliquando casu ne an consilio?
 aliquid affers, quod ad rem facere videatur. Vocem Do-
 mini Actorum nono clamantis ad Saulum, Saule, Saule
 quid me persequeris? Addis etiam locum Origenis in
 Ieremiam Homilia vndecima. *Per singulos martyres Iesus
 condemnatur; Si condemnatur Christianus pro hoc tantum,
 quod Christianus est; Christus condemnatur.* Quos tamen
 ipsos locos, si volucro, nullo negotio tibi è manibus ex-
 torquebo. Nam Iudæorum consilium fuit, non solum
 vt Christum è medio tollerent, cum occiderunt: Sed vt
 cultum ac nomen eius planè delerent. atque id specta-
 bant, cum fideles persequabantur; vt Christi religionè
 abolerent. *Venite*, inquit, apud Ieremiam, *mittamus li-
 gnum in panem eius, & eradamus eum de terra viuentium,
 & nomen eius non memoretur amplius.* Quis autem non vi-
 deat, cum nomen, ac gloriam Christi persequerentur,
 eos in ipsum Christum persequutionem mouisse? atque
 ea prorsus ratione Christum potuisse de Saulo conque-
 ri, quod se persequeretur; qua de obrectatoribus suis
 quis diceret, isti homines me persequuntur; ac maledi-
 ctis prosciunt? quod si de obrectatoribus verè di-
 citur; multò verius dici posset, si quis carceribus etiam,
 & cruciatibus sæuaret in eos, apud quos in honore &
 veneratione esse quempiā intelligeret, cuius gloriæ in-
 uideret. Nihiligitur est opus, vt ea Christi Domini ver-
 ba interpretemur; ad Christum in suis membris patien-
 tem recurrere. Verè enim Christum ipsum Saulus perse-
 quebatur; sed non nisi membra eius coniciebat in car-
 ceres, ac victos in Hierusalem perducebat. Neque dif-
 ficiliorem habent interpretationem Origenis verba.
 Quis enim dubitat eandem sententiā, qua martyr Chri-
 sti causa damnatur in Christum ipsum pronunciari? Nā
 qui

qui impietatis damnatum martyrem addicit supplicio, quod Christianus sit : eadem sententia impiam Christi religionem, cultumque, Christumque ipsum eodem supplicio, ac grauiore etiam multo dignum pronūciat. Quid aliud autem est condemnari? Sed ego nolo tibi tam seuerus esse patuus: capiant sanè interpretationē istam hæc verba; num idē efficies idem dici oportere etiam in reliquis? Vt quicquid vel de Christo dicitur ad membra, vel de membris affirmatur ad Christum commodè referatur. Dicitur Rex aut Imperator pugnare, configere, vincere, vinci cum hæc per exercitum suum patrat, etiam si ipse ne euaginauerit quidem gladium, easq; loquendi rationes patitur humani sermonis consuetudo: ideo ne etiam dicetur occidi, si occiso exercitu ipse superstes atque incolumis sit? Qua igitur consequutione necessarium est; vt si Christus benè dicatur aut condemnari, aut persequutionem pati, cum martyr hæc eius causa pertulerit, etiam mori, atque occidi dicatur? Eate res impulit, vt causam tuam proderes ac dum officere nobis cupis, tuis oculos euelleres. Concedis enim id quod vestri homines stultè illi quidem, & imperitè contra omnem antiquitatis fidem; sed præfractè tamen pernegant, Beatum Petrum Romæ & fuisse, & mortem obiisse. Narras ex Ambrosio in oratione contra Auxentium, libro quinto, Epistola 3. Beatum Petrum cum à gentibus conquireretur ad mortem, rogatu fidelium tantisper cedere statuisse; cum egredienti urbem factus est obuiam Dominus, ac percunctanti quo iret, respondit ire se Romam iterum crucifigi. *Intellexit*, inquit Ambrosius, *ad crucem suam Dominicum pertinere responsum; Christus enim non poterat iterum crucifigi, qui carnem passione suscepta mortis exuerat. Intellexit ergo*

Petrus, quod Christus iterum crucifigendus esset in seruulo. ac prolato Ambrosij testimonio. Qui ergo, inquit, in Petro crucifixo Dominum crucifixum intelligit: Roma Dominum crucifixum agnoscat oportet, quia Roma Petrus est crucifixus. Qua tam luculenta confessione veritatis nihil es assequutus aliud, nisi vt obesses tuis. Nam Ambrosius non aliunde narrat intellexisse Petrum, ad crucem suam dominicum pertinere responsum; nisi quia cum Christus resurgens ex mortuis, iam non moriatur, propriè ad Domini mortem vox ea referri non potuit; quæ etiam fuit causa, cur ita Dominus loqueretur; cum satis appareret ex ipsa loquentis conditione, tropum in verbis iis latere. Ita si Ambrosio credimus, eam interpretationem verba illa non caperent, nisi loquentis conditio cogeret in aliam à sua significatione traducere. Quid autem simile in his B. Ioannis verbis inuenies? Addidit Ambrosius Christum in seruulo fuisse crucifixum. Ita dura illi visa est ea loquutio: vt cum satis ex superioribus cõstaret, quorsum ea verba pertinerent; tamen molliendâ existimaret. At in Apocalypticis iis verbis, de quibus controuersia est, nihil quod eam lonquendi rationem emolliat, nihil quod minus alienam reddat à communi vsu sermonis, inuenies. Et verò cum nemo reprehensus sit; si quis dicat Patrem in filio, aut in amico carissimo amicum interfectum fuisse: nemo tamen erit, qui non maximè abhorrentem loquēdi rationem à sermone hominum, ac minimè ferendam existimet, si quis absolusè dicat, Patrem vel amicum interfectum fuisse, vt significet non aliter indoluisse amici vel filij morte, quam si ipse fuisset interfectus.

1.
*Quis sint
duo Pro-*

De loco satis disputasse videmur; reliquum est, vt de Prophetis ipsis, quos missurum se Dominus pollicetur,

tur, Patrum sententiam cum Abbati interpretatione ^{phara, quò} conferamus. *Dabo*, inquit Dominus, ^{pugnaturò} *duobus testibus meis*, ^{sunt cum} *& prophetabunt diebus mille ducentis & sexaginta, annis*. ^{Bessio.} *Et faccis. Hi sunt duæ oliuæ, & duo candelabra in conspectu Domini terræ stantes.* Hæc nos ita, vt scripta sunt, intelligimus. Futuros duos insignes Dei seruos, qui extremis mundi temporibus exemplo, ac prædicatione sua peccatores ad poenitentiam prouocent, atque impiis Antichristi conatibus opponant se se. At Abbat cap. 6. sect. 2. ad martyres nascentis Ecclesiæ vult hæc referri; qui Romanorum Principum immanitatem fidei constantia vicerunt. Duos porro dici, non quod numerus hic aut mysterium habeat, aut quicquam certi definitiue designet: sed vt alludat ad locum Zachariæ 4. de duabus oliuis stantibus in conspectu Domini. Neque enim minus Ecclesiæ Christianæ in turbis illis persecutionum prospectum esse virtute sanctorum; quam Synagogæ olim duobus illis viris, qui duabus oleis apud Zachariam exprimuntur. Sed primum quidem nostra explicatio vel aduersariorum iudicio ipsis Spiritus sancti verbis magis consentanea est: vt nisi quid magnopere impediatur, ea verior censenda sit. Deinde si in binario illo testium numero nihil aliud significare nobis Dominus voluisset; multò accommodatius ita dixisset. Et dabo testibus meis, & prophetabunt, &c. Hi sunt duæ oliuæ. Ita enim neque testium numerum definiuisset; & satis indicasset eandem ab iis operam nauatum iri Ecclesiæ, quam olim duo illi viri Israëlitis nauassent. Nunc verò cum nominatim duos testes expresse: qui vel eodem fungantur in Ecclesia munere, quo illi olim in Synagoga, vel vt alij melius interpretantur duobus illis viris quasi animatis, ac viucentibus symbolis adumbrati sunt

sint: hæc Abbati interpretatio locum nullum habere potest. Adde prophetiæ eorum tam certo dierum etiâ numero definitum tempus quod ad nascentis Ecclesiæ martyres accommodari non potest, de quo, quia ita Abbato placet, infra disputabimus; pergamus. *Et si quis voluerit eos nocere, ignis exiet de ore eorum, & deuorabit inimicos eorum, & si quis voluerit eos ledere; sic oportet eum occidi. Hi habent potestatem claudendi calum, ne pluat diebus prophetia ipsorum, Et potestatem habent super aquas, conuertendi eas in sanguinem, & percutere terram omni plaga, quotiescunque voluerint.* Hæc nos, item vt superiora, ita accipimus, vt à Deo dicta sunt: fore vt ea prodigia quibus Elias, ac Moyses Regum olim persequentium furorem infrænarunt, & fregerunt contumaciam; in iis renouetur, cogantque hostes tamdiu ab iis manus abstinere; dum statutum à Deo prædicationis eorum tempus absoluitur. Quem locum obscurare tenebris, quando ad rem suam accommodare non poterat, Abbatus instituit. *Isti testes*, inquit, *quanquam assidue succisi prorsus interituri videbantur: nouo tamen subinde germine succrebunt, succedentibus sibi inuicem pastoribus, qui ferendis illis lanienis, & carnificinis fidelium animos confirmarent, ac mortem potius oppetendam, quam abnegandam fidem persuaferunt.* Quæ in interpretatione primû illud incômodi est, quod eorum prodigiorum, quæ hic duobus illis testibus tribuuntur à Spiritu sancto, nulla sit ac ne fieri quidem potest mentio: nisi ad inauditas, atque absurdas allegorias veniatur. Deinde quod cum scripturæ verbis minimè congruit; qualis enim ea interpretatio est? nemo iis nocere, nemo eos ledere poterit ante exactum prædicationis eorum tempus; hoc est, quamuis eorum plurimi, ac ferè omnes (quotus enim quisque tunc temporis postor

pastor rabiem persecutionis effugit?) quamvis igitur ferè omnes igni ferroque consumpti sint: tamen aliis cadentibus eorum loco alij successerunt. Quid tandem est scripturis illudere, ac vèrbum Dei per iocum, ac ludibrium iactare; si istuc est interpretari? Addit Beatus Iohannes: *Et cum finierint testimonium suum; bestia, qua ascendit de Abyssò, faciet aduersus eos bellum, & vincet illos, & occidet eos.* Hunc tu locum Abbate, quasi Syrenum scopulos oclulis etiam auribus ne ad eas quicquam accideret, quod sanare te possset, silentio prateruectus es. Qua enim ratione interpretari posses, fore vt expleris diebus prophetiæ suæ à Bestia capti interficiantur: si toto persecutionum tempore pastorum suorū sanguine Ecclesia maduit? aut qua ratione expleris prophetiæ diebus capti atque interfecti sunt; si post exactum persecutionum tempus felix in summa pace vixit Ecclesia? ac tum demum Pastores occumbere desierunt; cum, si tibi credimus, interire omnes, ne vno quidem superstite debuerunt? Si enim dum sæuisset persecutio, idèò nemo eos lædere potuisse dicitur, quod aliis cadentibus alij eorum loco succrescerent: profecto tunc capti, atque occisi fuisse dicendi sunt; cum iis interfectis in eorū locum nemo suffectus est. Denique quando tandem existimas pastores Ecclesiæ testimonium suum absoluisse? cum nunquam desierint testificari Euangelium gratiæ Dei. Nam ego quidem aliud testimonium, quod viuentes & incolumes, atque vt huius loci verbis vtar, à nemine læsi dixerint præter cōstantem Euangelij prædicationem, ne fingere quidem possum.

Sed reliqua videamus. *Et corpora eorum iacebunt in plateis ciuitatis magna, qua vocatur spiritualiter Sodoma, & Ægyptus.* Hic ego primum exte quæro Roberte de
c quo.

ne id quidem verè dictum existimas, quod scriptum est Actorum 2. quo die Spiritus sanctus de cœlo delapsus mentes discipulorum afflauit; fuisse in Hierusalem habitantes Iudæos viros religiosos ex omni natione, quæ sub cœlo est, & audisse vnumquemque eorum linguam suam in qua nati erant. Parthos, & Medos, & Ælami-
tas, & qui habitabant Mesopotamiam, Iudæam, & Cap-
padociam, Pontum, & Asiam, Phrygiam, & Pamphy-
liam, Ægyptum & partes Lybiæ, quæ est circa Cyrenæ,
Cretas & Arabas. Aut si id factum credis; quid impedit,
quo minus idem fieri possit extremis mundi temporibus,
cum maximi, atque opulentissimi imperij regia
vrbs ea futura est? Et quidem si omnes tribus, linguas,
ac nationes ei spectaculo interfuturas dixisset: tamen
non inusitata; neque abhorrente à communi sermonis
vsu hyperbola vsus esset: vt omnes nationes nonnullos
omnium nationum homines appellaret. Nunc autem
cum de tribubus, & linguis, & populis scribens ex sin-
gulis nonnullos expresserit: nè calumniæ quidem locū
vllum reliquit. Pergit tamen Abbatius vel inscitix, vel
insaniæ suæ blandiri. *Quod commodissimam, inquit, habet
interpretationem de immanitate populorum omnium sub im-
perio Romanorum, qui corpora sanctorū & testium Iesu Chri-
sti feris, & aliis, passim proiecta, ne qua forte ab illis contagio
manes eorū insciceret ab honore cōmunis sepultura depulerunt.*
Quia nimirum aut tres tantum dies & semis, quot Bea-
tus Ioannes hic enumerat, trecentorum annorum per-
sequutio tenuit: aut extremis tantum persecutionis
temporibus, hoc est post expletum tempus prophetiæ
testium illorum, hoc barbaræ immanitatis genus vsur-
patum est ab hostibus fidei: aut sanctorum corpora,
quæ per omnes terras inhumata proieciabantur, in pla-

teis Urbis Romæ omnia iacuerunt; ideo commodissimam habent interpretationem hæc Apocalypsis verba; si ad immanitatem populorum omnium sub Romano-
rum imperio referantur.

Addit etiam alterum superiori non absumile argumentum. *Neque de duobus aliquibus, inquit, Hierosolymitanis accipi potest quod subiungitur, Et inhabitantes terram gaudebunt super illos (testes occisos) & letabuntur, & munera mittent in uisum. Quoniam hi duo Propheta cruciauerunt illos, qui habitant super terram. Namquid putaueris duos sufficere, qui sermonibus suis crucient orbem terrarum, & testimonio suo populos in hanc insaniam vertant? Elias vnus homo cum precationibus suis ignem deuocauit ex cælo; cum abactis nubibus terræ sterilitatem indixit: satis ne tibi videtur Israëlitas, ac finitimos populos cruciasse? Moses & Aaron, duo homines quam multis, quam grauibus, quam variis cruciatibus Ægyptios vexauerunt? & miraris duos illos testes eadem potestate præditos. omnes etiam gentes, ac populos cruciaturos memorari? atque ut incredibilia reddas oracula diuina, negas videri verisimile fore, ut sermonibus suis omnes gentes cruciare possint? at ubi tandem legisti eos sermonibus suis gentes cruciaturos esse? Cum tamen legeris habere eos potestatem claudendi cælum ne pluat, verrendi aquas in sanguinem, &c. Illud apud indoctos fortasse plus habet at ponderis, quod subdis his verbis. *Aut credibile est tribus diebus, & dimidio, ut isti ad litteram interpretantur, duorum hominum necem in vniuersum orbem perferri, ut sibi gentes & populi de illorum tam exoptata nece gratulentur? Nil minus. At si ad omnes gentes & populos tam breui tempore perferri nuntius ille non poterit; ne ad regionem quidem vnā perferri posse daturus es? quam vstratum autem**

autē est scripturis, vt terræ nomē absolutē, ac sine vllius vocis additione pro certa aliqua regione supponant? Gens. 12. versū 6 Chananeus autem tunc erat in terra, Genes. 36. 20. Isti sunt filij Scir Horræ habitatores terræ, Gen. 42. 30. loquutus est nobis dominus terræ durē. Nū. 32. 52. confringite titulos, & statuas comminuite, atq; omnia excelsa vastate mundantes terram, & habitantes in ea. Et vers 55. Sin autem nolueritis interficere habitatores terræ: qui remanserint, erunt vobis quasi clau in oculis, &c. Quid igitur impedit quo minus, cū Beatus Ioannes scribit fore, vt inhabitantes terrā gaudeant super illos, & iucundentur; de ea regione, locisque sermonem habeat, quæ Hierosolymis finitima facile nunciū accipere poterunt? Cum & ipsa verborum series ita interpretari cogat, & vsitata scripturis ea vocis huius significatio sit; quanquā quis ignorat, quā vsitata hyperbole quod multorum est, id omnibus tribuamus? Quare si quod in oculis maximæ atq; amplissimæ terrarum ciuitatis gerendum est; id in orbis terrarum, atque omnium gentium oculis gerendū scripssisset; nihil scripssisset Beatus Ioannes à communi cōsuetudine sermonis alienum. Cuius rei si minus Apostolorum, ac Prophetarum, at parentum tuorum Phariseorum vsus admonere te debuit: qui Ioan. 12. 19. vt ostendant multos ex Iudæis in Christum credidisse. ecce, inquit, mundus totus post eum abiit. Sed hunc ipsum locum tu qua ratione ad rem tuam accommodas? *Utro fuit sensus, inquis, si de testibus illis, & martyribus exponamus, quibus gentes è Romano Imperio Tyrannide & furori suo seruientes ob Christi testimonium infrenduerunt, de cadibus eorum continuis, & sanguine vehementer sibi gratulantes, & inde sibi fausta omnia, & felicia promittētes, vt in illo Maximini rescri-*

pro apud Eſebium lib. 9. cap. 7. videre eſt. Fluit ille quidē, ſed lutulentus, ac re dignus interprete. Nam vt non ſemel iam adnotaui prædicationis teſtium eorum tempus confundis, ob eamque rem etiam miſceſ tempus, quo gentes cruciatæ narrantur à teſtibus, cum eo tempore, quo illis occiſis quaſi parta iam victoria hoſtes eorum triumphant. Nimirum perſequentionum, idem eſt prædicationis, idem mortis martyrum tempus, quo, ſi tibi credimus, ita lædi non poterant: vt velut oues occiſionis quotidie gregatim maſtarentur. At ſcriptura diſcretè luculenterque conteſtatur fore, vt non ante eis noceri poſſit; quàm finierint tempus prædicationis ſuz, quod diebus mille ducentis ſexaginta circumſcribitur, eoque exacto tum demum fore, vt capti interficiantur à beſtia, cum ingenti eorum qui cruciati ab iis fuerant lætitia. Nimirum vobis quod cuique in mentem venerit; id demum ſcriptura diuina loquitur.

Pergit Beatus Ioannes. *Et poſt dies tres & dimidium Spiritus vita à Deo intrauit in eos, & ſteterunt ſuper pedes ſuos, & timor magnus cecidit ſuper eos, qui viderunt eos, & audierunt vocem magnam de cælo dicentem eis. Ascendite huc, & aſcenderunt in cælum in nube, & viderunt illos inimici eorum.* Quod vaticinium nos, pro ea, qua verbum Dei veneratione proſequimur, ita vt ſcriptum eſt, intelligimus: tu ne quid concedas ſanctorum gloriæ, cum quibus tibi partem, aut fortem nullam eſſe non ignoras. *Expletis*, inquis, *illis ſiue menſibus, ſiue diebus* (tibi enim perinde eſt menſemne an diem, horam, an luſtrum, an ſæculum ſcriptura cōmemoret) *Et pace Chriſtianiſ Chriſto vincente reddita; ſteterunt Eccleſia Paſtores pedibus ſuis.* Prius ergo iacebant mortui. At quando vnquam Eccleſia victa ſuccubuit? quando ſtare paſtores deſierunt? Cū
torum

totum persequutionis tempus, auctore te, tempus fuerit testimonij eorum, quo non modò lædi non poterāt, sed etiam gentes ipsi excruciabant. Perge porro. *Es intellectum est, inquis, in nomine Christiano diuinum quiddam inesse; quod neg, ferrum, neg, flamma, non equulei, non ungula, non candentes lamina, non ingeniosus ille omni tormentorum apparatus absumere potuisses, nec impedire, quo minus Ecclesia ex procellu istius & fluctibus mundum uniuersum sibi hactenus infestum obtineret.* Hæc est per te illa duorum testium resurrectio. At ô bone vir si cùm captos, cùm occisos duos illos Christi testes, cùm proiecta eorum corpora inhumata spectaculo fuisse gentibus Propheta narrat, de vera morte, verisque corporibus intelligi oportere existimas: cur cùm spiritum vitæ intrasse in eos, qui occisi fuerant, audis; allegoricum nescio quæ ad vitam reditum, atque alios quosdam supponis qui nunquàm mortui reuocētur ad vitam? An quia mentis vestræ captu metiri omnia soliti, nihil nisi abiectum & humile de diuina vi, ac potestate sentire consueuistis, ne id quidem à Deo fieri posse existimatis? Sed cum nube vestros in cælum eos ascendisse audis, qua tandem ratione explicaturus es? *Quo tam illustri, inquit, tam splendido Christi triumpho videbantur, iam ad cælum vocati; qui sepulti putabantur in inferno; & in illa Christiani nominis eminentia tanquam in nube ad cælum ascendere visi sunt.* Infelix ita diuinas promissiones terrena felicitate & gloria terminas; & cui nulla est alia resurrectio, quam abiectio- nis, & miseriarum in hoc sæculo finis, nulla est alia gloria filiorum Dei, quam obscurus hic rerum humanarū splendor, ac vulgi inanis admiratio. Agnosco in Abbato Porphyrii spiritum Christianæ religionis odio diuinas litteras ad alia omnia detorquentem. Qui geminum
planè

planè Danielis de mortuorum resurrectione vaticiniū simili explicatione peruertit. *In tempore illo*, inquit Angelus, qui Danielem docebat, cap. 12. *Saluabitur populus tuus omnis, qui inuentus fuerit scriptus in libro; & multi de his, qui dormiunt in terra puluere euigilabunt, alij in vitam aternam, alij in opprobrium, ut videant semper. qui autem docti fuerint, fulgebunt quasi splendor firmamenti, & qui ad iustitiam erudiunt multos, quasi stella in perpetuas aternitates.* Quem locum, vt Ecclesiæ vaticiniorum gloriam auferat, apud Beatum Hieronymum ita interpretatur Porphyrius. *Reddita victoria, & casis Antiochi ducibus, ipsoq; Antiocho in Perside mortuo saluatus est populus Israël, omnes, qui scripserant in libro Dei, hoc est, omnes qui legem fortissimè defenderunt. Et è contrario qui deleti sunt de libro, hoc est qui prauaricatores extiterunt legis, & Antiochi fuerunt partium. Tunc ait, Hi qui quasi in puluere dormiebant, & operti erant malorum pondere, & quasi in sepulchris miserrum reconditi, ad insperatam victoriam de terra puluere surrexerunt, & de humo eleuauerunt caput custodes legis resurgentes in vitam aternam, & prauaricatores in opprobrium sempiternum. Magistri autem, & doctores, qui legis notitiam habuerunt, fulgebunt quasi cælum, & qui inferiores populos exhortati sunt ad custodiendas caeremonias Dei, ad instar Astro-
rum splendebūt in perpetuas aternitates, &c.* Hæc Porphyrius, qui vt ait S. Hieronymus, quasi contritus coluber tamen eleuabat caput, & moriturus in eos, qui morituri erant venena diffundebat. Quem tu locum, si vidisti vt interpretationem impij hominis odio Ecclesiæ in tua scripta transferres; satis ostendis quantum repudiata Patrum auctoritate profeceris, qui te in disciplinam hominis perditia desertoris fidei dederis: sin interpretationem istam per te ipse excogitasti; eodē spiritu agitati te prodis

dis, cuius similitudine in eadem cum illo vestigia impietatis incideris.

His ita constitutis constare videntur cetera, quæ eo capite Spiritus sanctus prædicit: numerus ille vel dierum, vel mensium, cuius ibi mentio fit, nondum satis explicatus hoc loco est. Quamquam enim supra solutis iis sophismatis, quibus Patrum interpretationem Abbatum cum primò; tum octavo capite labefactare conatus est; satis ea sententia probata videri debet, quæ cum nihil contineat absurdi, Dei verba, ita ut dicuntur, intelligit; neque plus sapit, quàm sapere oporteat hominem humilem, & tremens sermones Dei: quia tamen ipsa falsitatis improbatio magna est probatio veritatis; operæ pretium erit Abbati interpretationem diligentius examinare; ut intelligant isti novorum dogmatum studiosi, quos Duces contemptis iis, quos tot iam sæculis Ecclesia coluit, in sacrarum litterarum explicatione sequantur.

Is igitur postquàm putida illa sua, ac centies decantata sophismata duabus sectionibus protulit, ut timida est mendacij conscientia. *Et si nolim*, inquit, *quicquam definire: proponam tamen quod mihi videtur proximè ad veritatem accedere: iudicium penes Ecclesiam & pios esto.* Et post pauca. *Neque tamen quicquam hic novum fortasse apporto: sed dum ea, quæ ab aliis dicta sunt liberè expendo: videre mihi videor aliquid, quod animum meum vehementer adferapit.* Hoc autem quid tandem aut quale sit, sic explicat. Referri summam hanc vel dierum, vel mensium ad id tempus, quo Ecclesiam Romani Imperatores Idolatriæ studio diuexarunt, cur autem duorum, & quadraginta mensium, vel dierum mille ducentorum & sexaginta numero tria illa propè secula denotentur, ad

d

finem

4.
Quid significet
summa illa
imperii
prophetia
duorum
sestium.

finem 4. sect. ita docet. *Definito mensium, & annorum numero, certum quidem tempus à Deo praestitutum, non ipsis numerorum apicibus expressum, ut à priori diiudicari ab Ecclesia potneris, sed diuino tantum consilio, & providentia numeratū & circumscriptum, à nobis autem non nisi ex euentu & à posteriori cognoscendum. Illud autem voluisse Deum statamensium, & dierum comprehensione notari, & diuersas adhiberi supputationes omnes ad idem recurrentes; partim ut agnoscerent fideles momenta ipsa, & articulos temporum illorum, menses, & dies, & semisses dierum Deo exploratissimos constituisse. partim ut in arumnu illis, & miseriis se confirmarent, tanquam non nisi mensium, & annorum intuitu.*

Quem ego locum ita tractabo, ut ostendam ad persecutionum tempora numerum hunc dierum, ac mensium non benè referri rationes quibus adductum sed dicit, ut vaticinium hoc ad Antichristi tempora spectare negaret, quia ex 13. Apocalypseos capite petuntur, in eū locum reiciam. Ac primò quidem quæro ab homine, idemne tempus significari existimet tribus illis diebus, ac semis, quos in plateis magnæ ciuitatis testium occisorum corpora iacebunt; cum diebus mille ducentis, & sexaginta prophetiarum eorum? Nam id negare quī potest? cum utroque dierum numero totum persecutionis tempus contineatur. Quam autem ridiculum est, eodem in loco, atque eodem orationis textu eadem de re loquentem Spiritum sanctum, idem tempus nunc diebus tribus mille ducentis & sexaginta, nunc diebus & dimidio denotare? esset aliqua horum numerorum ac temporum comparatio; ut cum non multum differrent alterum pro altero poni posset: non multum laborasse Spiritum sanctum diceremus, ut eundem numerum semper reponeret, præcipuè cum non certum tempus significaret. At in tanto numerorum discrimi-
ne, tam-

ne, tamque ingenti temporum interuallo, nisi insanum Beatum Ioannem facias, qui somniare potes, tres dies ac dimidium pro mille ducentis, ac sexaginta fuisse ab eo suppositos? Adde quod tres illi dies, & dimidius ab exacto tempore prophetiæ testium numerantur, hoc est post dies illos mille ducentos & sexaginta: non potest igitur idem planè temporis spatium, utroque dierum numero significari, nisi fortè idem tempus nouo, atque inaudito miraculo postquam semel elapsum est, Deus iterum reuocauerit: ut sibi ipsi iam ante lapso reparatū succederet, ac se ipso prius idem, posteriusque laberetur. Huc accedit quod testes illi toto eo tempore, quod ciuitati sanctæ à gentibus obtinendæ adscribitur, lædi nunquam potuerunt, hoc est diebus mille ducentis & sexaginta; post illos dies capti, atque occisi à bestia memorantur. At si persecutionum tempus illud est, quo ciuitas sancta calcatur à gentibus, eo maximè tempore capti atque occisi fuisse dicendi essent. Ac ne illud quidem indignum est, cuius ratio habeatur; quod numerus hic vel dierum, vel mensium tam diligenter ac religiosè obseruatus tum hoc, tum cap. 13. Apocalypseos vacare mysterio non viderur; ut nisi hic ipse dierum numerus futurus sit, aliquid aliud causæ sit, cur numerus hic tam constanter potestati bestię tribuatur. neque enim quicquam in sacris litteris per imprudentiam excidit Spiritui sancto. Neque verò rationes eæ, quas afferre conatur Abbat, quicquam efficiunt. Nam quod ait id spectasse Spiritum sanctum; ut quamuis nesciremus quantum tandem tempus persecutionum futurum esset: intelligeremus tamen quantum quantum illud esset certum ac definitum apud se esse. Primum ridiculum est, quis enim est, qui ex obscurissimo vaticinio

certius exploratiusque cognouerit, constare Deo certum dierum numerum, quo vexari Ecclesiam ab Ethnicis pateretur: quam ex iis, quæ de paterna eius in hominum genus, atque in primis in Ecclesiam providentia tam disertè luculenterque passim diuina oracula cōtestantur? Nam eius quidem vaticinij, si id significat tāta obscuritas est, vt nullus eorum, qui in iis persecutionum procellis versati sunt, intellexerit ad se atque ad sua tempora pertinere: certè veterum nullus in eam interpretationem incidisse memoratur. at vaticinium illud ad corroborandam fidem, confirmandamque veteris Ecclesiæ constantiam futurum erat vtile. quare aut clarius, explicatiusque scribi, aut eius interpretatio reuelari tunc temporis debuit. nam nobis post tam diuturnam Ecclesiæ pacem sine vilo vaticinio certissimum est, non modò definitum illud tempus apud Deum iam inde ab initio fuisse: sed etiam, id, quod in arcanis suis tunc temporis latere Dominus voluit, satis constat quārum tandem illud futurum fuerit. Quorsum igitur seruatorum suorum neminem rem tantam tunc docuit Spiritus sanctus? An tanto mysterio capiendo idoneus nemo fuit in Ecclesia, priusquam Robertus Abbatas ad necem propter crudelitatem ab Oxoniensi iuuentute conquisitus, per fenestram delapsus salutis suæ fuga consulere?

Quid; altera eius rationum plus habet ponderis? minime verò. An si alium alio in loco numerum horum vel dierum, vel mensium adhibuisset; modo is exiguus esset, non satis significare potuisset non diuturnas eas calamitates futuras atque ærumnas fuisse? quorsum ergo tā religiosè numerus ille semper adhibitus est? Præsertim cum constans illa eiusdem numeri repetitio, er-
roris

roris occasio lectoribus esse posset; vt quod sine variatione seruatum viderent; id propriè, atque ita vt scriptũ erat, accipiendum existimarent. quo fieret, vt vel de aliis temporibus vaticinium interpretarentur, id quod antiquis omnibus accidit; vel si de suis temporibus ea scripta esse arbitrarentur, cum spes suas delusas crederent; de scripturarum fide dubitarent. Quod si tamen intelligerent, id significare voluisse Deum; quod Abbat commentus est, breue tempus id esse, quod dierum ac mensium numero in scripturis exprimeretur: id ipsum vix quicquam ad eorum solatium facere potuisset. Intellexissent enim eo modo dies, & annos in scripturis dici, quo totum hoc tempus à Christo nato ad dies vsque iudicij, nouissima hora dicitur. Quo modicum, aliquantulumque vocatur: apud Prophetam id temporis, quod ab eo vaticinio scripto ad Christum vsq; intercessit. quo mille anni ante oculos eius sunt tanquam dies hesternæ, quæ præterit. quantum autem, quamque infinitum ærumnarum suarum spatiũ futurum existimassent id, quod diebus mille ducentis, & sexaginta describitur? cum modici, aliquantulique, vel vnius horæ vocabulo significari annorum centurias, ac millia non ignorarent. Nam siuè ad temporis breuitatem, siuè ad certum definitumque spatium significandum, quid opus fuit, numerum tam multis maioribus, minoribusque constantem numeris adhibere? cum communis consuetudo loquendi, si quando numerũ pro numero supponit, nunquam nisi plenos, ac rotundos numeros soleat vsurpare? cur igitur non dies mille, bis mille, centum, ducentos, sexaginta; menses item quadraginta, quinquaginta viginti potius adhibuit, quàm numerum illum, quo nunquam nisi certum, ac definitum numerum

d 3

rum

rum explicare cōsueuimus? Deniq; cū superiore dīsp̄tatione iam apertē docuerimus, non posse capitis illius vñdecimi vaticinium ad tempus persequutionum referri, quā sub Ethnicis Principibus nascentem Ecclesiā vexauerunt: non habent vñde colligant aduersarij tempus hoc paucorum dierum, ac mensum, integras annorum centurias continere. Sed ecce tibi mendacissimi scriptor Martyrologij Foxius, Zvingliano plenus spiritu, nescio quā somnia euigilāti sibi primum obiecta, nobis obtrudit; quā Abbas capitis octauī sectione quinta, sextaque ita prosequitur, vt cū ingenuē fateatur eius interpretationis causam nullam viderē se se: tamen non reiciendam existimet, quod is cōlesti quodā instinctu inditam sibi eam asseueret. quasi mentiri non possit, cū de se, ac suo spiritu testimonium dicit is, quī de rebus cōperrissimis, testatissimisq; tam multa impudentissimē passim mentitur. Is cū quadraginta hos duos menses, dies mille ducentos sexaginta, tempus & tempora, & dimidium temporis Ethnicorum Imperatorum persequutionibus aptare omnino statuisset; neq; vllam inueniret rationem, qua annos tres, ac dimidiū, quot eo numero conficiuntur, in trecentos ferē illos annos conuerteret, quibus ij in Ecclesiam sauerunt: narrat dic quodam dominico, cum expergefactus mane de numeris illis cogitaret, subird sibi tanquam intra se cum Maiestate quadam responsum sensisse. *Quin in epte menses istos per Sabbata numerato, pro vt hebdomada Danielis Sabbata computantur.* Se porrd eo oraculo perimorum, cum septenos annos in singulos menses numerasset: comperisse duobus, & quadraginta mensibus, annos ducentos quattuor, & nonaginta contineri. Quos ita ad Ethnicorum Principum persequutiones accom-

modat

modat. Nā à nato Domino ad Licinij mortē annos fluxisse omnino supra trecentos, quatuor & viginti, è quib. si demas triginta annos, quor agebat Dominus cū à Ioanne baptizatus est, reliquos esse annos ducentos, quatuor & nonaginta. Ioannē porro eo ipso anno esse sublatum ab Herode Romano, vt ait Abbat, Præsides, cū baptizato Domino, mox in carcerem coniectus, non ita multò post securi percuti iussus sit. Quare à morte Ioannis ad redditam Ecclesiæ pacem cum annorum numerum intercessisse, quem quadraginta illi duo menses ad vnguem reddunt. Quo in Foxiano oraculo nihil est sapientius, quàm quod ineptum cum hominem appellauit, cui ea deliria persuaderi possent. Quid enim habent simile Danielis hebdomadæ, cum his hominis ineptissimi mensibus? Nam hebdomas, siue hebdomada græco vocabulo septenarium quendam rerum numerum significat, vt decas denarium, trias ternarium, monas vnitatem. Quare si vim vocis attendas, non minus ad annorum, quàm dierum, vel mensium septem numerum accommodari potest. vnde non ineptè ad septem annorum numerum significandum ea vox adhibita est: præsertim cum Leuit. 25. annorum hebdomadas iam ante Dominus appellasset; præterea hebdomada licet spatio temporis dissimilis omnino sit, septē annis spatii: tamen cum septem diebus contineatur, par numero partium est. quare etiam si vis ipsa nominis hoc non indicaret; posset ad septem annorum spatium significandum non absurdè transferri. Quid autem vel longinquitate temporis, vel numero partium habet simile mensis cum septem annorum circulo? quod idem est si Sabbata numeres. erat enim apud Hebræos vt dierum, ita etiam annorum Sabbatū. Quando ingressi fueritis,

rius, inquit, Dominus. Leuit. 25. terram, quam ego dabo vobis, sabbatizes: sabbatum Domini. Sex annis seres agrum tuum, & sex annis putabis vineam tuam; colligesque fructus eius; septimo autem anno sabbatum erit terra, &c. Quare neque nouum, nec insolens fuit annorum sabbata, & hebdomadas numerare. At menses istos sabbaticos, vbi tandem locorum reperit Foxius? Jam ne in temporum quidem ratione subducenda fidelis est. Nam Licinij mors, si Baronio credimus, in annum Domini incidit 318. quæ est summa si triginta illos priores Domini dempseris, reliqui erunt omnino anni 288, hoc est menses Foxiani vnus circiter, & quadraginta. Sin autem Eusebij Chronico stare malimus; cum Licinij mors adscribatur anno Domini 327. demptis illis triginta, reliqui erunt anni 297. hoc est Foxiani menses quadraginta duo cum dimidio. Ac ne de Ioannis quidem nece Foxiana temporum ratio cõstat: cum ea post secundum prædicationis Christi pascha contigerit, vt patet ex Cornelio Iansenio in secunda parte cõcordiæ, & ex Baronio, qui eam in initium anni trigesimi tertij Domini reiecit. quare etiam si demus mortẽ Licinij anno Domini 324. contigisse; menses integri quadraginta duo Foxiani numerari non possunt. si enim Ioannes duos & triginta annos post Christum natum mortuus est: reliqua summa erit annorum 292. ad annum vsque 324. quo Foxius mortem Licinij contigisse ait. quare duo anni deerunt ad eam summam conficiendam, quam sabbatizans suis efficere Foxius nititur. Ac ne multo quidem melius, vel Eusebiana, vel Baroniana temporum ratio conuenit. Nam à 32. anno Domini ad 318. anni numerantur omnino 286. ad 327. fluxerunt anni 295. Vt nulla

nulla planè iniri possit temporum ratio, quæ cum Foxiano commento consentiat.

Adde quod dierum numerus, quo à Beato Ioanne hæc ipsa mensium summa redditur, nullo modo aptari ad hanc supputationem potest. Quanquam enim nescio quid hac in parte conatus est vel Foxius, vel ut Foxium ipsum fulciret Abbatius: in ipso tamen conatu deficit. *Vbi leguntur, inquit, tres dies, & dimidius (diem autem ad Christi rationem intelligimus, nonne sunt duodecim hora diei) si singulas dierum istorum horas pro singulis mensibus accipiamus, efficiuntur menses 42, si pro annorum sabbatis, prior numerus exurgit annorum ducentorum nonaginta quattuor, quibus corpora Sanctorum in plateis Imperij Romani occisa narrantur, & insepulta iacuisse. At meminisse vir non cruditissimus debuit, horis inæqualibus veteres tum Romanos, tum Hebræos diem ita metiri consuevisse, ut in tanta nocturnorum diurnorumque spatiorum varietate, in duodenastamen horas tum noctes, tum dies cōstanter diuiderent; neque minus quattuor, & viginti horis diurna solis periodus contineretur. Neq; verò quisquam est tam amens, qui cum tres dies audierit, eas etiam noctes, quæ intercedunt, non concipiat animo. Quæro igitur ex Abbato quid tandem coloco dici nomine intelligi à Spiritu sancto velit? Nam si duodecim horarum spatium, siue diurnum, siue nocturnum illud sit, die vocabulo significatum putet: conficiet ille quidem duarum & quadraginta horarum numerum; sed in tribus hisce diebus nox vna minimum, ac dimidia numerabitur. Idemque erunt tres dies ac dimidius, quod duo dies cum nocte vna & semis: quis autem hominū vnquam ita loquutus est? Nisi forte quia dixit Dominus, duodecim esse horas dici, Calviniana dialectica effici*

Abbatuſ exiſtimat, duodecim horarum ſpatium, quodcunq; demum illud ſit, diem eſſe; vt ſi quis, quia homo animal eſt, animal quodcunq; hominem eſſe cōtendat. Sin autem dici nomine neque integram ſolis periodum, neque quodcunq; horarum duodecim ſpatium, ſed tempus id malit intelligi, quo hemiſphærium ſol illuſtrat: cum dies alter alterū, niſi interiecta nocte, conſequi non poſſit; ſex & triginta nocturna horarum ſpatia ad duas & quadraginta diurnas horas adiicienda erunt. exiſtet igitur numerus horarum octo & ſeptuaginta, quas labi omnes neceſſe eſt; ſi duæ & quadraginta diurnæ horæ fluere debent. Neque verò illud etiam admiratione caret, quod integrum ſeptem annorum ſpatium nouo more horæ vnius nomine ea interpretatio comprehendit. Denique vt tres illos dies ac ſemis ea interpretatione ad rem ſuam vtcunq; accommodet, mille ducentos & ſexaginta illos, qua ratione interpretabitur, vt annos reddant quatuor & nonaginta ſupra ducentos? Quodue mihi fundamentum inueniet in ſcripturiſ ternos ferè vſitatos hominib. meſes in dies ſingulos cōpingendi? quod tamen fieri neceſſe eſt ſi ſabbatici illi duo & quadraginta meſes in dies mille ducentos & ſexaginta explicentur. Nam Bethleemitici illi pueri, quos Herodis inſana ſuſpicio occidendi Chriſti ſtudio ſuſtulit, non modò poſt Chriſtum natum; item vt Ioannes, ſed quod in Ioanne non inuenies, Chriſti etiam cauſa extincti ſunt. cur igitur à Ioannis potius, quā ab eorum nece numerandi fecit initium? Illud verò ridiculum, quod vt iam inde à Ioannis cæde Romanarū perſequeutionum principium repetere iure videretur; ſcripſit. Ioannem ab Herode Romano Præſide ſecuri percuſſum eſſe. At quando vnquam, aut à quo hominum

num Herodes Galilææ Tetrarcha, præses Romanus appellatus est? Sed nimirum tam malæ causæ mendaciis, somniisque color inducendus fuit. Ego verò quadraginta ipsos annos de ista summa tibi detrahā. Nam prima illa persecutio à Christo ad quartum vsque decimum Neronis annum, non Romanorum, sed Iudæorum fuit. Qui ubique contradicebant Euangelio, ac turbis miscebant omnia, ne procederet Christi religio. Nero primus è Romanis Principibus gladium exercuit in Ecclesiam; eo damnationis suæ, ut tu ipse ex Tertuliano dixisti, dedicatore gloriatur. ante id tempus, si quid actum à quoquam est, priuatum id Præsidis alicuius, aut Proconsulis, non publicum Romani imperij scelus fuit. At is Neronis annus in annum Christi septuagesimū incidit, è qua summa si eos triginta demas, quorum ne tu quidem haberi rationem existimas oportere, quadraginta ad Neronianam vsque persecutionem reliqui sunt; quos tu Romanorum Principum persecutionibus idè adscribis, quia tui tibi hebdomadici duò & quadraginta menses alioqui non constarent. Quos cū non videas, qua ratione defendas: tamen reiiciendos non putas, quia tanti voluminis scriptori placuerunt. Patrum eruditionem, acumen, sapientiam, cōsensionem nihili ducis, cū etiam inuidiosissimè clames, eorum literas non iudices esse, qui sententiæ necessitatem imponant; sed indices, quibus ita scripturas adeamus, ut ab iis discedere liceat, si quæ docent, non inueniamus in scripturis. Quin tu igitur quæ in eorum scriptis minus capis (quid autem boni isto ingenio capias?) tantorum virorum grauitati, sapientiæque concedis? aut cuius impudentiæ est, Foxio dare, quod Hieronymo,

onymo, Augustino, Basilio, sexcentis huius notæ viris ademeris?

Quæ cum ita sint quāquam & mira Patrum consensione, neque obscuris scripturæ testimoniis probare possumus, duos illos testes, quorum hoc capite mentio fit, quicquid repugnent aduersarij, Enochum, atque Eliam esse: tamen quia necesse nō est, libet ea disputatione in præsentia supersedere. Neq; enim nisi Enochus, & Elias hoc capite describerentur; ideò quæ scripta in eo sunt, aduersarios non iugularent. Accipiat itaque Abbatus id, quod animi causa homini misero dari potest, non significari duobus hisce testibus eos viros; accipiat eos ne viuos quidem esse, ac si ita libet, ne fuisse quidē vnquam; ideò ne inueniet in quos hoc vaticinium transferat? at quod tandem par virorū proferre poterit, quod duobus, & quadraginta mensibus cum bestia pugnans, atque inuictum interim ea miracula ediderit, tum captum, interfectumque Hierosolymis, post tres dies reuocatum ad vitam, inspectāte populo in cœlum ascenderit? quando vnquam Romani Pontificis Regia vrbs ea fuit, in qua Dominus noster crucifixus est? quæ nisi ad ineptas allegorias, ac tropos nunquā auditos mortalibus, reuocauerint; salui esse non possunt. Et ad scripturas deinde prouocant à Patrū iudicio? quas blasphemiarum suarum ancillas non iudices esse volunt. nec quid pronunciauerit Spiritus sanctus: sed qua ratione ad rem suam earum oracula trahere possint attendunt. Nos verbum Dei ita, vt est verè verbū Dei, suscipimus; nec diuinorum oraculorum vim nostris interpretationibus aut eludimus, aut eleuamus. illi quicquid non arripserit, aut expungunt, aut interpolant, aut ad allegoricas interpretationes transferunt, & tamen, si Deo placeat,

cet, illi pro scripturarum maiestate, ac veneratione depugnant: quam scilicet Pontificiorum vel incuria, vel contemptio abiecit in puluerem.

*Caput decimum tertium Apocalypsis
perpenditur.*

SEQVITVR caput decimum tertium, ex quo argumenta depromere aduersarij videri volunt, ne quis existimet eos omni planè ratione destitui: sed illud quantum quantum est, ita nostrum est: vt vel solum satis esse possit ad sectariorum impudentiam reuincendam.

Cum machinis omnibus oppugnatam mulierem nulla ex parte lædi à se potuisse cerneret Draco de cælo deiectus; ac propter implacabile suum in eam odium, bellum semini eius inferre constituisset: stetit supra arenam maris, inconstantes vulgi animos, ac parum stabilis fidei pectora, quæ circumferuntur omni vento doctrinæ; vt perturbato rerum nouarum studiis orbe terrarum, ex iis bellorum ac tumultuum fluctibus bestia euocaret è mari; cuius opera ad Ecclesiæ pestem abuteretur. Eam describit B. Ioannes habentem *capita septem*, & *cornua decem*, & *super cornua eius decem diademata*; & *super capita eius nomina blasphemia*. Ipsam porro bestiam similem pardo; & *pedes eius sicut pedes ursi*; & *os eius sicut os Leonis*. Bestiam hanc cap. 2. sect. 4. eandem esse censet Abbatum cum ea, quæ capite 17. describitur: eiusq; septē capitib; septē supremos magistratus, qui Romæ summū Imperium tenuerunt, in quibus septimū numerat Antichristum. item vt cap. 3. sect. 6. *Res aperta est*, inquit, *quid moramuri bestia septem capitum sedentis in septem mon-*

*Quid septi-
cipiti be-
stia Cap-
itū 17. signi-
ficetur.*

tibus, hoc est in urbe Romana septimontana dominantū, caput septimum est Antichristus. Quare cūm Antichristus vnus sit è septem bestiarū capitibus, ad verum eius corpus necessariò pertinebit. Sectione autem eius capitis septima Romanam etiam ciuitatem cum Bestia ita confundit, vt idem esse existimet Romanam ciuitatem, bestiam, Antiehrisum, ac purpuratam meretricem. Purpuratam meretricem, inquit, tu Romam agnoscis; Bestiam Antichristū, & eidem conuenire certum est bestiam & purpuratam meretricem. Et mox: Si illorum sententia non acquiescis; Ioannes te docebit; qui vbi mulierem, seu meretricem ait sedere super bestiam coniunctissima esse confirmat, & vnum quasi corpus, siue complexum efficere bestiam & meretricem, quod si idem sonens meretrix & bestia: certè Roma, quæ te fatente sedes est purpurata meretricis, per te quoque necesse est sedes intelligatur Antichristi. Ceterum non sum ignarus docere nonnullos viros & pios & eruditos, eandem planè esse bestiam, quæ hoc, quæque cap. 17. describitur, eaque Romanum Imperium significari: eius septem capitib. numero certo pro incerto Imperatores omnes indicari, in hisque Antichristum esse: non quod Romanus Imperator futurus; sed quod easdem prouincias in potestatem redacturus sit, quæ Romanæ olim ditionis fuerunt: decem cornua decem eos esse Reges, in quos Romani Imperij prouinciæ ante Antichristi aduentum diuidendæ sunt. Cum quibus mihi in eo conuenit: quod Antichristum vtraque bestia aliquo modo significari volunt: quod & ea, quæ vtroque scribuntur, magna ex parte in eum quadrant; & veterum in eo mira consensio est. Quod autem duas hæc bestias miscet, quodque Imperium Romanum significari iis existimant; cum neque maiorum nostrorum constans ea interpretatio sit, neque

verò

verò eam tam facile scripturæ admittant: neque planè probare possum, neque improbare ausim. Ostendimus libro secundo non deesse rationes quibus effici videatur 17. capituli bestiam & ab ea differre, quæ hoc capite ponitur; neque Romani Imperij typum esse: nunc quare ea bestia, quæ capite hoc describitur, Antichristum ipsum, non Romanum Imperium significari existimemus; breuiter nobis reddenda ratio est.

Impulit me in eam sententiam caput septimum Danielis; in quo quarta illa bestia omnium ferocissima Romanum Imperium omnium maximum, maximeque diuturnum designari certissimum est. Cuius bestię decem cornua decem esse Reges, Daniel ipse contestatur; qui non ita describuntur, quasi sibi inuicem successuri, atque idem Imperium occupaturi sint: sed quasi eodem tempore regnaturi. quod aliter non potest intelligi, nisi ex gentes, quæ vno Populi Romani Imperio censebantur, deinde pluribus Dominis pareant; hoc est, nisi vno imperio in decem regna diuiso: quare constans est, etiā aduersariorum confessione sententia, Antichristum non ante venturum esse, quàm Romanum Imperium deleatur. Decem porro illos Reges eodem tempore regnuros esse: docemur cap. 17. Apocalypsis, vbi decem ij. reges, qui decem bestię cornibus designantur, regnum eodem tempore accepturi memorantur: quo fit, vt & simul, neque nisi desolato Romano Imperio regnaturi sint: si enim in decem illis Regibus Romanus Imperator numeraretur, qui tanto tempore iā ante regnauerat: regnum eadem hora cum ceteris non diceretur accipere. Et verò si cetera deesset, vel eo colligi posset quod cornu quoddam vndecimum post decem illa priora enatum vidisse se Daniel memorat; quod initio paruu-

paruulum, paulatimque succrescens ex decem illis cornibus tria euulserit, id quod eodem capite ita interpretatur Spiritus sanctus. *Porrò cornua decem ipsius regni decē Reges erunt. Et alius consurget post eos, & ipse potentior erit prioribus, & tres Reges humiliabit.* Rex autem ille, qui vndecimo cornu designatur superioribus longè potentior; Antichristus sine dubio est: de quo Daniel eo loco ita vaticinatur, *Et sermones contra Excelsū loquetur, & sanctos Altissimi conteret, & putabit, quod possit mutare tempora, & leges, & tradentur in manu eius usq; ad tempus, & tempora, & dimidium temporis. Et iudiciū sedebit, ut auferatur potentia, & conteratur, & dissipetur usq; in finem. regnum autem, & potestas, & magnitudo regni, quæ est super omne cælum, detur populo sanctorum Altissimi, cuius regnum sempiternum est, &c.* quibus verbis omnes continentur Antichristi conditiones. Nam & bellum cum sanctis geret, neq; cuiquàm hominum plus in eos aut permisum est, aut permittetur, quàm Antichristo. Nequè quisquàm hominum magis blasphemus, aut impius vilo vnquam tempore extitit. Et regnum eius, quod ad iudiciū vsquè portendetur, regnum sanctorum sempiternū excipiet. Quæ cum ira sint, cumque diuiso iam in plura regna, hoc est sublato Romano Imperio venturus sit Antichristus: non video qua is ratione in septē eius Imperij capitibus numeretur. Præstat igitur hoc capituli 13. vaticinium ita interpretari. Decem huius bestię cornibus decem illos Danielis reges significari. Septem capitibus septem tributarios reges, qui cū profligatos tres illos viderint, Antichristi iugum excipient; qui inter se diuisi vno bestię corpore, hoc est vno Antichristi Imperio, coniunguntur. Cur autem in bestię capitibus numerandū eum non censem: duæ causæ sunt.

Altera

Altera quod cū septem sint reges ij, qui reliqui sunt, tribus iis deletis, qui Imperium detrectabant, quor ex decem cornibus tribus euulsis apud Danielē superfuerunt: octauus esset Antichristus, si ad eos accederet: cū tamen hoc loco septem omnino bestię capita numerētur. Altera quod ea capita inter se diuisa cum bestię corpore coniunguntur: at is, quem ij Reges dominū venerabuntur, à nullo eorum disiungi potest, quamuis ij inter se regnis, fortasse etiam animis, differāt, qui quoniam Antichristi non modò iugum accipient, sed superstitionum etiam erunt æmuli: scripta dicitur in singulis esse blasphemia. Antichristus ipse propter dolos, ac fraudes corpore maculosus ac varius: & mira velocitate perficiens omnia, pardum imitatur; superbia, atque immanitate victos conculcans, ac proterēns, Vrsi cuius ij mores sunt validissimos pedes refert. Rictus, atque os Leonis habet morsu, & rugitu terribile: rerum gestarum, ac famę magnitudine subiectos continens, ne commouere se audeant. Libet hic ex Abbato quærere, quinā decem ij reges fuerint, qui Romanum Imperium occupabant, cū commenticius eius Antichristus, quamuis etiam tum paruulus, ac si libet etiam lactens, primum existeret? Quotnam tres reges solio deturbarit, vt occupatis eorum Imperiis in hanc, quam habet, magnitudinem cresceret? quānam septem illa sint siue capita, siue reges, qui eius se tyrannidi sponte subiecerint? Certē Bonifacius, quē is cum plurimis aliis eiusdem dementię sectariis, primū inter Antichristos numerat, Foca Imperatore regendā Ecclesiam accepit: quo tempore, quamuis labefactatum aliqua ex parte, manebat tamen vel Abbati confessione Romanum Imperium. atque vsque ad translationem

nem Imperij, ducentis ipsis annis post mansit. Neque verò multo post Bonifacium tempore Leone Isaurico eodem & Imperatore, & hæresiarcha, Iudæo quodam mago suatore extitit Iconoclastarum hæresis: quæ orientale Imperium distraxit à Romana Ecclesia. Neque ita multò post translatum in Francos occidentale Imperium, schisma Photius excitauit; quo ita orientem ab occidente diuisit: vt nunquam amplius integrè coaluerint. Iam eo ferè tempore Bonifacius Ecclesiam suscepit administrandam; quo extitit Turcarum Pseudopropheta Mahumetes; cuius superstitio tanta exiguo tempore cæpit incrementa; vt cum Iconoclastæ debacchari in Ecclesiam cœperunt; bonam orientalium prouinciarum partem iam occuparet. quo verò tempore Carolus Occidentis Imperator creatus est, ex Africa in Hispaniam transgressi eius superstitionis æmuli Saraceni, ferè totam in potestatem redegerant. Quando igitur vnquam omnes ij qui Romani Imperij prouincias obtinebant, ab extincto Beato Gregorio ad nostra vsque tempora Romanæ Ecclesiæ addicti fuere? vt ad eos accommodari posse videatur, quod de decem iis regibus scriptum est: qui Apocalypsis 17. potestatem suam bestię tradidisse narrantur? Sed reliqua videamus:

2. *Et dedit illi (Bestia) inquit, S. Ioannes, Draco virtutem suam, & potestatem magnam: & vidi vnum de capitibus suis, quasi occisum in mortem; & plaga mortis eius curata est; & admirata est vniuersa terra post bestiam, & adorauerunt Draconem, qui dedit potestatem bestię; & adorauerunt bestiam dicentes, quis similis bestię? & quis poterit pugnare cum ea?*

Quid significet miraculum ca. pitii, cuius plaga mortu curata est.

Quibus verbis duplicem Antichristi potentiam notari existimo, alteram patratorum miraculorum mendacium, vt & Dominus, & Apostolus 2. Thessal. 2. iam an-

te nos

te nos monuit: alteram temporalem ac regiam; quarū altera virtutis, altera potestatis nomine exprimitur, quā vtrāque à Dracone accepturus apertè commemoratur. Porro caput illud quasi occisum, cuius plaga mortis curata attonitum rei miraculo orbem terrarum impulisse dicitur; vt bestiam, atque auctorem bestię Draconem adoraret: vnum esse ex iis prodigiis, quę editurus est Antichristus, etiam Abbatas concedit. Sed in controuersia nobis cum illo est, quod nos scripturę verba, ita vt scripta sunt, quia nihil absurdi continent, si ita intelligantur, explicari oportere existimamus; futurum, vt vnus ex iis, qui bestię capitibus designantur, siue Antichristus, si is in septem numerandus sit, siue alius ex eo numero aliquis, grauitè sauciatus, ac penè mortuus magicis Antichristi artibus prodigiosa quadā ratione conualescat; eaq̃ue ratione is magnam sibi diuinę potestatis existimationem apud homines conciliet. At Abbatas non ad Dei verbum dogmata, sed ad sua dogmata verbum Dei exigere solitus, ancillari etiā hic diuinās litteras blasphemię suę cogit. Itaque quia nulum proferre potest fictitij Antichristi sui eiusmodi portentum: negat propriè intelligi oportere. Quid ita verò. Quia, inquit, cap. 11. sect. 22. *cum Antichristo non nisi tres annos & dimidium assignet* (Bellarminus) *festinato opus est, ne non sit miraculum hoc in totius penè mundi notitiam perueniturum* (vt scilicet propter hoc miraculum cum mundus penè totus admiretur, vt Bellarminus affirmat) Tamne igitur multo tempore opus est, vt res tanta in oculis, ac luce omnium gentium gesta peruulgetur? neque enim in occulto gesturus id est; cum quęrat ipse in palam esse. At cuius non dicam regis, aut Tetrarchę, sed paulò illustrioris Toparchę, vel Satrapę mors, aut etiā

morbus non exiguo temporis spatio orbem vniuersum peruagatur? & miratur Abbatus si res tanta ab eo rege patrata, in quem omnium hominum ora conuersa sint, ad omnes gentes perferatur? Quærit verò etiam illud Abbatus à quo, vel cuius gladio plagam illam accepturus sit. *neq; enim videbitur*, inquit, *sua sponte moriturus, aut sua manu plagam sibi mortis inditurus. quis autem in regē potentissimum, satana præsidium omnibus munitum, tantum præualiturus est; ut plagam ei mortis infligat? utrum aperto bello? an proditione futurum est? à suū? an ab alienū?* Quibus nugis satis ostendit, quanta labore solidarum inopia rationum. Nā si vulnerato eo capite, cuius plaga mortis sanata est, vnus aliquis è regibus dedititiis denotatur: ista omnis Abbati ratiocinatio corrui. Si Antichristum ipsum malis intelligi, qui vulneratus ipse securet, quid est incredibile, siue is in prælio pugnans vulnus accipiat? siue occultis alicuius insidiis impetatur? Et quando te Satanas angit Abbate, cuius ille præsidiiis munitus tibi vulnerari non videtur posse: obsecro te; tamne alienum à moribus Satanae esse credis, quod non abhorret à tuis, ut non modò eorum conatus, qui id moliantur, non impediatur: sed eos ipse infliget ad facinus, ipse consilia moderetur, ipse promoueat, non ignarus, quid per eam occasionem effecturus sit? Atque his tu tam leuib; tam ineptis rationibus discedendum tibi putas ab expresso Dei verbo? qui Patrum neque auctoritate moueris, neque iudicia vllò in pretio habes, neque interpretationes accipis; quia videlicet quod illi docent, summus omnium Aristarchus in scripturis non reperis.

Sed tu qua tandem ratione hunc locum interpreta-
ris Abbate? *Romanus Pontifex*, inquit, cap. 10. sc&. 1.

hic

hic apertissimè notatur; qui cum attritis Romanis viribus, & expurbato ex Italia Imperatore corruisse iam imperium, & iacere videret; plagam hanc letalem nro Imperatore sufficiens curauit; & veteris Imperij Maiestatem in occidente utcunque renouauit. Quod idem cap. 11. scilicet. 22. repetit. De Imperatorio statu, inquit, locus intelligendus est; qui quidem in Constantinopolisani illis penè iam ceciderat, à Pontifice autem collata, satis pro Imperio, Imperij dignitate resuscitata. Agnosco interpretationem Illyrici tum in libro contra primatum Papæ, in quo penè extremo quintam hanc notam Antichristi ponit: tum in centuriis cent. 8. cap. 10. quem suæ deinde huius tam acutæ interpretationis pœnituit, cum in libro de translatione Imperij negauit auctoritate Romani Pontificis à Græcis ad Francos imperium esse translatum. Sed ego ex Abbato quæro, qui probare possit, hac bestia Imperium Romanum significari? Nam quod septem capitibus septem summi Imperij formas notari existimat: puerile figmentum esse, neque cum historia consentiens, iam antè docuimus. Quod bestia hac purpurata meretrix cap. 17. vincta Ioanni ostenditur? at id quoque confutatum est supra: tum quia hæc à bestia capitis eius fortasse diuersa est; tum quia Imperium Romanum ea bestia non adeo bene intelligi potest. Sed sit sanè bestia hæc Romanum Imperium. Cui caput hoc, cuius plaga mortis curata est, ad seriem Imperatorum, atque, ut Abbati verbis utar; ad sextum bestię caput spectet: Carolus accepto à Romano Pontifice Imperij iure, verè fuit Imperator. At factio? an iure? facto? qui potuit? cum nullam Romani Imperij prouinciam vix exiguas nescio quas Italię particulas, si tamen etiam eas, acceperit. Nam transalpinas prouincias aut obtinebat ipse priusquam Cæsar appellaretur; aut

quæ in aliorum erant ditione, eas non abstulit. Hispani-
as Saraceni magna ex parte occupabant; quod reliquū
erat, regibus suis parebat; quos regno neque Carolus,
neque Pontifex exturbavit. Italiæ exigua pars, quæ vs-
que ad ea tempora in potestate Græci Cæsaris fuerat,
Carolo contigit. Iure igitur Carolus Imperator poti-
us, quàm factus fuit; id quod Abbatus ipse concedit, cū
ait, non tam Imperium, quàm Imperij dignitatem ad eū
à Pontifice esse delatam. ius igitur, ac dignitatem Impe-
rij dare Romanus Pontifex potuit. qua autem ratione
verum Imperij ius dignitatemq; in eum conferret Ro-
manus Pontifex, si nullo id iure sibi liceret? quo autem
nisi diuino? nam ab hominibus quidem nunquam ac-
ceperat. aut ergo iure diuino Antichristus his Imperia
dat, illis adimit: aut factum id Antichristi non fuit. Sin
autem Carolus vel verè Cæsar non fuit; vel Imperij ius
à Pontifice non accepit: non ergo sextum bestię caput
iam penè mortuū vitæ reddidit; sed iam semimortuum
excitato tyranno penitus extinxit Romanus Pontifex.
Non potest igitur Beati Ioannis vaticinium ad facinus
illud referri, in quod si ei alteram partem aptes, altera
conuenire non possit. Siue enim verè Cæsar fuit Caro-
lus; is qui imperium dare potuit, Antichristus non fuit:
siue is Cæsar non fuit, hoc Antichristi miraculum Ro-
manus Pontifex nōdum edidit, ac, si Abbato credimus,
penitus iam deletō Romano Imperio, ne edere quidem
potest.

Adde quod nusquam scriptura commemorat capi-
ti illi penè iam mortuo à quoquam medicinam esse fa-
ctam. Quibus igitur auctoribus comperit Abbatus, mi-
raculum hoc à quoquam alio potius perpetratum esse,
quàm ab ipsamet bestia; quæ caput ipsa suum mirabili
ratione

ratione curauerit, eoquē factō omnium in se oculos conuerterit? Certē si cui ea curatio tribuenda sit; apertē ex eo loco colligitur ad Draconem, arque ad bestiam ipsam referendam esse. *Vidi*, inquit, *unum ex capitibus suis quasi occisum in mortem; & plaga mortis eius curata est; & admirata est uniuersa terra post bestiam, & adorauerunt Draconem, qui dedit potestatem bestia; & adorauerunt bestiam dicentes, quis similis bestia? & quis poterit pugnare cum ea?* quorsum autem illa admiratio, arque adoratio bestia; ac draconis? quorsum desperatio illa congregandi cum illis? quia ne aliena quadam ope, atque externa vi bestia conualuisset? cur non eius potius consequuta est admiratio, timorque; cuius vel ope, vel arte occisum caput bestia; reuixisset? Dracone autem Satanam significari Ioannes ipse cap. 12. disertē docuit: igitur caput illud, quicquid demum significet, aut à Dracone, aut ab ipsa bestia ereptum periculo est: neque potest ad alium eius curatio referri. Quanquam tu quidem niteris quantum potes, vt persuadeas à posteriore illa bestia, cuius deinde fit mentio, eius, de qua nunc loquimur, capiti medicinam esse factam. Sed quia ipse etiam vaticinij textus interpretationem tuam respuit: negas eā vaticinij partem, quæ de curatione capitis eius est suo loco positam esse: ac Prophetæ spiritu rei gerendæ seriē præuertēte, ante huius rei narrationem subiecisse affirmas; quam quæ ab Imperio Romano nascens Ecclesia passura erat, attexerentur. *Neg, impedit*, inquis, *quod quæ mox ibi sequuntur, Carolo & successoribus eius videntur aptari non posse, quia per anticipationem vulneratio capitis narratur, quæ longè post futura esset; quæ posita regreditur historia ad notandam bestia illius rationem, & modum, qualis ab initio futura esset. Huc ergo pertinent quæ sequuntur, & admirata est uniuersa terra post bestiam.* At, ita aliquando sapias

sapias Abbate, qua tandem ratione rem tantam probaturus es? tibi patrum consentiens auctoritas, ac sacrosanctum iudicium nihili est: tua nobis sine vlla ratione affirmatio oraculi instar erit? vt quę scripta nō sunt, proscriptis atq; expressis in verbo Dei habeamus: quę vno loco scriptasunt, ad aliū pertinere existimemus? quānā tua ista est in sacras litteras plusquā censoria potestas? vt suo loco, quę visū fuerit, moueas atq; in eas partes ableges, vbi tibi negotium non facessant? Quāquam ita diuinitus comparatum est; vt quocunq; demum hanc huius vaticinij partem transferas; tibi tamen configat oculos. transfer enim in eum locum, qui tibi maximè opportunus toto eo capite videri potest: atque ita vaticiniū texe; *& vidi aliam bestiam ascendentem de terra, & habebat cornua duo similia agni; & loquebatur sicut Draco; & potestatem prioris bestia omnem faciebat in conspectu eius: Et vidi unum de capitibus suis (prioris bestię) quasi occisum in mortem, & plaga mortis eius curata est. Et (posterior bestia) fecit terram, & habitantes in ea adorare bestiam primam, cuius curata est plaga mortis.* Possuntne ad rem tuam melius, aut aptius concinnari? at ex his verbis ita arbitratur tuo dispositis qua ratione efficies, à posteriore bestia priorem esse curatam? cū ne verbum quidem vllum additum sit, quo id adumbratum videri possit. Adde quod, cū non semel postea curationis eius meminerit, ita semper loquitur; vt ad posteriorem bestiam consulto referre eam nolle videatur: cur enim cum scriberet, fecit terram adorare bestiam primam, cuius curata est plaga mortis: non scripsit potius, cuius curauit plagam mortis? cum totidem planè syllabis, atque adeo litteris illustare rem totam, atque eius miraculi auctorem prodere posset? Qua igitur confidentia id affirmas, quod

quod non modò in sacris litteris aut expressum, aut ad-
umbratum non est; sed disertè propemodum ipsis vati-
cinij verbis confutatum?

*Et datum est ei os loquens magna, & blasphemias: & da-
ta est ei potestas facere menses quadraginta duos: & aperuit
os suum in blasphemias ad Deum, blasphemare nomen eius, &
Tabernaculum eius, & eos qui in cælo habitant: & datum est
illi bellum facere cum sanctis, & vincere eos: & data est illi po-
testas in omnem tribum, & populum, & linguam, & adora-
uerunt eam omnes, qui habitant terram, quorum non sunt scri-
pta nomina in libro vitæ agni, qui occisus est ab origine. Locus
hic ad ea alludit, quæ Daniel. cap. 7. scripta sunt de Anti-
christo vers. 8. Cōsiderabā cornua, & ecce cornu aliud paruulū
oriū est de medio corū; & tria de cornibus primis euulsa sunt à
facie eius: & ecce oculi, quasi oculi hominis erant in cornu isto,
& os loquens ingentia. vers. 20. & de cornu alio quod ortum
fuerat, ante quod ceciderant tria cornua, & de cornu illo quod
habebat oculos, & os loquens grandia, & maius erat ceteris.
Aspiciebam, & Ecce cornu illud faciebat bellum aduersus san-
ctos, & praualebat eū; donec venis antiquus dierum; & vers.
24. Porro cornua decem ipsius regni, decem reges erunt; &
alius consurget post eos, & ipse potentior erit prioribus, & tres
reges humiliabit, & sermones contra Excelsū loquetur, &
sanctos Altissimi conteret, & putabit quod possit mutare leges,
& tradentur in manu eius usq. ad tempus & tempora; & di-
midium temporis. Ita iisdem penè verbis eadem de rege
illo vndecimo, qui Romano Imperio in decem diuiso
reges surrecturus est, vaticinatur Daniel, quæ hic de be-
stia scribit Beatus Ioannes, vt cæcus esse velit, qui nō vi-
deat de eodem esse sermonem. Cū autem locus hic
Danielis apertissimè de Antichristo sit scriptus, hunc
item Apocalypticum de eo scriptum esse necesse est.*

Sed Abbatus Foxiano somnio delectatus, locū hunc de Romanorum Principum antiquis persecutionibus interpretatur, quam interpretationem cap. 8. sect. 3. & 4. ita probare conatur. Calamitates eas, quas ab apertis, atque externis hostibus Ecclesia patitur, certo in scripturis annorum numero comprehendi, ac designari solere; non item eas, quas domestici, atque occulti hostes illaturi sint. Quare cum ex calamitates, quæ hoc vaticinio portenduntur, certis temporum spatiis definiantur; ad apertos Ecclesie hostes pertinere oportere. Antichristum autem hostem esse testum nomine Christiano. Quare ad veteres Ecclesie nascentis ærumnas hæc verba referenda videri. Assumptū porro ita probat. Duas in hoc capite bestias designari, alterā de mari, hoc est, de bellicorum tumultuum fluctibus; alteram de terra, hoc est, de otio, & quiete prodeuntem. *Quas, inquit, ita ibi legimus comparatas, ut prioris fracta iam & collapsa posterior imaginem instauratura sit. Ceterum qui duas illas in unam confundere tentauerit; imperitè fecerit; nec videre poterit satis assentè, rem unam se ipsa priorem simul, & posteriorem, sibiq; originem simul, & imaginem esse non posse. Iam verò certum est, prout ante ostendimus, priori bestia Romanum Imperatorem Ethnicum, & infidelem, posteriore Antichristum demonstrari. qui quanquam Imperium illud antiquum non obtineret: sibi tamen imaginem quandam prioris Imperij fabricaturus est: cum verò de priori bestia, dictum sit, potestas ei data est agendi menses quadraginta duos; manifestum est, numerum illum temporis ad Imperatorem pertinere. Ego verò cum satis iam demonstraerim, neque numerum illum dierum, ac mensium ad veterum Imperatorum persecutiones, neque superiores huius vaticinij partes, ad Romanum Imperium accommodari posse: satis inter-*

interpretationem hanc explosisse mihi videor, vt nihil præterea addere ad eius confutationem necesse sit. De quo enim adorationis cultusque genere interpretantur quod scriptum est? *Et adorauerunt eam* (bestiam) *omnes qui inhabitant terram, quorum non sunt scripta nomina in libro vite agni.* De politicône? at cum honorem debent temporalibus suis dominis etiam Christiani non solum propter iram, sed etiam propter conscientiam Roman. 13. 5. Qui ergo fieri potest, vt ij vni ad librum vitæ pertinuisse scribantur, qui quod Dei ordinationi resisterent, etiam nullo alio admissio scelere de libro vitæ delerentur? Quem autem è persecutoribus Ecclesiæ viuente orbis terrarum diuinis honoribus coluit, vt saltem de ea eius insania hæc scripta videri possint? Reliquum igitur est; vt de aliquo alio vaticinatus sit Beatus Ioannes, quem diuinis honoribus genus humanum aliquando prosequuturum sit.

Et quādo arma nobis Abbatibus ipse suppeditat, vtat eius beneficio. Sit igitur id, quod ipse animaduertisse se dicit è scripturis, nullæ vnquam domesticæ clades Ecclesiæ certo tempore definiantur (nam ego quidem neque magnoperè repugno, neque affirmarim facile) Sed habeatur ea in re Abbato fides, vt suo se fure strangulet. Cū Antichristi tempus certo tempore definia- tur; externum eum hostem esse necesse est: non erit igitur Romanus Pontifex, qui & si hostis non est, cū sit Pastor; tamen si hostis esset, Abbati etiam confessione externus hostis non esset. Certo autem in scripturis tē- pore Antichristianam Ecclesiæ cladem definiri, ea, quæ ex Danielis 7. protulimus, satis declarant. Nam tempus quo vndecimum illud cornu accepta in sanctos pote- state sauiturum est, eo loco disertè describitur, tempus,

& tempora, & dimidium temporis. Porro vndecimo illo cornu Antichristum significari aperte supra docuimus. Illud verò non satis video, qua ratione homo suorum acutissimus concludat. Quæ hoc Apocalypsis loco de priore bestia scribuntur, ad domesticos hostes referri non possunt: igitur ad veteres Imperatores referenda sunt. Quasi verò fieri non possit amplius, ut aut ad infideles Dominos rerum summa deuoluatur; aut si ij rerum potiantur, ut Ecclesiam persequantur. Cùm & illud fieri posse Turcarum imperium nvalo nostro nos doceat, & miraculi instar sit, quod quibus mala omnia cupiat; eorum sanguini superbus, & crudelis dominus tamdiu parcat. Sed nimirum veretur Abbatius ne, si à rege aliquo Christiani nominis inimico cladem aliquã Ecclesiæ hoc varicinio portendi semel admiserit, cum nobis Antichristum negare non possit, quem à veteri Ecclesia traditum hæredes fidei eius credimus.

Sed assumptionis huius Abbatianæ probationem videamus. *Est, inquit, Antichristus hostis domesticus, quia è duabus huius bestiis posterior Antichristi, prior Imperij Romani symbolum est, ut ante iam demonstratum est.* Credo in alio aliquo libro, quem nōdum edidit. nam in hoc quidem nunquam id probauit; ac ne probare quidem potuit. Nam posterior illa bestia, quæ de terra ascendere visa est habens cornua duo similia agni, magnum quendam prioris bestie apparitorem, atque ut Beati Irenæi verbis utar, armigerum designat; Qui ideo duo cornua similia agni habere dicitur, quia verbo, ac prodigiis adducet homines, ut priorem adorent bestiam; quo armorum genere agnus, qui occisus est ab origine mundi, orbem terrarum subegit. Cuius etiam vox est sicut Draconis; quia voce, ac prædicatione venenum instillabit in animos auditorum. Id porro ita esse,

esse, tum ex Euangelio Matthæi 24. colligitur, vbi Dominus etiam in fine mûdi denunciat, surrecturos Pseudochristos, & Pseudoprophetas, qui dent signa magna, & prodigia; ita vt in errorem inducantur, si fieri potest, etiam electi. Ex quo illud euidenter colligitur, non solum futurum Antichristum, qui Christi sibi munus & gloriam arroget: sed eius etiam nuncios, ac ministros, qui signis, ac prodigiis mendacibus homines in eum errorem inducant. Quare si nihil aliud suppeteret, nō improbabiliter locum hunc ita interpretari possemus. Adde quod vt Beatus Irenæus animaduertit in extremo capite 19. S. Ioannes distinguit à bestia, bestię Pseudopropheta, ac duos omnino esse docet. *Apprehensa est bestia*, inquit. *& cum ea Pseudopropheta, qui fecit signa coram ipsa, quibus seduxit eos, qui acceperunt characterem bestię, & adorauerunt imaginem eius: viui missi sunt hi duo in stagnum ignis ardentis.* Antichristus autem nullius affecula, nullius sectator futurus est; sibi vni, ac glorię suę studebit, atque alios in sui venerationem, cultumque compellet. Iam bestiam illam, cuius Pseudopropheta posterior hæc bestia dicitur, Romanum Imperium esse nō posse, illud indicium est, quod Romanum Imperium ante delebitur, quàm veniat Antichristus, ac si Abbato credimus, iam delerum est. idem autem est vtriusque finis, idem exitus, eodem prælio victi capientur, ac mitrentur in stagnum ignis ardentis. Quare aut posterior bestia Antichristus non est, aut prior bestia Imperium Romanum esse non potest. Adde quod non potest intelligi, qua ratione Romanum Imperium, quod aut nullo modo, aut ad summum ficta quædam, ac politica persona est, viuam mitti possit in stagnum ignis. quod

satis apertum indicium est, bestia illa certam quandam, ac determinatam personam indicari.

Denique ipsa capitis huius narratio apertè demonstrat, posteriorem hanc bestiam prioris non nisi accensum, atque apparitorem esse. *Potestatem*, inquit, *prioris bestia omnem faciebat in conspectu eius; & fecit terram, & omnes habitantes in ea adorare bestiam primam, cuius curata est plaga mortis*. Vides huc curas omnes, cogitationesque posterioris esse conuersas, ut prioris gloriam promoueat? nam quod cap. 10. sect. prima ea verba ita interpretatur Abbatas, *Posterior*, inquit, (Bestia) *priorem potentia aquasse dicitur, faciens quicquid poterat prior bestia etiam in conspectu ipsius*. Quod igitur ita interpretatur: ridiculū est, ipsa enim vaticinij series apertè demonstrat hoc loco sermonem esse de potestate signorum prodigiorū; edendorū: non de potentia, atque opibus. Quare quod hoc loco dixit Ioannes: *Potestatem prioris bestia omnem faciebat in conspectu eius*. cap. 19. idem expressit iis verbis: *apprehensa est bestia, & cum ea Pseudopropheta, qui fecit signa in conspectu eius*. Imo hoc ipso loco, de quo nunc agimus, eorum verborum explicationem statim ipse subiecit. Cū enim dixisset, fecisse posteriorem bestiam potestatem omnem prioris in conspectu eius, atque induxisse homines, ut priorem bestiam adorarent; continuo, *& fecit*, inquit, *signa magna, ut etiam ignem de caelo faceres descendere*. Adde quod *ἐξουίας* vocabulum, quo hoc loco Beatus Ioannes utitur, vix vnquā pro opibus, & potentia apud Græcos vsurpatur. Et verò quādo vnquā Romanus Pontifex, quem isti Antichristū, atque posteriore hac bestia notatum putant, parē Romano Imperio temporalem potestatem obtinuit? quā seculari potentia, quibus militibus, quibus armis Imperium

perium transfudit ad Germanos? Aut quæ prioris bestię potentia in posteriore fuit? si neque illa spiritualem vnquam, neque hæc temporalem obtinuit? Non sciscitabor vbi toto hoc capite Spiritus sanctus hoc dixerit; illud sciscitor, quibus iudiciis, quibus coniecturis, quæ speciem modò aliquam veritatis habeant, id suspicari potueris? *Ita ha dua bestia comparantur, vt posterior priorũ fracta iam & collapsa imaginem instauratura sit?* imo verò ita, vt florentis ac felicissimę imaginẽ faciendam curatura sit; quo ea maiore in veneratione apud omnes habeatur. Prius enim fecisse scribitur, vt priorem ipsam bestiam, terra atque habitantes in ea venerentur; quo nihil potest esse florentius: deinde vt eius etiam imaginẽ adorarent. *Quare quod cap. 10. sect. 1. scribis his verbis: Pertusa (Posterior bestia) bestia priorũ, & volẽs magnificentiam eius alio transferre; imaginem eius effingendam curauit:* tuum, qui teterimo plenus spiritu vaticinari, ac furere solitus es, non Beati Ioannis vaticinium est. Quæ enim ratione consequens est, si posterior prioris bestię effigiem effictura, atque propositura est omnibus gentibus adorandam; id eius tædio esse facturam? An tu tã es non modò omnis eruditionis expertus; verum etiam vitæ communis ignarus: vt si minus legeris veterũ Imperatorum effigies olim in præcipuis Imperij vrbibus collocari, iisque honorem haberi consueuisse: at fando quidem certè audieris, eum morem iam inde ab antiquissimis temporibus tenuisse; vt magnis, ac præstantibus viris statuz ponantur honoris causa? At si hæc ignorabas, tantumne te etiam stupor oppresserat; vt ne ea quidem intelligeres, quæ disertè à Beato Ioanne mandata litteris, lectorem modò requirebant. Age enim (quando, quia tria verba gracula vtcunque garrere didicisti;

cisti; græcus tibi esse videris) cùm dixit sacri vaticinij scriptor persuasisse posteriorem hanc bestiam habitantibus super terram *καὶ ἐν ἡμέραις τοῦ θ' αἰῶνος*; quid aliud cogitare potuisti cum sibi iis verbis voluisset; quam vt honoris causa bestię statuat ponerent? quid est enim aliud alicui statuat, vel imaginem facere? sed tu velabus Latinorum in vocabulo bestię casuum ambiguitate, qua sit vt dignosci non possit dandine casu, an gignendi nomen positum sit, apertissimum scripturę sensum peruertere conatus es; vel stupore, ac debilitate animi non vidisti, quod neminem latere poterat, qui modò græcè nosset legere.

Illud verò ad rem tuam, aptissimè maximeque accommodatè subiecisti; *Qui duas has bestias in vnā confundere tentauerit, eum imperitè facturum: cum non intelligat rem vnā se ipsa priorem sibi, originem simul, & imaginem esse nō posse.* Quibus verbis, vt es acutus, & perspicax, in duplicem te laqueum induisti. Alterum quod capite vndecimo sect. 22. posteriorem hanc bestiam ita cum priore confundis; vt esse eam velis è capitibus eius septimum. Quare nisi caput auferas bestię, truncumque relinquas; non potes posteriorem hanc bestiam à priore seiungere. Et verò qua ratione negare id possis? qui plus millies docueris bestiam septicipitem Romanum Imperium esse, cuius septimum caput sit Antichristus? quē tamen posteriore hac bestia designari existimas. Quid igitur moliaris, quo te cunque vertas, non potes effugere, quin concedas, posteriorem bestiam ad priorem, quippe cum vnum sit ex eius capitibus, pertinere. Neque verò cum negas in vnā duas hasce bestias confundi oportere; id agis vt duas quasdam bestias B. Ioanni obiectas esse non dubitemus: neque si tu id non dices;

res; ideò dubitari posset de re tam luculenter expressa: sed id tibi cōsiliū est, vt persuadeas posteriore bestia aliquid significari, quod expressum priore non fuerit: at Antichristuscū, te auctore, vnum sit ē septem bestiarū capitibus, obiectu eius satis demonstratus est. Negabis opinor satis significari persecutiones, ac rabiem eius in Ecclesiam eo portento potuisse. Sed quid impediuit, quominus quæ acta narrantur à posteriore bestia, ea septimo eiusdem bestiarū capiti tribuerentur? Certè si ista esset loci huius interpretatio; multo melius allegoriarū huius series sibi constaret; si ea de septimo primæ bestiarū capite scripta essent, quæ de bestia posteriore narrata sunt. Nunc autē vt amphitruonæus ille Sosias, congeminat, & secū ipse pugnat & sibi irascitur, ociosus idē, idē actuosissim⁹ Antichristus. Terrenus hic Antichristus (Nā alter ille, qui in prioris monstri capitibus septimus est, vna cū bestia ipsa emerit ē mari) & grauitè sauciato capiti medetur, & signa facit in conspectu bestiarū, & parem cum ea potentiam obtinet; eamque pertæsus aliquando, nescio quod eius simulacrum molitus, eo magnificentiam eius transfert, & vendentes, atque ementes omnes ad gettandum bestiarū charactèrem compellit. Stertit interim ille alter Antichristus, qui est domi; nequicquam proximi sibi capitis calamitate, ac vulnere commouetur: nihil agit, nihil molitur, nihil cogitat, quo vel terrenum illum se ipsum in totam bestiam fauentem permarino sibi placet: vel sexti gloriam capitis sibi retineat. Er has tu mihi tam inanes, tam commētias fabulas pro Dei verbo obtrudis? neque vereris maiestatem scripturarum ad anicularum deliramenta deducere? Quid aliud Ethnici fingerent, vt pondus earum auctoritatis apud multitudinem eleuarent? Altera

h

verò

verò illa tua acutula ratio, qua concludis. Si quis priorem cum posteriore bestia confundat, cum non intelligere rem vnam se ipsa priorem, ac posteriorem, sibi que originem simul, & imaginem esse non posse: præter vnum te neminem potest lædere. Nam nostra quidem interpretatio longissimè abest ab istis ineptiis, vt ad eã rationem hanc non magis aptare possis; quàm saxa mādere. Qui enim priore bestia Antichristum, posteriore accēsum eius intelligimus; qui pellaci oratione, prodigiisque mendacibus ita homines ad cultum, ac venerationem Antichristi incitaturus sit; vt in errorem inducat, si fieri potest, etiam electos, ac paucissimi relinquuntur, qui in fide, ac dilectione permaneant: Neque eo contentus illud etiam persuasurus sit hominibus; vt Antichristi simulacrum diuinis honoribus consecrent; quoque eam superstitionem alacrius obeant, ita magicis artibus miseræ multitudinis sensibus illusurus est; vt respondente in eo Satana, viuere, ac loqui simulacrū existimet. Qui igitur hunc locum ita interpretamur, quid nobis ab istis tuis imaginibus, originibusque timeamus? At tu, cui Antichristus vnum est è septem capitibus, neq; tamen diuersus aut à posteriore bestia, aut ab imagine bestię: vt te è tuis istis plagis extricare possis, considera. Aut enim nihil ista ratiocinatiuncula concludes; aut te ipse confodies. Quam enim imaginem cōfundi negas oportere cum priore bestia? eam ne, quam posterior bestia faciendam, atque adorandam curabit? se ipsa igitur prior, ac posterior erit posterior bestia; quæ quia imaginis eius origo, atque auctor est, imagine prior esse necessariò debet; quia verò ab imagine non distinguitur, si prior est, se ipsa vtique prior est. Quod si posterior illa bestia, ita imaginem efficere posse tibi videtur;

detur; vt postea in eam se se penitus induat, neque quicquam discriminis deinde relinquatur inter effectum, & causam: cur idem dici de bestia priore non poterit?

Et quando huc ipsa nos disputatio prouexit; libet antequam locum hunc claudam, sciscitari ex Abbato, quid tandem ista imagine existimet à Spiritu sancto denotari voluisse? Antichristi potestatem, inquit, sit ita sanè, quando tibi tanto scripturarum interpreti ira videtur. Sed quam? quàmnam Antichristi potestatem significari opinaris? eam ne, quam sect. 2. cap. vndecimi spirituale imperium Pontificis vocas, ac fusè prosequeris? at potestatem istam, vel confitente te iam tum obtinebat Romanus Pontifex; cùm de translatione Imperij cogitauit. *Repetendum est*, inquis, *quod supra vidimus, duas apud Ioannē bestias describi, quarum altera imaginem alterius ad viuum exprimit* (falso id quidem, nam hoc apud Ioannem nunquam inuenies) pergis. *posterior priorem potentia equasse dicitur, faciens quicquid poterat prior bestia etiam in conspectu ipsius; & quidem tanta potentia fuisse describitur, vt priorem bestiam vulnerē letali penè mortuā sanaret, & statum eius collapsum repararet.* Obtinebat tū, cum Pipino Francorum regnum attribuit; obtinebat tum, cùm Leonem Isauricum propter hæresim vestigalibus primum Italiæ, deinde etiam possessione spoliavit. Qua igitur ratione tu ipse coactus ipsa vaticinij serie scribis imaginem hanc post translatum Imperium, & curatam plagam prioris bestię efficiā fuisse? sic enim post ea verba, quæ modò retulimus, proximè subdis. *Postea verò pertasa, vt videtur, bestia prioris, & volens magnificentiam eius alio transferre, imaginem eius effingendam curauit, ei que spiritum inflauit, &c.* Nimirum ne sibi qui-

dem ipsum mendacium facile constat. Addis tu quidē, ut responsionem tuam fulcias, nescio quid aliud, sed insulsum, ac frigidum more tuo. *Molestē serens*, inquis scēt. eadem, *Imperatoris parere, quem ipse fecerat, excussit iugum subiectionis, & Imperatorem Romanū vrbe Roma exulare iubens, simulacrum quoddam Imperij in se, ac suis ibidem erexit: & tumultu, ac tyrannide perfecit; ut Roma iterum Ecclesia nomine omnibus imperaret.* At nisi te tuæ istæ intemperix humanis planē sensibus spoliarent, ista somniare qui potes? age enim, Roma expulso, ut tu mentiris, atque exulare iussu Imperatore spiritualisnē, an temporalis Imperij caput effecta est? Nam spiritualis quidem caput, ac sedes tunc esse cœpit, cū primum spirituales potestatem Pontifex Romanus obtinuit; quod longē ante translatus Imperium factum esse, vel confessione tua paulo suprā docuimus. Et verō aliquot etiam sæculis ante, quā Bonifacius Gregorio Magno succederet, sanctus Leo sermone primo de Natali Apostolorum hunc Ecclesiæ principatum Romæ concedit, eiusque originem ab Apostolis repetit. *Isti sunt*, inquit, *(Petrus, & Paulus) qui te (Roma) ad hanc gloriam prouexerunt; ut gens sancta, populus electus, ciuitas sacerdotalis, & regia per sacram Beati Petri sedem caput orbis effecta; latius præsideres religione diuina, quam dominatione terrena. Quamuis enim multū aucta victoriū ius Imperij tui terra, mariq; protuleris: minus tamen est, quod tibi bellicus labor subdidit; quā quod pax Christiana subiecit.* Temporalis autem Imperij caput Roma si vsq; ad ea tempora fuisset; tunc esse potius desisset, cum ab Imperatoris ad Pontificis iura translata est. Quando enim vnquā Romanum Pontificem aut timuit, aut veneratus est orbis terrarum, quod vrbs Roma, ac nonnulli alij Italiæ populi eius dirioni parerent? quan-

quanquam iam inde ab Imperio Constantini Imperij
sedes Roma vix vnquam fuit; neque alia ratione Roma-
ni Imperatores dicti deinde sunt, quàm quod populi
Romani iure regnarent. Quo iure, postquam in Pon-
tificis potestatem vrbs venit, non magis exciderunt
Romani Imperatores, quam vrbe ab Alarico capta Ho-
norijs Theodosiusque exciderint. At enim honores
Imperatori deferri solitos sibi deinde Pontifex depo-
poscit, huc enim capitis 11. sectione 21. neque rarò ali-
is in locis reuocas imaginem illam prioris bestię, quam
colendam, venerandamque posterior illa proposuit.
Sed frigidum hoc tuum effugium, ipsa confutat ratio
temporum. Nam ante translatum Imperium, in eadem,
qua nunc est, veneratione fuisse apud Christianos Ro-
manum Pontificem, satis testantur centuriatores tui,
quorum ea sunt verba centuria 8. cap. 10. col. 724. Pi-
pinus, & Carolus filius eius in terram prostrati pedes e-
ius (Stephani Papę) osculati sunt; & Stapedes eius ap-
prehenderunt, & frænum equi illius tenentes stratoris
officia ei præstiterunt: igitur aut imago bestię multò an-
te efficta, & culta est, quàm medicina saucio capiti qua-
reretur, quod ne tu quidem affirmare audes, adeò per-
spicua est vaticinij series: aut imago bestię non ista est,
quam tu tibi per insaniam fingis. Quid autem est quod
tantopere vos conturbat, si quę Spiritus sanctus tanto
ante tempore Isaia 49. de Ecclesia cecinit, ea nunc vide-
tis impleta. *Lenabo, inquit, ad Gentes manum meam, &
ad populos exaltabo signum meum, & afferent filios tuos in
vlnis, & filias tuas super humeros portabunt, & erunt Reges
nutricij tui, & regina nutrices tue: vultu in terram demisso
adorabunt te, & puluerem pedum tuorum lingent, & scies,
quia ego Dominus super quo non confundentur, qui expectant*

um. Sed lucem, quam non possunt aspicere, lippi oculi auersantur; ac perstringit inuidorum animos splendoralienus. Cruciat vos Ecclesiæ dignitas, & amplitudo, & Christum, in quem, quia eius causa minimis eius defertur, honor hic, veneratioque redundat, coli nō fertis. Abdicata Christi gloria gloriam hominum queritis; & ceruicibus Ecclesiæ humanæ potestatis iugum imponitis; quæque non modò sæcularia, verum etiam Angelos iudicatura est: eam sæcularibus tribunalibus sistitis. Antichristum vocatis, si quis eius iura, ac dignitatem tueatur. Hæc dum agitis, dumque ita delectat vos improprium crucis Christi: vt gloria resurrectionis eius offendant: quorum tandem operibus consentitis? quorum vos filios proditis? quo spiritu agimini? conne qui dicit anathema Iesu? an eo, qui dicit; qui non diligit Dominum Iesum anathema sit?

A.
De Miraculū Antichristi.

Et fecit signa magna, ita vt etiam ignem faceret de celo descendere in terram in conspectu hominum. Ex hoc loco argumentum contra aduersarios petimus, in quo dissoluedo mirandum in modum laborant. Sed gordianus hic nodus est; qui nisi præcidatur solui non potest. Si enim Antichristi, quæ hic memorantur miracula, Romanus Pontifex non edidit; Antichristus profectò esse non potest. Cùm autem in Antichristi miraculis ea etiam numeramus, quæ posteriori bestię tribuit sacri vaticinij scriptor: non ita dicimus, quasi posteriorem hanc bestiam cum priore, apparitorem Antichristi cum Antichristo ipso confundamus. Sed quia neque aliam potestatem posterioris bestię, quàm qua prior erat prædita, Beatus Ioannes agnoscit; *Potestatem*, inquit, *prioris bestię omnem faciebat in conspectu eius*; vt quæ à posteriore bestia facta scribuntur, eadem factura prior quoque

quoque bestia satis intelligatur. Et quemadmodum, quæ Apostoli ad confirmandum Euangelium in Christi nomine perpetrarunt, ea Christi miracula esse dicimus: ita quæ hic eius accensus ad confirmandam Antichristi superstitionem, & gloriam promouendam facturus est, Antichristi miracula dici possunt. Quanquam si Abbati interpretationē spectemus, quia posterior bestia Antichristum illi significat: hæc ipsemet Antichristus, non quisquam alius eius nomine editurus est miracula. Sed utcunque interpretari maluerit; nisi ostendat quando Romanus Pontifex ignem publicitus deuocauit è cœlo, quando imagini spiritum vitamque dederit, quando eam proposuerit adorandam: nunquam ostendet Antichristum eum esse. Hoc ille nodo cum strangulari se cereret; longissimam ea de re disputationem instituit cap. 11. à sect. 16. ad 25. vsq;. Ac primū per calumniam eleuare miraculorum fidem nititur: quæ quotidie in Ecclesia Catholica per seruos suos, tum viuentes, tū mortuos Dominus operatur, eaque vel ad fraudem, ac dolos hominum; vel ad ipsum mēdacij patrem Diabolum reuocare. Vetus hoc aduersariorum Christi effugium est, cum eius se miraculis opprimi cernerēt; quod ad eorum heredes transire cum impietate debuit, ut impleretur quod scriptum est. Si Patrem familias Beelzebub vocauerunt; quanto magis domesticos eius? Certè Dominus cū ascensurus esset ad Patrem, hoc Ecclesie suæ pollicitus est (nisi fortè etiam Marcus, ut nobis faueret, fidem prodidit) signa eos qui crediderint sequutura, neque eam promissionem vllis aut temporū, aut locorū spatiis clausit. non solis Apostolis, nō Apostolicis temporibus hoc tribuit, qui ita pronunciauit, *Signa eos, qui crediderint, hæc sequentur: in nomine meo De-*
monia

monia efficiunt. esse igitur in Ecclesia verè, fideliterque credentium debet vera miraculorum gloria; quæ & si non per quemlibet fidelium Dominus operatur, sicut ne Apostolicis quidem temporibus: Ecclesiæ tamen communis est gloria: quia totius corporis ea actio est, quæ per membrum quodcunque corporis exercetur; atque ita credentium omnium ea miracula sunt; quæ edita per membra communi spiritu animata, communem omnium adstruunt fidem. Ostendat igitur nobis Abbatas quæ alia in Ecclesia miracula fiant: apud quos hæc Domini promissio perseueret: qui cautionem hanc Christi Domini oraculo confirmatam apud se teneant: actum demum nostrorum miraculorum fidem in dubium reuocet. Nam si apud nos vnos miracula fiunt; qui de iis dubitat, de fide Euangelij dubitat. Quanquam id quidem Calvinianis neq; noui neq; insolens est. quib. fides nō ex auditu, sed ex arbitrio est. Ex quo apertissimè patet, quam non modò parum fideliter, verum etiam stultè hunc ipsum locum tractans in præfatione institutionis suæ Calvinus; nobis obiiciat Augustinum 2. de vnitæte Ecclesiæ cap. 16. à quo, ne Magistro suo aut ineptia, aut impietate concederet, imposturam hanc mutuatus est Abbatas, qui eo etiam turpius ea in re peccauit: quod cum verba ipsa Augustini proferret, ne facerent negotium, quædam omisit. Cum enim Donatistæ nescio quæ mirabilia suæ communionis hominum protulissent; quibus probarent veram Ecclesiam à se stare; neque facillè posset Beatus Augustinus illam vel Dæmonum, vel hominum imposturam reuincere: contra iis ipse quoque obiicit miracula, quæ passim fiunt in Ecclesia Catholica. Et cum vtrinque mirabilia quædam affeirentur: negat iis aut posse aut debere quæstionem decidi.

decidi. Quare cùm ea dixisset, quæ pro se citat Abbat, quibus ostenderet fieri posse, vt nonnulla mirabilia etiam apud impios, atque infideles vel fraude Dæmonum, vel alia ratione contingant; ea etiam subdit, quæ, nisi oculos sibi ipse vellet effodere, proferre Abbat non poterat. *Virum isti (Donatistæ,) inquit, Ecclesiam teneant: non nisi de diuinarum scripturarum canonicis libris ostendant. Quia nec nos propterea dicimus nobis credi oportere, quod in Ecclesia Christi sumus; quia ipsam, quam tenemus commendauit Milenitanus Optatus, vel Mediolanensis Ambrosius, vel alij innumerabiles nostra communionis Episcopi; aut quia nostrorum collegarum conciliis ipsa predicata est; aut quia per totum orbem in locis sanctis, quæ frequentat nostra communio, tanta mirabilia vel exauditionum, vel sanisatum fiunt; ita ut latentia per tot annos corpora martyrum, quod possunt à multis interrogantes audire, Ambrosio fuerint reuelata, & ad ipsa corpora cæcus multorum annorum ciuitati Mediolanensi notissimus, oculos, lumenq; receperit: aut quia ille somnium vidit, & ille spiritu assumptus audinit, sine ne intrares in partem Donati, siue ut recederes à parte Donati. Quæcumq; talia in Catholica fiunt; ideo sunt approbanda, quia in Catholica fiunt: non ideo illa approbatur Catholica, quia hæc in ea fiunt. Quo loco non vrgebo sanctorum locorum religionem, venerationem reliquiarum, miracula martyrum diuinis reuelationibus, veteris Ecclesiæ usurpatione, approbatione, fide, Augustini testimonio confirmata. Illud ago, vt omnes intelligant; quàm alienus à vestra insania sit Beatus Augustinus, ex quo vbi trunca quædam, & mutisa protulistis: tanti viri nomine ad illudendû simplicitati multitudinis abutimini. Ille quidem certè & multa, & magna miracula fieri in locis sanctis, atque ad reliquias martyrum testis est, eaque vel eo nomine ap-*

i proban-

probanda censeat, quod in Ecclesia Catholica fiunt & Donatistarum opponit præstigiis. Sed quia, ut iam antè dixi, cum vtrinque miracula proferrentur, neque facile esset dignoscere, vtra tandem vera, vtra in speciem tantum miracula censenda essent: aliam inuit rationem pugnandi cum iis; qui hoc armorum genere pares fortasse videri poterant.

Postulas deinde Nazarenorum more, ea apud vos etiam fieri, quæ facta audistis apud eas gentes, quibus nunc primum Euangelij lumen infertur. Sed quorum par non est causa, ne conditio quidem par esse debet. Illi non tam consilio, ac voluntate sua, quàm rerum diuinarum ignoratione versantur in tenebris: vestra vos incredulitas, atque malitia excæcauit: neque vos, qui spontè compressis oculis dilexistis magis tenebras, quàm lucem, emollirent miracula, sed obdurarent. Quare id incredulitas vestra suppeditat nobis ad respondendum, quod Euangelistæ scribunt, propter incredulitatem ciuium suorum signa, ac virtutes dominum facere apud eos non potuisse; cùm tamen alibi virtus de illo exiret, & sanaret omnes. Neque tamen reliquit se ipsum sine testimonio, qui quamuis generationi illi peruersæ, atque adulteræ, ut olim Iudæis signa quærentibus denegarit: non negauit tamen signum Ionæ Prophetæ. Quotidie conuenitis in vnum aduersus Dominum, & aduersus Christum eius. Initis consilia, ut mittatis lignum in panem eius, & eradat is eum de terra viuentiũ, & nomen eius non memoretur apud vos amplius: mēbra eius exiliis, carceribus, vinculis, bonorum proseriptione conficitis, verberibus conscinditis, equuleis distenditis, nouis cruciatuum formis, quas odio religionis, & nocendi cupiditate stimulata crudelitas subinde excogi-

excogitat, laniatis. Denique sancti martyres propter ipsum mortificantur tota die, æstimati sunt sicut oves occisionis. Quæ vrbs, quod oppidum, quis vicus, quis pagus in Anglia nostro Catholicorum sanguine non redundat? & cum quotidie in membris suis proscribatur, addicatur, lanietur, occidatur Christus à vobis; semper tamen viuacior surgit è funere, atque irrigata suo sanguine Ecclesia reuirefcit. Vetus hoc est Christianorum elogium; cadere singulos, vt multiplicati resurgant. neque minui persecutionibus Ecclesiam; sed augeri. Nos morimur; sed vos nostra morte deficitis. Vestræ superstitionis est damnum, quicquid Ecclesiæ demitis. purgatur palmes, vt fructus plus afferat. nullis sulcis Euangelium melius creditur, quàm quos in sanctorum carnibus persecutorum immanitas exarauit. Vocalis est sanguis martyrum, qui è terra clamans exauditur in cœlo: & plerunque quos flectere Euangelij verbum nō potuit; prædicatio sanguinis emolliuit. Cedite aliquando Deo: credite diuinis oraculis, impossibile est teneri Christum ab Inferis, aut sanctum Dei videre corruptionem. Cur fremitis? cur inania mediramini? Adeò inuictus est martyrum sanguis; vt non modò in honorem conuertat triumphi etiam instrumenta supplicij: sed diligente Deo, quæ firma sunt mundi, vt fortia quæque confundat, attactis etiam paleis, quasi validissimis arctibus Satanæ munitiones expugnet. Quantum vobis? quantum vestris magistratibus? quantum regio consilio admirationis attulit? quantum terroris incussit? quos tota Anglia motus excitauit animorum Garnetiana illa palea, in qua cœlesti artificio sanctissimi, ac fortissimi viri sanguis expressit effigiem? vt in sanguine suo viuens iustus mortuus, viuos impios condemnaret; do-

cereretque piorum hominum non animos modò, sed ipsam etiam mortem fide animatam viuere, & caritate vegetari. Itaque vir egregius, qui admirabili patientiæ ac pietatis exemplo multò plus Angliæ moriens profuit, quàm viginti ipsos annos maximo popularium suorum bono in summis laboribus Euangelij causa latitās profuerat: multò magis, quàm vnquàm antea muros Iericuntinos palea concutit, & clamore Beati sanguinis labefactat. Et miracula à nobis requiritis, qui hæc tanta, tam testata, tam certa tenetis manibus, neque creditis? Sed vide quàm tibi ipse non constes, si hæc apud nos mirabilia sunt, quæ quia negare non pòtes facta, auctorem eorum Satanam esse calumniaris: cur ea in Anglia quoq; ac vobis inspectantibus fieri postulas? multumne interesse existimas hoc, an illo loco aliquid fiat, dum factum sine controuersia constet? aut miracula Christi Domini minoris ducis, quia in Iudæa, non in Anglia edita sunt? An verò difficile futurum existimas siue Deo, siue Satanz, eorum similia in Anglia atque Brittania facere, quæ aliis in locis ediderit? verebitur scilicet os istud importunum, & ferreum, quisquis ille est auctor miraculorum: vt exercere vires suas te presente non audeat. Quod si miraculis fidem abrogas, neque te constans omnium hominum vermo, ac testificatio mouet (cui enim hominum Angelorumue fidem habeas; qui Deo negaueris?) vbi igitur illa Antichristi prodigia, quæ constanter in scripturis omnibus prædicata, cum negare non posses, centuriatores sequutus, ad ea, quæ sunt in Ecclesia Catholica reuocasti? Vtrum igitur mauis? tene stultè postulare, vt apud vos edantur miracula; an Antichristum carere signis atq; prodigiis? Sed neque illud ab ista vecordia, ac moribus alienum est,

est, cum vestra omnis sapientia tempori maximè seruiat; neque cùm opportunū fuerit, hoc magnoperè moraberis.

Accedis deinde propius scēt. 20. ad ea signa, quæ hoc loco commemorantur ab Antichristo facienda. Atque ut tibi more vestro ad allegoriam reuocare omnia liceat; notas ex Hieronymo (quæ tu scilicet tãti facis; ut tibi in hoc Antichristi negotio velut euulsis oculis cæcutire videatur) Apocalypsim tot habere Sacramēta, quot verba, ac totam esse spiritualiter intelligendam. Infelix etiã mne cùm cap. 17. septem montes commemorantur, in quibus meretrix sedeat? etiã mne cùm meretrix illa dicitur esse ciuitas magna, quæ habet regnum super reges terræ? etiã mne cùm à decem illis regibus futurum prædicitur excidium Babylonis? quæ tu tanta verborū pompa pro tua causa protulisti. Quod si hæc Hieronymo ipso interprete, teque in primis assentiente, propriè accipienda sunt; quid est, quod insanias, ut quod ille hyperbolicè scripsit in primis propter Chiliastarum errorem; hoc tu tam pressè accipiendum contendas; ut tibi oculos eruas? quod si multa sunt allegoricè, nonnulla etiam propriè intelligenda: qui tandem nosti, quæ hoc loco scribuntur; ea propriè accipi non oportere? *Quia eodem modo, inquis, offerere poteris, nō pluiturum tempore Antichristi: quia Enoch, & Elias, ut tu vis, claudunt cælum, ne pluat in diebus prophetia ipsorum. Et Enochum, & Eliam esse negaueris, ubi venerint, quia ignes de ore non expuunt, nec aquas in sanguinem conuertunt; quia illos hac facturos scriptum est, quæ si sunt absurda, ut sunt: disce spirituale aliquid esse ignem illum Antichristi.* Non miror Caluiniāno homini absurda videri ea, quæ alias iam facta scriptura diuina commemorat. mirarer si quicquam esset in

facris oraculis, quod palato illi saperet. Age homo per-
dite, qui non modò factis, quod omnium tui similium
est, sed verbis etiam nosse te Deum negas. inficiari ne
potes, scriptum esse in sacra Regum historia, idque de-
inde ipsius Christi oraculo primùm in Euangelis, tum
Apostolicis Epistolis confirmatum, effectum esse, Eliæ
precibus, quo tempore is cum hominibus versabatur;
ut tribus annis, ac sex mensibus ne plueret? Quid illud?
negabis ne iisdem litteris proditum esse, Quinquagena-
rios illos Eliæ Imperio igne de cœlo de lapso cum suis
militibus esse cōsumptos? aut verò ignem ex ore vibra-
re commodè dici non posse videtur is, cuius Imperio
depluat? Quid? nonne Moyses ipse mandavit litteris,
aquis à se conuersas in sanguinem, cùm missionem po-
puli, quam impetrare non poterat, ab impio rege cala-
mitatibus extorqueret? Aut igitur mentitur scriptura,
quod te pro tua in Deum fide velle non dubito, aut si
hæc aliàs facta sunt; neque absurda, neque incredibilia
sunt: Nisi fortè abbreviata est manus Domini, ac pote-
stas eius exhausta: ut quod semel fecit, repetere nequa-
quàm possit. Sin autem id patrare se velle contestatur
Spiritus sanctus, quod quia alias præstitit, & præstare
potest; neque præstari absurdum est: Quid hæc quasi no-
ua, inaudita, absurda, puerilia nobis obiicis? ac fidei no-
stræ simplicitatem derides; quod verba Dei qua par est
veneratione suscipimus, ignem intelligentes, quem is
ignem vocat, & aquas, aquas, & sanguinem sanguinẽ?
Sed vos quorum sua cuique libido Christus, atq; Euan-
gelium est; quo liberius in quancunque partem animo
vestro collibitum fuerit scripturas trahere liceat, in ea-
rum interpretatione, allegorias adamastis.

Secluxit

Seducit habitantes in terra propter signa, quæ data sunt ei facere in conspectu bestia; dicens habitantibus in terra, ut faciant imaginem bestia, quæ habet plagam gladij, & vixit. & datum est illi, ut daret spiritum vitæ imagini bestia, & ut loquatur imago bestia, & faciat, ut quicumque non adorauerint imaginem Bestia, occidantur.

Quid imagine Bestiæ intelligat Abbat, supra cùm de superiore bestia disputarem, attulimus; apertissimeque docuimus deliramenta ea esse hominis minimè sobrii; non vaticinia Beati Ioannis. quo etiam loco interpretationem nostram, postulante id ipsa disputatione, satis indicauimus; ut repetere non sit opus. Vnum illud est reliquum; ut vnicam Abbati, eamque ridiculam obiectionem diluamus. *Secundum miraculum*, inquit, *sect. 21. à Bellarmino commemoratur, quod faciet, ut imago bestia loquatur. Quod ille de statua, siue simulacro aliquo intelligit, cui vim loquendi Antichristus daturus est. Oblitus imperatorum Antichristum; ut adorent homines imaginem hanc, cum ipse defendat Antichristum Idolorum adorationem omnem prohibiturum, nec passurum, ut ulli siue simulacro, siue numini cultus religionis deferatur; præter quam sibi. Quo loco dum obliuionis accusas alium; insaniam tuam prodis Abbate. Quid enim? videtur tibi necessarium consequi, si quis quenuquam alium coli præter se vetet; cum ne suam quidem imaginem coli passurum? an ignoras honorem eum, qui simulacro defertur, in prototypum redundare? An cum Nabuchodonosor apud Danielem statuam suam diuinis honoribus coli voluit; aliquid sibi venerationis detrahi, non religiosus coli se ea superstitione existimauit? Aut verò, cùm Laureata sua præfisci Imperatores mitterent; atque imagines in præcipuis Imperij vrbibus honorari præceperent;*

rent; minuebant, ac non augebant potius maiestatem suam? Nullius ille quidem Dei cultum in Imperio suo passurus est, qui vnum se instar numinis haberi velit; ob eamque rem eam omnem idololatriam exterminabit; quæ ad alterius numinis venerationem referatur: at se in suis imaginibus coli, nisi suum sibi honorem inuidere dicatur, non modò non grauatè feret; sed etiam gratanter accipiet. Atque equidem existimo, nondum parto Imperio, dum Iudæis probare se, atque eorum opera occupare tyrannidem studebit: omnis idololatriæ odium simulaturum esse: mox ubi rerum potitus, tum rerum gestarum, tum fortunæ magnitudine præstrinxerit oculos hominum: tum demum, vt olim Alexandrū, diuinos sibi, suisque imaginibus honores, & ipsum per se, & per amicos expetiturum.

Porrò quod ad prodigium ipsum attinet, id ita interpretatur Abbatius scē. illa 21. *quando leges iubere capis Ecclesia Romana; tunc loqui cœpisse statuum: stante orbe tanquam arreētis auribus; & quid ab illa præciperetur auscultante.* At si ita est, longè ante Bonifacij tempora imago hæc loquuta fuisse dicetur. extant enim plurima decreta, constitutionesque Gregorij Magni, extant decretales Leonis Magni Epistolæ; extant vetustissimorum Pontificum, atque eorum ipsorum, qui Ecclesiam proximè ab Apostolis gubernarunt, plurimæ sanctissimæque sanctiones. Anacletus quidem certè Domitiano Imperatore, hoc est, necdum etiam è viuīs sublato Beato Ioanne, Pontificatum iniit. is Epistolam decretalem scripsit, vbi multa constituit de iis, qui sacerdotes accusant; de Episcopis sacrificium offerentibus; de peregrinis, & prouincialibus iudiciis; deque appellationibus oppressorum Tomo 1. conciliorum, Epistola prima Anacleti,

Anacleti, quam vnam ex omnibus tum eius, tum ceterorum eius ætatis Pontificum, Epistolis profero, quia Canonem ex ea desumptum à Gratiano in decreto de consecratione distinct. 2. Can. peracta, Calvinus in præfatione Institutionis pro se citat; quamuis, vt in notis ad eam præfationem animaduertimus, Gratiani deceptus in scriptione, Canonem illum Calixto, & vetustissimo Pontifici, & Martyri tribuerit. Vides quam multis ante sæculis hæc imago loquuta sit: quam vestris etiam fabulis edolatus existeret Antichristus?

Et faciet omnes pusillos, & magnos, & diuites, & pauperes, & liberos, & seruos habere characterem in dextera manu sua, aut in frontibus suis; & ne quis possit emere, aut vendere: nisi qui habet characterem, aut nomen bestia, aut numerum nominis eius. 6.
De chara-
tere Be-

De numero nominis bestia libro 2. non nihil disputatum est, vt eodem redire necesse non sit. Restat vt de Characterẽ dicamus. Nos hæc ita, vt scripta sunt, intelligenda existimamus; quia si ita intelligantur; nihil aut absurdum, aut alienum continent à veterum Tyrannorum, atque ab hominum consuetudine alienum. Nam neque externas internæ fidei notas gestare, abhorret ab humana consuetudine; neque nouum, aut inusitatum Tyranniseß, communi hominum iure, ac mutuis Societatis officiis spoliare fideles; eorumq; religioni cuniculis insidiari. Huc spectant eæ in primis Iuliani leges, quas lib. 10. cap. 24. commemorat Nicephorus, quibus foro, Iudiciis, aula, militia, ipso propemodum humano commercio Christianis interdictum est. Adde immanes pecuniarum solutiones, eo nomine Christianis impostas, quod Deos venerari recusarent. Cuius vos, vt impietatem, & defectionem ab Ecclesia; ita leges

k

imita-

monia efficiunt. effe igitur in Ecclesia verè, fideliterque credentium debet vera miraculorum gloria; quæ & si non per quemlibet fidelium Dominus operatur, sicut ne Apostolicis quidem temporibus: Ecclesiæ tamen communis est gloria: quia totius corporis ea actio est, quæ per membrum quodcunque corporis exercetur; atque ita credentium omnium ea miracula sunt; quæ edita per membra communi spiritu animata, communem omnium adstruunt fidem. Ostendat igitur nobis Abbatas qua alia in Ecclesia miracula fiant: apud quos hæc Domini promissio perseveret: qui cautionem hanc Christi Domini oraculo confirmatam apud se teneant: actum demum nostrorum miraculorum fidem in dubium reuocet. Nam si apud nos vnos miracula fiunt; qui de iis dubitat, de fide Euangelij dubitat. Quanquam id quidem Calvinianis neq; noui neq; insolens est. quib. fides nō ex auditu, sed ex arbitrio est. Ex quo apertissimè patet, quam non modò parum fideliter, verum etiam stultè hunc ipsum locum tractans in præfatione institutionis suæ Calvinus; nobis obiiciat Augustinum 2. de vnitate Ecclesiæ cap. 16. à quo, ne Magistro suo aut ineptia, aut impierate concederet, imposturam hanc mutuatus est Abbatas, qui eo etiam turpius ea in re peccauit: quod cum verba ipsa Augustini proferret, ne facerent negotium, quædam omisit. Cum enim Donatistæ nescio quæ mirabilia suæ communionis hominum protulissent; quibus probarent veram Ecclesiam à se stare; neque facillè posset Beatus Augustinus illam vel Dæmonum, vel hominum imposturam reuincere: contra iis ipse quoque obiicit miracula, quæ passim fiunt in Ecclesia Catholica. Et cum vtrinque mirabilia quædam afferrentur: negat iis aut posse aut debere quæstionem decidi.

decidi. Quare cùm ea dixisset, quæ pro se citat Abbat, quibus ostenderet fieri posse, ut nonnulla mirabilia etiam apud impios, atque infideles vel fraude Dæmonum, vel alia ratione contingant; ea etiam subdit, quæ, nisi oculos sibi ipse vellet effodere, proferre Abbat non poterat. *Utrum isti (Donatistæ,) inquit, Ecclesiam teneant: non nisi de diuinarum scripturarum canonicis libris ostendant. Quia nec nos propterea dicimus nobis credi oportere, quod in Ecclesia Christi sumus; quia ipsam, quam tenemus commendauit Milenitanus Optatus, vel Mediolanensis Ambrosius, vel alij innumerabiles nostra communionis Episcopi; aut quia nostrorum collegarum conciliis ipsa predicata est; aut quia per totum orbem in locis sanctis, quæ frequentat nostra communio, tanta mirabilia vel exauditionum, vel sanitatum fiunt; ita ut latentia per tot annos corpora martyrum, quod possunt à multis interrogantes audire, Ambrosio fuerint reuelata, & ad ipsa corpora cæcus multorum annorum civitati Mediolanensi notissimus, oculos, lumenq; receperit: aut quia ille somnium vidit, & ille spiritu assumptus audiuit, siue ne intrares in partem Donati, siue ut recederet à parte Donati. Quæcumq; talia in Catholica fiunt; idè sunt approbanda, quia in Catholica fiunt: non idè illa approbatur Catholica, quia hæc in ea fiunt. Quo loco non vrgebo sanctorum locorum religionem, venerationem reliquiarum, miracula martyrum diuinis reuelationibus, veteris Ecclesiæ usurpatione, approbatione, fide, Augustini testimonio confirmata. Illud ago, ut omnes intelligant; quàm alienus à vestra insania sit Beatus Augustinus, ex quo vbi trunca quædam, & mutila protulistis: tanti viri nomine ad illudendû simplicitati multitudinis abutimini. Ille quidem certè & multa, & magna miracula fieri in locis sanctis, atque ad reliquias martyrum testis est, eaque vel eo nomine ap-*

i

proban-

probanda censeat, quod in Ecclesia Catholica fiunt & Donatistarum opponit præstigiis. Sed quia, ut iam antè dixi, cum vtrinque miracula proferrentur, neque facile esset dignoscere, vtra tandem vera, vtra in speciem tantum miracula censenda essent: aliam iniit rationem pugnandi cum iis; qui hoc armorum genere, pares fortasse videri poterant.

Postulas deinde Nazarenorum more, ea apud vos etiam fieri, quæ facta audistis apud eas gentes, quibus nunc primùm Euangelij lumen infertur. Sed quorum par non est causa, ne conditio quidem par esse debet. Illi non tam consilio, ac voluntate sua, quàm rerum diuinarum ignoratione versantur in tenebris: vestra vos incredulitas, atque malitia excæcauit: neque vos, qui spontè compressis oculis dilexistis magis tenebras, quàm lucem, emollirent miracula, sed obdurarent. Quare id incredulitas vestra suppeditat nobis ad respondendum, quod Euangelistæ scribunt, propter incredulitatem ciuium suorum signa, ac virtutes dominum facere apud eos non potuisse; cùm tamen alibi virtus de illo exiret, & sanaret omnes. Neque tamen reliquit se ipsum sine testimonio, qui quamuis generationi isti peruersæ, atque adulteræ, ut olim Iudæis signa quærentibus denegarit: non negauit tamen signum Ionæ Prophetæ. Quotidie conuenitis in vnum aduersus Dominum, & aduersus Christum eius. Initis consilia, ut mittatis lignum in panem eius, & eradat is eum de terra viuentiũ, & nomen eius non memoretur apud vos amplius: mēbra eius exiliis, carceribus, vinculis, bonorum proseripione conficitis, verberibus conscinditis, equuleis distenditis, nouis cruciatuum formis, quas odio religionis, & nocendi cupiditate stimulata crudelitas subinde excogi-

excogitat, laniatis. Denique sancti martyres propter ipsum mortificantur tota die, æstimati sunt sicut oues occisionis. Quæ vrbs, quod oppidum, quis vicus, quis pagus in Anglia nostro Catholicorum sanguine non redundat? & cum quotidie in membris suis proscribatur, addicatur, lanietur, occidatur Christus à vobis; semper tamen viuacior surgit è funere, atque irrigata suo sanguine Ecclesia reuiuiscit. Vetus hoc est Christianorum elogium; cadere singulos, vt multiplicati resurgant. neque minui persecutionibus Ecclesiam; sed augeri; Nos morimur; sed vos nostra morte deficitis. Vestræ superstitionis est damnum, quicquid Ecclesiæ demitis, purgatur palmes, vt fructus plus afferat. nullis sulcis Euangelium melius creditur, quàm quos in sanctorum carnibus persecutorum immanitas exarauit. Vocalis est sanguis martyrum, qui è terra clamans exauditur in cælo: & plerumque quos flectere Euangelij verbum nō potuit; prædicatio sanguinis emolliuit. Cedite aliquando Deo: credite diuinis oraculis, impossibile est teneri Christum ab Inferis, aut sanctum Dei videre corruptionem. Cur fremitis? cur inania meditamini? Ad eò inuietus est martyrum sanguis; vt non modò in honorem, conuertat triumphi etiam instrumenta supplicij: sed diligente Deo, quæ infirma sunt mundi, vt fortia quæque confundat, attractis etiam paleis, quasi validissimis arctibus Satanz munitiones expugnet. Quantum vobis? quantum vestris magistratibus? quantum regio consilio admirationis attulit? quantum terroris incussit? quos tota Anglia motus excitauit animorum Garnetiana illa palea, in qua cœlesti artificio sanctissimi, ac fortissimi viri sanguis expressit effigiem? vt in sanguine suo viuens iustus mortuus, viuos impios condemnaret; do-

ceretque piorum hominum non animos modò, sed ipsam etiam mortem fide animatam viuere, & caritate vegetari. Itaque vir egregius, qui admirabili patientiæ ac pietatis exemplo multò plus Angliæ moriens profuit, quàm viginti ipsos annos maximo popularium suorum bono in summis laboribus Euangelij causa latitās profuerat: multò magis, quàm vnquàm antea muros Iericuntinos palea concutit; & clamore Beati sanguinis labefactat. Et miracula à nobis requiritis, qui hæc tanta, tam testata, tam certa tenetis manibus, neque creditis? Sed vide quàm tibi ipse non constes, si hæc apud nos mirabilia fiunt, quæ quia negare non pòtes facta, auctorem eorum Satanam esse calumniaris: cur ea in Anglia quoq; ac vobis inspectantibus fieri postulas? multumne interesse existimas hoc, an illo loco aliquid fiat; dum factum sine controuersia constet? aut miracula Christi Domini minoris ducis, quia in Iudæa, non in Anglia edita sunt? An verò difficile futurum existimas siue Deo, siue Satanæ, eorum similia in Anglia atque Brittaniam facere, quæ aliis in locis ediderit? verebitur scilicet os istud importunum, & ferreum, quisquis ille est auctor miraculorum: vt exercere vires suas te presente non audeat. Quod si miraculis fidem abrogas, neque te constans omnium hominum Vermo, ac testificatio mouet (cui enim hominum Angelorumue fidem habeas; qui Deo negaueris?) vbi igitur illa Antichristi prodigia, quæ constanter in scripturis omnibus prædicta, cum negare non posses, centuriatores sequutus, ad ea, quæ fiunt in Ecclesia Catholica reuocasti? Vtrum igitur mauis? tene stultè postulare, vt apud vos edantur miracula; an Antichristum carere signis atq; prodigiis? Sed neque illud ab ista vecordia, ac moribus alienum est.

est, cum vestra omnis sapientia tempori maximè seruiat; neque cùm opportunū fuerit, hoc magnoperè moraberis.

Accedis deinde propius sect. 20. ad ea signa, quæ hoc loco commemorantur ab Antichristo facienda. Atque ut tibi more vestro ad allegoriam reuocare omnia liceat; notas ex Hieronymo (quæ tu scilicet tãti facis; ut tibi in hoc Antichristi negotio velut euulsis oculis cæcutire videatur) Apocalypsim tot habere Sacramēta, quot verba, ac totam esse spiritualiter intelligendam. Infelix etiã mne cùm cap. 17. septem montes commemorantur, in quibus meretrix sedeat? etiã mne cùm meretrix illa dicitur esse ciuitas magna, quæ habet regnum super reges terræ? etiã mne cùm à decem illis regibus futurum prædicitur excidium Babylonis? quæ tu tanta verborū pompa pro tua causa protulisti. Quod si hæc Hieronymo ipso interprete, teque in primis assentiente, propriè accipienda sunt; quid est, quod insanias, ut quod ille hyperbolicè scripsit in primis propter Chiliasitarum errorem; hoc tu tam pressè accipiendum contendas; ut tibi oculos eruas? quod si multa sunt allegoricè, nonnulla etiam propriè intelligenda: qui tandem nosti, quæ hoc loco scribuntur; ea propriè accipi non oportere? *Quia eodem modo, inquis, asserere poteris, nō pluiturum tempore Antichristi: quia Enoch, & Elias, ut tu vis, claudunt cælum, ne pluat in diebus prophetia ipsorum. Et Enochum, & Eliam esse negaueris, ubi venerint, quia ignes de ore non expuunt, nec aquas in sanguinem conuertunt; quia illos hac facturos scriptum est, quæ si sunt absurda, ut sunt: disce spirituale aliquid esse ignem illum Antichristi.* Non miror Caluiniانو homini absurda videri ea, quæ alias iam facta scriptura diuina commemorat. mirarer si quicquam esset in

sacris oraculis, quod palato illi saperet. Age homo per-
dite, qui non modò factis, quod omnium tui similium
est, sed verbis etiam nosse te Deum negas. inficiari né
potes, scriptum esse in sacra Regum historia, idque de-
inde ipsius Christi oraculo primùm in Euangelis, tum
Apostolicis Epistolis confirmatum, effectum esse, Eliæ
precibus, quo tempore is cum hominibus versabatur;
vt tribus annis, ac sex mensibus ne plueret? Quid illud?
negabis ne iisdem litteris proditum esse, Quinquagena-
rios illos Eliæ Imperio igne de cœlo de lapso cum suis
militibus esse cōsumptos? aut verò ignem ex ore vibra-
re commodè dici non posse videtur is, cuius Imperio
depluat? Quid? nonne Moyses ipse mandauit litteris,
aquas à se conuersas in sanguinem, cum missione po-
puli, quam impetrare non poterat, ab impio rege cala-
mitatibus extorqueret? Aut igitur mentitur scriptura,
quod te pro tua in Deum fide velle non dubiro, aut si
hæc aliàs facta sunt; neque absurda, neque incredibilia
sunt: Nisi fortè abbreviata est manus Domini, ac pote-
stas eius exhausta: vt quod semel fecit, repetere nequa-
quàm possit. Sin autem id patrare se velle contestatur
Spiritus sanctus, quod quia alias præstitit, & præstare
potest; neque præstari absurdum est: Quid hæc quasi no-
ua, inaudita, absurda, puerilia nobis obiicis? ac fidei no-
stræ simplicitatem derides; quod verba Dei qua par est
veneratione suscipimus, ignem intelligentes, quem is
ignem vocat, & aquas, aquas, & sanguinem sanguinè?
Sed vos quorum sua cuique libido Christus, atq; Euan-
gelium est; quo liberius in quancunque partem animo
vestro collibitum fuerit scripturas trahere liceat, in ca-
rum interpretatione, allegorias adamastis.

Seduxit

Seduxit habitantes in terra propter signa, qua data sunt ei facere in conspectu bestia; dicens habitantibus in terra, ut faciant imaginem bestia, qua habet plagam gladij, & vixit. & datum est illi, ut daret spiritum vite imagini bestia, & ut loquatur imago bestia, & faciat, ut quicumque non adorauerint imaginem Bestia, occidantur.

Quid imagine Bestiæ intelligat Abbat, supra cum de superiore bestia disputarem, attulimus; apertissimeque docuimus deliramenta ea esse hominis minimè sobrij; non vaticinia Beati Ioannis. quo etiam loco interpretationem nostram, postulante id ipsa disputatione, satis indicauimus; ut repetere non sit opus. Vnum illud est reliquum; ut vnicam Abbati, eamque ridiculam obiectionem diluamus. *Secundum miraculum, inquit, scēt. 21. à Bellarmino commemoratur, quod faciet, ut imago bestia loquatur. Quod ille de statua, siue simulacro aliquo intelligit, cui vim loquendi Antichristus daturus est. Oblitus imperaturum Antichristum; ut adorent homines imaginem hanc, cum ipse defendat Antichristum Idolorum adorationem omnem prohibiturum, nec passurum, ut ulli siue simulacro, siue numini cultus religionis deferatur; præter quam sibi.* Quo loco dum obliuionis accusas alium; insaniam tuam prodis Abbate. Quid enim? videtur tibi necessarium consequi, si quis quenquam alium coli præter se vetet; cum ne suam quidem imaginem coli passurum? an ignoras honorem eum, qui simulacro deferatur, in prototypum redundare? An cum Nabuchodonosor apud Danielem statuam suam diuinis honoribus coli voluit; aliquid sibi venerationis detrahi, non religiosus coli se ea superstitione existimauit? Aut verò, cum Laureata sua præsci Imperatores mitterent; atque imagines in præcipuis Imperij vrbibus honorari præceperent;

Anacleti, quam vnam ex omnibus tum eius, tum ceterorum eius ætatis Pontificum, Epistolis profero, quia Canonem ex ea desumptum à Gratiano in decreto de consecratione distinct. 2. Can. peracta, Calvinus in præfatione Institutionis pro se citat; quamvis, ut in notis ad eam præfationem animaduertimus, Gratiani deceptus in inscriptione, Canonem illum Calixto, & vetustissimo Pontifici, & Martyri tribuerit. Vides quam multis ante sæculis hæc imago loquuta sit: quam vestris etiam fabulis edolatus existeret Antichristus?

Et faciet omnes pusillos, & magnos, & diuites, & pauperes, & liberos, & seruos habere charactèrem in dextera manu sua, aut in frontibus suis; & ne quis possit emere, aut vendere: nisi qui habet charactèrem, aut nomen bestia, aut numerum nominis eius. 6.
De chara-
ctere Be-
stia.

De numero nominis bestia libro 2. non nihil disputatum est, ut eodem redire necesse non sit. Restat ut de Charactere dicamus. Nos hæc ita, ut scripta sunt, intelligenda existimamus; quia si ita intelligentur; nihil aut absurdum, aut alienum continent à veterum Tyrannorum, atque ab hominum consuetudine alienum. Nam neque externas internæ fidei notas gestare, abhorret ab humana consuetudine; neque nouum, aut inusitatum Tyranniseft, communi hominum iure, ac mutuis Societatis officiis spoliare fideles; eorumque religioni cuniculis insidiari. Huc spectant eæ in primis Iuliani leges, quas lib. 10. cap. 24. commemorat Nicephorus, quibus foro, Iudiciis, aula, militia, ipso propemodum humano commercio Christianis interdictum est. Adde immanes pecuniarum solutiones, eo nomine Christianis impositas, quod Deos venerari recusarent. Cuius vos, ut impietatem, & defectionem ab Ecclesia; ita leges

k imita-

imitamini; dum acerbissimis proscriptionibus, multisque minimè ferendis Catholicos diuexatis; quod Synagogas vestras adire, quod vobis cōmunicare, quod conciones vestras audire renuant; dum omni tandem re familiari exhausta, aut squallore carcerum conficiatis, aut opprimatis intestata calumnia maiestatis. Cautum eriam fuisse edictis Principum, ne Christiani iudicio res suas repeterent, & in nonnullis martyrum historiis legimus; & satis colligitur ex Apologia Melitonis apud Eusebium lib. 4. cap. 26. *Impudentes, inquit, homines, & calumniiosi, qui rapere aliena desiderant, occasione accepta imperialium praeceptorum, more praeconum die nocteque grassantur, & diripiunt innocentes*: Denique quid opus est similia quærere, cum idem planè, quod de Antichristi persecutione vaticinatur Beatus Ioannes, factum à Diocletiano teneamus; qui, ut ex Beda, & Areta refert summa vireruditione Cardinalis Baronius ad annum Domini 286. edicto cavit, ne Christianis vendere quicquā, aut emere liceret; nisi prius thus Diis incenderent. Iam quod ad characterem spectat, etsi quis ille, qualis uè futurus sit, cum Beatus Ioannes non doceat, ne diuinando quidem, dicere possumus: futurum tamen signum aliquod, quod in protestationem antichristianæ superstitionis gestent ij, qui se eius cultui addixerint, cum id apertè scriptura doceat, certo scimus. Idque in manu, atq; in fronte, vel quod ex omnibus corporis partibus, ex notissimæ, maximèque expositæ sunt; ut illa veluti tessera Antichristi sectatores sine errore vilo dignoscantur; vel quod capite, quæ suprema pars est corporis, sedesque rationis, mens; manu, opera designantur. ut ea ratione indicent, totos se se illi ac penitus, suæque omnia dedidisse. Neq; verò nouum, aut insolens est, notam aliquam, & characterem in fronte gestari. Gestabant olim

olim Imperatores crucem in fronte; vt suam in Christum fidem, ac seruitutem contestarentur. Vnde est illud Augustini tractatu in Psal. 54. Iam in fronte Regum crux illa fixa est; cui inimici insultauerunt. Gestarunt antiquissimi & sanctissimi monachi eandem ob causam in cucullo, vt videre est apud Gretserum nostrum lib. 2. de cruce. totius Occidentis, atque Orientis Clerus, quamuis frementibus inimicis crucis Christi, crucem gestat in capite, insigne seruitutis Christi, notā religionis. Ac ne à barbaris quidem, & impiis ea consuetudo vsurpata non est. Non nisi mahumetanæ superstitionis æmulis, candentibus fasciis in turbinem compositis, caput tege-
re apud Iudeas licitum est. Apud eosdem indicem tollere; Mahumetem vel amplecti, vel profiteri est. vt talem aliquam tessaram Antichristianis etiam dari, vel ab Antichristo ipso, vel ab eius Pseudopropheta, neque nouum, neque alienum futurum sit ab humana cōsuetudine. Quid igitur est cur propriè vaticinium hoc intelligendum negetis; nisi quia allegorica vestra in Deū fides proprium scripturæ sensum non patitur? Itaq; non modò nō molestè ferimus: sed vltro etiam affectamus, quod scribis sect. 23 Bellarminum suorum more hæc ad litteram intelligere. Hæc est enim gloria nostra, vt verba Dei fideliter accipiamus, neque discedamus à littera; nisi ad mysticam intelligentiam nos necessitas adigat. morem hunc à maioribus nostris accepimus, hunc tenemus, hunc tenebimus, quamuis dissecentur Hæretici. At enim, inquis, Lyranus intelligit determinatū viuendi modum, qui in dextera manu suscipi dicitur, quantum ad operationem, in fronte verò per apertam confessionem. Quin tu etiam totum hoc posterioris bestię vaticinium de Mahumete interpretaris, quod

agere eo capite Lyranum vides? qui cū in eius sectariis characterem hunc in dextera, atque in fronte non inueniret, confugere ad spiritualem interpretationem coactus est, quanquam ille quidē non tam affirmat; quā suspicionem suam eo loco aperit. Per characterem, inquit, videtur hic intelligi determinatus modus viuendi secundum legem Mahumeri, &c. Tu verò ne quicquam veri vsipiam diceres, quod non aliqua mendacij admixtione maculares; quod ille addubitans, neque planē interpretationi suæ acquiescens dixit: quasi absolutē ab eo pronunciatum, vt fidem tibi alieno nomine faceres, protulisti. Addidisti etiam S. Thomam 3. parte quæst. 63. art. 3. ad 3. qui characterem bestiarū docet esse professionem cultus illiciti, quemadmodum character sacramentalis est, quo distinguuntur fideles Christi à seruis Diaboli in ordine ad cultum præsentis Ecclesiæ. quo ex loco quid tandem colligis? aut is ad rem tuam quid tandem facit? An negare tu ipse potes, Sacramenta statas quasdam esse Christianæ religionis cæremonias, quibus initiantur fideles, tum propter alias causas, tum verò etiam vt ab infidelibus dignoscantur; eorumque susceptionem quandam Christianæ religionis contestationē esse? quid igitur impedit, quominus ea illiciti cultus professio, quæ erit sub Antichristo; fiat certis quibusdā, & constitutis symbolis, quorum gestatione Antichristiani dignoscantur? An tibi circumcisio non videtur fuisse signaculum fidei, quo omnes Abrahæ posterī diuinum cultum profitebantur? Cur igitur eadem ratione Antichristi superstitionem profiteri rerum ipsarum gestatione eius disciplinæ æmulis non licebit? aut quid tandem iis sancti Thomæ verbis continetur minus cum nostra interpretatione consentiens? quamuis ille quidē quia eius loci non erat ea disputatio id vnum explicarit, quod

quod ad præsens negotiũ facere videbatur : de reliquis nihil dixerit. Sed erit operæ pretium tuam interpretationem inspicere diligentius : duplicem ais sect 25, hoc loco describi charact̃erem; alterum, qui ad omnes omnino pertineat; alterum eorum proprium, qui emunt venduntque. Id verò figmentum tuum est. nusquàm enim id charact̃erum discrimen apud Ioannem inuenies, neque necesse est, si nemini vendere, aut emere quicquã licet, nisi qui habuerit charact̃erem bestię: alterum eũ esse charact̃erem ab eo, quo omnes insigniri præcipiet. Sed quia vix quisquàm eos humanæ societatis contrahat̃us potest effugere; id circo iubebit, priusquàm contrahendi facultas cuiquam fiat, inspicere vtrum charact̃erem suum gestet. Porro ad priorem tu charact̃erem refers ea omnia, quæ in communi fidelium vitæ ratione seruantur in Ecclesia Catholica. Ad posteriorem verò eos ritus, ac cœremonias, quæ clericorum, ac religiosorum sunt propriæ. Sed cùm omnia, quæ obiiicitis, singillatim Bellarminus ostenderit in Ecclesia Catholica ante obseruari solita; quam Bonifacius Pontificatum iniret; ob eamque rem non posse ad charact̃erem Antichristi pertinere; tu quia neque repugnare, neque tenebris tuis apertissimam veritatem obscurare potes; *Non sequitur*, inquis, *quod iterum excipis Bellarminus, illa, quæ diximus, in vsu Ecclesiæ fuisse ante tempus illud, quo nos Antichristum venisse defendimus: proinde in illis, Antichristi charact̃erem constitui non posse.* Certè illud sequitur, velis nolis, communem eam notam veteribus, verisque Christianis eũ iis esse, quos Antichristianos vocatis: ob eamque rem alteros ab alteris ea nota distingui nequaquã posse. qualis autem tua ista tam ignota nota est? aut quis vsus charact̃eris, quo alterum ab altero non dignoscas? Sed tu, vt es ingeniosus, & acutus, excogitasti nescio quam

aliā dignā isto ingenio, ista dialēctica, ista sapiētia rationem. *Quandoquidem, inquis, ab aduentu Antichristi, ut sepe diximus, non origo, & initium apostasia, cuius ratione olim ab ipso Apostolorum saculo dicitur in mundo extitisse; sed auctoritas, & incrementum, & consummatio esse debuit.* Quā in ratione tuā quod Patres, quod Apostolorū discipulos, quod Apostolos ipsos apostasiæ auctores: quod te, quod sodales tuos, quod Calvinum, Lutherū, Zyvinglium, aut diuinæ gloriæ magis studiosos, aut rerum diuinarum peritiores facis, quā Augustinum, Hieronymum, Cyprianum, Irenæum, Polycarpum, Ignatiū, ipsos deniq; Ioannem, Petrum, Paulum columnas Ecclesiæ, in præsentia non exagito: non viderint ij sanè apostasiā istā, iam tum inolescētem in Ecclesia; aut si viderunt, ineptè, impiè, sacrilegè tolerarint: quam aut incredibili quadam, vel ingenij, vel Spiritus magnitudine persenserit, aut diuinæ gloriæ studio, nihil veterum auctoritatem moratus substulerit ab Ecclesia Lutherus, quando eum omnibus etiam Apostolis, vno excepto Paulo, vestri præferre non dubitant. Illud abs te quæro; sintne ea omnia eiusmodi, ut qui ea vsurpet, tamen verè Christianus Catholicus, atque Apostolicæ sectator fidei dici possit, an secus? Nam si potest; edissere mihi tantisper homo diserte, quā ratione Antichristianos à genuinis Christianis isto charactere dignoscas. Si autem posse negaueris, contumaciā istā oris importunissimi libenter aspiciam, qui ab Ecclesia Catholica totum illū Christianæ religionis florem abigere, atque apostasiæ, sacrilegii que damnare non dubitet.

At quam lepidè ad rem tuam totum hoc vaticiniū detorques? Cū ait Beatus Ioānes, facturam posteriōrē bestiā, ut omnes adorēt imaginē bestiæ; de imagine prioris bestiæ, quia allegoria tua nō repugnat, interpretaris.

Cū

Cùm in eodẽ planè verborũ textu subdit, facturã eandẽ, vt nemo possit vendere, aut emere, nisi qui habuerit characterem bestiæ, ad posteriorem ipsam bestiã refert; vt sensus sit, faciet, vt nemo emere possit, aut vendere, nisi qui characterem suum habuerit. At quo tandem auctore? quibus indiciis id affirmas? quis est, qui cùm illa legerit, non intelligat aliam esse bestiã, quã facturã sit, ne quis sine characterẽ bestiæ contrahat; aliã eam, cuius characterem gestandum curabit? Nam si quod tu affirmas, id significare voluisset; multò, & apertius, & melius dixisset, faciet, ne quis vendere possit, aut emere; nisi qui characterẽ suum habuerit. Sed nimirum posterior illa bestiã, quã non suã, sed prioris gloriã quæret, vt priori imaginẽ ponẽdã curatura est: ita quoq; efficiet, vt prioris characterẽ omnes gestent; neq; vendere quis, aut emere possit; nisi qui aut characterem, aut nomen, aut numerũ nominis eius habuerit. Capite quidẽ certè 19. extremo apertè docet Spiritus sanctus, curasse pseudopphetam, cuius posterior bestiã typus est, vt bestiæ character ab hominibus susceperetur. Quid quæ sequuntur, quam commodè interpretaris? nisi qui habuerit characterem, aut nomen bestiæ, aut numerum nominis eius. Porro, inquis scđ. 26. *idem quoque omnes* (Clerici & religiosi) *characterem nominis, siue numerũ nominis eius accipiunt: vt quemadmodum ille latinus dictus est, ita hi quoque latini sint, hoc est, latinè docti sint; vt pote qui alioqui mercatura isti parum idonei sint. quia alioqui non missas decantare, non indulgentias publicare, &c.* Enim verò mi homo aut planè desipis, aut sciens fallis. quæro enim ex te, idẽ nè omnino significare velis trib. iis vocabulis, characterẽ, nomine bestiæ, ac numero nominis eius? Nam si idẽ nominibus iis significari existimas: primum tecum ipse pugnas; cùm characterem, quem paulò antè in rasura vnctio-

vnctionibus, ac vestium genere posueras; nunc in latinæ linguae notitia colloces. Deinde diligenter cogita, quid ad legem disunctionarum respondeas, cum enim disunctionis notā ad tria illa vocabula sanctus Ioannes addiderit, idem significare non possunt; cumque ex iisdem disunctionarum legibus singula sufficere debeant ad emendum, vendendumque: tibi cui sine latinitate nundinæ istæ non constant, rasura, vestesque latinitatis ignaro, hoc est sine nomine, character non sufficit. Sin autem singulis vocibus singulas subiicis notiones: vide quo res euasura sit. Nam characteri, rasura, vnctiones, ac certa respondent genera vestium, vt paulò antè docueras, nomini respondet latinitatis scientia; numero nominis quid tandem auctore te respondebit? quanquam ne hic quidem relictus est tibi liber ad euadendū locus: nā latinus, si ad Antichristum spectat, ad numerū nominis eius refertur, vt tu secundo capite tam multis probare conatus es; aliquid igitur aliud excogitare debuisti, quod referretur ad nomen, si aliud nomine, aliud numero nominis designari existimasti. Sed tu consultò ista misces, ideoque vocas characterem nominis; vt idem esse videatur character, nomen, ac numerus nominis; atque ita totum illud vaticiniū quadrare tuis naniis videatur. Quanquam hæc quoque mendacissimè more tuo disputas. Nam non admittimus nos quidem cerdones, cæmentarios, caupones, stabularios, atque alias id genus hominum quiscuilibet, quas Lutherani Euangelij Spiritus afflare plerunque solet; sed homines litteris satis eruditos, requirimus, quos dispensatores constituamus mysteriorum Dei: verūm græcè ne ij, an latinè docti sint, minimè laboramus. Ecclesia neque aut vnus gentis hominibus constat, aut vnus nationis

nis lingua in diuinis officiis vtitur; modò eiusmodi sit quæ sacrorum maiestatem, ac venerationem sustentare possit. Florentina synodus græcos latinosque patrios ritus retinere iussit. Id quod iam antè statuerant Cœlestinus, & Innocentius, cum ille vel sacris à latino Episcopo græcum sacerdotem initiari vetuisset; ne vlla fieret permixtio rituum, cap. Cùm secundum, de temporibus ordinationum: hic in Græcorum Ecclesiis græcè diuina officia celebrari præcepisset, cap. Quoniam in plerisque, de officio iudicis ordinarij: qui mos in Appulia, Salentinis, Calabria, Sicilia, in Agro Tusculano, Anconæ, in ipsa deniq; vrbe viget. Ægyptius Cophthorum Patriarcha, à quo Æthiopia petit præcepta fidei, ad communionem Catholicam nuper Clemente octauo Pontifice rediit: ecqua vnquam mentio linguæ latinæ in sacris adhibendæ in ea reconciliatione facta est? Maronitæ incolæ Lybani Montis diuinorum oraculorū elogiis inclyti, qui si iis credimus in totius Oriētis defectione à communionem Catholica nunquā discesserunt, Chaldaica lingua non in patria modò, sed in vrbe etiam sacris operatur. Ruthenis non ita pridem ad Ecclesiā adiunctis antiquū sacrorum morem, ac cæremonias retinere permissū est. quorū legatus Hiparius Luceoriensis Episcopus priusquā ab vrbe discederet, lingua, rituque patrio sacrificium obtulit. Mentiris igitur cum affirmas in Ecclesia Catholica, nisi qui latinè nouerit, neminem ad altaris ministerium, atque Ecclesiastica munera idoneum censi; atque alius tibi quærendus est character nominis bestię, ad quem tuas istas nundinas accommodes; vt aliquid dicere videar.

Quod si ex me fortè quæras quid ego character, quid nomine, quid numero nominis innui hoc loco credam;

credam; ingenuè confiteor ignorare me. quia consultò Spiritus sanctus prophetias ita composuit; vt antequàm ea fiant, quæ prædicuntur, neque penitus lateant; & tamen cum singula euoluere, atq; enodare cœperis, difficiles plerunque explicatus habeant: cum impletæ fuerint, ipso rerum euentu lucem iis tenebris afferente, planè admodum apertæque sint. Si tamen coniectura vti in re obscurissima liceat; Crediderim tria hoc loco signorum genera indicari, vnum vulgi commune què characterem vocat Beatus Ioannes quem, eam ob rem, posteriore bestia id agente maximè, gestaturos ait omnes pusillos, & magnos; alterum exercitus fortasse, vel familiæ proprium, quo ipsum eius nomen significetur; tertium arcanū ac sacrum, quod ad paucissimos, eosq; gratiosos pertineat, quo numerus nominis eius, quasi mysticis notis contineatur. Huius coniecturæ ratio est, quod tria signorum genera indicat S. Ioannes, cum scribit, fore vt nemo possit vendere, aut emere; nisi qui habuerit characterem bestię, aut nomen, aut numerū nominis eius; cum autem ad emendum, vendendumuè horum quod cunque per se sit satis: Characterem autem omnes pusilli, ac magni gestaturi dicantur; cui tandem vsui ad emendum, vendendumque nomen, ac numerus nominis eius erunt; si nemo planè futurus est, qui characterem non habeat? Vt igitur hæc aptè coherereant, ita videntur intelligenda, fore vt gestandi characteris lege omnes omnino teneantur, nisi si quos ratio aliqua peculiaris exemerit, qui ad profitendam Antichristi superstitionem vulgari characterem non egeant; cum nomine, vel numero nominis satis insigniantur. Vt autem eos aulicos, milites, gratiosos, id genus hominum futurum suspicer; facit nostræ quoque tempestatis re-

tis regum, ac dynastarum consuetudo; qui non modò famulos ac pratorianos milites certo vestium genere secernunt à reliqua multitudine: Sed etiam gratiosissimum, ac nobilissimum quenque torque, vellere, calcar aureo, atque aliis id genus insignibus honoris causa in clarissimos ordines cooptare soliti sunt. Vt tale quippiam in aula etiam Antichristi futurum, quod hic Beatus Ioannes expresserit, non sine ratione suspicari liceat. Sed quicquid demum hoc vaticinio declaratur, id cerè ab interpretatione tua, atque ab iis rebus, ad quas accommodare illud niteris longissimè abest. Abbate. Vt vel hoc ipsum apertissimè blasphemiam vestrà coniuncat: quod cum ipsis rerum, de quibus vaticinia sunt euentis illustrari, atque explicari ea soleant; hæc nihilominus obscura, atque implicata sunt in præsentia, quã vnquam antea fuerint. Neque enim si illudente sensibus vestris Satana, inducere in animos vestros potestis, vt ea credatis, quæ scribitis: ideo etiam aliis persuadere poteris delirare vobis cum Spiritum sanctum. Innumera eorum Episcopos pastoresque, qui sæuente in Ecclesiam Ethnicorum Principum rabie, eius gubernacula tenere, si te audimus, duo testes sunt; quid habet tanta illa multitudo cum binario numero coniunctus? Menses duo, & quadraginta vt annos reddant quattuor & nonaginta supra ducentos, septenos annos tibi singuli complectuntur: at qua ratione septennium mensis dici potest? dies etiam mille ducenti & sexaginta eundem illum reddunt annorum numerum, quot tandem menses in singulos dies numerabis? Tres illos dies, ac semis, quibus iacuisse duorum testium insepulta corpora memorantur, in annos itè ducentos quattuor, & nonaginta vt explices, primum septennium integrum in sin-

gulas horas coangustas; deinde duodenis horis diem definis, ut totum illud spatium horas omnino contineat duas, & quadraginta. quod ita tandem eueniet si aut nullis nocturnis spatiis interpositis diem proximè dies excipiat: aut nocturnum duodecim horarum spatium dies vnus appelletur. Denique etiam, cum planè ac sine vllis ambagibus contestetur Spiritus sanctus, non ante duos illos testes captum, atque occisum iri à bestia, quàm finierint testimonium suum, quod diebus continetur mille ducentis, & sexaginta, tu idem planè tempus esse contēdis prophetiæ eorum cum eo triduo, quod mortem eorum proximè consequuturum est. Et quemquam sanum futurum existimas, qui hæc tam infusa, tam frigida, tam inepta, tam ab omni specie veritatis aliena Spiritui sancto tribuat, quæ ne dormienti quidem sobrio homini in mentem venire potuissent? Atque equidem priuatim insanire, ac vaticinari te credidissem, cum ista scriberes: sed communem omnium vestrum morbum esse, ut mihi persuaderem, fecerunt theses non vno in loco ad disputandum à vestris Academicis propositæ id genus nugarum plenissimæ, quas à me non modò non refelli; sed ne commemorari quidem singillatim necesse est, cum superiori disputatione satis euerse sint.

7.
Georgij
Sohns The-
ses castigæ.
1797.

Sed Georgij Sohn, qui Ἀγιον noui Euangelij Theologiam in Haidelbergenſi Academia proficitur, stupor eiusmodi est; ut silentio præteriri non possit. Is ratus eandem esse poculorum, ac scripturarum tractandarū scientiam: theses edidit de Antichristo, quibus disputationi Theologicæ inscriptionem fecit, quarum prima hæc est. *De Christo, hoc est, de persona, officio, & statu Christi disputationes habuimus: nunc de Antichristo disputationem institue-*

instituemus; ut melius adhuc Christi gloria intelligatur; quia contraria inter se collata, magis elucescunt. At quanam ista tandem positio est? aut quid continet, de quo disputatio possit institui? nisi fortè veretur, ne dubium sit, utrū de Christo vnquā tam stolidū animal disputauerit; idq. defensurum se recipit. Et profecto iure dubitari posset: nisi imperitissimum, ac stolidissimum quemque ad ministerium verbi & Lutheri Spiritus instigaret, & eius Synagoga reciperet. Sed hic ne ab instituto recederet, sextam eiusdem planè farinæ thesim his verbis ponit. Atq. hic (Antichristus, κατ' ἐξοχήν) quid, & quis sit, nunc potissimum queritur. Nam de eo inter nos, & Pontificios controuertitur; sed nos hic nostram sententiam potissimum exponemus. Repugnabit opinor quispiam, vel suam eum sententiā expositurū, vel de magno illo Antichristo aut ipsū quaesiturū, aut controuersiā nobis esse. Iam nona, ac decima thesis quæ ratione differant, si mihi explicare potuerit; superiores illi ineptias condonabo. 9. Sic autem in scriptura definitur; (Antichristus) quod sit homo regnum exercens, &c. Hæc est Antichristi illius definitio; quam è scripturis breuiter declarabimus. Sensit quisquis Georgij tibi vocabulum indidit, cui te operi natura destinasset: Sed tu inuita, ut aiunt; Minerua scripturas pro glebis versas: neque lapidationem metuis, cum bestia, quæ tetigerit montem, lapidari iudeatur. Labet duodecimam conclusionem tantisper enucleare; qui possunt, stomachum teneant. Quod non sit simpliciter, inquit, una aliqua persona (Antichristus) seu unicus, & singularis homo: sed genus hominum, seu homo regnum exercens; seu ordo ac status certus hominum; apparet ex 2. ad Thesalonicenses cap. 2. versu 3. & Danielis cap. 7. vers. 8. & Apocalyp. cap. 17. vers. primo, & cap. 18. vers. 3. Vbi certè describitur Antichristus non

ut unicuique quidam, & singularis homo, atque adeò ut indiuiduum: sed ut uniuersitas quadam hominum, & quoddam veluti regnum; in quo tamen semper vnus aliquis emineat, & reliquis præsideat; characterem suum imprimens Apocalyp. 13. vers. 17. Visigitur Lutheranorum eruditissime, Antichristi vocabulo magnam quandam hominum multitudinem, ac veluti rem publicam; in qua vnus ceteris præsideat propriè denotari: idemq; esse Antichristum, quod Synagogam hominum impiorum; qui à Christi religione discesserint. idque in scripturis sanctis traditū doces, 2. ad Thesalonicens. 2. vers. 3. quem locum quia tu paulò post expendis, in præsentia prætereo. addis etiā è Danielis 7. vers. 5. At quid ibi est; quod ad rem tuam facere videatur? *Considerabam*, inquit Daniel, *cornua*; & ecce cornu aliud paxuulum ortum est de medio eorum; & tria de cornibus primis euulsa sunt à facie eius; & ecce oculi quasi oculi hominis erant in cornu isto; & os loquens in gentia: Subiice iam consequutionem illam tuam domine doctor Haidelbergensis, ergo Antichristus est multitudo quadam hominum, in qua semper vnus emineat, ac præsideat ceteris, ut tui tuos etiam pudeat. Iam Apocalypsis 17. vers. primo ita legimus. *Et venit ad me vnus de septem Angelis, qui habebant septem phialas; & loquutus est mecum dicens. Veni, ostendam tibi damnationem meretricis magnæ, quæ sedet super aquas multas. An tu intam multis etiam aquis remulgentus es? Antichristum ne etiam urbem aliquam factururus es? nam mulier ista, nisi tu forè vaticinium hoc solertius interpretaris, quam Angelus is, qui Beatum Ioannem eius rei mysteria docuit; vrbs magna est, quæ habet regnum super reges terræ. Sed, quanquā id quidem sine ratione dicitur, sit sanè mulier illa Antichristus; quæ ne sedet super aquas multas, hoc est, multis*

populis

tis populis imperat, idcò euinces, Antichristum hominum esse multitudinem quandam, ac non potius hominem vnum, qui multas prouincias subiectas habeat? neque verò quicquam aliud ex vers. 3. cap. 18. Apocalypseo colliges, etiam si tibi concessero Babylone illa Antichristum intelligi; nisi, fore ut vniuersus ferè terrarum orbis superstitione eius imbuatur. *de vino ira fornicationis eius*, inquit, *biberunt omnes gentes, & reges terrarum cum illa fornicati sunt & mercatores terrarum de virtute deliciarum eius diuites facti sunt*; Ex quibus tuam illam consequutionem expecto qui tandem elicias; ergo Antichristus est multitudo hominum, in qua semper vnus emineat. Nam quod ex Apocalypsis 13. vers. 17. profers, eū, qui vniuersis in Antichristo tuo emineat characterem suum reliquis impressum esse: scire abs te peruelim, priorem ne, an posteriorem bestiam Antichristum facias, nam si prior est Antichristus, ea autem characteris impressio posterioris inuentum eo loco esse memoratur: non admodum tu quidem fideliter locum citas. Si posteriore bestia Antichristum notari malis: is profectò non suum, sed prioris bestie characterem impressurus est: Sed hæc effugium fortasse nonnullum habent: quæ sequuntur in eadem thesi videamus. Probas Antichristum vniuersitatem esse hominum, in qua semper vnus præseat: quia *Primum*, inquis, *meminit Paulus dñm scōias, hoc est, vniuersalē defectionis à fide, quæ certè vnum corpus, & vnum regnum facit. nec est opus paucorum annorum*. Non disputo quam multis annis opus sit, quæ ratione fieri possit; ut ad Antichristi superstitionem tam breui tempore orbis terrarum deficiat: satis nugas hæc magistrorum vestrorum primo disputationis huius libro iam dilui. Illud in præsentia quero, quam aptè locum

locum hunc Pauli interpretere, quid enim si Paulus *Ἀποστασία*, meminit? idcirco necesse est efficis, docere Paulum fore, ut vniuersalis fiat à fide defectio? An Apostasia esse non posset; etiam si vniuersalis non esset? vestra quidem certè ab Ecclesia Romana defectio est, quæ vniuersalis non est: defecit ab Ecclesia Marcion, Valentinus, Nicolaus, Arius, Eunomius, Macedonius, Simon: denique vestrum omnium Choragus: num apostasias eas fuisse negabis, quia vniuersales non fuerunt? unde igitur colligis vniuersalem eam defectionem fore? Nam quod à fide defectionem illam futuram affirmas, de qua eo loco loquitur Apostolus: quo tandem fundamento nititur? Certè etiam à Principibus defectio *Ἀποστασία*, apud probatos scriptores appellatur: ut Plutarchus τῇ *ᾧ Νίκαντο* *Ἀποστασία*, in Galba dixerit: qui igitur nosti, utram defectionem eo loco significet Paulus? nam Hieronymus quidem in scripturis non nihil intelligens, quæstione vndecima ad Algasia defectionem à Romano Imperio interpretatur. *Nisi*, inquit, *venerit discessio primum, quod græcè dicitur, Ἀποστασία, ut omnes gentes, quæ Romano Imperio subiacent, recedant ab eis*, &c. Denique argumentationem illam tuam vrgeo, qua nihil potest esse festiuus. cum reuelabitur homo peccati; erit vniuersalis à fide discessio, teste Paulo: igitur Antichristus corpus quoddam significat multarum gentium collectione conflatum. neque enim si Rex, & quidem potentissimus, idemque nouæ superstitionis auctor futurus est Antichristus; continuò concluditur, Regem ipsum cum subiectis sibi populis tanquam vnum quoddam corpus Antichristi nomine centeri? An tu, quamuis stolidus sis, quærenti ex te quid sit Christus; Responsum es Christum esse multitudinem hominum, in qua Deus homo

præsi-

sídeat? quamuis is cum Ecclesia sua vnum corpus, atq; vnum regnum efficiat? Aut si quis interrogauerit, quid sit Papa: multitudinem hominum esse affirmabis, in qua vnus semper præsideat Pontificatum gerens? aut si tu, quo stupore es animi, id affirmabis; erit ne etiã tuorum quisquam qui ferat? Sed reliqua audiamus. Deinde, inquis, mysterium illud iniquitatis ex variis erroribus conflare, & paulatim existere, indicat (Paulus) At quibus tandem verbis? mysterium inquit iam operatur iniquitatis: Ex his, qui consequens est Theologe Haidelbergensis, mysterium illud paulatim existere, atque è variis erroribus conflare debuisse? Potuit enim velut in typo, atque imagine quadam mysterium illud iniquitatis iam tum operari: neque tamen aut ipsum existere, aut, variis erroribus conflare. An tibi progenitoris vestri Simonis impietas, ficta prodigia, atq; affectata diuinitatis opinio, Neronis immanitas, perditionis mores, inextinguibile in Ecclesiam odium Antichristum, qualem apud Prophetas, & Apostolos legimus; satis adumbrare non videntur? Quid igitur impedit quominus illuc ea verba referantur? præsertim cum Hieronymus questione vndecima ad Algasia, Ambrosius, & Chrysostomus in hunc locum, de Neroniana sæuitia locum cum intelligent. vestra certè interpretatio (Neque enim ea in re tu solus insanis) vt optimè animaduertit Bellarminus cap. 2. locum non habet. Si enim, cum ait mysterium iniquitatis iam tum operatum esse; declarat Apostolus; Antichristum iam tum existere cœpisse, aut is in Ecclesia Romana non erat, cum tamen Antichristus esset. Quare Romana sedes non necessariò sedes est Antichristi: vbi autem tum temporis, aut quis ille, qualisue fuit? Aut si in Ecclesia Romana tunc erat; iam tum hæreticus,

m

cus,

cus, atque aduersarius Christi erat Romanus Episcopus. quis autem tunc temporis præter Apostolos eam Ecclesiam gubernabat? Quod si in consuetas vestris hominibus latebras te coniicias. Iaci iam tum variis Hæreticorum fraudibus cœpisse quædam Antichristi semina, quamuis non dum existeret Antichristus : ipse causam tuam prodis, quando enim dixit Apostolus mysterium iniquitatis operari, vel auctore te non docuit iam tum existere Antichristum; sed tantum viam illi sterni Hæreticorum impietate cœpisse. qua autem ratione ex hoc probare potes, postquam Antichristus ipse venerit, diuturnum eius regnum esse, ac longa Regum successionem contineri debere? an fieri non potest, vt regnum adeptus mox pereat, ac ne successorem quidem vllum habeat imperij sui? Sed tu vt ad priores ineptias tuas addi posse aliquid te ipsa doceres: *Tertio*, inquis, *Regnum illud diu duraturum esse dicit (Paulus) donec in fine mundi aduentu Domini penitus aboleatur.* At quæro ex te de Regno ne illo, quod post vniuersalem tuā à fide defectionem futurum est, loquatur Apostolus, cum prædicit fore, vt aboleatur aduentu Domini : an de eo, quod iam tunc erat, cum illa scriberet? Si de priore malis, profecto elleboro indiges; quid enim si ad finem vsq; sæculi pertineat, ideò ne diuturnum efficies? quid si triennio ante, vel decennio cœpisset? At profecto nullum certum tempus præscripsit Apostolus, quo regni eius initium esse deberet. Si autē ab ipsis veluti incunabulis, ac prodromis suis Antichristum repetas : vides, nisi planè cœcuses, tua ratiocinatione nihil effici. Nam nemo dubitat si Antichristi tempus iam inde ab eius prodromis numeretur, esse longissimum: illud quæritur, quāto tempore regnaturus Antichristus ipse sit, quod vos multis

multis sæculis contineri dicitis; nos triennio ferè circūscribimus è scripturis. ac de hoc ipso loqui te thesis hæc ipsa 12. satis apertè declarat; ais enim Antichristum esse hominem, qui regnum exerceat, seu ordinem, ac statū hominum, cumque de scribi in scripturis, vt vniuersitatem quandam hominum, & quoddam veluti regnum, in quo semper vnus aliquis emineat, ac præsideat reliquis, characterem suum imprimens. Addis etiam teste Paulo Antichristum vniuersalem quandam à fide defectionem complecti, eamque regnum vnum facere, quæ profecto de inchoato illo, atque vt vos dicitis, nascente Anchrsto vera non sunt. Denique etiam hæc ipsa quæ nunc examinamus verba tua, disertè de Antichristi regno sunt. *Tertio*, inquis, *regnum illud.* (Antichristi) *diu duraturum esse dicit* (Paulus,) *videlicet vsque ad finem mundi.* quid si triennio ante mundi finem regnare cœperit? diu ne etiam regnaturum illum dices Georgi, quia ad finem vsque mundi imperium eius portendetur? Sed homini tardo atque hebeti retro semper cessurus, ac longissimè abfuturus mundi exitus videtur.

Ecce autem Gabriel Pouellus nescio quis furiosus ^{Gabriel} adolescens oritur ex Britannia, qui vt ille olim incenso ^{Pouellus} Dianæ fano, quando alia ratione nobilitari non potest, ^{castigatur.} nomen ex impietate, ac blasphemia quærat. Itaque benè magnum numerum thesum de Antichristo proponit, ac Societatem nostram nominatim prouocat ad dispurandum; cuius thesibus, quia eadem opera, qua Abbati sophismata confutata sunt, ne lectores onerem in præsentia abstinere. Eius eam Epistolam, qua nos libelli sui initio compellat; percurram breuiter. Et quando is tyronem, ac iuuenem esse se profitetur; non nihil incōsulta ætati, multum etiam inscitia eius cōdonabo. Do-

ætissimos prudentissimosque in ipsa inscriptione nos
 appellat: sed, ut eo spiritu agitur qui IESVM soluit, ci-
 que dicit anathema; religioni sibi ducit sanctissimum
 Iesu nomen vsurpare. Itaque Loyolanæ factionis viros
 appellare mauult. Quod tam magnificè de nobis sen-
 tit, ac prædicat; ut summam doctrinam prudentiamque
 nostro nomini tribuat: gratias agimus. Nam & singulæ
 per se magni faciendæ sunt; & coniunctis nihil diuinius.
 ut etiam prouerbiorum 9. co laudetur sanctorum scientia,
 quod prudentia sit. Sed caueat ne arrogantis impu-
 dentia sit imperitum adolescentulum, cum iis velle cō-
 ferere; quibus tantam doctrinæ, ac prudentiæ laudem
 nec rogatus, & hostis ipse concesserit. Quod sacrosancto
 Domini nostri nomine abstinet, æqui, bonique consu-
 limus. vel ne sacrilego ore ipsa vsurpatione illud homo
 Caluianus contamine; vel quia Diabolo sonando
 edolata Lutherana lingua, ad Iesu nomen efferendum
 ægerrimè moueri posset: vel quia, ut ex thesauro cordis
 sui id quisque profert, quo plenus est, hac ipsa nominis
 eius fuga satis Spiritum suum prodit. Iam Loylanum no-
 men, etsi alienū à familia nostra est: Nam Ignatiū Loyo-
 lam parentē agnoscimus; Iesum ducem, non aspernamur
 tamen. Et quāuis parentis nos nostri nō pudeat; ab duce
 tamē nomē accipimus, cuius auspiciis militamus. Accer-
 rimos etiā nos propugnatores Rom. Pontificis, ac Papa-
 næ Ecclesiæ nuncupat, magnam verò laudem, atq; haud
 scio omnium maximam. Cui enim potius, quā Christo?
 Aut qua in re melius, quàm in Ecclesiæ defensione po-
 namus operā? Quod tamē quia probri loco nobis obii-
 cit; etiam exaggerat his verbis: Cum videam vos Papalis
 dignitatis inuitores, assertoresque strenuos, & Papanæ
 Ecclesiæ columnas, & fulcra ut putamini maximè ido-

nea,

nea, homines sanè litteris disputandique peritiã vt plurimum instructos, alioqui mire hypocriticos, nec non in Papanæ Synagogæ gratiam ad quæuis flagitia perpetranda, ad quosuis labores tolerandos paratissimos: prætermittere non potui, quin vobis pro arbitrio hæce theses examinandas proponerem; præsertim cum intelligam hoc institutum, hunc finem vestræ vniuersæ Societati propositum; vt quos verus Dei amor, & suæ salutis cura à venenatis vberibus nouercalis pontificiæ Ecclesiæ abstraxit; hos Canoniciæ obedientiæ, & Papali perfectioni restituere, hoc est, in Ægyptum reducere impensè incumbatis: Cuius ego calumnias non refello. nam neque flagitiis Ecclesia Dei defenditur; neque nos, Deo gratia, ij sumus, à quibus flagitia quisquã expectet. labore, studio, diligentia, periculis, vita denique ipsa, & fratrum saluti, & Ecclesiæ commodis, ac dignitati seruite nos eoque curas omnes, & cogitationes nostras esse conuersas; & præ nobis ferimus, & vt alias regiones omittam, nostro cruore madens Anglia testis est. In litterarum studiis, ac differendi facultate non nihil esse versatos, curare quidem certe vt ita instructi simus vt exhortari possimus in doctrina sana, & eos qui contradicunt arguere, quando dat aduersarius, non abnuimus. Quod verò columnas, & fulcra maximè idonea Ecclesiæ nos appellat; non intelligit infelix, non modo impiorum hominum conatibus, sed ne inferorum quidem machinis concuti eam domum posse, quam supra firmam petram ipsa Dei virtus, ac sapientia Christus Iesus ædificauit. Neque fulcris, atque columnis aliis sustentari ædificium, cuius bases, ac fundamenta Apostoli, ac Prophetæ sint. Quanquam si columnæ aliæ in Ecclesia quærendæ, ac statuendæ sint, nimis ille quidē de

nobis gloriosè, ac magnificè sentit. Sunt alij multo vetustiores, atque ampliores in iisque clarissimi Prædicatorum ac Minorū ordines: qui vt vetustate, ac rerum gestarum gloria nobis præstant, ita hanc quoque laudem sibi vendicant: Eorum nos vestigia longo interuallo sequimur, ac virtutem quantum nobis fas est æmulamur. Denarium, quem illi conuentione facta cum magno patre familias suo quasi iure repetunt; nos vndecima demum hora vocati Domini liberalitate speramus; sua illis gloria, suus honor, sua facinora, suum etiam nomen est: nobis communis imperatoris nomen quia nostro noui homines carebamus, inditum est. illorum laboribus, eruditione, scriptis & antiquæ hæreses pridem extinctæ, & recens ista ante iugulata, quam nata est. Ex eorum fontibus nostri riuuli promanarunt: qui tamen quæ Dei benignitas est, innabiles aduersariis sunt.

Quod verò ad certamen nos prouocat confidentissimus adolescens; Thrasonem agit; Quæro enim cominus ne manum conferere mutuis interrogationibus, responsionibusque; an scripto e minus causam hanc disceptare nobiscum malit; si coram, ac viua voce agi placeat; aut fidem nobis publicam ab Rege, ac Magistratibus dandam curet, vt impunè venire, vt causam fidei defendere, vt nouum Euangelium antiquo euertere ritè liceat; alioqui inter secures, ac laqueos quis locus esse iustæ disputationi potest? aut si id desperat, per breuis est ex Anglia traiectus in Galliam; cò se conferat, non deerunt opportunitates faciendi vel suæ, vel nostrorum hominum eruditionis periculi. Quod si quia præsens aduersarius vrgetur, premitur, tenetur, constringitur; congressum metuit; atque è turbo minari, ac laceffere hostem mauult: nã ille alienis laboribus gloriam cap-

tat.

nat. Obscurus enim alioqui, atque vna nocte fungi instar è terra natus adolescens ex aduersarij luce splendorem quærit. quique neglectus, ac nullo loco habitus sordet in suis, in alienis scriptis nitere vult. quid enim affert non decantatum à suis millic; ac bis millic à Catholicis confutatum? quorsum igitur quæ ab Hæreticorum coryphæis obiecta, à Catholicis diluta sunt; suo etiam nomine confutanda proponit: nisi vt

Aeneæ magni dextra cadens,

Gloriam quam à victoria non poterat, à victoribus suis inueniat? At enim forsàn è Ratisbonensi nostrorū hominum cum Lutheranis colloquio tyro, planeque rudis animos sumpsit? Agnosco notam adolescentis inscitiam ne, an insaniam. Veteranus quidem certè, quiq; intelligeret ea, quæ legeret, animo cecidisset: Quid enim ^{*Vide præfat. Proto-*} causa fuit gloriosis illis vestris Euangelicis, vt colloquij illius acta corrumperent? nempe quia Iesuitæ ^{*colli Monach. &*} velutifulmine icti, atque attoniti quid aut responderēt, aut obicerent non habuerant. Quid in ipso colloquio. ^{*Apolog. præfat. T. 1. meri cap.*} cur disputationis leges, in quas ipsi conuenerant, adduci nunquam potuerunt, vt seruarent? nempe Iesuitæ eorum aspectu territi, nihil afferebant quod ad rem faceret. Verus est eorum consuetudo, qui in veritatis investigationem incumbunt, iam inde à Socraticis ducta temporibus: vti cū de realiqua dubia quæritur, duab. tribusue propositionibus comprehensa ratio proferatur ab eo, qui impugnandi partes suscepit: quam ita diluat is, qui alterā partem tuetur, vt singulas propositiones vel concedat, vel neget, vel distinguat si quid continere videantur ambigui. Ita enim fit, vt nuda illa neque verborum, aut multitudine obruta, aut ambagibus inuoluta, aut adulterata lenociniis veritas magis eluceat: facilli-

facillimeque dispici etiam à minus doctis possit, quantum sit aut argumentationis, aut responsionis pondus; cum nullus ea ratione relinquatur tergiuersationibus locus Eam formam disputationis appellari moris est. Credo quod ea maximè disputationis, quæ ad inuestigandam veritatem inuenta est, natura contineatur. Hæc ut in eo colloquio seruaretur, & Lutheranis, & nobis iam ante conuenerat; quam etiam sine pactione vlla præscripta tot iam sæculis omnium Academiæ, ac sapientum consuetudine retineri oportebat. Sed ut ea omnem sibi tergiuersandi, fugiendique viam præcludi animaduerterunt boni ministri, nulla aut pactioni, aut consuetudinis verecundia contineri in officio posse: ut sese obuia quæque obtulerant, arripere: continenti oratione multa inuoluere: nihil distincte, nihil ad singulas propositiones respondere, non affirmare, non negare, non distinguere. Hinc illi ad rauim vsque clamores, uti disputationis forma seruaretur utque de propositionibus singulis aduersarij disertè dicerent, quid sentirent. nihil ad præsentem disputationem referre vera ne an falsa essent ea, quæ vti id, de quo agebatur inuoluerent, admiscebant. rem modo ipsam, de qua tunc agebatur attendi oportere; cetera alium in locum reici. **Quæ** Pouellus, ut in hoc toto genere tyro est, planeque peregrinatur, quorsum spectent, cuius dissidentiam prodant, à quo victoriam stare declarent; non intelligit. illud modo vnum nouit, id clamando suos obtinuisse, ne penitus obmutescerent. præclaram verò sapientiam; quæ anima lateribusque continetur. Sed tamen adolescentē harum rerum ignarum delectat illa suorum nescia cōpesci garrulitas. verbis enim isti, non rebus victoriam putant contineri. At etiam salis aliquid admiscere insulsæ

fulsæ ac frigidæ narrationi suæ voluit. *Quæ malū, inquit, & qualis hæc tam formosa, tamque monachis adamata forma est? Quam tu quoque, si mentis, quibus illa cernitur, oculos haberes; sine dubio adamares. Sed tibi quæ tandem esse videtur? Ista, inquit, quam suis coloribus, ad perpetuam rei memoriam ex ipsa protocollo huc contemplandam referre; & in honorem Loyolani gregis immortalitati consecrare lubet. In abortiuis videlicet scriptis tuis; quæ, quia nunquam nata sunt, nemoritura quidem sunt vnquam. Sed colores istos, quos tu videre capta mente non potes, Tyresia more tandem aliquando aliis videndos vaticinare. Protocollo. Lauing. sess. 12. pag. 354. linea prima, & protocollo. Monach. sess. 12. fol. 132. d. linea prima; lineam etiam adnotas? laudo diligentiam; nimis illam quidem superstitiosam, ac minutam: sed quæ in adolescentulo in iis rebus, quas capit, non in iurioso propter spem, atque indolem delectare possit. syllabam tu mihi etiam atque litteram adnotasses: iuberem macte virtute esse: haberem quæ de re publicis tabulariis pollicerer. Istam tu mihi diligentiam in proferendo ad finem compellationis tuæ Bellarmini loco adhibuisses, fidem in re tanti momenti non desiderarem tuâ. In hac questione, inquis. (de Antichristo) nihil certi ex patribus colligi potest, quod & vester Achilles Bellarminus fateatur. At quo loco? quo libro? qua controuersia? quo controuersiarum suarum tomio istuc somniauit vnquam Bellarminus? Nisi forte quia libro 3. de Romano Pontifice, cap. 12. quod primo etiam libro adnotauimus, negat aut ex Patribus, aut ex scripturis certò colligi posse, quæ ex tribus futurus sit Antichristus: idè tibi vniuersè negare videtur quicquæ ex patribus de illo certi colligi posse; vt si quis omnino sentire te negaret, quia Leo non es. quod erratum*

n

tibi,

tibi, ista eruditione adolescenti, condonari potest. Bel-
larminus profecto tam perspicuis, ac minime dubiis Pa-
trum testimoniis de Antichristo disputat : vt coëgerit
Abbatum in hac controuersia aduersus totam antiqui-
tatem, Patresque a pestas exceptiones interponere. Sed
redeamus ad nostra. E sessione illa 12. Ratisbonensis collo-
quij, quid habes Pouelle de forma, quod proferas?

Qui negat articulum aliquem fidei; is solum est Hæreticus:

Sed Hæreticus est, qui negat Tobiam habuisse canem:

*Ergo sequitur, esse articulum fidei quod Tobias canem
habuerit.*

Quæ postquam ex protocollo descripsisti. *Hæc est illa,*
inquis, vel ipsa Venerè vnnustior, & Thaidè compstior Loy-
lana forma At tibi ista fide, istis moribus, ista procacitate
adolescenti Venerem Thaidemque, quarum formas,
quia caroes, solas adamasti, sponte relinquimus : quid
in ea argumentatione reprehendas, quid indignum ea
disputatione censeas, scire peruelim. An parum digna
vel summorum ingeniorum disceptatione controuer-
sia tibi videtur esse de auctoritate sacrorum voluminū,
quæ nobis ad eò sacrosancta sunt; vt ne Iota quidem v-
num eorum apicem à diuina veritate alienum esse cre-
damus : vt si quis quippiam eorum, quæ in diuinis ora-
culis tradita sunt quantumuis alioqui per se leue videat-
ur, ita esse negauerit vt scriptura commemorat : is gra-
uissimi sacrilegij, atque hæreseos reus iudicetur. Ne-
que enim res ipsa, sed diuina testificatio attendenda est,
quæ si semel fallere, atque in errorem inducere nos po-
test; in ceteris etiam rebus nutabit eius auctoritas. Huc
ea de cane Tobia refertur argumentatio, qui Exempli
gratia solet afferri ad ostendendum, in rebus ad fidem
pertinentibus diuinam reuelationem, non rem ipsam,
quæ

quæ reuelatur, spectari oportere. Sed vobis qui ex cano-
ne, cum molesti sunt, integros etiam sacrarum litterarum
libros expungitis, paucula scripturæ verba non tā-
ti sunt, vt si quis ea asperneretur, ac derideat, idcō sacrile-
gum illum, atque hæreticum censeatis. Sed ad reliqua,
quid in hac formæ reprehendat attendite. *Quid?* inquit,
an non in eudendis argumentis, vel pueris se deridendos pro-
ponunt monachi; quantumvis personata, & meretricia sua for-
ma turgidi? cui vos scilicet morbo medicinā ab inscitia
quæritis Stulte. nam neque inflat medicata Christi cha-
ritate scientia: & periculosius plerumque tumet confi-
dentia, doctrinæ prædiis destituta. *Quia de materia ve-*
ritate, & copia in suis conscientiis desperarunt, ad solam formā
se receperunt. At quæ malum ista vestra est tam impati-
ens formæ tamq; aliena à ratione materia? Bruta nimi-
rum illa, atque concreta: cuius contagione hebescent
animi, luxq; penè omnis rationis extinguitur: quæ vos
abiectos ad pastum; mente ipsa atque intelligentia spo-
liauit. *Vt quoque modo perstringant hominum oculos, ne vi-*
deant, quam in rebus ipsis blasphemii Monachi, & miseri sint.
Credere si disputationis forma, ac perspicuis, iisque
paucis verbis exposita tum argumentatio, tum respon-
sio res inuolueret; atque implicaret: non explicaret po-
tius, ac sub oculos poneret. Nunc cū disputationi splen-
dorem, veritati lucem afferat: latere non cupit homi-
nes, qui retinendam eam in disputatione curat; quam-
uis tenebrionum perstringat oculos, odisse quidem cer-
tè lucem eorum est, qui male agunt. Tu verò etiam ca-
lumniari pergis. *quamlibet, inquis, captabant ansam collo-*
qui abruptendi. tam enim querulabantur, in frugiferum esse
eum Evangelicis disputare. Calumniam hanc esse ex Rela-
tione Tanneri part. 3. cap. 4. intelliges. Quam autem

præterea frugem ex eo colloquio expectarent, in quo confusè ac perturbatè omnia, nihil ex præscripto fieret? neque tam ratione, quam voce lateribusq; certaretur? Sed vestri illi tam strenui defensores cum Iesuitas viderent desperatione consternatos abruptendi colloquij occasionem quærere; cur in re alioqui iusta eorum postulatis non satisfecerunt: ut quod ante promiserant, in forma, ac paucis responderent? Quantum ea res ad perfectum quinti Evangelij? quantum ad vestri nominis gloriam contulisset? Quid disputationis forma, quæ tantum ad inveniendam veritatē valet, officere iis poterat: qui primo congressu ita perculerant aduersarios; ut ad formam, tanquam ad asilum confugerent? quam illis latebram si præclusissent: quā opimum de Romana Ecclesia triumphum reuexissent? Nimirum ut adultèrinum aurum ignem, sic informis eorum disputandi ratio formam ferre non potuit.

At enim cum duæ adhuc resstarent argumentorum classes, quibus Monachi probare debebant, I. suam Pontificiam esse veram illam Catholicam Christi Ecclesiam. II. Pontificem Romanum esse omnium Controuersiarum Religionis Iudicem; quod in sessione undecima ab Euangelicis, id flagitantibus, & urgentibus blasphemis monachis, Papa necessariò dictus fuit Antichristus; sessione demum decima quarta protestationē interponi curarunt: ut hoc saltem prætextu disputationi publica, in qua se nihil hætenus obtinuisse neque deinceps quicquā lucrifactoros videbant, finem imponerent. At ò bone adolescens, qui tam superstitiosè paulò antè non verba tantum, ac paginas sed lineas etiam è duobus protocollis, cum minimè opus esset, adscripsisti: cur hæc quæ causæ tuæ non minimum profutura erant, tam oscitanter tractas? Cur verba, quibus efflagitantur Iesuitæ, uti Luthera-

rani

rani Papam Antichristum esse dicerent non subiecisti? Mendacium scilicet hoc tuum est, non Protocolli fides.

Ad protestationem quod attinet; quam nostrorum hominum opera interpositam narras. Primum ex te scire velim, quid id compereris? certè non is erat serenissimus Bauariæ Princeps, ut aut pro se ipse non videret, quid facto opus esset: aut diutius pericacem illam furioforum hominum blasphemandi licentiam ferre vel deberet, vel posset. Deinde fuerit sanè ut tu fingis, nostrorum hominum opera ea protestatio interposita, cur ipsa eius verba, aut si minus vacabat, sententiam quidè certè non adscripsisti. Apparere non obscurè potuisset quam timidè Iesuitæ certamine cederent; quam fuitiles, quam inanes causas dissoluendæ disputationi prætexerent; quantum clamosi illi vestri laterones thorace, ac pulmonibus ad eos scilicet perterrefaciendos valerent. Nunc cum aliorum suspicionibus relinquere, quā teneri ea hominum conscientia malueris: iustam profecto suspicionem facis, non iniustam eam protestationem, nec inanem fuisse. Cæterum quem tui homines ex vniuerso hoc prælio animosi discesserint, quam præclaram ab hostibus victoriam reportarint, testis esse tibi poterit è Lutheranis non tam scriptis, quam factis famosus ille Minister Georgius Mylius, siue Mullerus, qui suis de methodo Theologicæ demonstrationis thesib., occasione colloquij Ratisbonensis, quod malè utique suis cecidisse intellexerat, hæc duo problemata his ipsis verbis adiecit. I. *Si Evangelici disputationis aleam subire cū Iesuitis velint, num necessitatis sit, ut se ad formam syllogisticam in argumentando & respondendo astringi patiantur? Respondetur negatiuè.* II. *sic cum iisdem in colloquium descendendum*

dum sit, num consultum saltem sit syllogistica tantum forma cum isdem agere? respondetur negatè. Ita Mylius iste, quem roges licet, quidnam ei tantum odij erga syllogisticam formam conciuerit, suorumnè ex hac forma accepta strages, an obtenta victoria? sed quia fortasse ex domesticis fidei tuæ Calvinistam aliquem audire potius testis voles, en tibi Dauidem Pareum celebrem hodie Haidelbergensis Theologiæ professorem, qui in sua de scripturæ sacræ autoritate, &c. disputatione itidem post colloquium edita, thesi 117. de Lutheranis disputatoribus quoad ipsum totius disputationis caput ita censuit: Quinto (inquit, sequitur) quòd non satis cautè negatum fuerit ab eorum (Iesuitarum) Antagonistis Ministris in colloquio Ratisbonensi id (dogma de libris Canonici) esse articulum fidei, siue generaliter, siue specialiter. Magis incautè concessum, id haberi ex traditione seu testificatione Ecclesiæ. si enim tantum vel præcipuè ex traditione seu testificatione Ecclesiæ id crederemus, utique principium fidei, imò tota fides nostra, niteretur testimonio Ecclesiæ, scriptura verò non esset unica norma fidei & dogmatum: & sic haberent Aduersarij (Iesuitæ) quod volebant. Habes quid Lutherani sentiant de Ratisbonensi colloquio, & quid Calvinistæ habes. Tu quid contra mutias, ipse videris. Interim tuorum te Iudicum sententia damnatum teneo.

F I N I S.









5-27

56